

**IMONG
PINANSYAL NGA KAUSABAN**

Ang Gahum sa Pakigsaad

GARY KEESEE

Akong Minahal nga Higala kang Cristo,

Ang among pagampo nga mahimong panalangin kini nga mga pagtulon-an og usa ka pagdasig kanimo! Ikalipay namo nga imo kining ipaambit sa imong mga higala, pamilya ug mga membro sa imong simbahan. Makahimo usab ka pag-adto sa FLNFree.com sa pag-dowload sa dugang pang mga kopya ug daghan pang mga pagtulon-an nga nahubad sa imong lingguwahi.

Gimahal ka sa Dios ug aduna Siya maanindto nga plano sa imong kinabuhi! Ang pagtuon kon sa unsang paagi nga ang gingharian sa Dios nagapamuhat nakpausab sa among kinabuhi sa mas hilabihan ka maayo, ug nagsalig kami nga mao pod kini ang mahitabo kanimo!

Uban sa Pagmahal ni Cristo,

Gary og Drenda Keesee



P.S. Ayaw kalimot sa libheng pagdownload sa among website nga FLNFree.com alang sa daghan pang mga libheng pagpanudlo nga nahubad na sa imong lingguwahi.

K A U

IMONG
PINANSYAL NGA KAUSABAN

Ang Gahum sa Pakigsaad

S A B

GARY KEESEE

A N

Your Financial Revolution: The Power of Allegiance, Cebuano

Copyright© 2024 by Gary Keesee

Originally published in English Copyright © 2015 by Gary Keesee

ISBN: 978-0-9729035-9-2

Gary Keesee Ministries

P.O. Box 979, New Albany

OH 43054, USA

GaryKeesee.com

This book is a FREE GIFT from Gary Keesee Ministries and is
NOT FOR SALE

Imong Pinansyal nga Kausaban: Ang Gahum sa Pakigsaad

Copyright© 2024 ni Gary Keesee

Ang orihinal nga pag-imprinta Ininglis Copyright © 2015 ni Gary Keesee

ISBN: 978-0-9729035-9-2

Gary Keesee Ministries

P.O. Box 979, New Albany

OH 43054, USA

GaryKeesee.com

Kini nga libro usa ka LIBRENG DASA gikan sa from Gary Keesee Ministries ug
DILI BALIGYA

ANG SULOD

PASIUNA	07
PASIUNANG BASAHON	09
KAPITULO 1 Ang Gingharian	21
KAPITULO 2 Ang Asul nga Hanap nga Kahayag	61
KAPITULO 3 Palihog O Ginoo, Kaloy-I Intawon Ako!	69
KAPITULO 4 Ang Higanteng Isda	99
KAPITULO 5 Kang Kinsa man To nga Pagpili?	109
KAPITULO 6 Ang Panalangin sa Ginoo	145
KAPITULO 7 Ang Pultahan	165
KAPITULO 8 Ang Gahum sa Pakigsaad	173
KAPITULO 9 Pakaona Sila!	183
KAPITULO 10 Tigumon, Dili Pabulaon!	197
KAPITULO 11 Ang Paglupad mas Sayon pa kay sa Paglakaw!	203

PASIUNA

Dugay na akong nagtinguha nga masulat ang byahe namo ni Drenda nga kauban ang Dios kanunay sa pipila na ka tuig karon. Ang among kinabuhi nanga-usab gayud! Nakita namo ang tanang milagro nga nahimo ni Ginoong Jesus diha sa Bibliya, nga nahitabo ug nakita usab namo sa among atubangan sulod sa daghang katuigan, nga ang patay nabuhi, ang paralitiko nakatindog, nakalakaw ug nakabalik sa trabaho pagkasunod nga adlaw, dili maihap nga mga katawhan nga nangaayo ug napasig-uli ang salapianong bahin sa ginatos ug linibong katawhan. Apan ang dagkong mga milagro nga among nakita, nahitabo mismo sa among kaugalingong pamilya ug sa among personal nga kinabuhi

Ang akong tumong niini mao ang pagdala kanimo sa usa ka biyahe, biyahe sa pagdiskobre nga akong gilauman nga mag usab sa imong kinabuhi sama sa kausaban nga nahitabo kanako. Kini nga sugilanon dili ikasulti sa usa ka libro lamang. Tungod kay kini mao ang una sa daghang mga libro nga mogiya sa imong kaugalingon aron usabon ang imong kinabuhi diha sa salapianong bahin ug masugdan ang pagpadayag sa mga tinagong bahin sa Gingharian sa Dios nga maoy nakapausab sa akong kinabuhi. Alang kanako, usa kini ka mahinamon nga biyahe nga dili gayud matapus. Kitang tanan magkat-on niini! Kay ang kahibalo bahin sa Gingharian walay pagkapoul.

Mapasalamaton kaayo ako sa Dios. Kay ang Iyang kalooy bag-o kanunay matag adlaw, ug Siya mapailubon ug mapasayloon, nga nagagiya kanato paingon sa dalan sa kaluwasan. Dili ko kamo mauban niini nga biyahe kon dili nako unahon paghisgut ang akong talagsaon nga asawa, nga mao si Drenda. Ang iyang kasingkasing nga para sa Dios ug ang iyang gugma ug pailob nganhi kanako nga maoy naghatag kanako ug kaisog aron akong atubangon ang mga kaluyahon ug aron mangita sa mga tubag sa Dios nga maoy gikinahanglan kaayo nako. Uban sa dako kaayo nga kalipay nga mapaambit ko kini kanimo.

Ang Imong Pinansyal nga Kausaban
Ang Gahum sa Pakigsaad



PASIUNANG BASAHON

*Gihikawan mo ako sa kalinaw;
Ug wala na nako nasinati ang kaharuhay*

—PAGBANGUTAN 3:17

Nimata ko nga nahibalo nga adunay dili maayo, dili gayud maayo! Adunay dakong kahadlok nga gustong mulamon sa akong hunahuna sa dihang ako mimata, wala koy mabating lami sa akong dila, bisan akong kamot, tiil ug ang pikas nakong nawong naminhod usab. Akong gipukaw si Drenda ug naglisod ko pasulti kaniya unsay nahitabo sa akong tibook nawong ug sa akong dila nga dili na malihok. Unya akong namatikdan nga ang akong kasingkasing kusog kaayo ang pagpitik niini ug naglisod ko sa pagginhawa samtang akong gisaysay na kaniya ang akong kahimtang. Mibangon dayon siya ug dihadhiha iya dayon kong gi ampoan. Sa hinayhinay ang talagsaon ug hadlok nga pagbati medyo nakuhaan gamay. Mibalik ko sa paghigda sa katre samtang si Drenda mihatag kanako ug makaon. Nalibog ug nahadlok ko kon unsay nahitabo sa akong lawas samtang naghigda ug nag-ampo. Mga balod sa kahadlok buot moanod kanako; kahadlok nga wala pa nako nabati sukadmasukad sa akong kinabuhi nga buot moatake sa akong hunahuna.

Ang akong kinabuhi nga nailalom sa utang ug ang kanunay'ng panginahanglan sa kwarta matag adlaw maoy nagtipig sa kahadlok nga daw normal na nga bahin sa akong kinabuhi. Nailalom ako sa hilabihang kalisod sulod na sa daghang mga katuigan mahitungod sa akong salapianong bahin nga nag-anam na ug kapordoy. Gipahimutang ako nga mahimong tig-baligya apan wala gyu'y maayong kita. Nangabang kami sa usa ka karaang balay nga gamay nga kon tan-awon

murag wala gyud naatiman sukad nga kini natukod. Basin murag subra ra kaayo ang akong pagkasulti niini nga bahin, apan ang balay sa tinuod wala na gyud sa insaktong porma. Ang mga bintana niini mikang-a na ug dunay mga sagbot nga mitubo na gani niini diha sa among hawanan. Daghang mga kwadro nga nangaboak ug among na lang gitapakan ug mga karton ug unya gibugkosan. Bisan gabok na, napahiluna gihapon ni Drenda ang among balay. Apan bisan pa man sa iyang talagsaong abilidad, dili gyud namo malimod nga aduna pay daghang kinahanglang ayuhon sa balay nga dili gayud namo maayo.

Ang tanan nga ania kanamo anaa sa samang kahimtang—guba kaayo! Ang among mga sakyanan karaan na, subra duha na kagatos [200,000] ka milya ang nadagan niini, ug halos dili na gani moandar dayon. Ang among duha ka anak natulog lang sa mga kotson nga among nakuha gikan sa balay nga gipuy-an sa mga gitabangan sa gobyerno. Ang mga banig sa salog sa ilang kwarto amoang nakit-an ug gikuha gikan sa mga basurahan nga anaa sa dalan. Ang pagprenda maoy among naandang kinabuhi, ug nagapanghulam kami ni bisan kinsang among gihunahuna nga makatabang kanamo. Unsay among ika baligya kada adlaw mao rapoy ikapalit sa among pagkaon, kanunay'ng nangita ug paagi aron makalahutay ug naglaom basin ugma damlag adunay maayong moabot.

Ang akong napulo ka credit card pila ka bulan nang naputol, ug ang akong tulo ka kompanyang utanganan, nga anaa sa 28 ka porsyento ang tubo, kolektahonon pa. Ang akong bayronon sa sakyanan (sa tinuod lang, aduna pa koy dakong utang nga bayronon sa akong mga karaang sakyanan) anaa pay 120 ka adlaw nga bayronon ug hapit nang imbarguhon. Ang matag sulat pahibalo sa bayronon kanunay maulahig bayad. Mga paghukom ug mga pahibalo sa mga butang kuhaonon gipasaka na batok kanako, adunay tawag nga mamukaw kada sayo sa buntag kay maningil. Nakahulam pa gyud ko ug kwarta sa gobyerno, ug sila usab adunay gipasaka nga kaso batok kanako. Ako ug si Drenda nanghulam ug kwarta sa among mga ginikanan nga mikantidad og 26,000 ka dolyares, ug gani sila usab gikapoy na ug tabang nganhi kanamo. Ang among refregeritor talagsa nalang mapuno ug pagakaon. Ang among kuryente kanunay mabutang sa kakuyaw nga maputlan sa kompanya nga nagkonektar niini, usahay kini mahitabo kada bulan. Ug miabot na gyud ko sa tumoy sa pisi sa akong pagbati.

Karon ang kabalaka adunay gihimo nga talagsaon sa akong lawas nga wala ko kasabot. Human ko nakapacheck-up sa mga doktor, sila miingon nga ako nakasinati daw ug atake sa kahadlok (panic attack) ug naghatod kini kanako sa pagkaguol. Ug gani, kini nga atake sa kahadlok nagpadayon ug nagkakusog nga tungod niini miabot ko sa punto nga mahadlok nakong mobiya sa among balay. Unya pinaagi sa madag-umong mga adlaw sa kahadlok, samtang ako nangita ug mga katubagan niini, akong namatikdan sa pagkaon nga adunay gisagol nga asukar, harina, ug pangsagol sa kapi (cafein), mihatod hinoon sa laing atake sa kahadlok nako. Mao nga mahadlok nako mokaon ug nagmabinantayon na sa bisan unsang akong kaunon. Ang akong kinabuhi nahimong ginapos nga miabot sa punto nga dili nako makatrabaho, nga maoy miduot ug samot diha sa kalisod sa among salapianong bahin.

Ang akong asawa naghunahuna na nga mawad-an na gyud siya ug bana, ug iya kong gisulti-an human sa akong kaayuhan nga nagplano na siya kon unsaon niya pag-atiman ang among mga anak. Mihilak ko ngadto sa Dios alang sa mga katubagan samtang wala koy kahibalo kon unsa ang akong pakig-away. Ang mga doktor nagnalan og dagkong mga balati-an dinhi kanako, nga nag-ingon nga kini maayo ra apan kinahanglang moinom na ko ug tambal hangtod sa hangtod. Ang ubang doktor nag-ingon usab nga hapit na ko mahimong diabetic, ingon sila nga ila kong experementuhan samtang nagkagrabe ang akong balati-an hangtud matigulang ako.

Bisan tuod ako usa ka Cristohanon, pero wala koy kasinatian diha sa espirituhanong pakigubat o unsaon pagbarug batok sa kaaway. Gani niini nga punto, wala ko kabalo nga nakig-away na diay ko ug dautang espiritu. Nagtuo ko nga aduna lang koy problema sa akong kalawasan ug naghangyo sa Dios nga unta Iya kong ayuhon. Ingon nga usa ka Cristohanon, kahibalo ko nga ang Dios maoy akong tubag. Pero niadtong higayuna akong gibati nga ang Dios layo kaayo. Ang mga doktor naghatag ug mga pangalan sa sakit nga ilang nakita basi sa akong kahintang ug kini adunay koneksyon sa akong problema sa hunahuna ug kini mamahimong matambalan lamang pinaagi sa pag-inom ug lainlaing tambal. Sama sa ako nang nasulti, wala nay koy kaayuhan, kini temporaryo lamang nga pagtagad aron maalalayan sa pag-atiman ang kondisyon sa akong hunahuna. Adunay laing epekto ang tambal nga

akong gitumar ug wala hinuon kini nakatabang kanako. Gani akong pagtoo nagdugang hinuon kini ug laing sintomas sa sakit. Sa ilang gihimo, akong gibati nga daw nagpuyo nako sa panganod, ginasamok kanunay sa kahadlok nga anaa sa akong hunahuna nga dili na nako makontrolar. Wala koy tubag, ug walay nakatabang. Kini nagapadayon sulod sa pipila ka mga semana, ug ang akong pagkadismaya nagkadako samtang ang mga sintomas sa sakit ug kahadlok daw mohari na sa akong kinabuhi.

Apan usa ka gabii niana, aduna koy dakong kadaugan samtang nangita ko sa tubag sa Dios. Akong nadiskobrehan ang usa ka dakong susi sa akong kagawasan. Samtang didto ako sa akong gipasilungan nga simbahan ug nag-apil sa merkules nga simba sa gabii. Panahon sa pagdayeg ug pagsimba, miabot kanako ang hilabihan kadakong atake sa kahadlok, wala ko kabalo kon unsay akong buhaton. Mora'g wala nakoy paglaum, ug kahibalo ko nga nagkinahanglan kaayo ko ug pag-ampo, mao nga miadto ko paingon sa atubangan. Bisan tuod nakadisturbo ko sa pagsimba, wala gyud ko nanumbaling niini. Nagsimba ko sa usa ka dakong simbahan ug ang pastor wala makaila kanako, apan ang usa sa mga membro sa mga pagdayeg ug pagsimba nakaila kanako. Samtang mikamang ako paingon sa atubangan tungod sa akong kadismaya, ang tanan mihunong ug ang tanang mata mitan-aw kanako. Unya ang nakaila nako nga membro nga nakakita kanako midali sa pagbabag sa mga gwardiya nga gustong mopugong kanako sa akong pag-adto sa atubangan.

Samtang gisaysay sa membro nga nakaila kanako ngadto sa pastor ang akong kahimtang, akong nakita nga nalukmay ang pastor. Miduol siya kanako ug iyaha kong gi-ampoan. Ang akong amigo misulti sa pastor nga ako nagmasakiton. Ug mitan-aw ang pastor kanako ug miingon, “Aduna siya’y espiritu sa balati-an.” Ug tungod niana, iyang gipandong sa akong ulo ang iyang mga kamot ug gihinginlan ang espiritu nga mopahawa. Ug niana gayung higayuna, ang hilabihang kadako nga butang nahitabo—Ako nakabaton ug kagawasan. Sa unang higayon sulod sa daghang mga bulan, normal na ang akong pagbati, wala nay hunahunang naghasol. Wala nay kahadlok, hinoon, ang lawom nga kalinaw miabot. Sa pagsulti nga ako mapasalamaton, kulang kaayo kini. Sa pag-ingon nga ako malipayon na, dili gayud masulti ang akong gibati. Gibati nako nga daw mapaling, ug daw gaan

kaayo sama sa balhibo ang akong kaugalingon apan puno sa kalipay.

Human sa simba, si Drenda ug ako miadto sa usa ka Pizza Hut kauban sa among mga higala aron magpasalamat. Samtang naglingkod ko didto nga nagkaon sa akong Pizza, nahinumdom ko sa usa ka awit diha sa radyo nga gipatugtug, ug dihadiha, akong namatikdan ang samang balati-an sa kahadlok nga akong gibati miabot kanako daw habol nga mitabon kanako—ug kini mibalik. Unya, niadtong higayuna wala ko masabtan nga kadto diay usa ka espiritu. Ang pastor maoy misulti nga kadto usa ka espiritu sa balati-an, pero wala ko kahibalo unsay buot ipasabot niini, ug medyo nalibog ko ug gamay. Nagtuo ko nga naayo na ako panahon sa pagsimba, apan sa tinud-anay wala pa diay. Pagkasunod nga adlaw nakigbugno na usab ako sa espiritu sa kahadlok, apan dili nako' mapugngan sa paghunahuna kon unsa ang nahitabo didto sa akong pagsimba sa simbahan. Sa dihang ang pastor nag-ampo kanako wala siya mag-ampo nga ako mamaayo, gani iyang gimando-an ang espiritu. Ngalan nga ang kondisyong mipailalom sa akong pastor nga daw kini espiritu ug dili sakit, (sa akong gikaingon, imong makita kon unsa pa ko ka bata diha ni Cristo nga wala makaamgo niini). Sa maong panahon, gamay pa ang akong nahibaw-an bahin sa espirituhanong pakigbugno, pero wala ko kabalo nga tinuod diay nga dunay mga demonyo, hinuon, nasayud ko nga tinuod kini. Nakakita ko'g usa nila.

Sa batan-on pa ako, akoy gipadumala sa usa sa duha ka tindahan sa pizza nga gipanag-iyahan sa akong mga ginikanan. Usa ka gabii niana, usa ka tawo miabot ug misulti kanako nga maghimo siya ug usa ka panagtigum sa usa ka dapit ilalom sa lokal nga simbahan sa Methodist. Giimbitar ko niya nga moadto ug moapil. Iyang gitapos ang iyang imbitasyon sa usa ka pulong nga nag-ingon, “Si Jesus nagpadayong namuhat sa kon unsa ang iyang gibuhat kaniadto diha sa Bibliya.” Dihadiha, nakakuha kini sa akong pagtagad. Nagbata ko nga anaa sa simbahan. Akong gihatag ang akong kasingkasing sa Ginoo panahon sa among Vacation Bible School sa dihang anaa pa ako sa grade five. Apan wala pa ko nakakita sa gahum sa Dios nga miayo niadtong mga tuiga, wala gayoy nakapakuha sa akong pagtagad nga akong nahibaw-an nga milagro gikan sa Dios. Tungod niana ang akong kinabuhi nahisalaag gikan sa Ginoo niadtong mga tuiga. Matag karon og unya niadtong mga tuiga, maghimo ko ug bag-ong pakigsaad sa Dios sa pagsimba. Apan

ang akong tinguha niadtong higayuna wala gayud molungtad. Apan kini nga tawo morag lahi kaayo. Kay nag-ingon man siya nga si Jesus namuhat gihapon sama kaniadto nga naa sa Bibliya? Interesado kaayo ko bahin sa iyang gisulti. Pipila sa akong mga trabahante nagsimba adtong simbahana, ug midasig sila nga moapil ko, mao nga midisision ko sa pagtambong.

Sa unang gabii nga anaa ko didto, akong nabati ang presensya sa Diyos sa paagi nga wala nako' nasinatian sa una. Mora'g daw ako gayud mabati ang presensya sa Dios; Tinuod gayud. Kay ang mensahe nga gihatag sa maong tawo gamhanan kaayo, ug nangutana siya nga kon aduna bay gusto nga ihatag o ihatag pag-usab ang ilang kinabuhi ngadto kang Jesus. Akong gipataas ang akong kamot. Ug pagkaanindot sa maong gabii. Nalipay kaayo ko. Mao nga gusto kong sultihan ang tanang tawo kon unsa kadako ang Dios.

Niadtong mga panahona, wala pay Internet, CD o cassette tape, unya adunay tulo lang ka channel sa among telebisyon. Ang among lungsod gamay lang, mao nga wala kaayo kay daghang mabuhat human sa daghang oras sa trabaho. Mao nga ang mga batan-on kasagaran adto dayon sa kan-anan sa pizza alang sa ilang kalingawan hangtod gabii. Kasagaran maniradom itag-ala unan asaka adlawon. Labinakon, panahon sa Bernes ug Sabado sa gabii, ug ang among parkinganan mapuno sa mga batan-on. Daghang panahon nga kinahanglan papahawaon nako sila. Kay lisod na sa among mga kostumer ang pagpahiluna sa ilang kaparkingan. Adunay mga gabii nga sila manggi-away ug kinahanglang pakgangon pinaagi sa mga polis ug papaulion ang mga batan-on sa ilang panimalay. Apan karon aduna koy nahunahunaan, nga kadtong mga batan-ona nagkinahanglan makapaminaw bahin kang Ginoong Jesus. Mao nga migawas ako ug misulti kanila nga kon kinsa kanila ang buot magpabilin, maghimo ko ug Bible study sa pizza shop human sa among pagsirado. Hunahunaa, anaa kini sa mga 1:00 hangtod sa 1:30 sa kaadlawon. Wala ko hunahunaa kon adunay usa ba nila nga mutambong, apan kabalo ka unsa? Ang uban nila miabot, ug ang uban sa akong mga trabahante nagpabilin usab. Sa unang gabii nga akong gibuhat ang panagtigum, usa sa mga batan-on nga lalake didto gustong mangalagad ni Cristo ug nangutana siya kanako kon unsay angayan niyang buhaton. Karon, kini nagpadayag sa talagsaong problema alang kanako kay wala ko pa hunahunaa kana nga bahin. Hinumdomi, Wala pa koy nahibaw-an bahin sa Bibliya, apan nakabasa ko sa kasulatan nga

daw nagtubag sa akong gikinahanglan.

Ug ang matag-usa nga motawag sa ngalan sa Ginoo mamaluwas.

BUHAT 2:21

Morag sayon lang kaayo, mao nga kana ang akong gidesisyunan nga buhaton. Kay gibiyaan na kini nga batan-on sa grupo sa dihang siya midool kanako nga may pangutana, mao nga akoa siyang gisultihan nga molingkod sa bangko ug mosulti sa pangalan ni Jesus. Nagtoo ko nga ingon lang ana ka sayon buhaton, apan milingkod ko didto sulod sa duha ka minuto, ug wala siyay gisulti bisan usa ka pulong. Mao nga akong giusab ang akong pahimangno, uban sa paghunahuna nga tingali wala siya makadungog kanako. Apan wala gihapon siya musulti. Unya akong namatikdan nga siya nagkurog. Ug akoa usab nga masulti nga sa iyang lihok aduna siyay kalisod sa paglitok sa pangalan ni Jesus. Dihadiha sama sa usa ka dakong sapa sa tubig nga mibuhagay, iyang nadali pagsulti ang pangalan ni Jesus, ug ang kalinaw miabot sa iyang panagway. Maayo kay kini nagmalampuson. Ug mao na kadto ang akong ginahimo kanunay kong adunay gusto mohatag sa ilang kasingkasing ngadto sa Ginoo. Buot ko nga sila molingkod sa bangko ug musulti sa ngalan ni Jesus. Halos walay sayloan, ug kasagaran dili dayon dihadiha makasulti sa pangalan ni Jesus. Magsugod pa sila sa pagkurog, ug unya, daw maglisod, ug kasagaran dalion nila sa pagsulti ug paghuman moabot dayon kanila ang kalinaw.

Usa niana ka adlaw samtang anaa ko sa likod nga kwarto nga nagsagol sa harina para sa pizza, nakadungog ko ug tuktok sa pultahan. Ug samtang akoa kining giablihan, akong nakita ang duha ka batan-on nga nagtindog nga kanhi kong nasultihan bahin kang Cristo. Giimbitar nako sila sa pagsulod, ug usa kanila miingon nga gusto niyang ihatag ang iyang kasingkasing sa Dios. Mao nga akoa siyang gipalingkod sa bangko, ug sama sa uban, nagsugod siya sa pagkurog ug sa katapusan nakasulti bahin sa ngalan ni Jesus. Sa dihang mihangad ako sa ibabaw, akong nakita tong laing batan-on nga miatras gikan kanako ug milabang sa laing kwarto nga anaa sa daplin nga daw sama sa usa ka gikulong nga hayop. Gusto niyang buslutan ang bongbong sama nga gusto siyang mopalayo kanako. Talagsaon kini ug wala koy ikapasabot niini.

Samtang nagtindog ako nga nagtan-aw kaniya, sa kalit lang miabot

sa akong hunahuna, “nalibog ko kon kini iya ba sa demonyo.” Wala gayud koy kasinatian bahin sa mga demonyo. Hinoon nakabasa ko bahin kanila diha sa Bibliya. Dili nako mahunahunaan ang laing pagpasabot bahin sa iyang talagsaong mga lihok. Mao nga miingon ko, “Jesus, demonyo ba ni?” Dihadiha, sama sa tabon nga nakuha, akong nakita ang demonyo nga nagbitay sa kilid niini nga batan-on. Ug ang demonyo adunay tulo ka piye ang gitag-on. Ug mikapyot kini kaniya nga baliktad kay ang tiil anaa sa taas. Ang mga tawo kanunay mangutana kanako, “Unsa may dagway sa demonyo?” Kini daw sama sa unggoy apan medyo lahi rapod gamay. Pero balhiboon sama sa unggoy, adunay taas nga kamot sama sa unggoy, apan adunay sulaw ug pula nga mata nga dili mahitsura. Mga minutos nga nakita nako kadtong mga mataha, nahadlok ko sa hilabihan gayud tungod sa kasuko nga akong nakita niadtong mga mataha labaw sa akong makaya. Ang pinaka maayo nga paagi nga akong mahulagway niadtong mga mataha mao ang daw tubig nga kasuko, nga milusot ug daw dili makita. Nakahibalo ko nga kining butanga dili lang kay nasuko siya kanako kondili perte gyung sukua niya sa akoo.

Ug karon unsay angay buhaton? Wala ko kabalo kon unsay buhaton nga nakita na nako kini karon nga mga butang. Apan akong gihulagway nga kon ang ngalan ni Jesus nagdala kanato ngadto sa Ginghamarian, dapat aduna kitay kagahum batok niini nga demonyo, mao nga misinggit ko ug kusog kaayo, “Sa ngalan ni Jesus.” Dihadiha ang tabil nasirado. Kon mahinumdom ka sa karaang telebisyon nga black and white pa, sa dihang imo na kining palungon, dunay gamay pa nga anino sa imong gitag-aw nga hinayhinay mawala sa screen. Hinuon, daw sama niini usab kini nga mga butang. Dili na nako makita ang kinatibuk-an niini, apan akoo gihapong makita ang nagkahanap nga anino niini, sama nga ang tabil dali ra nga mitabon, ang batan-ong lalake dali ra usab nga midagan palayo sa among nahimutangan.

Mao nga, sa tinuod, nakahibalo nako nga ang mga demonyo tinuod gayud. Unta akong masulti nga usa ka higayon nakabalo ko nga ang akong problema usa ka espiritu, nakigbisog ko niini ug nakalakaw na diay unta ko ilalom sa kagawasan sukad niadtong higayuna. Apan wala dayon nahitabo diha diha. Makasubo man, nga bisan dugay nang katuigan nga ako anaa sa simbahan, apan wala gayud koy panahon sa pagkat-on kon kinsa ako diha ni Cristo ug sa pagkat-on unsaon

pagpatuman sa akong legal nga katungod batok sa kaaway. Apan karon nga ako nahibalo na o bisan nagsuspetsa pa nga basin ako nag-atubang ug espiritu, nadasig kaayo ko nga nakakat-on unsaon pagpildi niini. Aduna na koy kahibalo nga ang demonyo dapat magpailalom sa akong awtoridad, apan nalibog ko tungod kay wala man mahitabo. Pila ka adlaw ang milabay, aduna na usab koy positibong kasinatian nga nagpamatuod nga ang akong problema usa gyud ka espiritu.

Anaa ko sa akong kwarto nag-ampo diha sa espiritu ug nakadesisyon nga mohatag gayud ug igong panahon sa pag-ampo aron akong madawat ang tubag kon unsa ang nahitabo kanako. Ug sa panahon sa pag-ampo, dihadhiha nabati nako ang kagawasan ug nahimo na usab ako nga gawasnon, sama niadtong giampoan ko sa pastor. Nahimo kong gawasnon sulod sa duha ka oras niadtong gabhiuna usa' kini nibalik pag-usab. Apan karon sigurado gayud ko nga ang naghasol kanako usa ka espiritu kay natandog man kini sa pag-ampo. Busa akong gipaningkamutan nga moampo napod pag-usab apan wala kini matuman. Mao nga misugod ko ug basa bisan unsa nga akong mabasa bahin sa espirituhanong pakigbugno ug naghatag panahon sa pagbansay kon kinsa ako diha ni Cristo. Apan kana nga butang wala gihapon makatandog. Mao na nga may usa ka panahon nga ako nag-ampo ug nakita nako nga ang espiritu misukol sa awtoridad nga anaa kanako. Nalibog ko, busa misugod ko sa makanunayong pagpangayo sa Ginoo kon unsay angayan nakong buhaton. Ug bisan tuod wala nako makuha ang kompletong kagawasan, wala nakoy mga atake sa kahadlok ug ang tanang nagbinhod sa akong lawas nawala na. Mao nga adunay nahitabong dakong kadaugan. Bisin nagpadayon pa gihapon ko sa pagpakigbisog sa naghasol nga mga hunahuna ug kabalaka, apan masaligon ko nga ako ginalig-on. Busa naghatag ko ug panahon kada adlaw sa pagsusi kon unsa ang gisulti sa Bibliya bahin sa atong kagahom diha ni Cristo.

Usa niana ka hapon, ako nakigbisog sa kasagarang bation sa tawo nga mao ang kakulba ug kahadlok samtang nagtrabaho ko sa akong opisina. Misulay ko sa pag-ampo ug pagsugo sa espiritu sa kahadlok nga mopahawa apan walay epekto, mao lang gihapon. Apan dihadhiha, nadungog nako ang tingog sa Ginoo. Misulti Siya kanako nga suguon ang espiritu sa pagpapahawa, ug buhaton ko kini sa makusog gayud uban sa kagahum. Ug midugang pa Siya nga kinahanglan ko

magbantay sa akong mga pagbati sa dihang ako mosugo na niini pagpapahawa, ug mubarog nga lig-on sa Iyang Pulong, dili sa kong unsa ang akong makita ug gibati. Nagtrabaho pako sa akong opisina niadtong higayuna, mao nga dili ko makahawa aron makasugod sa pagsinggit batok sa yawa kay adtong panahuna anaa pa usab ang akong mga empleyado nga nagtrabaho. Mao nga mitindog ko ug miadto sa kasilyas ug misulti sa kusog kaayo, “Pinaagi sa ngalan ni Jesus, gigapos ko ikaw espiritu sa kahadlok. Dili maayo ang imong gihimo, busa gisugo ko ikaw sa pagpahawa karon dayon, sa ngalan ni Jesus.” Walay nahitabo, wala nako nabati nga adunay kausaban. Apan nahinumdon ko kon unsay gisulti sa Ginoo nako nga nag-ingon, “Ayaw tagda kon unsa ang imong gibati.” Mao nga nagpasalamat ko sa Ginoo sa Iyang awtoridad nga Iyang gihatag kanako batok sa espiritu, ug nagsugod ko sa pagdayeg sa Dios nga ako gawasnon na. Mibalik ko sa akong opisina ug mibalik sa pagtrabaho. Samtang naglingkod ko sa akong bangko, bisan tuod wala koy gibati nga kausaban, akong gipasalamatan ang Ginoo nga gawasnon na ako sa tanang panahon kon ang kahadlok moatake sa akong hunahuna. Samtang ako nagtrabaho sa papeles sa usa ka customer namo, dihadiha akong namatikdan ang presensya sa Dios nga mikonsad kanako, ug nakakita ko ug usa ka itom ug aduna usab gamay nga panganod nga mipalayo kanako ug dali kini kaayong nawala paingon sa kisame sa akong opisina.

Ako gawasnon na!

Ang dautang espiritu sa kahadlok nawala na, ug kon kini mobalik man, nahibalo nako kon unsaon pagsukol niini. Nadasig kaayo ko! Busa akong gitawagan si Drenda nga akong asawa ug gisultihan nako siya kon unsa ang nahitabo. Ug mitubag siya nga moanha ko diha karon dayon, ug nagpasalamat mi niadtong adlawwa pinaagi sa pagpaniudto didto sa usa ka restawran nga gipanagiyahan sa usa ka Intsek (ug kini akong paboritong restawran). Buot na unta nakong usabon ang akong baruganan batok sa espiritu sa kahadlok sa daghang panahon human niadtong adlawwa ingon nga ang demonyo wala dayon mipahawa. Ug gani bisan tuod ang demonyo mipahawa na, ang salapianong problema sa akong kinabuhi wala pa gihapon masulbad. Mao nga ang kahadlok misulay na usab sa paghasol sa akong hunahuna bahin sa akong panalapi, ug kinahanglan kong makakat-on kon unsaon sa pagpakigbatok sa akong hunahuna aron ako magpabiling malinawon.

Aduna pay laing mga gubat sa akong kinabuhi nga kinahanglan

nakong suklan ug magkat-on usab niini, uban sa daghang espirituhanong leksyon bahin sa Gingharian nga akoa pang tun-anan. Apan ang rason nga gusto nakong masulti kini kanimo nga istorya aron ikaw makahibalo nga ako nakasabot kon unsa ang mga epekto niini sa tawo kon mabalaka siya sa salapianong bahin og sa iyang kinabuhi og kini moabli sa mahasulong pagbati sa kahadlok.

Buot kong makasiguro nga masayud ka nga nakasinati ako niana. Mao nga walay sapayan kon bisan unsang kakulian ang imong giatubang karon, ikaw adunay paglaom. Unta nakahibalo na ko sa Gingharian sa Dios kaniadtong bata pa ko. Medyo makasubo lang nga pamalandungon nga si Drenda ug ako nagpuyo nga adunay problema sa kwarta sulod sa siyam ka bulan nga dili unta kinahanglan. Apan bisan pa man, ang among pagkakulang sa kwarta dili na usa ka gamay'ng tingog lang sa radar; apan kini mao ang radar. Siyam ka tuig mi nga nagsigig pakilooy, adunay mga kaagi ug mga panghitabo sa among kinabuhi nga gipakaulawan me. Mga hitabo nga dili dali nako malimtan. Apan dalaygon kaayo ang akong asawa! Kay iyang gibuhos ang tanan nga anaa kaniya niadtong mga panahuna. Mao nga karon naningkamot gayud ko nga mopanalangin kaniya sumala sa akong makaya.

Kay sama nga ang Ginoo nagtudlo kanako unsaon pagpakigbisog sa dautang espiritu sa kahadlok, gisugdan usab ko Niya sa pagtudlo unsaon pagpakigbatok sa dautang espiritu nga nagdaot sa akong salapianong bahin. Kon unsa may gitudlo sa Dios kang Drenda ug kanako, ug sa kon unsa ang Iyang gipakita kanamo bahin sa among pinansyal, nagdala kini og dakung kausaban sa among kinabuhi nga amo nang gikomitar ang among nahibiling katuigan sa pagtabang sa uban sa pagdiskobre sa samang mga prinsipyo.

Si Drenda ug ako nakaagi gikan sa pagkadesperado sa utang ngadto sa pagpalit og sakyanan nga gibayran dayon og cash, nagtukod sa among gidamgo nga balay nga walay utang, nakasugod ug tukod ug daghang kompanya, ug nagsugod usab kami ug usa ka programa sa telebisyon kada adlaw nga gi-uluhan og *Pagsulbad sa Salapianong Bahin*. Ug lain pa nga programa nga gihimo ni Drenda sa usa ka telebisyon sa ABC family network kausa sa usa ka semana alang sa pagtabang sa mga pamilya sa pagkinabuhi ug pagdasig sa mga kababayen-an. Unya gibati usab namo nga ang Dios gustong magsugod kami ug usa ka simbahan nga Faith Life Church, aron makatudlo kami ug liboan ka mga tawo bahin sa

Gingharian sa Dios ug kini among buhaton kausa kada semana. Ug kini makagasto gayud ug milyunes kada tuig aron mahimo kon unsay among ginahimo, ug gani kapin 200,000 ka dolyares ang magasto kada bulan sa programa pa lang sa telebisyon sa panahon sa pasulat niini. Hinoon kining tanan, dili posibling mahitabo kon wala ang Dios nagtudlo kanamo nga gusto usab namong itudlo kanimo niini nga libro. Ayaw ipakasama kini nga libro sa ubang libro kabahin sa pinansyal. Dili kini magtudlo kanimo kon unsaon paghimo ug budget, bisan tuod siguro kini gikinahanglan ug gisugyot. Dili kini gipanindot lang nga karaang “dili paigo nga kinitaan,” mao nga unsaon nato pag-undang niining atong panaghisgot.

Dili gayud, kay usa kini ka libro nga mutodlo sa kausaban, alang sa pakigbisog batok sa Gingharian sa kangitngit ug sa iyang pagdala sa kapubrihon. Usa kini ka libro sa pagwagtang sa mga pagpugong sa korakot nga kagamhanan ug paghatag ug bag-ong dalan sa atong kinabuhi. Ang akong tubag dili gikan sa kasagarang tambag bahin sa pinansyal. Kay akong nakaplakan nga nagkinahanglan ako ug kompletong kausaban sa pinansyal nga bahin.

USA KA PINANSYAL NGA KAUSABAN

KAPITULO 1

ANG GINGHARIAN

Akong gisaysay kanimo ang sinugdanan sa akong kinabuhi kon giunsa pag-ut-ot sa makahasol nga kahadlok. Mao nga nagtuo ko nga importante kaayo nga nagsugod mi sa among kasinatian uban sa usa ka mensahe nga imong gikinahanglang sabton: **AYAW NA KAT-UNI ANG PAGPUYO SA KAHADLOK!** Kay ang kahadlok mag-abli sa tanang klaseng impluwensya sa demonyo, kalibog ug kaguol, sama sa bag-o lang natong nakita kon unsa ang nahitabo sa akong kinabuhi ug sa daghang minilyon nga kinabuhi sa uban. Nagtuo ko nga ang pinansyal nga kalisod maoy usa ka dakong pultahan nga abli kaayo aron hadlokong ang kinabuhi sa tawo. Pinaagi sa among kompanya, personal kong nagatabang sa mga tawo sa ilang pinansyal nga bahin sulod sa 34 na ka tuig sa pagtudlo ug mga paagi kon unsaon pagplano sa pinansyal nga bahin, ug akong nakaplagnan nga dili lang diay ako ra ang tawong nakaagi o nag-antus bahin sa pinansyal nga bahin sa kinabuhi.

Gani, basi sa akong pagtuon, akong nakaplagnan nga 23 ka porsyento sa gidaghanon sa mga tawong Amerikano dili gani makabayad sa minimum nilang obligasyon sa ilang mga bayrunong utang ug hinayhinay nga nawala na sa ilang panalapi-anong bahin.¹ Kini ikaupat lamang nga bahin sa nasud! Sa kwarentay-syete milyunes, unom ka bahin sa papulasyon gisuplayan ug libring pagkaon, ug walo sa napulo ka pamilya nagkinabuhi nga pigado kaayo.² Dili nalang ko maghisgut bahin sa 18 ka trilyon nga utang sa among nasud ug dili na mabayran pa. Ug dili na lang pod nako hisgotan ang 120 ka trilyon ka dolyares nga ang among nasud na-obliga sa iyang kaugalingon nga walay sistema

1 Tracy Turner, "Debt Is People's Biggest Worry... Finance Problems Rank Higher Than Terrorism and Disasters." *The Columbus Dispatch*, 2006.

2 Brad Plumer, "Why are 47 million Americans on food stamps? It's the recession — mostly." *The Washington Post*, 2013.

3 Glenn Kessler, "Does the Nation have 128 Trillion in Unfunded Liabilities." *Washington Post*, 2013.

kon unsaon sa pagtagbo niini.³ Nagpuyo kami sa usa ka nasud nga adunay seryusong isyu sa pinansyal nga bahin! Ug nakaplagaan nako sa akong kinabuhi nga ang wala masulbad nga pinansyal nga bahin ug ang pinansyal nga kabalaka naghimo sa kahadlok nga usa ka pamaagi sa pagkinabuhi.

Apan adunay mga tubag! Ikaw pwede mahimong gawasnon! Ug ang Bibliya klaro kaayo bahin niini, nga si Jesus mianhi aron pagwali sa maayong balita ngadto sa mga kabos!

Kay ang Espiritu sa Dios ania Kanako, kay Iya man Akong gidihugan sa pagwali sa maayong balita ngadto sa mga kabos.

—ISAIAH 61:1

Unsa may maayong balita alang sa kabos nga tawo? Ang makapahimo niyang gawasnon! Karon, siguro wala kay timailhan kon unsang paagi kini nahitabo. Adunay usa ka higayon sa akong kinabuhi, nga akong gibati nga mora'g wala na gyud koy nahut. Ang hunahuna nga aduna koy 100 ka dolyar nga dili nako inutang usa ka talagsaong hunahuna para kanako nga makatawa ko kon dili pa kini makahadlok og makasusubo.

“KAY ANG ESPIRITU SA DIOS ANIA MAN KANAKO, KAY IYA MAN AKONG GIDIHUGAN SA PAGWALI SA MAAYONG BALITA NGADTO SA MGA KABOS.”

— ISAIAH 61:1

Kay kadtong siyam ka tuig nga kalisdanan nakahimo kanako nga magol-anon. Kay ang pinansyal nga kabalaka mokawat sa bisan unsang maayo nga anaa kanato. Sa dihang akong gitan-aw ang mga nakuhang mga bidyo sa mga miaging katuigan panahon nga ako muoli sa akong balay gikan sa opisina, unya nakita nako sa bidyo nga mikawas ko sa akong sakyanan ug ang akong mga pinanggang mga anak mitagbo kanako ug migakos sa akong mga paa nga hugot kaayo, nag singgit sa pagsulti nga “Hi, Daddy” samtang nagtan-aw ko sa bidyo naulaw kaayo ko kay wala man lang mitubag o mitan-aw man lang kanila. Gikapoy kaayo ko ug hilabihan ka diskorahe niadtong higayuna ug wala na gani nakamatikod kon unsay mahinungdanon.

Ang anaa sa akong hunahuna kaniadto nagpahinumdom kanako sa akong nakat-onan sa among klase kon unsaon paglangoy. Kon adunay

usa ka tawo nga malunod unya nangayo'g tabang, pagbantay sa dihang ikaw moadto aron pagtabang kaniya. Ngano man? Tungod kay sila mogunit kanimo bisan asa basta maluwas lang ug walay paghunahuna unsa ang mahitabo kanimo. Mao kana ako kaniadto, sama sa usa ka zombie nga walay pakialam sa kinabuhi, mobuhat sa bisan unsa nga walay pagbati. Ingon nga usa ka amahan, napakyas ko sa paghatag sa angayan nakong buhaton. Ang akong kinabuhi daw sama sa usa ka amahan nga walay pagbati, walay panan-awon ug naghulagway sa kinabuhing makaloolooy.

Ang Columbos, Ohio, niadtong higayuna miasenso tungod sa negosyo nga pagtukod ug pagbaligya ug mga balay. Gitukod ang mga balay bisan asa, ug tungod niana, ang among syudad nagpahigayon ug parada nga gitawag ug “Ang Parada sa mga balay” ug kini gibuhat halos kada tuig. Kon wala pa mo nahibalo unsa na', akoang ipasabot kaninyo. Ang gitawag ug parada sa mga balay kini mao ang mga grupo sa mga nagkalain laing magtutukod ug balay aron ilang ipakita ang ilang talagsaong estylo ug abilidad, ug kini adunay mga bag-ong aplayanses nga ibutang sa sulod pagkahuman ug tukod niini. Alang sa matag-usa nga anaa sa maong dapit, kini usa ka dakong pabor ug linibo ka mga tawo ang giganahan kaayo niini. Apan gikalisan ko kini. Tungod kay kami nagpuyo man sa lisod nga kahimtang. Mao nga dili ko gusto nga si Drenda moadto aron motan-aw niini nga mga balay. Kay gibati nako nga dili maayo ang kahimtang sa among pinansyal nga bahin; Akong gisiguro nga ang akong asawa dili makabalo nga dili maayo ang iyang pinansyal nga bahin. Ug karon akong nahibaw-an nga ang akong paagi sa dili pagtugot kaniya dili gayud maayo, apan niadtong panahona, mao kana ang akong panghunahuna. Ako nahibalo nga kon moadto siya didto, posibli gusto niya nga mokuha ug usa ka balay. Mao nga kada tuig, akoa siyang ingnon “ayaw gyud ug tan-aw didto” apan sa katapusan, usa ka higayon niana miuyon ko nga mangadto mi didto aron motan-aw.

Ang mga balay, sa imo nang mahulagway, perting nindota tan-awon. Kon ikumpara ang among gamay nga karaang balay sa uma nga morag gihulat nalang kon kanus-a mahugno. Human nga nasuroy na namo ang mga pipila ka mga balay miadto dayon mi sa daplin. Unya akong namatikdan nga si Drenda nawala ug wala na maglakaw uban nako. Akong gipangita kon asa na siya, ug naguol ko kay siya

akong nakita sa daplin sa balay nga among gitan-aw. Ang iyang mga luha mitulo paingon sa iyang nawong, ug unya ako siyang gibalikan ug gipangutana sa usa ka daw binuang nga pangutana, “Unsa diay nahitabo”? Nagpakaaron ingnon ko nga kunuhay wala ko kabalo sa tubag. Mitutok siya nako ug iya kong gipangutana. “Kanus-a kaha ko makabalay”? Ang akong hunahuna naliso ug miingon ko, “Makabalay? Kanag sama niini? Miingon ko niya, kini nga klasing balay mokantidad ug mga \$500,000 ngadto sa \$700,000 ka dolyares. Apan nangita ra gyud ko ug ikapasangil aron magpabilin lang mi gihapon sa karaang balay nga anaa ra sa \$300 ka dolyares binulang renta. Kabalo ko nga makasubo kini, apan dili nako makita ang paagi kon unsaon, ug wala koy ikapasalig nga paglaum sa akong gwapa ug buotan nga asawa. Ang kahadlok ug kapakyasan maoy nagtuis sa akong hunahuna ug sa akong mga nakita. Dili ni ako, unsa may nahitabo sa akong kalipay? Daw dili nako’ makita ang maayo tungod sa akong nasinating kalisod bahin sa pinansyal.

Mga alas dos o alas tres na sa kaadlawon dili pa ko katulog. Adunay hilabihang kasakit nga morag gi-injection sa akong papangig ug nawong, ug nagkinahanglan kaayo ko og alibyo. Trentay sais ka oras ang milabay nagpa-root-canal ko aron muhunong ang paghubag niini kay miburot na ang akong nawong daw balon. Dili ako mahimutang sa hilabihang kasakit. Mitumar na ko ug Tylenol kada upat ka oras aron moundang ang kasakit, apan murag walay epekto. Ug samtang naglingkod ko sa akong sala, nga dili makatulog ug nag-inom na pod ug tambal, akong nabasahan ang anaa sa karton sa Tylenol. Dili ingon nga wala ko kabalo kon unsa ang tambal nga Tylenol apan tungod lang sa makapool na nga kalaay, daw sama sa atong tanan ba nga samtang magkaon ta sa buntag ug Cereal ato pong basahon ang karton niini. Dili tungod kay interesado ta kondili tungod kay anaa na man diha. Dili ba! Ang tinuod tagduha ka tablitas kada upat ka oras ang akong giinom, apan unsay gisulti unta? Dili daw molabaw sa 10 ka tablitas sulod sa 24 ka oras? Diha diha dali miabot sa akong hunahuna ang pagsuma total sa mga tablitas nga dapat mainom sa tawo kon kini iyang buhaton matag 4 ka oras, sama sa akong gihimo sulod na sa duha ka adlaw—12 ka tablitas lang kada adlaw, apan ako’ nasubrahan ug 2 ka tablitas sumala sa gitugot lang nga inomon. Diha diha ang akong tinae mihugot ug ang kahadlok mituok napod balik kanako.

Siyam ka tuig nga nagkinabuhing lisod kaayo, kay kon unsay kita anang adlaw maoy poy kaonon, uban sa pagbati nga daw pakyas isip bana, pakyas ingon nga usa ka amahan, ug sa akong hunahuna nga kapakyasan naghimo kini nga nakapaguba sa akong emosyon. Gihatagan ko sa mga doktor ug tambal nga makatabang kuno nako aron dili ko bation ug kabalaka, apan walay nahitabo. Samtang naglingkod ko sa usa ka dapit nga nagsakit pa gihapon ang akong ngipon, duha na kagabi nga wala koy tulog, ug ang kasakit misamot nga dili ko katulog. Karon sa gibasa ko nga karton sa Tylenol, akong namatikdan nga aduna koy butang nga kinahanglang tagaan ug dakong pagtagad, nga posibleng nasubrahan ko sa pag-inom sa Tylinol. Ug wala koy ideya kon unsa ang epekto niini kanako, apan sigurado ko nga kini usa ka maayo nga tambal ug dali ra nimo mapalit sa parmasya. Akong gilauman nga sila nagbutang ug mga pahimangno sa karton aron pagpaila nga kini maayo ug makapabilin sa ilang legal nga mga kaakuhan. Dili nako mahunahuna nga ang pag inom ug sobra nga duha ka tablitas maoy makahimong dakong hinungdan nga ako madaot. Apan ang espiritu sa kahadlok nagtuok sa akong hunahuna, ug iyang gigamit ang sitwasyon, ug misugod sa pagbutang ug hunahuna nga “hala unsa kaha kon.” Mao nga aron mahupay ang akong kabalaka, naghunahuna ko nga motawag ug ahensya nga kahibalo sa hilo aron akong masuta kon unsa ang nahitabo kanako. Apan sigurado ko nga sila moingon nga dili ra ni delikado.

Ang babaye nga anaa sa pikas bahin nga linya morag adunay kahibalo sa iyang tinubagan. Nanguta siya kon unsay iyang ikatabang kanako, unya akong gisulti sa iyaha nga nag-inom ko ug tambal nga Tylenol kada upat ka oras sulod na sa 36 ka oras, apan miinom ko ug 12 na ka tablitas kada adlaw imbis 10 ra unta ang gitugot. Ako siyang gisultihan nga mitawag ko aron masusi kon ang pag-inom ug subra nga duha ka tablitas dili ba makadaot. Unya dunay kahilom, ug akong madungog nga diha sa computer adunay gitan-aw aron pagsusi niini. Unya mao ni ang iyang giingon, ug akong isulti ang insaktong pulong nga gisulti sa babaye kanako, “Sir”, sukad sukad wala pa gyuy tawo nga nabuhi nga miinom ug subra sa gitugot. Tama ba ang akong nadungog? Sigurado dili gayud! Mao nga akong gipasabot kaniya pag-usab nga nakainom ko ug subra sa duha ka tablitas kada 24 ka oras sulod sa duha ka adlaw na ang milabay.

Niini nga higayon mitubag siya nga medyo isog na nga tingog, “Sir, sama sa akong giingon, wala pa gayuy nabuhi sa nakainom ug subra sa gidaghanon sa gitugot. Kinahanglan ka nako madala sa emergency room “KARON DAYON!” Sa dihang buot pa unta ko nga mopasabot niya pag-usab kon unsa ang nahitabo, kay nagtoo ko nga ang nadungog niya dili insakto, gipahunong ko niya ug sulti ug miingon, “Karon magpili ka ikaw ba maoy magdala sa imong kaugalingon paingon sa hospital, o magpakuha ko ug ambulansya unya ipasakay taka.” Nakuratan ko! “Akoy magdala sa akong kaugalingon sa hospital,” Medyo minga’nga’ ko pagtubag. “Asa nga hospital ka moadto?” nangutana siya. Ako siyang gisultihan ug dugay siyang nakatubag.

Nagtingog ko didto nga nalipong. Niadtong higayuna anaa koy importanting meeting pagka alas 9:00 sa buntag, unya mga alas tres medya nato sa buntag. Unya miadto ko sa akong kwarto nga naglisod paglakaw ug gipukaw nako si Drenda ug giingnan, unsa diay nahitabo nako. Mitan-aw siya nako uban sa kalooy ug kahadlok. Kay ang tan-aw niya sa iyang bana mura’g wala na sa insaktong panimoot pila na ka bulan ang milabay, ug siya usab gikapoy na uban nako, unya mao pani karon? “Gary, duha lang ka tablitas nga imong nasubra ug inom. Sigurado, mas kahibalo ka nga kini dili makapatay nimo. Tawagi sila ug usab” miingon akong asawa. Apan ang kahadlok dili makatarunganon ug nagahasol pag-ayo. “Ang babaye nag-ingon nga posibli makapatay kini kanako; kinahanglan moadto ko sa hospital.” Akong makita ang iyang tinan-awan nga, “Nagkomedyo raka no?” sa akong asawa samatang mitalikod ko ug dayon milakaw pahawa sa among kwarto.

Samtang nagdrive ko paingon sa hospital, adunay duha ka lalake nga nagsuot ug puti nag-atang nako sa may emergency nga pultahan. Sa dihang mikawas nako sa sakyanan, mipaingon sila nako ug miingon. “Ikaw ba si Gary Keese?” gidali dayon ko nila ug dala sa kwarto aron atimanon. Samtang akong naagian ang blackboard sa kwarto, nakita nako ang akong pangalan nga gisulat niini. Nga nag-ingon, “ Si Gary Keese— nasubrahan ug inom sa tambal.” Dili ko makatoo niini. Aron pagmubo sa istorya, sa dihang ang doktor nagkuha na ug sample sa akong dugo, milakaw siya ug miingon, “Nganong anaa ka dinhi? Ang gidaghanon sa Tylenol sa imong dugo dili gani makaayo og labad sa ulo.” Sa dihang ako siyang gisultihan bahin sa Nagkontrolar sa Hilo, misugod siya ug katawa, wala ko maghunahuna nga kadto kataw-anan,

ug sigurado gayud ako nga ako wala naghunahuna nga kadto katawanan sa dihang ang bayronon nga miabot sa among balay 2,000 ka dolyares. Naisahan na pod ko sa yawa ug nakawatan napod ko niya pag-usab.

Gipahibalo ko kini nga istorya diha kanimo, bisan pa sa pagsugod, aron pagtabang kanimo kon asa ang akong kinabuhi kaniadto sa wala pa nako nakaplagan ang Ginghamarian sa Dios. Tinuod, usa ko ka Cristohanon. Naghatag ug ikapulo. Usa ka higayon nahimong nangulo sa pagdayeg ug gihigugma nako ang Dios. Apan adunay sayop, hilabihan ka ngilngig nga sayop! Ako kang gisulti-an kon giunsa pagtudlo sa Dios kanako unsaon pagpakig bugno sa espiritu

**“UG ANG AKONG DIOS
MUTAGBO SA TANAN
NINYONG GIKINAHANGLAN
SUMALA SA NAGHINGAPIN
NIYANG BAHANDI DIHA NI
KRISTO HESUS”**

— FILIPOS 4:19

sa kahadlok ug giunsa usab nako pagkahimong gawasnon gikan sa tambal nga antidepressant ug mga atake sa kahadlok. Apan wala pa gayud ko nahimong gawasnon gikan sa kahimtang nga hinungdan sa akong pakig-away batok sa kahadlok, ang akong wala nay paglaum sa pinansyal nga bahin! Adunay kada adlaw nga kalisod kanako sa pagpangita ug kwarta aron makabayad sa among mga bayronon, ug aduna pa gayuy napulo ka ginaapas nga bayronon ug mga kansilado nga credit cards, tulo ka utang sa kompanya, ug utang sa IRS o gobierno, ang gihulam nako sa akong mga paryente ug daghang mga pagpangdaot.

Sama sa akong giingon, ang among kinabuhi anaa sa pinansyal nga kakulian. Ang stress og kapaitan sa pagbati nahimo na nakong batasan sa pagpamuhat. Kay bisan tuod ako Cristohanon, pero naglisod gyud kaayo mi sa pinansyal nga bahin, ug ang matag usa sa akong gisaligan nga mga utanganan naputol. Gikasuhan ko nga kuhaon ang akong mga butang, kay dili na ko kabayad ug kanunay na motawag kanako ang akong mga nautangan aron maningil. Diha sa grabeng kalisod sa among salapianong bahin ug sa negosyo nga gamay na lang ang kita, maglisod na gani ko nga makapalit ug pagkaon. Ang akong pamilya maghaling na lang gani ug kahoy aron magpabiling init ang sulod sa balay kay

dili naman ko kapalit ug gasolina para sa among stove. Usahay among tan-awon ang mga niliki nga bahin sa among bangko' nga pahulayanan basin naay kwarta nga nasulod nagpamasin aron among ikapalit ug pagkaon sa McDonald nga bahinon para sa akong mga anak. Unya usahay, morag maayo pod nga akong palungon ang among telepono manawag ang akong giutangan, apan usa niana ka adlaw ang usa nga wala nako mabayri mikuha na ug abogado aron kolektahon na ang akong utang. Kini nga tawo mitawag ug wala nagpaila. Siya yanong miingon, “Gikinahanglan ko ang kwarta sulod sa tulo ka adlaw o ako kang pasakaan og kaso alang sa akong kliyente.” Mao na kiniy akong kataposan. Wala nakoy laing paagi aron makautang, kay gitawgan na nako tanan nakong mga kaila ug wala koy nakuha. Mikamang ko paingon sa akong kwarto aron sa paghigda ug mihilak ngadto sa Dios. Diha diha, Nadungog ko ang tingog sa Ginoo. Pinaagi sa usa ka bersekulo nga kanunay na nakong nadungog ug kini akong makita sa akong hunahuna.

Ug ang Dios mutagbo sa tanan ninyong gikinahanglan sumala sa naghingapin Niyang bahandi diha ni Cristo Jesus.

—FILIPOS 4:19

Misanong dayon ako sa Ginoo kay nahibalo ako sa bersekulo, apan ang akong gikinahanglan wala pa matagbo! Gitubag dayon Niya ang akong pangutana sa hinanali, “Tinuod, apan dili na' akong sayop. Kay wala ka naghatag ug panahon aron makakat-on kon giunsa ang pagpadagan sa akong Ginghamarian. Gani, kasagaran sa akong iglesia nagkinabuhi daw sama sa mga Israelitas sa Daang Tugon—usa ka ulipon. Nagkinabuhi sila nga utangan ug ang ilang pamaagi anaa sa pagkaulipon. Buot kong tagaan ug kagawasan ang akong mga katawhan”

Midali ko ug dagan panaog sa hagdanan ug gigunitan nako si Drenda ug gisultihan ko siya nga ang Ginoo namulong kanako. Naghinolsol ko sa atubangan sa akong asawa sa dili nako pagpangita sa Dios ug pagkat-on kon giunsa sa pagpadagan sa Iyang Ginghamarian. Bisan pa, niadtong higayuna, wala mi masayud kon unsay buot ipasabot sa Dios sa dihang miingon Siya nga wala mo kahibalo kon giunsa pagpadagan sa Iyang Ginghamarian. Human niadtong tanan, anaa kami sa simbahan, mihatag sa among ikapulo sa matag panahon sa simba ug among gihigugma ang

Dios. Nagtuo mi nga nagahunahuna na kami bahin sa Ginghamarian sa Dios. Sa laing bahin, ang isyu man gud, sumala sa akong nakaplagan, tinuod, anaa na ako sa dalan paingon sa langit, apan wala koy kahibalo kon unsaon paggamit sa kagahum ug pagbulot-an sa langit dinhi sa akong kinabuhi ug aron moapektar sa akong kahimtang dinhi sa yuta. Mao nga misugod mi sa pagtuon sa Bibliya, ug ang Dios misulti ug mitabang kanamo sa pagkat-on kon unsa ang Iyang ipasabot sa Ginghamarian. Ug makapahingangha kon unsa ang among nakat-onan! Sama kini sa pagpasiga sa suga diha sa usa ka mangitngit nga kwarto. Sa unang higayon sa among kinabuhi, among nakaplagan ang mga tubag bahin sa pinansyal nga bahin sa among kinabuhi!

O Dios, Unsay buot Nimo Ipasabot sa Ginghamarian?

Sa dihang gisultihan ko sa Dios nga wala ko nakakat-on kon giunsa pagpadagan sa Iyang Ginghamarian, medyo, nalibog ko ug gamay, Ginghamarian? Si Drenda ug ako wala gyuy nahibaw-an. Nag-ampo mi ug nangayo sa Dios nga tudloan kami kon unsay Iyang buot ipasabot niadto. “Miingon mi, Ginoo, tudloi kami kon unsay buot nimo ipasabot sa Ginghamarian!” Mao nga ang una nakong kinahanglang makat-onan bahin sa kon unsa ang Ginghamarian. Sa akong hunahuna, kini nga bahin, lisod makat-onan sa taga amoa sa western. Nagkinabuhi kami ilalom sa pagdumala sa Americanhong hunahuna nga demokrasya. Ang Ginghamarian sa Dios dil democracya; Kay diha sa Ginghamarian, kinahanglan dumalahan kini sa usa ka Hari. Ang awtoridad sa Hari mapatuman hangtod sa pinakaubos, pinaagi sa pagbulot-an nga gihatag sa Ginghamarian pinaagi sa nagkalainlaing ahensya ug mga tawo nga nagdumala nga sakop sa maong pagbolot-an. Ang nagpundok nga mga tawo dili kana ginghamarian. Bisan pa’g minilyon ka mga tawo nga nagkatigom dili kini ginghamarian. Kay ang ginghamarian usa ka grupo sa mga tawo nga nagkahiusa pinaagi sa balaod o panggobierno. Kay ang pagpasabot sa ginghamarian diha sa dictionaryo mao kini: “gingharian: usa ka estado o gobierno nga adunay hari o rayna ingon nga usa ka pangulo.”

Bisan tuod kita nagsaulog nga si Jesus mianhi dinhi sa kalibutan panahon sa pasko, kasagaran napakyas kita sa pagsabot nga Iyang gidala ang pagdumala uban Kaniya. Ang Bibliya naghisgot sa Iyang pagdumala sa Isaias 9:6-7:

‘Kay alang kanato ang usa ka bata natawo, alang kanato ang usa ka anak nga lalaki gihatag, ug ang kagamhanan ipahiluna sa iyang abaga, ug ang iyang ngalan tawgon ug “Kahibulongang Magtatambag, Dios nga Makagagahom, Amahan nga Walay Kataposan, Prinsipe sa Pakigdait.” Mahitungod sa kauswagan sa iyang kagamhanan ug sa pakigdait kini walay kataposan, ibabaw sa trono ni David ug ibabaw sa iyang gingharian, aron sa pagtukod niini, ug sa pagtuboy niini uban ang hustisya ug pagkamatarong sukad karon ug hangtod sa kahangtoran. Ang kadasig sa Ginoo sa mga panon maoy maghimo niini.’

Si Ginoong Jesus mao ang pangulo niini nga governo, ug sa dihang atong gidawat si Jesus nga atong personal nga manluluwas nahimo kitang kabahin niini nga governo; nahimo kitang mga lumulopyo. Dili lamang kay nahimo kitang mga lumulopyo niini apan nahimo usab kitang kabahin sa pamilya sa Dios ingon nga iyang mga anak nga lalake ug babaye.

‘Apan ngadto sa tanang midawat kaniya, sa mga mituo sa iyang ngalan, naghatag siya kanila ug katungod sa pagkahimong mga anak sa Dios, kanila nga nangatawo dili gikan sa dugo o gikan sa pagbuot sa unod o gikan sa pagbuot sa tawo, kondili gikan sa Dios.’

—JUAN 1:12-13

‘Busa, kamo karon dili na mga langyaw ug mga dumuduong, kondili mga katagilungsod na sa mga balaan ug mga sakop na sa panimalay sa Dios.’

—EFESO 2:19

Ingon nga mga sakop sa pamilya sa Dios, nahimo na kitang kabahin sa iyang kaugalingong pamilya o kabahin sa tanan nga gidumalahan sa Dios. Apan kita usab nahimong kabahin sa Iyang dakong governo. Kini usab nagpaila nga kita adunay legal nga katungod ug mga benepisyo ilalom sa iyang governo. Aron makakuha pa kita ug mas maayo pa nga pagsabot bahin sa kon unsa ang akong gisulti, maghisgot ko bahin sa akong natural nga pagkatawo sa Estados Unidos. Ingon nga usa ka lumulopyo sa Estados Unidos, aduna kay legal nga katungod. Ug ang imong legal nga katungod nahisulat sa among balaod ug niana nga mga

balaod nga kini gidawat sa among gobierno. Kini nga balaod ug mga benepisyo mapahimuslan gayud sa mga lumulopyo, wala nagbasi kon kinsa man sila. Kadto nga mga katungod wala nagbasi sa among pagbati o kon unsa mi ka maalamon. Kadto naestablisar tungod sa balaod, legal nga madawat sa tanang tawo nga nag-angkon nga ang Amerika mao ang ilang pinoy-anan. Ug posibli nga ang usa ka lumulopyo wala mahibalo sa ilang legal nga mga katungod, apan bisan pa man niana, aduna silay katungod tungod kay sila lumulopyo man sa Amerika.

Adunay atong tagaan ug paghunahuna, ug naglaom ko nga kini makapausab sa imong tibuok nga panglantaw bahin sa Dios ug kon giunsa nimo kini pagdawat gikan sa Dios. Dinhi sa Amerika kon adunay tawo o kahimtang nga buot motangtang sa among legal nga mga katungod, o siguro wala mi natagad nga patas, aduna kami koneksyon sa husgado, kini usa ka proseso nga magpatuman sa among legal nga mga katungod. Moadto mi sa korte, ug ang abogado dili magtan-aw kon unsa ang among kahimtang sa kinabuhi, kon datu ba o pobre mi. Iyang tan-awon kon unsa ang anaa sa balaod. Iya kining sulbaron pabor sa kon unsa ang nahisulat sa balaod sa tanang panahon. Ug mao kini ang among kasiguruhan nga kami adunay legal nga mga katungod, ug ang among gobierno magpatuman sa among legal nga katungod pinaagi sa proseso sumala sa hustisya sa Amerika. Mao nga pinaagi niana, atong tan-awon pag-ayo ang Isaias 9 ingon nga kini naghigut niining bag-ong pangoberno nga gidala ni Jesus dinhi sa kalibutan.

Siya (si Jesus) maghari diha sa trono ni David ug ibabaw sa Iyang Gingharian, maestablisar ug matuboy kini uban sa hustisya ug pagkamatarung . . .

—ISAIAS 9:7B

Kini nga kasulatan nagsulti nga ang Gingharian sa Dios naestablisar ug napasidunggan pinaagi sa hustisya, pinaagi sa administrasyon sa balaod sa Dios. Ang administrasyon nagpasabot sa proseso sa pagpatuman sa imong legal nga katungod. Ang imong legal nga katungod mao ang gitawag sa Dios nga pagkamatarung o sa kon unsa nga Iyang gisulti maoy tinuod, ang Iyang balaod. Aron pagsiguro nga ikaw adunay katungod sa kon unsa ang gisulti nga insakto diha sa Iyang Gingharian, kon unsay legal nga maimo gayud ingon nga usa ka lumulopyo niana nga Gingharian, ang Dios naghatag kanimo

ug katungod sa hustisya, ang garantiya nga ikaw makadawat sa kon unsa ang iyang gisulti ingon nga saad. Ang Dios nagpadayag sa Iyang kabobot-on nga mahimong mailhan nato pinaagi sa Iyang Pulong, nga mao ang Bibliya, aron kita mahibalo sa atong katungod diha sa Iyang Gingharian. Usa kini ka maayong balita! Ang tanang imong mabasa sa Bibliya kabahin sa kon unsay Iyang gisaad kanimo mahimong legal nga imo na ingon nga ikaw lumulopyo sa Iyang Gingharian!

Sa ikaduhang Corinto 1:20 klaro nga gisulti nga ang matag saad—MATAG SAAD—kini “Oo” ug “Amen.” Nadisisyonan na kini; kini legal nga imoha na.

‘Kay ang tanang mga saad sa Dios “Oo” diha Kaniya. Mao kanay hinungdan ngano nga kita naglitok sa “Amen” pinaagi Kaniya alang sa himaya sa Dios.’

—2 CORINTO 1:20

Ang pinaka pundasyon sa Gingharian sa Dios mao ang hustisya ug pagkamatarung—dili kini mausab. Mao nga hunahunaa kini sa ingon nga paagi, “Kon nakahibalo na ko sa balaod sa Dios bahin sa Gingharian (sa Iyang pagbuot), ug nakahibalo ko nga aduna koy katungod bahin sa hustisya, ang proseso sa pagpatuman nga naggarantiya kanako pinaagi sa kon unsa ang gisulti sa balaod. Kini makapahimo nakong maisugon ug dili gayud mahadlok.

‘Ug ang atong nabatonang pagsalig kaniya mao kini, nga kon mangayo kita ug bisan unsa sumala sa iyang kabubut-on, siya mamati gayod kanato. Ug kon nasayod man kita nga siya mamati gayod kanato bisan unsay atong pangayoon, kita nasayod nga ato nang nabatonan ang gipangayo kaniya.’

—1 JUAN 5:14-15

Sa dihang kini nga bersikulo nagsulti nga Siya maminaw kanato, wala kini naghigut mahitungod sa pagpaminaw kanato sa tingog ingon nga siya naminaw sa atong mga pulong pinaagi sa madungog nga mga pulong; Kini naghigut mahitungod Laniya nga maoy nagpakabana sa atong kahimtang. Sama nga ikaw naghunahuna sa usa ka abugado nga naminaw sa usa ka kaso aron pagsiguro nga ang hustisya mapatuman gayud. Ang korte ug ang maghuhukom atoa didto aron pagsiguro nga ang hustisya anaa kanunay alang sa matag usa ka lumulopyo. Kay ang

desisyon sa maghuhukon wala gibasi sa iyang pagbati kondili kini gibasi sumala sa balaod nga Iyang ipatuman alang sa matag-usa ka lumulopyo. Ang maghuhukom kinahanglan anaa gayud aron pagsiguro nga ang hustisya (pagpatuman sa balaod) mapatuman sumala sa kon unsa ang nasulat sa balaod. Sa kabahin sa Dios, ang Iyang trono (ang dapit sa iyang pagdumala) ug ang Iyang gahum anaa aron sa pagsiguro sa hustisya (ang pagpatuman sa Iyang kabubot-on) alang sa tanang tawo nga miduol kang Cristo ug sa Iyang Ginghamarian. Palihog basaha kana nga isulti pag-usab sa hinay nga paagi ug tugoti kini nga mulokso diha sa imong bag-ong panglantaw bahin sa Dios. Kay kasagaran sa mga tawo ilang gihunahuna nga ang Dios mohimo ug desisyon kon unsa lang ang gikinahanglan, apan dili na tinuod. Kay Siya ang Hari sa usa ka Ginghamarian nga adunay mga balaod nga dili mausab. Dili ug dili gayud Siya mohimo ug usa ka desisyon gawas sa Iyang balaod. Mao nga kita nahibalo na kon unsa ang Iyang tubag sa wa pa kita mangayo, ug mahimong sigurado nga makaangkon kita sumala sa kon unsa ang gisulti sa Iyang balaod sa wala pa nato makita kini tungod kay Siya adunay kagahum sa pagpatuman sa kon unsa ang Iyang balaod.

ANG MGA GINGHARIAN GIDUMALAHAN PINAAGI SA MGA BALAOD UG ANG MGA BALAOD DILI MAUSAB.

Mao nga si Drenda nagsugod na sa paghibalo sa among legal nga katungod sa Ginghamarian, dako kaayo ug kausaban sa among panghunahuna bahin sa Dios ug sa Bibliya. Ug ang resulta sa among bag-ong nasabtan mao ang kausaban sa among kinabuhi. Wala na mi nagpakilimos. Wala na mi nagpakilooy. Nakakat-on na kami nga kon unsa ang gisulti sa Dios kini legal alang kanato nga mga lumulopyo sa Iyang Ginghamarian. Nagkinahanglan lang kita sa pagpadayon sa pagkat-on kon unsaon pag-angkon sa legal nga paagi sa kon unsa ang para kanato aron atong madawat samtang kita ania sa kalibutan. Hunahunaa kon unsaon pagpa-ilis sa usa ka tseke. Bisan siguro daghan ka ug kwarta sa imong bangko, adunay legal nga proseso sa pagkuha sa kwarta aron mapailisan ug kwarta ang imong tseke. Aduna gayuy proseso sa tanang legal nga paagi diin misalig kita nga makuha nato ang usa ka butang, bisan pa kon ato' na kini.

Ang Iyang diosnong gahum naghatag kanato sa tanang butang nga gikinahanglan sa kinabuhi ug sa pagkadiosnon, pinaagi sa atong kahibalo kaniya nga nagtawag kanato sa iyang himaya ug pagkahalangdon.

—2 PEDRO 1:3

Usa kini ka Gingharian! Mao nga kinsa kadtong mga lumulopyo sa Iyang Gingharian adunay samang katungod sama kang bisan kinsa usab nga lumulopyo sa Gingharian. Kini importante kaayo nga kahibalo kita niini nga punto: Ang mga gingharian nagalihok subay sa balaod ug ang balaod dili mausab. Ngano nga kini importante kaayo? Kini importante kaayo tungod kay nagpasabot kini nga kon ang gingharian nagalihok o nagtarabaho nga basi sa dili mausab nga mga balaod, nagpasabot nga kini wala nag-agad sa respeto gikan sa mga tawo diha sa Gingharian. Hinoon, ang matag-usa ka tawo diha sa gingharian adunay managsamang katungod nga maglipay sa pagpadagan sa mga balaod sa Gingharian sama sa naangkon sa ubang mga tawo nga anaa usab sa usa ka Gingharian.

Dinhi adunay gamay nga kalibog sa mga iglesia nga ania dinhi sa kalibutan. Kay kasagaran man gud sa mga Cristohanon naghunahuna nga ang Dios maoy magbuot paghimo ug desisyon kon unsay Iyang gustong himuon sa usa ka kinabuhi. Sa laing pagkasulti, naghunahuna sila nga ang Dios nagpili kon kinsa lamang kadtong Iyang panalanginan ug ang uban dili. Naghunahuna sila nga ang Dios maoy nagtugot sa mga butang nga mahitabo sa tawo nga wala na silay katungod niini. Sila nagtuo nga ayuhon ang uban unya ang uban dili. Kasagaran sa mga Cristohanon nagpakiluoy sa Dios nga tabangan unta sila nga Iya naman untang gihimo ang tanan nga Iyang mahimo aron sa pagtabang kanila. Iya nang gihatag kanila ang Gingharian, ug ang tanang butang nga anaa sa Gingharian!

Mao nga sa dihang misugod ug sulti ang Dios bahin sa akong panalopianong bahin ug nga kinahanglan mahibalo ako ug dungang pa gayud bahin sa Iyang Gingharian, gihatagan ko niya niini nga bersekulo.

“Bulahan kamong mga kabos, kay inyo ang gingharian sa Dios.”

—LUCAS 6:20B

Ang Dios nakigsulti kanako nga ang tubag sa akong salapianong bahin mao ang Iyang Ginghamarian ug pwede nimong idugang, ang pagsayod sa pagtakdo sa mga balaod sa Ginghamarian dinhi sa kalibutan sama sa gihimo ni Ginoong Jesus. Akong dawaton nga wala koy kasayuran unsa ang buot ipasabot niana sa sinugdan. Apan sa dihang akong nabalikan ug hunahuna kon unsa ang gisulti sa Dios kanako, akong nasabtan nga sama diay usab niana ang mga ginghamarian, nga kini usab nagalihok pinaagi sa balaod. Ang trabaho ug epekto sa usa ka balaod pwede mailhan ug maapil nga nagalihok sa samang paagi sa matag panahon tungod kay ang mga balaod dili man mausab. Wala gayud nako na nahunahunaan kaniadto nga aduna kiniy dakong kalambigitan sa espirituhanong bahin. Hinuon, kon mao kana ang sitwasyon nga ang Ginghamarian sa Dios nagapanglihok diay nga sama niana, nan ako makaingon nga nakahibalo na ko bahin sa balaod, ug ako na kining maaplikar nga adunay mga kaayuhan kini nga mga balaod nga nagapanglihok sa akong kinabuhi.

Nakaamgo nako nga ang mga balaod nga nagdumala sa kalibutan dili mausab. Gani, ang ilang pagkamakanunayon ug dili mausab nga katuyoan mahimong basihanan kon ang tawo paadtuan sa bulan o mahimong hinungdan nga ang eroplano makalupad. Apan kasagaran sa mga Cristohanon wala miduol sa Dios nga anaa niana nga pagsabot. Hinuon nagpakilooy ug nagahilak sila sa dihang aduna silay panginahanglan. Namasin nga makombinse ang Dios sa kon unsa ang ilang gikinahanglan, nga daw ang Dios kinahanglan pang mopili sa pag-atiman kanila.

Sama pananglitan, kon moadto ko sa usa ka simbahan aron magwali sa ilang panagtigum, ang tanan ba nga mga tawo niana nga simbahan mag-ampo aron musiga ang mga suga? Magpuasa pa ba sila ug mag-ampo? Magpakilooy sa Dios, “O Dios, kahibalo ka unsa ka importante kini nga meeting ug gikinahanglan kaayo namo nga mosiga ang mga suga,” mangayo pa ba sila uban sa dangoyngoy ug mga pagbakho pinaagi sa pag-ampo? Morag dili na siguro. Gani, Nagduhaduha ko kon mahunahunaan pa kaha nila ang butang bahin sa suga kon maghisgut na sila sa ilang plano panahon sa meting. Hinoon, kon adunay rason, nga sila nangabot nga gabii na unya ang suga wala pa misiga, sa hunahuna nimo motawag kaha sila sa kompanya sa kuryente ug magpakilooy “kon mahimo pasigaa ninyo ang among suga?” Dili gayud! Kon kini

ilang buhaton, sigurado ko nga ang tauhan sa kompanya maminaw kadali ug moingon dayon sa iyang mga kauban, “adunay buang nga gatawag nako.” Moingon dayon siya, “Mam, naa may kuryente diha, ang problema wala ninyo pasigaa ang inyong suga.”

Sa dihang ako kining gisulti nga bahin sa istorya panahon sa panagtigum, ang matag-usa nangatawa. Kabalo ka kon ngano? Kay nabalo sila nga ang pagtawag sa kumpanya sa kuryente, uban sa hilabihan nga pag-agulo, aron ingon sila nga palihog ipasiga ang suga, kini usa ka binuang; kasagaran sa mga tawo nakahibalo na unsay ilang buhaton. Nga ilaha lamang tuplokong ang switch aron mosiga ang suga. Ana lang kasayon! Wala nay dakong trabaho pa, dili na hasol, ilaha na lamang pinduton ang switch aron mosiga ang suga. Gusto baka mahibalo ngano nga dili na sila magool pa kon pasigaon ang suga? Tungod kay NAGDAHUM SILA nga ang suga mosiga gayud. Nagdahum sila nga ang suga mosiga gayud kay nahibalo sila nga ang kuryente anaa ug kini mosiga gayud. Nakasabot sila sa mga BALAOD nga nagdumala sa kuryente, ug nakahibalo sila nga ang balaod dili gayud mausab.

Apan kon imong balikan ang 1,000 ka tuig nga nanglabay unya imong sultihan ang usa ka tawo nga imong pasigahan ang tibuok syudad uban sa gagamay nga bombilya lamang, maghunahuna sila nga nalisoan ka na ug pangisip. Ug kon makakita sila sa usa ka bahin sa siyudad nga gipasigaan sa mga gagamay nga mga bumbilya lang, moingon sila nga usa kini ka milagro. Kay sa ang bisan unsa nga dili matuki sa tawo kon unsa kini, moingon sila nga usa kini ka milagro. Apan dili kana usa ka milagro; kana usa ka paagi nga ang balaod sa kuryente mamuhat ngadto sa tanang buot tun-an kon unsaon kini paggamit.

Ato nang nasabtan kon unsang paagi ang kuryente anaa na karon, o siguro atong masulti nga ato nang gibag-o ang atong hunahuna sa mga paagi nga ang kuryente magamit. Mao nga nagdahum ta nga kini anaa gayud ug dili na ta matingala kon makita nato ang trabaho niini. Gani, mas matingala pa ta kon dili kini motrabaho. Pinaagi sa pagsabot kon unsa ang balaod nga nagdala sa elektrisidad ug kon atong isulat kini, pwede natong ipakuyana kini sa tibook kalibutan. Unsaon man? Atoa kining mahimo pinaagi sa pagtudlo kon unsaon kini gamiton ug tugutan sila nga malipay sa mga benepisyos sa suga. Kining tanan

mahimong posible pinaagi sa pagsabot sa balaod nga nagdumala sa elektrisidad. Sama usab kini sa atong espirituhanong mga balaod. Kon wala kita nakasabot niini, wala kitay igong abilidad nga makasinati sa kalipay sa mga benepisyo niini o kaha atong makupya kini kon atong gikinahanglan.

Sa dihang makakita ta ug eroplano nga naglupad, dili ta moingon nga, “Wow, usa kana ka milagro.” Dili, nagdahun ta nga ang eroplano makalupad gayud tungod kay, usbon nako, nakasabot ta giunsa ug ngano nga ang eroplano nakalupad. Ug usab kon mobalik ta sa usa ka libo ka tuig ug adunay usa ka bag-ong eroplano nga duha ka andana nga gitawag ug 380 jets ug milupad lapaw pa sa taas kaayo nga kahoy, unsa kaha ang masulti sa mga tawo? Moingon gyud sila nga usa kini ka milagro! Muoyon ko nga ang eroplano nga gitawag ug 380 jets usa ka nindot kaayo, nga kini nagtimbang ug 1.2 milyon ka libra, nga masulod ang 800 ka mga pasahero ug makalupad sa gikusgon nga 570 hangtod 9,000 ka milya kada oras. Siguro makapatingala kon matintal ka sa paghunahuna nga kini usa ka milagro. Pero dili gayud. Mahimo natong pangutan-on ang mga engineers nga nagbuhat sa 380 nga eroplano kon giunsa nila nganong nakalupad kini, ug sila mopasabot kanato sa matag balaod sa physics nga ilang gigamit aron makalupad kana nga eroplano ug makasulti sila sa matag pyesa nga posible nilang nagamit. Ang mga engineers nga wala sa runway sa gihimong paglupad niini makaingon, “Wow, tan-awa ra gud, dili ko makatuo nga ang eroplano makalupad.” Usbon ko, dako ang akong pagsalig sa pagsakay sa eroplano tungod kay nahibalo ako sa abilidad niini nga kini makalupad basi sa pisikal nga mga balaod nga dili mausab. Hangtod nga magpabilin kita sa sumbanan niana nga mga balaod, ang eroplano makalupad gayud. Hinumdumi: ang mga balaod dili gayud mausab!

Dili gayud ta mosakay sa usa ka eroplano kon ang mga balaod mag-usab-usab. Kon magpalit ta ug tiket sa eroplano ug adunay giingon nga pahimangno, “Ang pagbyahe niini nga eroplano usa ka resgo kay ang balaod sa paglupad mag-usab-usab. Usahay makalupad usahay dili. Walay nakabalo sa mahitabo—aduna ba kay swerte?” Kay usahay kining adlaw ang mga paagi sa pagpalupad maayo usahay dili pod. Walay nakahibalo sa klaro lang pagkasulti—swerte ka? Maayong paglupad” Kanus-a ka mibato og kahadlok basin molutaw ka sa imong gilingkuran? Wala gyud no? Nganong wala man? Tungod kay nakahibalo ka nga ang balaod sa gravity dili mag-usab-usab.

Kining mga butanga nga akong nahisgutan usa ka pisikal nga mga balaod sa kalibutan nga gibuhat sa Dios. Apan tag-ana kon unsa? Ang espirituhanong balaod sa Iyang gingharian nagalihok sa samang paagi usab—wala sila mag-usab-usab! Usa' ang Dios misulti kanako bahin sa Iyang Gingharian, nabansay na akong daan sa paagi sa pisikal nga mga balaod dinhi sa kalibutan. Apan ang anaa sa akong hunahuna ang Gingharian sa Dios lahi. Kay ang anaa sa akong hunahuna nga buhaton sa Dios nagdipende sa kon unsa ang Iyang gustong buhaton ngadto kang bisan kinsa sumala sa iyang gusto. Apan akong nakaplagan nga dili kini tinuod. Kay sa dihang akong nakita ang mga balaod sa espirituhanong gingharian sa Dios kini wala mausab ug kini pwede makat-onan, masabtan ug maaplikar. Ug dihadhiha akong nasabtan ngano nga si Jesus kanunay mosulti nga, “Ingon niini gipakasama ang Gingharian sa Dios.” Unya Iyang gipakasama ang gingharian sa Dios diha sa unsa ang anaa sa kinaiyahan aron ang mga tawo makasabot kon giunsa niini pagpamuhat. Diha diha, daw sama kini sa usa ka bombilya nga misiga sa akong hunahuna. Ug miabot sa akong hunahuna nga, kon ang Dios naghatag na kanato sa Gingharian, ug Siya ang nag-ingon niini, ug ang Gingharian naglihok sumala sa balaod nga dili mausab, nan kinahanglang makakat-on ako niini nga mga balaod aron maaplikar nako sa akong kinabuhi.”

Ayaw kahadlok, dyutay nga panon, kay ang inyong Amahan nalipay gayud sa paghatag sa Gingharian.

—LUCAS 12:32

Ug niadtong adlaw nahimong akong espirituhanong scientist! Akong nakita ang Bibliya diha sa laing pamaagi sa kahayag. Nagsugod ako ug mga pangutana sa dihang akong nabasa ang Bibliya: “Nganong nanaghan man ang mga isda? Ngano naayo siya? Nganong midaghan ang tinapay?” ug uban pa. Sa dihang gibasa ko ang Bibliya sa ingon ani nga paagi, ako kanunay pangutan-on ang Dios nga ipakita Niya kanako ang balaod nga anaa—WOW!

Sa dihang ang Dios namulong kanako sa adlaw nga mitawag kanako ang abugado ug iyaha kong gisultihan sa akong problema nga nahitabo tungod kay wala gyud ko naghatag ug panahon sa pagkat-on kon giunsa sa Dios pagpadagan ang Iyang Gingharian, dihadhiha mikanaog dayon ko paubos sa among hagdanan ug naghinolsol atubangan sa

akong asawa tungod kay wala nako pangitaa ang Ginoo mao nga Iyang gitugutan kini nga kalisod, sama sa akong nasulti sa miagi. Apan wala mi kabalo kon usa ka mahinungdanon ang pagsalig sa Ginghamarian aron matubag ang among mga pangutana. Usbon ko, gasimba nami, anaa na mi sa dalan paingon sa langit, ug gihigugma namo pag-ayo ang Dios. Wala miy konsepto kon unsa ang buot ipasabot sa dihang ang Dios naghisgot sa “Ginghamarian” niana nga panahon. Aduna gani kamiy giatubang nga problima nga anaa sa among mga kamot, ug wala kamiy pamaagi unsaon nga makakita ug kwarta sulod sa tulo ka adlaw nga gisulti sa abugado bahin sa gipasaka nga sumbong batok kanamo nga kinahanglan among mabayran sulod sa tulo lamang ka adlaw.

Mao nga, usa kini ka maayong pagsulay. Mao kini ang akong unang kasinatian nga problema sa kwarta, ug gusto ko nga unta ang Ginoo magpadayag nganhi kanako unsay buot Niyang ipasabot sa “ang Ginghamarian.” Tugoti ako sa pagsaysay kanimo kon unsay nahitabo. Hinumdumi, ang abugado miingon nga, aduna na lang koy tulo ka adlaw nga ang kwarta kinahanglan mahatag dayon ngadto kaniya, ug gani wala gyud koy kwarta! Kadto nga pagbati sa pagkadesperado naghataod kanako sa akong kwarto nga mihilak ako pag-ayo ngadto sa Ginoo; anaa ako sa dakong problema. Hinoon, niadtong higayona ang Dios namulong kanako bahin sa Ginghamarian ingon nga maoy tubag; ug usab, wala koy paagi unsay buot Niyang ipasabot niini, apan andam kaayo ko nga makakat-on.

Paglabay sa duha ka adlaw, panahon sa gabii, aduna koy pakigkitaan nga usa ka tawo bahin sa insurance sa iyang kinabuhi. Sa laing bahin, niadtong mga panahuna kanunay nakong i-parking ang akong sakyanan sa dapit duol sa balay sa akong kleyente, apan wala gayod nako gibutang sa atubangan sa ilang balay. Ang mini van nga akong gi maneho adunay gamay nga problima. Sa dihang paandaron kini, mogawas ang puti nga aso nga makapuno sa kalsada, ug wala nako kini gihatagan ug pagtagad, kay akong gibati nga dili man pod ko moparking sa parkinganan sa akong kleyente, nga kon mulakaw nako basin makapuno ug aso nga puti sa ilang parkinganan. Kay akong gihunahuna nga kon ingon ana ang mahitabo kini maka apekto sa akong dungog bahin sa pinasyal nga kahimtang samtang ako nag-aghat kanila nga mubutang ug ginatos hangtod sa linibo nga dolyares dinhi kanako. Tatal, kon nahimo na kong usa ka dakong pinansyal manager, nganong magdrive pa

man ko ug sakyanan nga maglisod ug dagan? Pero walay kalahian niadtong gabhiuna?

Ug samtang paingon nako sa balay sa akong kleyente, nakuratan kaayo ko nga nakakita sa akong kleyente sa kalsada nga nagparking tapad nako. Hinoon wala to niya gihatagan ug pagtagad, ug nagestoryahanay kami. Apan aduna koy kabalaka kon paandaron na nako ang akong

**NIADTONG HIGAYUNA,
AMONG NAPAMATUD-AN
SA AMONG KAUGALINGON
NGA ANG PAMAAGI SA
DIOS ADUNAY KAHIMOAN,
UG NAKIGSAAD MI NGA
MAGPADAYON SA PAGKAT-
ON UG PAGGAMIT SA
SISTIMA SA GINGHARIAN
GIKAN KARON HANGTOD SA
UNAHAN.**

sakyanan. Nagpadayon mi ug estoryahanay samtang misulod na ko sa akong van nga naka baba ang bintana. Nagpadayon ko ug estorya sa iya sa paglaom nga moingon nalang unta siya nga sigi manlakaw nata, paghuman, ako magpakaaron ingnon nga adunay gitrabaho nga gamay sa sakyanan unya molakaw nalang dayon siya, pero wala siya molakaw. Hinoon sa katapusan, miingon ra siya nga sigi manlakaw nata, apan mipalayo siya sa sakyanan ug nagtindog. Kabalo ko wala na koy paingnan. Unya akong gipaandar ang van uban sa paglaom nga unta

dili muaso kaayo ug puti, apan usa lang kini ka taphaw nga pangadnoy. Diha diha sa dihang akoa nang gipaandar ang van migawas dayon ang daghang puti nga aso nga makasakit sa mata.

Ang tawo nagsinyas kanako, sa paspas nga paagi, palunga ang van. Milakaw siya paduol sa bintana sa akong van ug miingon nga ablihan nako ang hood sa akong sakyanan. Unya gisultihan ko niya nga nagtrabaho siya ingon nga usa ka mekaniko sa usa ka shop, ug gusto niya nga susihon kon unsay problema sa akong van. Human sa mga pipila ka minuto, mibalik siya ug miingon, “Aama sa akong gidudahan, daut na ang head gasket sa imong sakyanan. Padagana lang sa ni pauli apan ayuha dayon kini.” Akoa siyang gipasalamatan samtang nagdrive na ko pauli, apan ang iyang gisulti baliwala lang tong tanan kanako. Wala man pod koy kwarta nga ikapaayo sa van.

Ang akong opisina aduna lamay (9.7 ka kilometro) unom ka milya

ang gilay-on gikan sa balay sa akong kleyente, ug samtang paingon na pod ako sa akong opisina, ang kanunay nga pagbati sa kabalaka mitabon na usab kanako. Apan samtang ako nagdrive, akong nahinumduman unsa ang gisulti sa Ginoo kanako, ug mao nga misugod ko sa pagpakig-estorya ngadto kaniya bahin sa akong van. “Miingon ko, Ginoo, wala gyud koy kwarta aron mapaayo kini nga van. Ug nagbayad pa gani ko para sa van kay wala pani maimpas, ug dili pod pwede mabaligya nga dauton ang van. Wala nako kabalo unsay akong buhaton. Siguro mas maayo pa nga masunog nalang ni nga van. Ug niana nga paagi ang kompanya sa insurance makabayad ug wala nakoy hasol pa.”

Mga tulo ka milya na lang gikan sa akong opisina, akong namatikdan nga adunay nagbulabula sa hood sa akong van. Samtang ako kining gitan-aw, ang bula nagkadako, ug samtang nakaabot nako sa parkinganan sa opisina, ang bula mibuto ug nahimong kalayo. Nakuratan kaayo ko; ang tibook ulo sa akong van napuno ug kalayo nga ang katas-on mga unom ka piye. Unya midagan ko ug dali paingon sa among opisina ug gitawagan ang opisina sa bombero. Ug sa pagkasunod adlaw ang van gikwenta kon pila ang mabayad sa kumpanya sa insurance, ug gihatagan ko nila ug tseke nga insakto sa kantidad nga gihulat sa attorney nga akong gikinahanglan mabayaran sulod sa tulo ka adlaw. Ako ug si Drenda natingala kaayo. Wala mi kabalo unsay among buhaton. Apan kahibalo mi nga ang Dios namuhat para namo ug kini usa ka pinasahi nga paagi. Ug ang among pakigsaad sa Ginghamarian nasulayan na usab sa bag-ong pamaagi aron ang among mga lakang maandam alang sa umaabot pa nga katuigan.

Human nga nasunog ang van, kami sa tinuod gawasnon na, apan among namatikdan nga wala naman diay mi sakyanan. Bisan tuod ang bayronon sa van wala na ug ang bayronon pod sa atorny humana, wala mi kwarta nga ikapalit sa bag-ong van nga sakyanan. Pagkadungog sa akong papa sa nahitabo sa among van, gitawagan ko niya nga gusto siyang mutabang nga makakuha ug bang-ong van. Mao nga nalipay kaayo mi nga nakadungog sa maong balita. Mao nga ako ug ang akong papa miadto sa nagbaligya ug sakyan ug didto among nakita ang van nga among nagustuhan duha sa akong asawa. Ang akong papa miingon nga hatagan mi niya ug \$5,000 ka dolyares, kay ang presyo sa van \$17,000 ka dolyares man. Ug ang bayaran nalang namo ingon nga utang \$12,000 ka dolyares na lang. Nagduhaduha ko sa pagperma sa

papel aron moaply ug ang akong papa mao ang moperma sa ikaduhang pamatuod ingon nga pasalig. Ug miingon sila pahibaw-a mi ninyo ugma inigbalik ninyo dinhi.

Nianang gabhiuna dili mi katulog. Kahibalo mi nga dili namo makaya ang bayronon. Ug ang Ginoo misulti kanako nga magtrabho gihapon ka, bisan walay sakyanan. Ang kalisod anaa ug nagdepende kon unsaon nako pagdisiyon. Human niadtong gabhiuna, Si Drenda ug ako nagdesisyon nga dili mi moperma sa papel aron mangutang. Akong gitawagan ang akong papa ug gipasalamatan sa iyang hanyag sa pagtabang pero akong gisultihan siya nga dili lang sa mi modayon. Sunod akong gitawagan ang tindahan sa sakyanan ug gibalibaran usab namo. Sila usab nadismaya adtong buntaga ingon nga ang pagpangutang namo naaprobahan na ug ang sakyanan nga van andam na aron among kuhaon. Bisan toud wala mi masayud kon unsaon sa Dios pagtabang kanamo mahitungod sa van pero gibati namo nga aduna mi kalinaw.

Niadtong panahuna si Drenda namaligya ug mga ginagmay nga mga karaang butang nga iyang nakaplagaan sa mga garage sale. Nagbilin siya ug mensahe sa usa ka tawo nga gustong mopalit ug mga gamit para sa ilang mga kwarto ug mga pila ka bulan usa nasunog ang van, apan wala niya makontak. Milabay ang pila ka adlaw may tawo nga mitawag kang Drenda nga iyaha nang ibaligya ang anaa sulod sa tulo ka kwarto niya nga mga butang ubus pa sa \$1,000 ka dolyares. Unya si Drenda naghimo ug kasabutan sa usa ka kompaya nga ibaligya ang mga furniture o mga gamit pabor sa iyaha aron aduna pod siyay makuha nga komisyon sa mga butang nga mabaligya ug tuod man gihatagan siya ug komisyon nga usa ka second hand nga sakyanan imbis kwarta. Mao nga, anaa nami maayo nga station wagon nga sakyanan, nakabayad pa sa attorney, ug nakabayad pa usab sa mga utang.

Wow! Mao kini ang paagi kon unsa ang Ginghamian sa Dios mamuhat. Niadtong higayuna, among napamatud-an sa among kaugalingon nga ang pamaagi sa Dios adunay kahimoan, ug nakigsaad mi nga magpadayon sa pagkat-on ug paggamit sa sistema sa Ginghamian gikan karon hangtod sa unahan. Siguro mangutana ka, “Unsang pamaagi ang among gigamit?” Ang pinakadako kaayo mao ang dili pagsalig sa utang kondili mangutana sa Dios kon unsa ang atong gikinahanglan ug tugutan Siya nga magpadayag nganhi kanato unsaon pag-ani niini.

Ang nahitabo sa van nakapa intriga kaayo kanako ug nasundan pa sa laing hitabo nga sa milabay nga bulan lamang, apan niana nga panahon, wala ko kasabot unsay buot ipadayag sa Dios kanako. Ang mga hitabo murag wala pa masumpay diha sa akong hunahuna ingon nga prinsipyo diha sa Ginghamarian.

Hilig ko mangayam ug binaw apan kanunay lang ko walay kuha sulod sa daghang katuigan. Mosuroy ko sa gawas unya maglingkod sa tugnaw nga dapit, ug kini akong gihimo kada adlaw pero wala gyuy swerte. Hinoon dili tungod kay hilig gyud ko mangayam; kon dili aduna man gud koy mga anak nga pakaonon ug sigurado kon makakuha magamit gyud ang unod niini. Bisan tuod naglampuson ko kaniadto, apan dugay-dugay na gyud nga aduna koy dalang karne sa binaw pauli. Usa ka adlaw niana samtang naghunahuna ko sa ting binaw, nadungog nako ang tingog sa Ginoo, nga nag-ingon, “Nganong dili Ko nimo tugotan nga ipakita kanimo kon unsaon pagkuha ug binaw niining tuiga?” Kana nakapakurat kaayo nako. “Ipakita nako kon unsaon pagkuha ug binaw karong tuiga?” Unsay buot ipasabot niini? Sa pag-ampo bahin niana nga mga pulong, gibati nako ang pagkadani sa pagtanum ug salapianong liso o gasa sa insaktong katuyoan aron makakuha ko ug binaw. Akong gibati nga ang Ginoo misulti kanako nga kon tamnan nako ang akong binaw, kinahanglang tuohan nako nga kini ako nang nadawat bag-o nako kini tinuod nga makuha, sumala sa Marcos 11:24

Busa sultihan ko kamo, nga bisan unsa ang inyong pangayoon pinaagi sa pag-ampo, tuohi nga kini imo nang nadawat, ug kini maangkon nimo.

Apan bisan pa man niana, ingon nga usa ka Cristohanon kanunay ko nga mohatag ug nagsuporta sa akong gisimbahan, apan ang pagtanum nga sama niini nga adunay tumong ug magtoo nga imong madawat kon imong iampo, bag-o kini alang kanako. Gikuha nako ang tseke ug nagsulat, “Alang sa tuig 1987 nga akong binaw.” Akong gipatung ang akong mga kamot ug gipadala sa mga buluhaton nga ako nagasalig niini ug nagdeklara nga akong madawat ang akong binaw samtang kini akong ihatag. Nagpuyo mi sa Tulsa, Oklahoma, ug ang syudad nagdili niadtong higayuna sa pagpangayam, mao nga wala koy dapit nga kaadtoan, apan giimbitar ko sa usa nako ka amigo sa simbahan

aron pag-adto sa balay sa iyang Lola kay adunay pagpasalamat sa ilaha. Ug iyaha kong gisultihan nga adunay pipila ka mga binaw sa ilang uma. Mao nga uban sa akong pamilya nangadto mi sa buntag sa ilang pagpasalamat ug nalipay kaayo mi uban sa pagkaon ug panaghiusa ug aron usab pagkuha sa akong binaw.

Ang akong amigo wala nahibalo kon asa ko niya paadtoon, apan adunay usa ka pastuhan nga gi-alihan ug mga kahoy, ug misugyot siya nga didto ko moadto ug molingkod sunod sa dakong kahoy nga anaa. Karon, gusto ko nga makuha nimo ni nga hulagway. Naglingkod ko sa sagbuton nga pastuhan nga adunay dakong kahoy sa tunga niini. Milingkod ko ug sa akong likod adunay usa ka kahoy ug akong giatubang ang mga kakahuyan, nga siguro mga 130 ka yarda ang gilay-on gikan kanako. Karon samtang akong gitan-aw ug usab kini, naglingkod ko sa usa ka hawan nga lugar sa uma duol sa usa ka kahoy. Ug dili kini maayo nga pwesto.

Mga 30 o 40 minutos sa buntag, nga ako walay kasayuran niini, nga ang lake nga binaw nagdagan sa hawanan gikan sa akong likod paingon sa kakahuyan nga anaa sa akong atubangan. Ang kahoy anaa sa tunga nako ug sa binaw, mao nga ang lake nga binaw wala makakita kanako ug ako wala usab makakita kaniya. Ang lake nga binaw tul-id siya nga midagan paingon sa mga kakahuyan nga wala makakita nga anaa ko didto. Sa dihang ang lake nga binaw miabot sa kahoy nga anaa sa akong likod, iyang napanimahuan ang akong baho ug mihunong siya pagdagan, natingala kon asa ko dapit, ang lake nga binaw mitan-aw palibot sa kahoy, ug ang among mga mata nagtinan-away nga aduna na lamag lima ka yarda ang among distansya. Wala ko nasayod kon kinsa sa amoa ang nakurat, apan ang laking binaw wala mag-usik ug panahon sa pagdagan ug kusog. Uban sa dakong pangusmo, midagan siya ug kusog kaayo paingon sa mga kakahuyan palayo kanako. Misulay ko pagkuha sa akong pusil ug gipangita siya sa akong nahimutangan.

Karon, ang pagsulay ug pusil sa mga binaw nga puti ug ikog nga naglinya ug nagdagan nga kusog kaayo dili sayon labaw na nga wala ko sa insaktong plastada pagpusil nila. Ug sultihan tika sa tinood, wala pako nakapusul kaniadto ug binaw nga nagdagan unya naigo. Akong mahinumduman nga maglisod ko ug punting sa usa ka binaw nga nagdagan ug magluksolukso'g taas kaayo diha sa hangin, Ug sama usab ang gihimo sa lake nga binaw nga puti ug ikog nga nagdagan ug nagluksolukso ug taas kaayo sa hangin.

Apan sa dihang gikablit na nako ang akong pusil, ang lake nga binaw natumba ug wala na maglihok. Natingala kaayo ko ug dako! Nahitabo kini kadali lang kaayo. Ang gilay-on sa akong nahimutangan sa dihang akong gipusil ang binaw mga 110 ka yarda sumala sa akong banabana' nga sukod. Karon tungod sa tingog sa buto sa akong pusil, ang akong amigo migawas ug midool kanako ug iyaha kong gipahalipayan ug sulti sa akong nakuha nga laking binaw nga iyang nakita nga nag higda na. Wala nako sultihi ang akong amigo kon unsa ang gisulti sa Dios bahin sa akong binaw nga nakuha. Apan, hinoon, akoa siyang gitan-aw ug giingnan, “Wala ko nagdahum nga kini nga binaw makuha tungod sa akong maayong abilidad sa pangpangayam.” Ug dihadiha gikuha dayon nako ang gamay nga papel gikan sa akong kupo, nga gisulat pa ang pitsa kon kanus-a nako gipadala ang tseke, nga nag-ingon, “Nagtoo ko nga madawat nako sa tuig 1987 ang akong binaw, sa ngalan ni Jesus.” Aduna koy petsa ug oras sa dihang akong giampo kadto nga pag-ampo sumala sa nasulat niini. Unya akong gihatag ang papel sa akong amigo aron iyang mabasa ug makita ug misugod ko dayon pagsulti kon unsay gisulti sa Dios nga akong buhaton.

Kini nga panghitabo nakakuha sa akong pagtagad. Nakahibalo ko sa walay pagduhaduha nga kini gikan gayud sa Dios. Apan sa usa ka rason, wala ko kasabot nga nakakonektar na diay ko sa balaod sa Ginghamarian. Sa tinuod, ang pulong nga “Ginghamarian” usa ka butang nga wala ko pa gihunahuna. Kay ang pagkakuha nako sa binaw katingalahan kaayo, apan mahitabo pa kaha to pag-usab? Kon wala pa ang konsepto sa balaod sa Ginghamarian, dili ko makablo kon giunsa o unsang mga balaora nga nakahimo sa binaw nga mopakita. Mao nga ako kining giila nga gikan sa Dios ug naghinahinam nga akong sulayan kini og balik sa sunod nga panahon sa pagpangayam. Apan bag-o pa miabaot ang panahon sa ting ayam ug binaw, ang van nasunog. Sa dihang nasunog ang van ug ang station wagon nga sakyanan miabot nga bayad na, ang Dios na gayud ang akong gitutukan. Mahinamon na kaayo kong mangayam sa sunod nga panahon sa ting binaw. Gusto nakong sulayan ang akong pangagpas aron pagkat-on ug dugang pa bahin sa Ginghamarian sa Dios. Kay ang ting binaw hapit na pod.

Ang una nakong binaw nga nakuha sa Oklahoma adto pang 1987. Apan pag-abot sa Hulyo 1988, mibalhin mi sa Ohio dapit diin ako nagdako. Bisan tuod midako ko didto, mga 12 na ka tuig sukad nga

ako nakapuyo didto. Ug samtang nagdako ako didto, wala gayud koy malampusong higayon sa pagpangayam ug mga binaw sa Ohio. Bisan tuod misulay ko sa daghang panahon, apan wala gyud koy nakuha bisan usa nalang kabook. Sa dihang nakapuyo nami sa among girentahang balay sa lungsod sa Ohio, akong namatikdan nga wala koy ideya kon asa ang dapit para mangayam, Ingon nga usa ka batan-ong lalake, nakaagi ko nga mangayam ug mga rabbit sa lugar sa akong amahan diha sa dapit nga may sapa. Akoy tigbuhat ug lit-ag sulod sa daghang katuigan samtang ako nagtubo pa, apan wala gayuy higayon o bisan usa nalang ka higayon nga nakakita ko ug binaw o bisan usa ka tunob nga

**NAHINGANGHA KO KAY KINI
NGA PAMILYA PWEDE NGA
WALA NAY UTANG SULOD SA
7 KA TUIG, APIL SA ILANG
MORTGAGE, BISAN DILI NA
USBON ANG ILANG KITA.**

timailhan niini sa maong lugar. Usa ka adlaw niana samtang nageskwela nako sa kolehiyo, ang akong igsoon mitawag nga hilabihang lipaya. Ingon siya nga nakakita siya ug binaw sa likod sa among sapa duol sa balay ni papa. Natingala mi tanan.

Samtang nahinundom ko sa gisulti sa akong igsoon, midisisyon ko nga moadto sa kilid sa sapa sa panahon sa ting binaw. Gitawag nako ang akong igsoon aron mangayo ug mga tambag kon asa dapit sa sapa ako moadto. Bisan tuod dugay nang panahon nga siya wala na makaadto didto, nakahinomdom pa siya sa dakong kahoy sa utlanan sa maong dapit sa mga kakahuyan ug naghunahuna ko nga kini usa ka maayong pwesto nga tagoan. Tungod kay sa batan-on pa kami naanad mi sa pagsaka kanaog sa maong lugar sulod sa daghang katuigan, nasaud ko sa matag liko niana nga sapa og nahibalo ko kon asa ko niya buot moadto.

Si Drenda ug ako mikopya ra sa gipakita sa Ginoo kanamo tuig na ang milabay didto sa Oklahoma—pagtanum ug binhi, ug isulat kini ug tuohi nga kini inyong madawat kon kamo moampo, sumala sa Markos 11:24. Niadtong panahona, ang Ohio nagtugot ug duha lang ka binaw ang ipakuha kada usa ka tawo, among gihunahuna nga mopugas mi para sa usa ka binaw ug sa laing adlaw mokuha sa ika duha. Mao nga si Drenda ug ako nagpugas ug usa ka binhi para sa usa ka binaw ug nagtoo nga kini among madawat kon kami moampo. Katingalahan gayud, kay

mga kwarantana minutos sa pag-abli sa pagpangayam ug binaw niadtong buntaga, dili kay usa ra ang nakuha nako kondili duha gyud kabook. Wow, siguradong aduna kamiy nadiskobrihan!

Mga usa ka bulan ang milabay, aduna koy damgo bahin sa usa ka negosyo. Ug ang negosyo nalambigit sa tanang salapianong bahin nga akong nahibaw-an gikan sa insurance nga negosyo, pero adunay lahi nga katuyoan sumala sa akong damgo. Wala kaayo nako nasabtan kini, pero sigurado ko nga ang Dios nag-aghat kanako nga magsugod ug akoang negosyo ug mobiya sa kumpanya nga akong gitrabahoan sulod sa walo ka tuig. Sa panahon sa akong pagdamgo, nagtrabaho pa ko sa pagpamaligya ug insurance sa kompanya.

Mga usa ka semana human sa akong damgo, aduna koy eskedyul sa pagbisita sa usa ka pamilya aron makig-istorya bahin sa insurance, ug bisan tuod nagestoryahanay mi bahin sa life insurance, nakahibalo ko nga ang pagkuha ug life insurance dili maoy ilang tinuod nga gikinahanglan o problema. Tungod kay sila nagkabalintuwad sa ilang binulan nga budget ug anaa pa gayuy utang. Kabahin sa normal nga plano para sa akong mga kostumer sila pasulaton ko sa papel uban sa tanang detalye mahitungod sa ilang salapianong bahin. Ug kini makatabang kanako kon pila gayud ang ilang gikinahanglang insurance sa ilang kinabuhi. Niana nga gabii wala ko nahimutang bahin sa ilang pamilya, gusto nako unta silang tabangan, apan wala ko kahibalo kon unsaon. Milingkod ko ug gibasa ang ilang papel ug nagsugod ug trabaho sa pagpangita ug paagi kon unsay angayan para nila. Samtang nagtrabaho ko gamit ang akong calculator, nabalhin ko gikan sa life insurance nga bahin ug nagsugod pagpangita kon pwede ba nga ako silang malibre sa ilang binulan nga budget. Pinaagi sa pagpahiluna sa mga ginagmay nga mga butang gamit ang calculator, nahigangha ko nga sila nga pamilya pwedeng wala nay utang sulod sa pito ka tuig lamang, apil na sa ilang mortgage nga dili kinahanglang usabon ang ilang kita.

Niini nga punto, nagtrabaho ko sulod sa 8 katuig ug wala gayud koy nadungog nga adunay usa ka tawo nga miingon nga mahimo kini. Akong gibalikbalik ug trabaho ang mao nga kahimtang ug nakuha nako ang pareho ra nga tubag: unom ka tuig ug duha ka bulan posible nga wala na silay utang. Unya miadto ko sa akong butangananan sa mga listahan nga papel ug nagsugod ko ug pangita sa ubang listahan sa mga

pangalan. Ug gihimo nako ang samang kwentada ug miabot sa mao gihapon nga tubag: ubos sa pito ka tuig wala nay utang. Sa prangka nga pagkasulti, nahingangha kaayo ko niini nga impormasyon.

Naghunahuna ko nga ang akong kleyente madasig gayud kon makakita siya niini. Mao nga midesisyon ko nga buhaton ang maayong presentasyon ug ipakita kanila kon unsay akong nadiskobrehan bahin sa ilang gikinahanglang insurance sa kinabuhi kon magkita nami ug usab. Gibati nako kaayo ang kalooy niini nga pamilya. Kay kabalo ko kon unsa moapektar ang pinansyal nga kalisod sa tanang bahin sa kinabuhi ug gusto ko nga sila makabalo nga aduna pa silay paglaom. Mao nga akong gipakita ang akong gamay nga gitype nga presentasyon sa akong kleyente, ug samtang nagpadayon ko sa pagpakita kanila sa mga numero naglingkod sila nga natingala kaayo. Human nga akong gipakita kon unsa ka dali nga sila makalingkawas sa utang. Ug dihadhiha ang bana milukso sa kalipay uban sa mga luha ug misugod sa pagpasalamat kanako. Tinood ba ni, sama sa atong makita sa telebisyon nga usa ka pamilya nakadaug sa grand prize o sa usa ka game show. Dili sila makatoo kon unsa ang akong gisulti kanila. Kini usa ka buhi nga kasinatian para kanila ug kanako.

Samtang nag hunahuna ko bahin niadtong gabhiuna, dili nako madawat ang kamatuoran nga pinaagi sa dyutay nga pagpahiluna sa mga kabtangan sa akong kleyente ug sa mga numero, malampuson akong mipakita kanila unsaon nga mahimo silang gawasnon sa utang ubos lamang sa pito ka tuig. Nakita nako ang kahimoan ug paglaom nga mahatag niini ngadto kanila. Akong gibalikan pag-usab ang mga listahan sa akong mga kliyente aron pagsusi kon pila ka mga kliyente ang pwede mahimong sama nila “nga ilalom lang sa pito ka tuig sila usab mahimong wala nay utang.” Ug nasurpresa ko sa pagkakita nga 85% porsento kanila makahimo usab. Pero walay tawong mibutyag niini? Human niana nga gabii uban sa akong kliyente ug human sa daghan nakong pagtrabaho sa mga papeles sa daan nakong mga kliyente, nakaamgo ko nga posible nga pwede kong magsugod ug negosyo nga ipakita sa mga tawo unsaon nga makagawas sa utang uban sa akong plano.

Karon, niining panahona wala pa ako makagawas sa akong kaugalingong utang, apan naluoy gayud ako sa mga tawong nahasol usab sa ilang salapianong bahin, ug kini nga misyon midani kanako

labaw pa sa pagbaligya ug insurance sa kinabuhi. Unya misugod ko ug pagpakita niini sa tanan nakong mga kliyente sa insurance, ug sila usab tanan, pulos nahingangha.

Ingon nga modelo sa negosyo, aduna koy ginagmay nga mga problema nga kinahanglan masulbad. Una taas kaayo ug panahon sa pagkwenta nga kinamot lang, ug magtype pa para nila aron ipakita ang porma o plastada niini. Ikaduha, unsay akong himuon aron mokita ako pinaagi niini? Hangtud nga nakigsabot ko sa usa ka tawo nga maayo sa paghimo ug computer software ug naghimo ig programa nga akong magamit sa pagbuhat sa mga plano nga dali lang kaayo. Ug bahin sa akong ikaduhang problima, kabalo ko nga dili ako makasingil sa mga tawo ug kwarta kon unsaon nila paghaw-as sa utang kon wala silay kwarta aron makasugod. Mao nga misugod dayon ko ug ampo bahin niini.

Usa ka adlaw niana adunay dakong plano nga among gihimo. Akong gibati nga ang Dios naghatag ug pamaagi unsaon pagpadagan sa akong kompanya, pagtabang sa mga tawo nga walay bayad apan mokita gihapon ako. Diha sa akong plano, akong pangitaon kadtong gitawag nga nawalang kwarta, kwarta nga anaa sa kleyente pero wala pa niya makita. Sama pananglitan, akong ipakita ang nagkalainlaing sakyanan, balay, kinabuhi ug kantidad sa insurance sa kahimsog, nangita kon asa makabarato. Akong ikumpara ang mga kantidad sa mga mortgage ug kon mas maayo bang maghulam usab. Akong susihon ang daghang mga butang sama niana, bisan tuod dili ako ang personal nga nagkupot niana nga bahin sa negosyo nga akong nasusi. Sa dihang anaa na unya ko sa balay sa akong mga kleyente, akong ipakita kanila ang mga ginansya ug unya palihukon sila sa ilang kaugalingon sa pagpangita ug kompanya nga mag-implementar sa akong mga ideya o mangita ug tawo nga nagdalag kompanya nga akong nakaplagan unya mas gamay pa ug gasto para sa tanan. Dihadiha, nakaamgo ako nga posible kong bayran sa mga kompanya tungod niini nga mga kleyente.

Ang epekto niini, ako na ang nagtrabaho sa pagpamaligya ngadto sa akong mga kleyente sa mga produkto niining mga kompanyaha. Ang ilaha nalang buhaton mao ang pagpirma niini. Mao nga akong gisugdan pagkontak ang mga tig baligya, ang ilang mga representante, ug ang mga tawong hanas sa trabaho nga akong gisugyot nga maoy kontakon sa akong mga kleyente ug sultihan sila unsa ang akong mga

ginahimo ug pangutan-on sila kon angayan ba nga ilang bayaran ang akong pagtabang kanila. Ug silang tanan miingon nga “oo.” Ug mao kadto ang akong mga gihimo. Busa gibiyaan nako ang akong daan nga kompanya ug nagsugod ko ug akoang kompanya sa pagtabang sa mga tawo unsaon nga mahaw-as sila sa utang. Ang negosyo nagsugod ug nagpadayon. Nakahimo kini sa pagtabang kanamo ni Drenda sa pagtigum ug igong kwarta nga nakapagawas kanamo sa utang sulod lamang sa duha ka tuig ug tunga! Hilabihan gayud namong lipaya! (Kon interesado ka nga nga makabaton ug libre nga plano bahin niini, tawagi ang numero 1-800-815-0818. Nagahimo gihapon mi niini hangtod karon sulod na sa 28 ka tuig!)

Ang matag-adlaw bag-o para kanamo samtang ang Dios nagpadayon sa pagpadayag ug dugang pa gayud kon unsaon pagpadagan ang Iyang Gingharian. Samtang nagbisita na pod ko ug laing kliyente, ang Dios nakigsulti kanako nga magkuha ug mga tawo ug tukuron ang akong gamay nga negosyo ngadto sa tininood na gyud nga negosyo. Samtang nanguha ko ug mga tawo aron motrabaho uban namo, ang among negosyo misugod ug uswag ug nagkadako kini. Gisultihan ko na ikaw sa sinugdanan pa, kon giunsa namo pagbayad sa among mga sakyanan ug kon giunsa namo pagtukod ang among ginadamgo nga balay. Panahon sa akong meting nga binulan alang sa negosyo uban sa akong mga bag-ong gikuha nga mga tawo, akong ipaambit kanila ang bahin sa Gingharian sa Dios, ug ang mga tawo manuol sa among kompanya aron pagpaminaw ug dugang pa mahitungod sa Gingharian ug kon unsaon pag-aplikar niini ngadto sa ilang matag-usa ka kinabuhi sama nga sila miadto usa ka oportunidad sa pagnegosyo.

Ang mga pagtulon-an nga gipadayag sa Dios kanako katingalahan gayud, ug hinoon, ang kasagaran niadto nga mga pagtulon-an akong nakat-onan sa dihang anaa ako sa gawas aron sa pagpangayam kada tuig. Ug ang mga istorya nga akong nakita sa pagpangayam, hinoon, katingalahan kini, sa yanong pagkasulti. Ug dili dayon nako kini matuohan hangtod nga kini akong makita sa duha ko ka mga mata nga tinood gayud. Ang sugilanon nagtudlo kanako ug bag-ong pagtulon-an bahin sa Gingharian nga wala pa nako makita sukad-sukad. Akong gihunahuna nga akong ipaambit kanimo ang ubang bahin pinaagi niini nga libro, apan kon gusto gayud nimong basahon ang istorya sa akong mga pagpangayam, pwede nimong makuha kini sa akong libro nga, “*Faith Hunt*” diha sa akong website.

Kini nga istorya nahitabo pila na ka tuig sa akong pagdiskobri sa pagpangayam sa binaw ginamit ang bag-o kong nakaplagnan nga kahibalo bahin sa Ginghamarian. Sama sa ako nang gipaambit, ang Dios nagtudlo kanako kon unsaon sa pagtanum para sa akong laki nga binaw ug sa pagdawat *na* niini bisan ako pa kining giampo—ug sa walay sipyat, akong giani ang akong laking binaw sulod lang sa 30 o 45 ka minutos kada tuig. Ug kana nagpadayon nga nahitabo karon sulod na sa 28 ka tuig. Sa laing bahin, karong tuiga migawas gihapon ko sama sa naandan, ug karon kumpyansa na ko nga siguradong mopakita gayud ang binaw. Sa pipila ka minutos lang, ania gayud, akong nakakita ang laki nga binaw naglakaw palayo kanako ug hapit na musulod sa kakahuyang luna sa among silingan mga 200 ka yarda nalang ang gilay-on. Kabalo ko nga kon ang binaw makaabot na gani sa kakahuyan mawala na gyud dayon kini, apan kahibalo ko nga siya mao ang akong laki nga binaw. Mao kini ang panahon nga wala pa ko nakahibalo unsaon ang pagpangayam gamit ang pana, uban sa agumod nga pagtawag, o unsaon nga madani sa tingog ang laki nga binaw. Kahibalo ko nga ang laki nga binaw maoy akong makuha, apan nagtan-aw ko nga walay mahimo samtang naglakaw ang lake nga binaw paingon sa kakahuyan sa among silingan. Apan sa kalit lang nadungog nako sa akong espiritu nga nag-ingon, “sultih ang laki nga binaw nga mobalik paingon sa imo.” “Unsa, sultihan ang laki nga binaw nga moanhi kanako; unsay buot ipasabot niini?” Dili ko sigurado ninii, mao nga misulti ko ug kusog, apan dili hinoon kusog kaayo nga makadungog ang laki nga binaw kanako, “Binaw, gisugo ko ikaw sa paghunong, unya talikod, ug paduol sa kahoy nga akong gitindugan.” Pana ang gigamit niining higayuna ug giingnan ko pod ang binaw sa pagpaduol sa ilalom sa kahoy kay nagtinguha ko nga mopaduol siya kanako. Naghunahuna ko kon pagtuo maoy makapaduol sa laking binaw gipili ko nga mopaduol siya kaayo aron sayon kanako ang pana kaniya.

Katingalahan gayud, sa dihang misulti ko niadtong mga pulonga, mihunong dayon ang laki nga binaw, unya mibalik, ug misugod sa paglakaw paingon sa kahoy nga akong gitindugan. Natingala kaayo ko nga ang usa ka binaw mibalik gikan sa 200 ka yarda ang gilay-on ug mipaingon sa kahoy nga akong gi tindugan. Tinuod gayud, mitindog siya nga wala maglihok duol sa kahoy nga akong gitindugan nga aduna lamay 12 ka piye ang gilay-on. Wala na ko naghimo ug pagtawag,

wala nay pagpahawas og baho', wala nako mag-agumod, ako lang ug ang Dios, apan ang binaw nagtindog nga duol kaayo. Wala siguroy tawo nga masipyat sa pag-pana sa kaduol niini. Busa akong nadala ang maong binaw uban sa dakong kalipay, pero dili nako malimtan kon unsa ang akong nakita. Midool ba kanako ang maong binaw tungod kay kini akong gitawag nga moduol? Mao gayud ang nahitabo.

Ang uma nga among giabangan sa Ohio mga 89 ka acres lamang ug kasagaran mga kakahuyan, adunay mga linaw nga tubig sa ubos, ug mga kasagbutan. Sa panahon sa tingtugnaw nga bulan, ug labina unya kon adunay mga niebe sa yuta, malipay kaayo mi nga mogawas para mangagayam pod ug rabbit. Ang Ohio adunay kapanahonan sa usa ka klase nga langgam nga gitawag nga *ring-necked pheasant* nga daw sama kini sa panahon sa mga nindot nga rabbit, apan talagsa ra kaayo mi makakita niini sa among uma.

Niini nga adlaw, migawas na usab kami aron mangayam ug rabbit, ug didto mi nangayam tunga sa sapa nga may tubig nga ligoanan sa dagkong ihalas nga mga langgam. Ako dayong gilipot ug dali ang langgam ug gipusil dayon kini. Kahibalo ko nga sa dihang akong gikablit ang akong pusil ang pako lang sa langgam ang naigo niini. Pero ang langgam nahulog gihapon; hinoon, sa dihang nahulog na kini sa yuta, ang maong langgam nakadagan gihapon bisan hapit na mamatay. Unya ang langgam nga pheasant modagan kini sa gikusgon nga 35 ka milyahe kada oras ug kini iyang gibuhat sumala sa iyang makaya. Ang yuta gitabunan sa bag-ong nangatagak nga snow, ug ang langgam midagan sa hawan nga luna nga adunay pagkabakilid gamay, nga sayon ra gihapon nako siyang makita bisan siya gustong moikyas.

Nagtindog ko didto nga murag wala nay paglaom ug naghunahuna nga siguradong magpahilayo gyud ang langgam, apan diha sa akong espiritu aduna koy dali nga dihog sa kainit. Kahibalo ko unsay nahitabo sa dihang akong gisultihan ang laking binaw nga muhonong ug mobalik kanako. Akong gibati nga kini akong sulayan, misinggit ko ug kusog, "Langgam nga pheasant, sa ngalan ni Jesus, HUNONG!" Dihadiha, wala na nako nakita nga ang langgam milakaw pa sa unahan o pabalik. Makita kaayo nako ang tibook nga dapit, ug ang langgam mihunong niadto gayong higayuna nga kini akong gisingitan nga mohunong. Ang akong anak nga lalaki nga si Tim nga uban nako miingon, "Dad, ang langgam mihunong sa dihang imo kining gisinggitan." Apan asa

naman to? Si Tim ug ako among gisubay ang tunob sa langgam didto sa lugar, ug kini nakita namo nga naglingkod ra diay sa snow. Ug ang iyang ulo nalubong ang katunga sa snow, pero ang iyang lawas anaa ra nga makita kaayo sa lugar nga adunay snow. Medyo natabunan kini'g gamay nga sagbot, nga maoy hinungdan nga wala namo dayon siya makita. Patay naba kaha ni? Akong gipunit ang langgam, ug dihadaha kini nagkapakapa sa duha niya ka pako nga nagsigig iyagak. Kay ang langgam perting buhia pa kaayo! Sa dihang among gisusi ang langgam sa among pagihaw niini, natapsingan ko ra diay ang tuong pako niini. Si Tim ug ako nagtinan-away nga natingala. Walay makatoo sa kon unsa ang among nakita, wala gayud.

Sama sa akong nasulti sa miagi. Nga sa Ohio duha lang ka binaw ang gitugot nga ipakuha babaye man o lalake. Ug usa lang ka laki ang gitugot nga kuhaon kada tuig. Ang Ohio naningkamot nga mapaubsan ang gidaghanaon sa mga binaw pinaagi sa pagkuha ug daghan niini. Mao nga kinahanglan ko magtanum ug binhi sa binaw nga lake ug baye, ug sama sa mga panahon nga nangagi, ang laki nga binaw moabot ug una mga 30 o 40 minutos, ug unya sa sunod nga mga oras ayha na dayon mogawas ang baye mao kana ang akong pangaggpas sumala sa ilang kinaiyahan. Usa ka adlaw nakhunahuna ko, “Kadali lang; ang mga binaw nanggawas sumala sa akong gisulat sa dihang akong gipugas ang akong mga binhi.” Tinood ba kini? Unsa kaha ang mahitabo kon akong balihon ang paagi? Kay kasagaran akong tamnan ang para sa laki una' ug dayon ang baye nga binaw ug mao pud na ang mahitabo kanunay nga sila magpakita. Apan niini nga higayon, akong gitamnan ug una ang baye ayha na ang laki imbis laki ayha ang baye, ako kining giusab sulod, sa pipila na ka tuig ang milabay. Akong gisulayan ug tama ba ang akong teorya, ug tuod, nahitabo sumala sa akong gihimo. Natingala kaayo ko ug dako bahin sa Ginghamarian ug unsa ka gamay ra kaayo ang akong nahibaw-an bahin niini. Adunay usa ka butang nga tinood, nga ang Ginoo nagpadayag nga aduna pay daghang mga butang nga kinahanglang akong mahibaw-an bahin sa akong pagdumala kon unsaon nako pagpahiluna ang akong kinabuhi nga labaw pa sa aking gidahom.

Sa laing bahin, hapit na moabot usab ang ting binaw sa tuig 2015. Akong gitamnan na daan ang laki nga binaw nga daku-daku (*four-point*), apil ang kapin sa usa ka tuig nga bayeng binaw, ug usa ka kapin

tuig nga laki, para sa pagkaon. Sama sa dagan sa oras, ang mas daku-daku (*six-point*) nga akong gilauman miabot sa akong gitaguan nga kahoy; ug unya, akong nakuha ang kapin tuig nga bayeng binaw, usa ra pod ang miduol sa akong kahoy. Ug nabalo na ko nga sa sunod mogawas mao ang kapin tuig nga laki aron akong makuha. Kabalo ko nga kon paminawon murag binuang kini, apan ako lang kining gisulti kanimo kon unsay akong nakita nga nagakahitabo.

Apan adunay usa ka pagpangayam ug binaw nga naghimo niining tanan sa klaro gayud nga nakapahadlok kanako. Akong gitamnan alang sa daku-daku (*four-point*) nga binaw o mas dako pa ug sa usa usab ka gamay nga binaw (*button buck*), (ang gamay nga laking binaw gikonsederar nga mor'g baye kay mas gamay ug sungay nga adunay murag gagmay nga mga batones). Migawas ako sama sa naandan ug miabot ang daku kaayo nga laking binaw (*eight-point*) sulod lang sa 15 ka minutos panahon sa pagpamana'. Sa dihang mibalik na ko alang sa sunod nga higayon, nakasiguro gyud ko nga ang gamay nga laking binaw ang motungha didto.

Human sa duha ka semana migawas ko ug usab, ug samtang naglingkod na pod ko didto sa kahoy nga akong gitagoan, nakita nako nga nindot kaayo nga 8 ka sungay nga binaw nagpadulong sa kaumahan mga 300 ka yarda ang gilay-on gikan sa akong nahimutangan. Siya paingon sa kahoy nga akong gilingkuran, wala gayud siya motipas sa iyang paglakaw ug miabot sa lugar nga dool sa kahoy nga akong gitindugan ug mitindog siya didto sulod sa 20 ka segundos. Unya mitalikod siya ug mipaingon sa dapit nga gisubay ang insaktong dalan nga iyang giagian. Hinumdomi, usa lang ka laking binaw ang gitugot ang legal nga makuha sa Ohio. Ug unya nakakuha na ko binaw nga adunay walo ka sungay (*eight-point*), mao nga milingkod lang ko ug nagtan-aw sa laki nga binaw ug wala mipusil niini. Medyo nalibog ko. Mao ni ang unang higayon sa akong pagpangayam nga adunay miabot nga binaw apan dili kini ang akong gitamnan ug binhi. Sa gihimo sa binaw nga laki, miabot siya diretso gayud sa akong gilingkuran nga kahoy unya mitalikod ug milakaw diritso pod paingon sa iyang gigikanan morag katingalahan. Daw ang binaw adunay katuyoan. Naghulat ko nianang buntaga apano wala mipakita ang laki nga binaw.

Niana nga gabii nasamok kaayo ko bahin niadtong tanan nga nahitabo. Morag adunay sayop, ang laki nga binaw dapat mipakita. Ug

nganong ang binaw nga laki nga adunay walo ka sungay ang mitungha sa ingon nga paagi? Samtang naglingkod ko didto, nagsugod ko sa pag-ampo diha sa espiritu, nga nagpatabang sa Dios nga Iyang ipasabot unsa kadtong nahitabo. Akong nadungog ang Iyang tingog nga nag-inogn kanako, “Tan-awa ang imong binhi.” Tan-awon ang akong binhi? Kay nakahibalo ko kon pila ang akong gipugas. Ang akong bangko adunay mga kopya sa mga tseke niini. Mao nga gikuha nako ang akong mga listahan ug gitan-aw ang mga tseke nga akong gisulatan sa akong gitanom para sa akong binaw. Nagtoo gyud ko nga nakatanum ko sa akong mga binhi para sa duha ka binaw nga lake, usa ka binaw nga adunay upat ka sungay o mas dako pa ug ang uban para sa gamay pero laki gihapon nga binaw, nga kini gikonsiderar sama sa baye, sama sa akong gisulti bag-o lang. Apan mao diay ni ang nakasulat sa akong tseke, “Alang sa duha ka laking binaw, upat og sungay o mas dako pa, ug usa pod para sa gamay nga laki,” Bisan tood murag ang akong giingon duha ka laki nga binaw, dili diay ingon ana ang pagkasulti. Kay ang pagkasulti ingon man diay niini, “Alang sa duha ka laking binaw upat og sungay o dako pa ug usa lang para sa gamay nga laki.” Mao nga pila man ka binaw tanan? Tulo, kay ang ikaduha mao ang upat og sungay o mas dako pa sama sa nauna. Sa dihang ako kining nakita, milingkod ko nga wala maglihok. Kay kadto diay’ng walo og sungay mao na diay to. Mipakita diay unta to nga laking binaw didto tungod sa balaod sa Ginghamian. Mao nga nakalukso ko ug misugod sa pagsinggit ug mituyoktuyok ug dagan sa palibot sa among balay. WOW!!!!

Sa samang panahon, unsa tong akong nakita nakapahadlok kaayo kanako. Kay kon unsa diay tong akong gitanum mao usab ang insakto nga mahitabo sa Ginghamian, nan kinahanglan gayud ako nga mag-amping na sa sunod. Kinahanglan kong magmatngon sa mga panghitabo nga daw dili na unta mahitabo pa ug usab, apan kini nahitabo tungod kay gibuhian na nako sila sumala sa espirtuhanong balaod. Karon nakaamgo ko nga posibli daghan diay’ng mga tawo, apil nako niini, nga nakasinati ug mga panghitabo nga wala nila gidahum nga mahitabo, apan kini nahitabo, sa ilang kaugalingon ang bisan dili unta nila gusto nga masinati. Hinumdumi, pinaagi sa Iyang mga pulong, namatay ang kahoy nga Igera ug sa laing panahon iyang gitawag si Lazaro nga mogawas gikan sa lubnganan. Sa managsamang hitabo nagagamit ug

parehong balaod sa lainlaing situasyon ug katuyoan. Mao nga sa sunod nakong gawas aron sa pagpangayam, kadtong gamay nga laking binaw mipakita sama sa kon unsa ang akong pagtanum.

Ang kinatibuk-ang sunod sunod nga mga panghitabo nakapasurprisa kanako ug kini adunay dakong epekto kon unsa ang akong panglantaw bahin sa Gingharian. Karon nakahibalo nako, sa walay kalibog, nga ang Gingharian detalyado gayud diay kaayo. Apan kita masurprisa ba niini usahay? Kay ang matag tinuod nga lawasnong balaod dinhi sa kalibutan dapat sama pod unta ana ka detalyado. Ang akong pangagpas nga wala gayud ako nakaamgo sa espirituhanong balaod nga nagpanglihok sama sa pisikal nga balaod nga ang espirituhanon maoy nagdala niini aron mahitabo. Unta nakahibalo na ko apan wala. Apan karon nakahibalo na ko nga ang Gingharian detalyado gayud diay kaayo, hilabihan ka detalyado kaayo.

Sige, kay nangutana kaman, mao nga hatagan ko ikaw ug laing istorya sa pagpangayam. (Nahigugma kaayo ko niini nga leksyon nga akong nakat-onan samtang nangayam ko, aron ikonsederar nimo kini sama kanako.) Kay ako namang nakita unsa ka detalyado ang Gingharian, midisisyon ko nga mosinati sa mad detalyado nga kasinatian. Niini nga tuig, nakadisisyon ko nga mutanom alang sa pito og sungay nga laking binaw. Kay kasagaran, ang binaw pareho ra ug gidaghanon sa sungay sa matag kilid. Ang upat og sungay adunay tag duha ka sungay sa matag kilid. Ug ang walo adunay tag upat sa matag kilid, ug uban pa. Apan dagahang kahigayunan, ang sungay sa laing binaw dili na magpareha tungod sa daghang rason, ug maglahi na ang gidaghanon sa matag kilid. Apan, sama sa aking giingon, kasagaran managsama ang gidaghanon sa matag kilid.

Gusto nakong ipagawas ang akong pagtoo sa usa ka detalye ug dili kumon, samtang nagbuhat ko ug usa ka experimento, kon akoy pasultihon. Kay akong nakat-onan nga kon mas detalyado, mas dugay-dugay kang maghulat niini, ug ang kainsakto niini maggikan sa Balaang Espiritu aron kini mahitabo. Mao nga sa pag-abli sa tingpangayam napod nga panahon, kabalo ko nga dili sa' ko mogawas; Kay nahibalo ko nga wala siya didto. Gani, naghulat ko hangtod sa pagka oktobre, ug nakahibalo ko diha sa akong espiritu nga, “Ayaw, kay wala pa siya didto.” Mibati ko ug kapakyasan; ang kulor sa mga tanom, ang mga kakahuyan, gusto gyud kong mogawas na didto. Apan nagpaabot ko.

Unya adunay nahitabo. Usa ka gabii samtang naglingkod ko sa among sala nga nakig-estorya sa mga ginikanan sa akong asawa, nga mibisita kanamo gikan sa Georgia, akong nadungog. Ugma mao ang adlaw. Ang pito og sungay nga binaw motungha! Busa akong gisultihan ang akong pamilya nga moadto ko aron makuha nako ang akong lake nga binaw sa sunod nga adlaw. Nimata ko nga naghinamhinam kaayo ug milakaw dayon sa dili pa mohayag. Nangayam ko karon uban sa akong pana didto sa may kahoy nga nagtindog nga ibabaw sa mga upat ka hektarya nga luna sa may linaw nga tubig sa pulo nga nag-ulang sa mga kahoy. Usa kini ka nindot nga pwesto. Ang mga naglupad nga patong ihalas mitugpa niini, ang mga dagkong mananap nga mora gyud ug ilaga ug bisan pa ang mga milo' makita nga nagsuroysoruy sa kadaplina. Ang mga sagbot maoy nag-ali sa tubig, ug kini mao gyuy usa ka pinaka gustong dapit nga higda'higdaan sa mga binaw ang akong luna. Ug samtang naghulat ko diha sa akong gitindugan, walay nahitabo. Naghulat ko ug mga 45 ka minutos, unya miabot ug usa ka oras, ug wala gyuy nahitabo.

**KARON NAHIBALO
NAKO, NGA WALAY
NAY KALIBOG, NGA
ANG GINGHARIAN
DETALYADO GAYUD
KAAYO.**

Nakadungog ko ug abli ug sirado sa mga pultahan sa sakyanan didto sa uma duol sa akong balay, ug kabalo ko nga kadto mao ang mga ginikan ni Drenda nga mopauli na paingon sa Georgia. Aduna koy saad nga mouban kanila nga mamahaw mi tanan sa dili pa sila muoli, ug ako ang magluto. Ang akong plano unta nga makakuha na ug binaw sa sayo pa unya mao ni akong lutoon sa balay aron pamahaw para sa ilaha. Apan ang lake nga binaw wala pa man miabot, nagduhaduha ko nga mogawas sa kahoy nga akong gitindugan unya mouli didto sa akong balay. Kay kabalo ko gikan sa akong kasinatian diha sa akong luna nga ang binaw kasagaran mogawas diha sa tubigan nga bahin usahay buntag na, ingon nga kini maoy ilang gustong higdahigdaan nga lugar. Sama sa akong gisulti, tan-awa, kabalo ko nga ang binaw moabot gayud bisan minuto na lang niadtong higayuna. Apan dili na ko makadugay pa ug hulat. Mao nga mobalik nalang ko sa sunod nga buntag napod.

Nagkinumustahanay mi sa usag usa didto sa balay samtang

nagsugod ko ug luto sa among ipamahaw. Ako gayud ang kanunay magluto ug pamahaw sa among balay ug kini akong gihimo sumala sa akong mahinumduman. Aduna koy espesyal nga putahe kanang whole wheat nga waffles, talagsaon gayud ang pagkaluto niini, kon akoy pasultion. Nagluto pod ko ug mga itlog, ug sausage, ug ang cheese akong gi budbud ibabaw sa akong gilutong mga sud-an, apan ang pinaka sentro nga butang nga nakapahimong maayo kaayo sa akong giluto para sa pamahaw mao ang tinuod nga apple syrup. Ang Ohio iladong lugar sa maple syrup, ug ang mga tawo sa among lugar namuhat ug namaligya pod ug mga maple syrup. Apan wala ko nagatugot ug mga peke nga maple syrup sa among balay, kana lang gyung tinuod. Mao nga samtang nagluto ko ug pamahaw, unya kay ang among bintana sa kusina nag-atubang man sa lugar nga adunay tubig ug kalapukan, sa kalit lang, nakita nako ang lake nga binaw nga naglakaw sa luna paingon sa dapit nga adunay tubig nga lapokon. Mao nga nakasinggit ko, “Anaa na ang akong laki nga binaw.” Mao nga gisultihasn nako sila nga humanon nila ang akong giluto kay adtoon nako ang binaw!

Kahibalo ko samtang nagtan-aw ko sa binaw nga milatas, nga sumala sa nangagi nga didto gayud sila kasagran mopaingon. Ug aron makaadto siya didto, moagi gyud siya didto sa akong gitindugan. Mao nga kinahanglang makauna ko didto sa akong gitindugan ug abot, kay didto sa likod siya moagi, akoa gyud siyang mapanaan dayon. Pero ang pag-una ug abot kay sa binaw didto sa kahoy nga akong gitindugan usa ka lisod nga butang. Mao nga kinahanglan nakong mobiya KARON NA! Midali dayon ko ug dagan gawas sa pulthan, mikuha dayon ko sa akong pana ug samtang anaa pa ko sa dalan sa maong lugar nga nagdagan, unya sa hinayhinay sumala sa akong mahimo. Nakaabot ra gyud ko sa akong tinduganan ug hinayhinay nga miplastar. Maayo kat wala pa makaabot ang laking binaw.

Milingkod ko gikan sa akong pagtindog ug nakita nako ang lake nga binaw nga nagpaingon sa tubig nga lapukon agi sa dapit nga akong tinduganan diin ako naglingkod. Ang lake nga binaw wala manumbaling kon unsa ang anaa sa palibot gawas pa adunay baye nga iyang gi taparan nga wala usab nakakita ug nakapanimaho kanako. Ang baye nga binaw nangusmo duol sa akong gitindugan ug nagpaingon ngadto sa tubig nga lapokon. Ug ang laking binaw nagpaingon usab sa samang dalan nga giagian sa baye nga binaw. Dili nako' makapangayo

pa ug insaktong plastada. Karon uban sa laking binaw nga adunay 25 ka yarda ang gilay-on, mihinay ko ug punting niini uban sa akong pana ug ako kining gibuhian. Akong namatikdan nga ako nakadlit ang ikaduhang pana. Atong dawaton kini; nahutdan ko og hangin sa akong pagdagan paingon dire aron lang maunhan ko ang laking binaw.

Nadismaya kaayo ko kon giunsa pagkaigo sa pana kay mabaw ra kaayo ang dulot niini, ug nahibalo ko nga wala nako maigo ang patyanan nga parte sa lawas sa binaw. Sa dihang kini naigo, ang lake nga binaw milukso paingon sa daghang kasagbutan nga naglinya sa tubig nga lapokon ug hinayhinay nga milakaw nga nawala sa akong pananaw. Ang akong naobserbahan sa mga miaging pagpangayam, ang binaw dili mahimutang kon maigo na sa pana. Sa daghang mga panahon gayud, sila molakaw hinoon palayo, hangtod nga sila dili na makakita ug makasimhot kanimo. Ug nakahibalo pod ko nga basta maigo gani ang binaw maghigda ra sila sa tubig nga lapokon ug kasargaran dili molakw ug layo kaayo. Ingon nga kining binawa wala makakita nako, mao gyud na ang iyang buhaton. Hilom kong mikanaog gikan sa akong gitindugan nga kahoy pauli sa dalan nga akong giagian, ang layo nga dalan aron dili makamatikod ang binaw.

Sa dihang nakauli na ko sa balay ang matag-usa nagsugod ug pangutana kon unsa diay ang nahitabo ug nakuha ba pod nako ang binaw. Akong gisultihan sila kon unsay nahitabo ug nagpatabang ko sa akong mga anak nga lalaki sa pagukod sa binaw didto sa kasagbutan, uban sa paglaom nga mapanaan pa unta nako siya ug usab. Among gipalibutan ang kasagbutan nga lugar ug hinayhinay mipaingon dayon mi didto. Dihadiha, akong nakita ang usa sa akong anak nga lalaki nga iyang giluksuhan ang laking binaw ug kini nagluksokuso sa tag-as kaayo nga mga sagbot. Siya aduna lamay mga 70 ka yarda ang distansya sa akong atubangan, nga mitabok gikan sa akong tuo ngadto paingon sa akong wala.

Diha diha, ang lake nga binaw nakakita sa lain nakong anak nga lalaki nga didto usab sa daplin sa maong lugar. Ug siya nakamatikod nga dili kini pareha sa tawo nga milukso kaniya mao nga wala na siya kahibalo kon asa nga lugar ang maayo aron siya makaikyay. Mihunong ang laking binaw aron iyang tan-awon asa man siya moikyay nga bahin. Unya nakahibalo ko nga mao na kini ang higayon nga akoa siyang makuha. Wala pa siya nakakita kanako. Ug bantang kaayo siya kanako

nga duna lay mga 70 ka yarda ang gilaya-on nga nagtan-aw siya sa akong anak nga lalake. Ang pana nga crossbow sigurado nga makapatay gyud kini sa gilay-on nga among nahimutanagan, pero kinahanglan nga mutaop kini ug lawom gayud kaayo. Wala pako nakapana sama sa distansya namo karon sa mga miaging panahon, ug ang pana usab dili na kini bag-o ug ang gidak-on niini adunay 180 ka libra nga duot lang nga makatira ug pana nga 400 ka piye lamang kada secondo. Ang iyang makaya limitado lang sa 35 hangtod sa 40 ka yarda.

Pero ingon nga ang binaw bantang kaayo ug mitindog nga wala maglihok, midisisyon ko nga akong panaon. Akong gibinat ang pana, patumong sa binaw nga lake uban sa panghinaot, ug dihadhiha gibuhian ang pana. Akong gitan-aw ang pana nga naglupad paingon sa laking binaw ug uban sa dakong katingala, akong nakita ang pana nga miigo sa liog sa binaw ug katunga ang mitaup niini (pasayloa ko sa detalye ra nga pagkasulti niini), karon ang tumoy sa pana milapos sa liog sa binaw. Ang binaw usab nawala didto sa kasagbutan. Ug wala na nako makita. Ug mihinay ko ug lakaw paingon sa kasagbutan kon asa nawala ang binaw. Ug didto anaa ra diay siya natumba. Ang pana maoy hinungdan, mao nga nakuha nako ang akong binaw nga lake.

Ang akong anak nga si Tim miuban nako, mas interesado na ko sa mga sungay sa mga lake nga binaw labaw sa tanan. Wala ko kahigayon sa pag-ihap niini, apan sa dihang among giuhap adunay pito ka mga sungay. Sa pagpadool namo ug tan-aw sa laking binaw, among nakita nga ang laking binaw walo diay unta ka sungay apan ang usa ka sungay nadugmok, nga maoy hinungdan nga pito na lang kini. Mao nga si Jim ug ako nagtindog nga natingala kaayo ug nagdayeg mi sa Ginoo. Ang Ginghamian ingon gayud niana ka katingalahan! Samtang ako ug si Jim nagtindog didto, ug amo usab namatikdan nga, “kinsa may motoo pod namo?” Aduna bay nahibalo nga ang Ginghamian namuhat sa ingon niini nga paagi?”

Sa akong hunahuna nakuha na nimo ang mga punto. Ang Ginghamian namuhat diha sa detalyado kaayo nga mga balaod nga gipahiluna aron magapanglihok sa samang paagi sa matag panahon. Makahinam kaayo sa sinugdan sa dihang ako nakaamgo nga kini nga balaod makahimo sa bisan unsang paagi, apil pa sa kwarta. Makat-onan ko kini nga mga balaod. Mahimo kong espirituhanong scientist, ug akong masabtan gayud kon giunsa sa Ginghamian sa pagpamuhat. Tabangan ako sa Dios.

KAPITULO 2

ANG ASUL NGA HANAP NGA KAHAYAG

Sa dihang si Drenda ug ako nagsugod pagkakita sa Gingharian nga nagapanglihok sa among mga kinabuhi, nahimong gawasnon na kaayo mi sa utang, ug gusto kaayo namong maingnan ang matag-usa ka tawo nga among nahimamat ang among nakat-onan. Among gisultihan ang matag-usa nga maminaw samtang nagsugod nami sa among simbahan ug sa nagdala napod ko sa akong mga negosyo. Apan gibati nako sa akong espiritu nga mura'g duna pay kulang; wala ko kabalo kon unsa kini. Apan kabalo ko nga aduna pay daghan nga gustong ipabuhat sa Dios kanako nga mao ang pagpaambit sa Iyang Gingharian ngadto sa mga tawo.

Sa tibook 2005 adunay pagdasig sa akong espiritu nga maghimo ug panagtigum nga akong gitawag ug pinansyal nga kagawasan, lima ka serye nga tigum ug niini akong gibati nga makahatag ug mga pagtudlo bahin sa mga prinsipyo sa Gingharian bahin sa pinansyal nga maoy nakapausab sa akong kinabuhi. Ako nagtubo ilalom sa Free methodist nga simbahan. Usahay aduna kamiy tigum sa mga pagdasig nga moabot ug usa ka semana. Ingon niini nga pamaagi ang akong nakita sa akong espiritu, taglima ka sesyon ug pinaagi niini akong magiyahan ang mga tawo pinaagi sa mga konsepto ug mga prinsipyo nga gitudlo sa Dios kanako bahin sa pinansyal nga kamatuoran. Ug hangtod karong panahuna, wala nako gibutang kini nga prinsipyo uban sa systematic nga format. Apan diha sa akong espiritu akong makita kanunay ang akong kaugalingon nga nagtudlo ug lima ka sesyon sa pinansyal nga bahin.

Samtang nag-ampo ako bahin niini, miadto ko ni Larry nga akong amigo nga medyo dugaydugay na nakong wala makita. Gisultihan ko niya sa umaabot nga panagtigum nga iyang pagahimoon didto sa Albania, ug giimbitar ko niya nga mowali usab didto. Si Larry namuhat na sa misyon sa Albania sulod na sa dose ka tuig ug nakahimo kini ug dakong kaayuhan sa maong nasud. Ug ang hunahuna sa pagbyahe sa ingon niana kalayo murag bag-o kini kanako. Wala kaayo ko nagabyahe sukadsukad. Wala pa pod ko naka adto sa Albania ug wala gani ko katuod kon asa man nang Albania. Si Larry nagdasig kanako, pinaagi sa pag-ingon nga siya maghimo ug dakong tigum sa tibook nasud nga adunay daghang mga pastor sa maong lugar, ug misulti siya nako mahitungod sa akong mga nakita nga mga paagi bahin sa pinansyal nga bahin sa Ginghamarian nga kini dako gayud kaayo ug ikatabang sa mga tawo didto. Si Larry miingon nga aduna koy mga duha o tulo ka sesyon sa pagwali didto sa panagtigum. Ug bisan tuod dili lima ka sesyon, nangandoy ko nga makatudlo didto sa panagtigum aron matudlo ang mga topiko nga akong nakita nga angayang itudlo. Mao nga miingon ko nga sigi mouban ko.

Sa dihang mikanaog na ko gikan sa eroplano didto sa Albania, si Larry nangumusta kanako uban sa katingalahan nga pulong, “Garry,” miingon siya, “usa sa akong mga magwawali dili maka adto, ug ikaw mao ang magpuli sa iya aron lima na ka sesyon ang imong itudlo.” Ang akong kasingkasing milukso. Mao na ni! Kabalo ko nga kini mao ang panahon sa Dios ug karon ako na gayung mapamatud-an kon unsa ang akong nakita diha sa akong espiritu. Anaa sa ako ang mga sinulat nga itudlo apan wala pa nako mabahin sa lima ka sesyon ang akong itudlo. Mao nga sa kada adlaw sa akong pagtudlo, mag-ampo gayud ko diha sa espiritu, unya isulat nako sa akong papel alang sa sunod na pod nga sesyon. Ug sa kada sesyon, ang dihog hilabihan gayud.

Sa dili pa ko moadto sa unahan, Kinahanglan kong isulti nimo nga ang Albania usa ka naglisod kaayo nga nasud sa panahon nga ako miadto. Ug ang kasagaran nga sweldo mga \$500 ka dolyares lang matag bulan, ug ang suborno mao ang paagi sa kinabuhi sa mga tawo didto. Samtang naghunahuna ko sa pagtudlo sa mga tawo bahin sa pinansyal, wala ko kasiguro kon unsaon nila kini pagdawat. Apan kabalo ko nga ang Pulong magapamuhat kini sa matag-usa, apan usa kini ka bag-ong kasinatian alang kanako. Samtang nagtudlo na ko sa unang sesyon,

usa sa akong nakita nga ang usa ka pader nahanaw. Sa ikaduha nga sesyon, akong nakita sa ilang mga nawong ang pagtoo nga nagatubo samtang sila nakadungog sa maayong balita bahin sa Ginghamarian. Ug sa matag buntag samtang ako nagtudlo sa mga tawo sila nagka malipayon pa hinoon kaayo, ug akong masulti nga sila nagka mahinamon kaayo bahin sa Ginghamarian.

Sa gabii bag-o ang katapusan nga sesyon nga ako'y magtudlo, ang Ginoo misulti kanako nga kinahanglan magkuha ko ug mga halad para sa lokal nga mga kasimbahanan. Dili ko sigurado bahin niini, kay una sa tanan, dili kini akong panagtigum; ug ang ikaduha, dili ko sigurado kon unsaon pagsanong sa mga tawo. Ako ug si Larry kinahanglang mobayad ug dako sa ilang mga pamasaha ug tuloganan alang sa mga pastor aron lamang sila makaapil sa panagtigum. Akong giestorya si Larry bahin sa akong plano, ug miingon siya, buhata na pagkuha ug mga halad.

Ug mao nga panahon sa katapusang sesyon nagkolekta ko ug mga halad alang sa panagtigum, ug ang dihog hilabihan ka kusog nga daw dili nako makatindog. Ang matag-usa nga anaa didto sa tigumanan nanagsayaw ug nagsinggit samtang nagdala sila sa ilang mga kwarta ingon nga halad didto sa atubangan. Ang mga tigkolekta nga naghawid sa mga sudlanan samtang naghatag ang mga tawo sila usab naghilak ug maglisod usab sila ug tindog. Wala pa gayud ko nakakita ug ingon ani nga hitabo sukad sa una. Hinoon dili sa panahon sa paghalad nakasinati ko. Karon samtang nagtan-aw ko sa mga tawo nga nanagsayaw ug nagsinggit sa kalipay samtang naghatag, nalipay kaayo ko sa dihog ug sa sinserong mga kasingkasing sa mga tawo nga mihatag sa ilang mga bililhong binhi.

Ug human sa serbisyo, Si Larry mailhan gayud nga natandog sa kon unsa ang iyang nakita. Ug siya usab natingala sa duha ka puno nga sudlanan sa halad nga among gidala sa iyang gipuy-an human sa panagtigum niadtong gabhiuna. Si Larry miingon kanako nga kasagaran usa lang ka sudlanan ang masudlan unya dili pa gyud mapuno kon magkuha mi ug halad sa miagi nga mga panagtigum. Midali mi ug lakaw unya among gitagoan ang mga sudlanan sa mga kwarta samtang nagpaingon mi sa gamay nga gipuy-an ni Larry didto sa dapit nga daghan kaayong tawo.

Sa dihang miabot nami sa gipuy-an ni Larry, milingkod ming duha

sa sala ug giablihanan ang mga sudlanan sa halad aron ihapon ang mga kwarta. Samtang gihuwad ni Larry ang sulod sa sudlanan sa halad diha sa lamesa, adunay talagsaon nga nahitabo niadtong adlaw nga lisod isulti sa mga pulong. Ug sa kalit lang, ang kahayag sa medyo hanap nga pagka asul mipuno sa among kwarto ug ang presensya sa Dios mikonsad kanamo. Naglingkod mi ilalom sa dihog nga mipuno niadtong dapita. Dili kini sama sa ubang dihog nga akong nasinati samtang ako nagwali o nag-ampo para sa mga katawhan. Hinoon, kini nga dihog adunay presensya nga miuban niini. Kini usa ka balaan ug naghimo kini kanako nga daw anaa gayud ako sa atubangan sa Dios, mismo. Samtang naglingkod mi didto, nagkalig-on gayud ako pag-ayo samtang anaa mi sa kwarto. Ang tanan nga among nahimo mao ra ang paglingkod ug paghilak. Unya nakita nako diha sa tunga-tunga sa nagpundok nga kwarta nga among gihuwad diha sa gamay nga lamesa, usa ka singsing sa kasal sa tawo. Mao nga nakahunahuna dayon ko nga siguro dunay usa ka tawo didto nga walay kwarta nga mihatag sa kon unsay bililhon kaayo para niya. Ug ang Ginoo misulti kanako niana nga higayon ug miingon:

“Ako ikaw nga gitawag ngadto sa mga kanasuran aron pagtudlo kanila niini nga pamaagi nga Akong gitudlo kanimo bahin sa Gingharian ug sa pinansyal nga bahin. Kini nga singsing nga gibutang ganina usa kini ka halad uban sa dakong pagtoo. Apan gusto ko nga imoha kining kuhaon ug tipigan ingon nga usa ka handumanan niini nga gabii. Ug usab kinahanglan nga imong masabtan nga ang kaminyoon nagsulti niana ingon nga usa ka kasabutan. Ikaw magdeklarar ug pakigsaad sa mga panalangin alang sa akong mga katawhan. Ug sabta kini nga asa gani ka nako ipadala, akong tagboon ang kwarta aron pagbayad sa imong mga magasto.”

Dili ko makatulog sa tibook gabii. Anaa ko sa gipuy-an ni Larry niana nga gabii, ug ang dihog mipabilin didto. Gikan sa Atlantic hangtod sa dalan pauli sa among panimalay dili gyud ko katulogon. Ang tanan nga akong mahimo mao ang pagtan-aw sa bintana ug sigig hilak sulod sa walo ka oras nga byahe sa eroplano. Wala ko katulog sulod sa 46 ka oras human nga gisultihan ko sa Ginoo niana nga gabii. Mga bulan human niadtong gabhiuna sa dihang akong mahunahunaan

gani kini, akong mabati ang parehong presensya ug mosugod nausab ko sa paghilak.

Wala nako sultihi si Larry kon unsay gisulti kanako sa Ginoo bahin niadtong singsing. Ang kwarta nga gihatag alang kini sa mga kasimbahanan sa Albania. Ug kabalo ko nga ang singsing pwede usab mabaligya aron idugang sa kwarta—apan kabalo ko kon unsay gisulti sa Ginoo bahin niini. Mao nga hilabihan nakong lipaya sa dihang gitawagan ko ni Larry ug miingon nga ang Ginoo nagsulti kaniya nga ang singsing ihatag niya kanako. Mao nga akong gibutangan ug ilhan ang singsing, ug kini anaa na karon sa akong opisina. Adunay daghang panahon nga akong lantawon ang mao nga singsing ug akong mahinumduman kon unsa ang gisulti kanako sa Ginoo niadtong gabhiuna, samtang nag-atubang ko ug mga dakong hagit sa pinansyal sukad niadtong panahona. Wala gayuy paltos, ang Dios matitud-anon nga mitagbo sa tanan nakong gikinahanglan aron maglakaw sumala sa iyang direksyon nganhi kanako sukad niadtong gabhiuna. Kadto nga gabii nga didto ko sa Albania dako kaayo ug kausaban sa akong kinabuhi, apan kabalo ko nga aduna pay daghang gustong ipakita sa Dios kanako alang sa umaabot pa nga panahon.

Sa dihang nakauli na ko gikan sa Albania, akong gibati nga adunay kusog kaayo nga sugyut sa pagpaambit niini nga mensahe bahin sa Gingharian sa bisan asa nga akong adtoan. Aduna koy kusog kaayo nga pagbati nga ipagawas kini nga impormasyon, unya nagduhaduha ko kon itudlo pa ba nako' kadtong lima ka topiko pag-usab ug tanawon kon mahitabo ba gihapon ang sama sa Albania nga nahitabo. Wala na ko naghulat pa ug dugay. Kay giimbitar ko ug usa ka pastor sa Utah aron pag-adto didto ug aron itudlo usab ang lima ka topiko. Nakadungog siya gikan kang Larry nga kini makapausab gayud sa kinabuhi, ug mao nga gusto niya nga ako moadto. Siya usa ka pastor sa usa ka gamay nga simbahan sa mga Indiano nga hilabihan usab ang kalisod. Nagkinahanglan sila ug tabang sa pinansyal, mao nga kon ang gisulti ni Larry tinood, iyang gibati nga ako makatabang gayud.

Mao nga misakay ko ug eroplano paadto didto ug gibuhat ang panagtigum panahon sa buntag sa dominggo ug gabii hangtod sa gabii sa merkules. Adunay lima gihapon ka tigum sama sa nahitabo didto sa Albania, ug adunay sama gihapon nga tubag ang mga tawo. Ang mga tawo naninggit ug nagsayaw sa katapusang gabii sa panagtigum, ilalom

sa kusog kaayo nga dihog, samtang naghtag sila sa ilang mga halad. Wala nako nakita ang hanap nga kahayag nga asul niini nga panahon, apan akong gibati ang kusog kaayo nga dihog sa tibook nga lima ka sesyon hangtod nahuman ang katapusang sesyon. Natingala kaayo ko, sama kang Larry didto sa Albania, sa kadako sa mga halad niadtong gabhiuna, nga aduna lamay 17 ka mga magtiayon nga mihatag. Akong gitan-aw ang mga halad sa gibugkos nga sudlanan aron dad-on didto sa akong opisina ug aron maihap pagkasunod nga adlaw.

Human sa pagka buntag niadtong adlaw, nakadawat ko ug tawag gikan sa akong opisina. Ang akong sekretarya maoy nagtawag sa telepono, unya akong nasabtan nga adunay nahitabo nga gusto niyang

**APAN SI HESUS WALA
LAMANG USAB NAGBAYAD
SA ATONG KATUNGOD ARON
MAKAADTO SA LANGIT,
IYA USAB NGA GIBUHAT
NGA KITA POSIBLING
MAGKINABUHING MGA
ANAK NGA LALAKE
UG BABAYE SA DIOS
UG ARON MALIPAY SA
MGA BENEPISYO SA
GINGHARIAN SA DIOS DINHI
SA KALIBUTAN.**

isulti. Ang una niyang mga pulong mao kini, “Pastor, adunay pinasahe bahin sa kwarta nga imong gidala.” “Unsay boot nimong ipasabot, Tracy?” Nangutana ko sa niya. Unya mipadayon siya ug sulti nga iyang giablihan ang bag nga gisudlan sa kwarta aron ihapon ug i-deposito sa bangko, apan sa dihang iya kining gibuhat, ang dihog mikunsad diha kaniya sa opisina, ug nahagba siya sa salog. Ang akong isa ka sekretarya nga nakadungog sa nahitabo, miabot usab diha sa daplin ug siya misugod ug kurog ilalom sa dihog. Si Tracy miingon, “Unsa diay nahitabo aning kwartaha didto sa Utah?” Ako siyang gisultihan nga wala ko kahibalo.

Mga duha ka semana ang milabay, nagtudlo ko sa samang prinsipyo sa usa ka gamay nga simbahan sa habagatan nga bahin sa Ohio. Ug niini nga simbahan, amo nang napadala ang unang upat ka sesyon pinaagi sa DVD, ug ilaha na kining natan-aw mga upat na ka semana ang milabay. Unya pag-adto nako didto sa dominggo sa gabii aron humanon ang ikalima ka sesyon, ang dihog sa makausa nagtuktuk

na usab kanamo. Sa dihang nagpakuha ko ug mga halad niadtong gabhiuna, adunay managsama nga gipakitang hitabo nga akong nakita sama sa ubang panagtigum. Ang mga tawo madasigon kaayo nga mihatag. Ug panahon sa paghatag, ang iglesia nagbutang ug usa ka basket sa atubangan aron didto ihatag sa mga tawo ang ilang mga halad. Niini nga higayon ang hanap nga kahayag nga asul nagpakita na usab. Ug didto adunay usa ka lingin nga butang nga adunay mga lima ka diametros ang gidak-on nga nagpalibot sa sudlanan sa halad samtang naghatag ang mga tawo. Ang dihog hilabihang kusuga nga kinahanglan pa nga adunay mutabang kanako paadto sa akong sakyanan human sa panagtigum kay dili naman ko kalakaw kon ako lang.

Samtang kini nga mga butang nagakahitabo, wala gyud koy kalibutan kon nganong kini nagapanghitabo, ug wala nako kini nadunggan nga nahitabo sa ubang mga dapit. Nagpadayon ko paghimo ug mga panagtigum, ug ang dihog nagapayon nga hilabihang kasoga. Oo, ang murag hanap nga kahayag nga asul bisan wala nagpakita sa uban namong mga komperensiya. Apan ang kamatuoran nga nakapatingala kaayo nako kay ang dihog anaa makita sa kwarta mismo. Human sa panagtigum, ang akong tawo naglisod sa pag-ihap sa mga halad. Nahinumdom mo sa dihog nga miabot sa dapit nga gipuy-an ni Larry sa dihang iyang giyabo ang mga halad didto sa lamesa? Kon magkuha ka ug kabahin sa kwarta nga gihatag ingon nga halad, dihaduha mabati dayon nimo ang dihog ug musugod ka sa pagkurog. Kabalo ko nga murag binuang paminawon, apan mao kini ang akong mga na obserbahan.

Ingon nga usa ka espirituhanong scientist, medyo nalibog kaayo ko bahin niini mao nga nangutana ko sa Ginoo. Ug misulti Siya kanako ug miingon kon nganong kining kusog nga dihog miabot sa mga halad. Misulti Siya nako nga kadaghanan sa mga tawo mihatag lang tungod kay ilang obligasyon o mga legalista sila. Ang uban pod mihatag tungod sa pormula nga ilang gisunod, apan wala sila sa tinuod nga pagtoo sa dihang sila mihatag. Daghan ang mga mihatag tungod kay ilang gitana-aw nga ang Dios masuko ngadto nila kon dili sila muhatag. Ang uban usab muhatag nga daw sama sa ilang bayronon nga kinahanglan bayaran. Mao nga misulti Siya kanako nga samtang ako nagtudlo sa Iyang Gingharian ug nagpadayag sa mga natagong mga prinsipyo sa Gingharaian, ang pagtoo mitubo sa kasingkasing sa

mga tawo. Ug mao nga sa dihang sila mohatag anaa sila sa tinuod nga pagtoo, ug ang pagkakonektar nila diha sa Ginghamarian nahitabo, ug mao nga sila misubay sa dihog niini.

Human sa among biyahe niadtong 2005 sa Alabama, dako kaayo ang kausaban sa akong kinabuhi. Ang akong tinguha sa pagkab-ot sa mga atwo uban sa maayong balita sa Ginghamarian nag-aghat kanamo ni Drenda sa paghimo ug programa sa Telebisyon aron makab-ot usab ang ubang mga nasod uban niining maayong balita. Mao nga sa tinuod lang, karon, migasto mi ug milyunes kada tuig aron isulti sa mga tawo ang bahin niini nga ginghamarian nga among nakaplagaan daghan nang ka tuigan ang milabay. Apan basin wala pa ka siguro nakadungog sa maayong balita bahin sa Ginghamarian. Sama pod mi niana kaniadto—mga magtotoo nga moadto-ay usab sa langit apan walay kahibalo kon unsaon sa pagbuhi sa langit diri sa yuta. Apan si Ginoong Jesus wala lamang mibayad sa atong katungod aron makaadto ta sa langit, kon dili Siya usab naghimo kanato nga mabuhi ingon nga mga anak nga lalake ug babaye sa Dios ug malipay usab sa mga benepisyo sa Ginghamarian sa Dios samtang ania pa kita dinhi sa kalibutan. Apan sa tinud-anay, aduna pay daghan kaayo nga atong kab-otonon sa maayong balita bahin kang Ginoong Jesus, ug nagkinahanglang mogasto ka ug kwarta aron pagbuhat niana. Ang mga tawo nagtan-aw. Kinahanglang makita nga lahi kita!

Unsa ang akong gitudlo sa Alabama nga nagdala sa maong dihog? Unsa ang giingon sa Dios nga ako iwali sa mga kanasuran? Mao kana ang katuyoan niini nga libro, ug nagtoo ko nga kini mousab sa imong kinabuhi ingon nga kini nahitabo nganhi kanako.

KAPITULO 3

PALIHOG O GINOO, KALOY-I INTAWON AKO!

Si Jerry mitawag sa akong opisina ug nangutana kon pwede ba siya makahapit ug maniudto uban nako samtang anaa pako sa lugar. Kay niadtong higayuna aduna koy interview sa usa ka telebisyon sa usa ka lugar nga duol lamang sa ilang dapit, ug gusto ko niyang ingnan sa kausaban sa iyang kinabuhi gikan sa akong mga basahon ug sa akong program sa telebisyon. Wala gayud mi nagkakita ni Jerry sa una pero aduna mi panag-estorya hanay sa telepono mga kausa o kaduha lamang. Mao nga miingon ko nga “Sige magkita ta” kay maniudto man pod tang duha, ug akong gihunahuna, samtang anaa mi didto, malipay kong magkita ming duha ug maminaw pod ko sa iyang estorya.

Didto sa among paniudto akong nakita si Jerry ug ang iyang anak, ug si Jerry misugod pagsulti sa estorya sa iyang kinabuhi. Si Jerry usa ka pastor sulod na sa 30 ka tuig, apan kinahanglan iyang biyaan ang buluhaton tungod kay siya nastroke nga maoy nakahimo niyang dili kaayo tarong nga makalakaw. Ug adtong panahuna human siya na stroke, ang iyang kinabuhi nagkalisod gayud kaayo. Sukad nga dili na siya makatrabaho, ug diha sa iyang salapianong bahin, kini maoy hinungdan nga ang balay nga gipuy-an sa iyang pamilya wala na nabayaran ug maoy hinungdan nga kini bawionon na sa gobyerno aron ibaligya napod sa uban. Ang pagbayad sa mga bayronon ug pagpalit sa pagkaon nahimong usa ka dakong hagit kanila. Gani si Jerry misulti nga nagkalisod kami pag-ayo sa tanang butang ug mao nga usa ka adlaw samtang naglingkod siya diha sa iyang mga kamot usa ka .45 nga pistula nga puno sa bala ug sa usa ka kamot mao ang Bibliya. Ug siya naghunahuna nga kuhaon nlaang niya ang iyang kaugalingong kinabuhi.

Ug diha sa tunga niini nga bahin sa pagkawalay paglaom si Jerry nakakita sa among programa sa telebisyon ug miorder sa uban namo nga mga materyales. Nagpadayon siya sa pagsulti nga sa una niyang pagkadawat sa mga materyales, anaa siya sa panginahanlan sa kwarta nga mikabat ug \$2,000 ka dolyares aron pagbayad sa ilang mga bayronon ug sa pagpalit usab ug mga pagkaon. Unya nagsigi siya'g paminaw sa mga pagtulon-an nga iyang gi-order ug nadawat hangtod nga ang pagtoo mitubo diha sa iyang kasingkasing. Unya misugod siya sa pagtoo sa Dios alang sa \$2,000 ka dolyares nga iyang gikinahanglan. Mao nga iyang gihimo kon unsa ang among gihimo ni Drenda uban sa permerong binaw nga among nadawat. Mitanum siya ug binhi para sa iyang gikinahanglang \$2,000 ka dolyares. Nagsulat siya sa usa ka gamay nga papel sa petsa ug oras nga iyang gituohan nga madawat niya ang kwarta. Sumala sa Markos 11:24 ug gipadala ang tseke alang sa among ministry.

Wala ko kabalo nga mao diay to ang nahitabo kon wala kini gisulti ni Jerry. Miingon siya nga human sa mga usa ka semana ug tunga adunay usa ka tawo nga miabot sa atubangan sa ilang pultahan nga gustong makig-istorya ngadto kaniya. Si Jerry nakaila niini nga tawo kon unsa ang iyang kagahapon, apan miingon siya nga wala na sila nagka-estoreyahanay dugay-dugay na. Sila miabot sa mubo lang nga pag-enistoryahanay, unya ang tawo miingon nga mianhi siya aron ihatag kang Jerry ang tseke nga nagkantidad ug \$2,000 ka dolyares. Nagpadayon siya sa pagpasabot nga mga usa ka semana ug tunga nianang adlaw ug niana pod nga panahona, ang tawo miingon daw nga iyang gibati pinaagi sa Balaang Espiritu nga hatagan si Jerry ug \$2,000 ka dolyares.

Si Jerry nagtingdog didto nga wala kalihok. Dali niyang gikuha sa iyang pitaka kon unsa tong iyang nasulat sa gamay nga papel niadtong adlaw ug sa oras nga iyang gituohan nga madawat ang \$2,000 ka dolyares nga iyang gikinahanglan. Ug ang petsa ug adlaw nga gisulat ni Jerry sa iyang papel tukma gayud kaayo sa panahon kon unsa ang gisulti sa tawo kon kanus-a siya gipabati nga mohatag kang Jerry ug \$2,000 ka dolyares. Si Jerry nahibalo nga dili gayud to aksidente; Siya nahibalo nga mao kadto ang diretsong tubag sa Gingharian sa Dios, hilabina diha sa balaod sa Gingharian.

Mipadayon siya sa estorya sa iyang kinabuhi ug siya misulti

nga siya adunay pito ka mga anak, ug ang tanan naminyo na gawas sa iyang 16 anyos nga anak nga lalake (kadtong miuban kaniya sa among pagpaniudto), nga mibiya sa Ginoo sa dihang nakita niya ang kahintang sa iyang papa. Ang anak nga lalake nasuko sa Dios tungod kay ang iyang amahan matinud-anon kaayo sa pag-alagad sulod sa 30 ka tuig, ug ang anak mibati nga ang iyang amahan daw gipasagdan sa Dios.

Si Jerry nangita gayud ug paagi aron makab-ot ang iyang anak nga lalaki, ug aduna siyay ideya nga nakita. Naghisgut ko'g daghan bahin sa pagpangayam ug binaw sa akong mga materyal ug nagsulti'g giunsa pagtudlo sa Dios kanako nga mangayam pinaagi sa pagtoo. Ug ang pagpangayam ug binaw mao poy hilig diay sa iyang anak nga lalake. Mao nga, gipasabot ni Jerry sa iyang anak nga lalake kon unsaon pagkuha sa laking binaw sa panahon sa tig-ayam, pinaagi sa pamaagi sa Ginghamarian. Ang iyang anak nga lalaki naghunahuna bahin niini ug miuyon sa pamaagi, unya siya ug si Jerry, mipagawas sa ilang pagtoo, sama nga si Jerry mibuhat alang sa iyang \$2,000 ka dolyares. Ug ang iyang anak nga lalake nakakuha ug laking binaw sa iyang pagpangayam sulod lang sa walo ka minutos. Ug samtang si Jerry ug ang iyang anak nagdala sa binaw paingon didto sa baligyaanan, ang anak niya nga lalaki miingon nga siya magpabilin lang sa sa sakyanan kay anaa siyay paminawon lang kadali. Sa dihang si Jerry nahuman na, ang iyang anak miingon, "Pa, nakahunahuna ko mura'g anaa kitay napakyas sa daghang mga katuigan. Kabalo ko nga kadtong binaw maoy usa ka resulta sa Ginghamarian sa Dios."

Ug dihadiha ang iyang anak nga lalaki mihalad pag-usab sa kinabuhi ngadto sa Ginoo ug miingon sa iyang papa nga kon ang Dios nakahimo sa pagdala sa \$2,000 ka dolyares ug sa laking binaw siya usab makadala sa \$17,000 ka dolyares nga atong gikinahanglan aron makuha ug balik ang atong balay gikan sa pagkaimbarguhonon na niini. Ug niadto nga bahin mao toy akong unang pagkakita ni Jerry. Akong nahinumduman ang sulat ni Jerry nga miabot nga kini maoy gipugas ni Jerry ug sa iyang anak nga lalaki aron makuha nila balik ang ilang balay nga hapit nang maimbargo. Akong nahinumduman nga ang sulat mubo lang kaayo apan ilang gisulat niini kon unsay ilang gikinahanglan. Walay gihisgutan nga uban pa, gawas lang nga kinahanglan makuha nila ang ilang balay nga hapit nang maimbargo. Ako usab nga mahinumduman

nga akong gipatong ang akong mga kamot niadtong sulata ug miuyon uban kanila. Ako pang mahinumduman ang insaktong panahon nga kini akong gibuhat.

Niini nga bahin, ingon si Jerry kanako nga duha ka semana ang milabay adunay lain na pod nga lalaki miabot atubangan sa ilang

**“SULTIHAN KO IKAW SA
KAMATUORAN, NGA KON
ADUNA KAY PAGTOO SAMA
SA USA KA GAMAY NGA LISO,
MAKAHIMO KA SA PAGSULTI
NIINI NGA BUKID, ‘BALHIN
GIKAN DINHI PAINGON
DIDTO,’ UG KINI MAHITABO.
KAY WALAY IMPOSIBLE DIHA
KANINYO.”**

— MATEO 17:20B

nga bahin, si Jerry naghilak na nga naglingkod atbang sa lamesa nga among gilingkuran sa among gikan-an nga restawran ug nagpasalamat kanako sa pagtudlo sa mga tawo bahin sa Ginghamarian sa Dios. Si Jerry miingon nga siya nalipay kaayo nga ang iyang tanang mga anak nakakita sa kamot sa Dios. Ug naghatag kini usab ug kahigayunan nga iyang ikapaambit ngadto kanila kon unsa ang Ginghamarian. Nalipay kaayo ko niini! Kay mao kini ang tinuod diha sa Ginghamarian sa Dios, ug napanalanginan kaayo ko nga nakahimo sa pagpaambit niini sa mga katawhan ug unya maminaw sa ilang mga testimonyo sa kinabuhi. Nakita nimo, si Jerry wala magkinahanglan nga kaloy-an. Nagkinahanglan siya ug mga tubag, ug iya kining nakaplagan diha sa Ginghamarian.

Karon akong gibati nga kinahanglan kong modugang ug sulti bahin sa istorya ni Jerry. Bisan tuod nga ang mga tawo niabot sa atubanagn sa iyang pultahan unya mihatag kaniya ug kwarta, dili ko

pultahan. Sa makausa, kini dugay nang kaila ni Jerry. Kini nga tawo miingon nga siya nakakita nga adunay balay nga nalista diha sa listahan sa mga imbarguhonon sa mga pulis sa umaabot nga panahon ug mao nga nangutana siya kang Jerry kon pila ang gikinahanglang kantidad aron dili makuha sa pulis ang maong balay. Gisultihan siya ni Jerry sa kantidad nga \$17,000 ka dolyares. Ug ang tawo misulat sa tseke alang sa tibook kantidad niini unya mibiya dayon kini. Si Jerry mitan-aw sa tseke. Ug niini

gusto nga makakuha ka ug sayop nga panghunahuna nga ang tubag sa imong pinansyal mopakita lang dayon kini diha-diha samtang ikaw naglingkod lamang ug nag-inom ug coca-cola. Dili gayud, aduna kay bahin nga buhaton sa pag-ani kon unsa ang imong gikinahanglan. Sa nahitabo ni Jerry, siya nagpastor sulod sa 30 ka tuig. Ug nagtanum na siya sa mga tawo sa taas na kaayo nga panahon. Ug ikaduha, si Jerry wala makahimo sa pagbiya sa iyang panimalay tungod kay siya nastroke. Si Jerry miani kon asa siya nagpugas, sa mga tawo diha sa iyang simbahan nga iyang gitamnan ug mga binhi sulod na sa taas nga mga ka tuigan.

Ug kinahanglan isulti usab nako kaninyo nga si Jerry giayo sa kompleto gikan sa iyang pagka-stroke, ug nawala kaniya ang timbang nga 70 ka libra sa dihang naniudto kami nianang adlaw. Dalaygon ang Dios, nakagunit siya sa Gingharian. Siguro makaingon ka nga, “Siguro, kay si Jerry pastor man; sigurado, aduna na siya kasayuran sa Gingharian.” Pero dili ingon ana, uUg sigurado kaayo ko nga wala siya mag-inusara sumala sa akong nakita. Hinoon, adunay daghang mga kasimbahanan nga wala mahibalo kon unsaon nga makonektar sa Gingharian sa Dios aron madawat usab nila ang mga katubagan sa ilang mga panginahanglan. Ang istorya diha sa libro sa Mateo nagpadayag sa daghang hunahuna.

‘Sa pag-abot nila ngadto sa panon sa katawhan, dihay usa ka tawo nga miduol ug sa iyang atubangan miluhod nga nag-ingon, “Ginoo, kaluy-i intawon ang akong anak nga lalaki kay siya patulon ug nag-antos pag-ayo ug kanunay siyang mahulog ngadto sa kalayo ug kanunay usab ngadto sa tubig. Gidala nako siya ngadto sa imong mga tinun-an apan wala sila makaayo kaniya.”

Ug si Jesus mitubag nga nag-ingon, “O katawhan nga walay pagtuo ug sukwahi! Hangtod kanus-a ba nga ako makig-uban kaninyo? Hangtod kanus-a ba nga ako mag-antos kaninyo? Dad-a siya dinhi kanako.” Ug gibadlong ni Jesus ang demonyo ug migula kini gikan sa bata, ug ang bata naayo niadto gayong taknaa.

Unya ang mga tinun-an miduol kang Jesus nga silasila ra ug miingon, “Nganong wala man kami makapagula niini?” Ug siya miingon kanila, “Tungod sa kagamay sa inyong pagtuo. Kay sa

pagkatinuod, sultihan ko kamo, nga kon may pagtuo kamo nga sama sa liso sa mustasa, inyong ingnon kining bukira, 'Balhin ngadto,' ug kini mobalhin, ug walay dili mahimo alang kaninyo." ‘

—MATEO 17:14-20

Niini nga istorya, atong makita ang usa ka tawo nga wala nay paglaom; ang iyang anak kanunay gihasol sa mga dautang espiritu, gani kini kanunay hapit mamatay. Sa pagka dungog niya sa mga gibuhay ni Jesus nga Siya adunay gahum sa pagpapahawa sa mga demonyo, nagplano siya nga iyang dad-on ang iyang anak ngadto kang Jesus aron Iyang ayuhon kini. Apan, pag-abot na niya didto, iyang nasuta nga wala si Jesus didto kay nagdala Siya sa tulo Niya ka mga tinun-an paingon sa bukid aron mag-ampo. Unya ang ubang mga disipulo nga nabilin sa ubos miingon nga wala nay problima, kay kanunay na ming nagpagawas ug mga demonyo sukad nga si Jesus naghatag ug awtoridad kanamo sa pagbuhat niini, pinaagi sa Iyang ngalan, ug mamahimo kini diha sa anak sa tawo. Apan sa dihang ilang giampoan na ang anak sa tawo, ang demonyo wala mihawa. Mao nga ang amahan wala nalipay niini ug ang mga tawo nga nagsunod kang Jesus naglibog usab sila.

Apan niana nga panahon, Si Jesus ug ang iyang tulo ka mga disipulo miabot didto sa maong dapit, nga mikanaog gikan sa bukid. Si Jesus nga nakakita sa kaguliyang sa mga tawo, nangutana kon unsay nahitabo. Ang amahan sa bata misulti kon giunsa niya nga ang bata iyang gidala ngadto sa iyang mga tinun-an, apan wala napagawas ang demonyo. Ang amahan usab misulti sa samang gisulti sa uban, ug kon dili man tanan nga nag-atubang ug managsamang problima sama rang walay katubagan. Mihilak siya ngadto kang Jesus nga siya kaloy-an. Bisan tood ang pagpangayo ug kalooy murag maayong buhaton kon despirado na ka, apan dili kana ang unang gihimo sa maong tao, mao pod kanimo. Ang amahan, gusto kaayo nga kuhaon ang kalooy ni Jesus bahin sa iyang kahimtang, ug mao kini ang hinungdan nga iyang gisaysay kang Jesus ang kanunay'ng paghasol sa demonyo ngadto sa iyang anak, nga usahay itambog sa kalayo ug gustong patyon kini. Si Jesus mipahunong sa amahan. Kay dili na Siya kinahanglang sultihan pa sa mga butang nga ilang giantos. Uban sa pagkadismaya si Jesus misinggit, “*O katawhan nga walay pagtuo ug sukwahi! Hangtod kanus-a ba nga ako makig-uban kaninyo? Hangtod kanus-a ba nga ako mag-antos kaninyo? Dad-a siya dinhi kanako.*” Diha sa Iyang usa lamang ka

pulong, kumpletong gipasabot ni Jesus ngano nga ang demonyo wala mipahawa.

Apan sa dili pa kita moadto sa lawom pang pagpasabot kon unsa ang gisulti ni Jesus, ato unang i-pahiluna ang pundasyon nga atong tukoron, nga ang Dios dili mamakak o makahimo niini. Kay unsa ang Iyang gisulti kini tinood. Sa maong panghitabo, atong masabtan sa sitwasyon nga, “Ang mga demonyo DAPAT mogawas gayud!” Kay kon dili, nan adunay isyu, dili sa Dios apan anaa kanato. Hinumdomi kini, ang problema sa atong pagdawat gikan sa Dios anaa kanunay sa atong bahin. Si Jesus klarong misulti niana kanato sa rason nganong ang demonyo wala mipahawa—hiwi ug dili matinuohong panghunahuna. Atong hisgutan kining duha ka rason sa makadyot. Apan niini nga bahin sa atong pagtoon, gusto nakong tutukan ang amahan ug ang anak diha sa istorya.

Ang amahan klaro nga desperado na kaayo bahin sa iyang anak. Sa dihang morag walay nahitabo sa panahon nga giampoan ang bata sa iyang mga tinun-an, wala nay nahibiling pamaagi. Walay klarong tubag. Kay ang iyang gituohang tubag wala nakatabang kaniya. Ug aduna na lay usa nga nahibilin nga iyang buhaton nga mao ang pagpangayo ug kalooy. Ang pulong “pagpangayo ug kalooy” nagpasabot nga adunay usa ka makagagahom o nagdumala nga makatabang apan wala mipili sa pagtabang. Ug ang nahibiling pamaagi mao ang pagpasabot sa kahimtang sa bata nga nag-antos sa maong kasakitan aron matandog ang pagbati ni Jesus.

Sa tinuod lang, ingon ani ang kasagarang mga pag-ampo sa mga tawo, nahibalo na sila nga ang Dios adunay gahum sa pagtabang apan dili sila sigurado sa Iyang tubag, mao nga nagpakilooy sila aron tabangan. Uban sa tag-as nga mga pag-ampo ug daghang mga pulong, ilang gipadayag ang detalye sa ilang mga kasakitan ug mga panghitabo nga nag-ingon. “Amahan, nahibalo Ikaw nga ako nagkinahanglan ug kwarta karong bernes, palihog, Ginoo tabangi me” o “Ginoo, palihog, kon imong ayuhon ang akong anak, ako kang alagaran sa tanang adlaw sa akong kinabuhi. Palihog intawon Ginoo.” Wala nako gihimong sayon ang sitwasyon sa mga tawo diha sa ilang mga giatubang, apan matikdi kon unsa kadali nga gipatuman ni Ginoong Jesus ang gahom sa Dios aron matubag ang kahimtang ug aron mahimong gawasnon dayon ang bata. Mao kini ang kasingkasing sa Dios, ug ang Iyang

tinguha. Walay pagkakulang diha sa Iyang kalooy, gahum o awtoridad. Dili kadto ang isyu. Ang giingon ni Jesus nga ang isyu mao ang mga hiwi nga hunahuna ug pagka dili matinuohon. Sa laing pagkasulti, ang sayop nga paghunahuna ug ang pagka kulang sa pagtoo maoy nahimong babag sa katungdanan sa Gingharian niadto nga hitabo.

Ok, adunay daghang pagahisgutan bahin niini, kay may daghang mga yawe sa Gingharian ug atong sabton usab kon giunsa kini pagpamuhat. Kay dili nako gusto nga moadto dayon sa ubang mga butang kay aduna pay kinahanglang tun-an dire, apan unya siguro akong hisgutan ang uban niini ug atong tun-an ang mga balaod nga atong nakita nga nagapanglihok na.

Aron makakuha kita ug yanong mga pagtulon-an bahin sa balaod sa Gingharian, kinahanglang atong sabton kining pinaka unan ug sukarang punto: Ang Dios naghatag ngadto kang Adan ug kompletong katungod sa sa tinuok kalibutan. Iya dapat kining dumalaan.

Ug ang Dios miingon, “Atong buhaton ang tawo sama sa atong dagway, ingon nga sama nato, ug magdumala sila sa mga isda sa dagat ug sa mga langgam sa kalangitan ug sa mga kahayupan, ug sa tibook nga yuta ug sa tanang nagkamang sa yuta.”

— GENESIS 1:26

Akong gihunahuna nga giklaro kini sa Hebreo 2:7-9:

‘Gibuhat nimo siya nga sa makadiyot ubos sa mga anghel, gipurongpurongan nimo siya ug himaya ug dungog, ug ang tanang butang gipailalom nimo sa iyang mga tiil.’ Sa dihang gipailalom sa Dios ang tanang butang diha sa pagbuot sa tawo, wala siyay gibilin nga dili ilalom kaniya.

Sa pagkakaran, nasabtan na nimo nga ang Dios dili makapatuman sa Iyang pagbulut-an dinhi sa kalibutan (diha sa Gingharian sa tawo) hangtod nga ang lalake o babaye nga adunay legal nga dapit nga gidumalahan dinhi sa kalibutan magtugot sa langitnong pagbuot. Mao nga si Ginoong Jesus misulti sa Iyang mga tinun-an diha sa Mateo 18:18,

“Sultihan ko kamo sa tinood, nga kon unsay inyong gapuson dinhi sa yuta kini usab gapuson didto sa langit, ug kon unsay inyong buhian dinhi sa yuta buhian usab didto sa langit.”

Usbon ko, ang langit walay katungod dinhi sa yuta nga imong gidumalahan hangtod nga dili kini tugutan sa babaye ug lalake nga adunay katungod nga mobuhi dinhi sa yuta. Mao kana ang hinungdan ngano nga si Jesus misulti dinhi nga kon ang lalake o babaye magtugot sa pagbuhi sa ilang langitnong awtoridad dinhi sa kalibutan, ang langit magpaluyo usab niini. Kon dili kita mutugot, ang langit dili usab. Kon kana murang bag-o pa nganha kanimo, palihog ayaw hunong dinhi niini nga bahin lamang. Akong hisgutan kana nga topiko diha sa mas dakong detalye sa pagpasabot niini sa dili madugay. Apan sa pagka karon dawata una' kini nga kamatuoran ingon nga usa ka rason ngano nga wala mapahawa ang demonyo nga anaa sa usa ka bata—**dili gyud unta**

**APAN DILI KINI IKAW,
AKONG HIGALA; ADUNA
KA NAY AGIANAN SA
HUSTISYA DIHA SA
GINGHARIAN. ADUNA NAY
MGA TUBAG ANG IMONG
MGA PROBLEMA.**

to! Kadto nahitabo nga wala ang demonyo mogawas kay naa siyay legal nga katungod sa pagpabilin sa bata. Usbon ko, si Jesus misulti sa rason nga ang demonyo wala mobiya tungod sa kakulang ug pagtoo, o sa kakulang ug katungod sa iyang nasakupan. Ang Dios nawad-an ug katungod sa Iyang gisakupan tungod sa gihimo sa tawo sa dihang si Adan mipapahawa sa Dios pinaagi sa iyang pagsupak. Didto na nga bahin si Satanas nakakuha ug pagbulot-an ibabaw sa katawhan usab.

‘Unya gidala siya (si Jesus) sa yawa ngadto sa itaas ug sa daklit gipakita kaniya ang tanang mga gingharian sa kalibotan, ug miingon kaniya, “Thatag nako kanimo kining tanang kagahom ug ang ilang himaya, kay kini gitugyan man kanako (ni Adan) ug ihatag ko kini ngadto kang bisan kinsa nga buot nakong hatagan. Busa, kon ikaw mosimba kanako, maimo kining tanan.” ‘

—LUCAS 4:5-7

Tungod niini, ang Dios nawad-an sa Iyang legalidad dinhi sa kalibutan sama nga nawala usab diha kaniya ang tawo nga maoy hinungdan niini—si Adan. Usbon ko, akong hisgutan sa sunod kini nga balaod sa mas detalyado gayud, sama sa akong giingon, apan ang pinaka rason nganong akong gihisgutan una' kini nga istorya aron

mahibaw-an ang batasan ug ang pagkadismaya sa amahan kon giunsa niya nga misalig na lang sa pagpangayo ug kalooy. Palihog basaha ang mga sunod nga pagkasulti uban sa pagka mabinantayon gayud.

Kon walay awtoridad o balaod ug sistema sa pagdumala sa hustisya ug pagdala'g mga katubagan sa mga tawo nga anaa sa panginahanglan, nan ang pagpakilooy mao na lay mahibilin. Akong isulti sa laing

**INGON NGA ANG TAWO ADUNAY
KATUNGOD SA KALIBUTAN,
ANG PANGOVERNO SA DIOS
UG ANG IYANG AWTORIDAD
DILI MAKALIHOK HANGTOD
NGA ANG LALAKE UG BABAYE,
NGA ADUNAY PAGBULOT-
AN SA IYANG LUGAR NGA
GISAKOPAN DINHI SA YUTA,
NGA KOMBINSIDO SA KON
UNSAY GIINGON SA LANGIT,
UG BUHI-AN NILA KANA NGA
AWTORIDAD DIRI.**

paagi. Kon ang tawo wala nay legal nga kasulbaran diha sa iyang problima ug wala siyay agianan aron maproseso nga ang hustisya makab-ot, nan wala na kiniy kasiguruhan sa mga tubag. Ang pagpakilooy mao na lang ang nahibilin nga angayan niyang buhaton.

Apan dili kini ikaw, akong amigo; aduna kay agi-anan sa hustisya diha sa Ginghamarian. Adunay mga tubag sa imong mga problema. Hinumdumi, ang ginghamarian usa ka governo, ug kini molihok pinaagi sa mga balaod nga walay gidapigan ug kanunay anaa sa tanang mga katawhan nga nagpuyo ilalom sa iyang gisakupan niana nga ginghamarian. Sama sa akong

pagsugod niini nga libro, ang Ginghamarian sa Dios gitukod pinaagi sa hustisya (Legal nga proseso nga mahimong dalan sa awtoridad sa Dios aron mapatuman unsa ang Iyang balaod nga gisulti nga tinood) ug pagkamatarung. Adunay rason ngano nga ang demonyo wala mohawa, ug dili kini sayop sa Dios o nakapausab sa Iyang kabubut-on. Gipakita ni Ginoong Jesus nganhi kanato ang maong bata kon giunsa Niya gibadlong ang iyang mga tinun-an ug unya gihinginlan ang demonyo sa pagawas. Kasagaran sa mga Cristohanon, kon wala ganiy makita nga lihok sa Ginghamarian, usabon dayon ang ilang doktrina, ug moingon, “Dili tanang demonyo mohawa.” Kabalo sila nga ang Dios adunay

gahum, mao nga ilang gidahum nga ang Dios makahimo sa bisan unsang gusto Niyang buhaton dinhi sa kalibutan, mao nga kon ang demonyo wala mogawas, siguro ang Dios maoy nagboot nga kini dili mohawa. Higala ko, kini nga pang hunahuna sayop gayud kaayo. Si Jesus miingon nga tungod sa ILANG sayop nga panghunahuna ug pagkawalay pagtoo maoy nakapakulang sa ilang katungdanan sa ilang lugar nga mapatuman kon unsa ang dapat matuman niadto nga kahimtang. Tuguti ko nga isulti pinaagi niini. Ang rason nga ang demonyo wala mogawas tungod kini sa legal nga isyu–period. Wala kini migawas kay walay usa didto nga nagdala sa pagbulot-an sa langit ug sa legal nga katungod sa iyang gisakopan nga maoy magpakita diha mismo sa mao nga sitwasyon. “Apan, Garry, sila naningkamot nga kini mapapahawa.” Tinuod kana, apan sama sa akong giingon, sa legal nga paagi wala kini mohawa. Ngano man? Usbon ko, bisan ang langit walay katungod sa pagpatuman sa maong dapit aron mopahawa ang demonyo.

Akong lainon pagkasulti kon unsa ang akong giingon. Aduna silay hiwi nga mga panghunahuna, nga giila nga maayo o ok ra ang usa ka butang nga dili maayo o sukwahi sa panghunahuna kompara sa kon usa ang gisulti sa Dios bahin sa usa ka isyu. Ang pagka dili matinuohon mao usab ang pinaka dako nga isyu ingon nga ang pagtoo kini gikinahanglan sa langit aron ikaw adunay pagbulot-an sa lugar nga imong gidumalahan dinhi sa kalibutan. Ang mga disipulo dili kombinsido niini, hugot nga nadani, nga ang demonyo mapahawa gayud. Sila nangahadlok.

Ingon nga ang tawo adunay katungod sa kalibutan, ang pangoberno sa Dios ug ang Iyang awtoridad dili makalihok hangtod nga ang lalake ug babaye, nga adunay pagbulot-an sa iyang lugar nga gisakopan dinhi sa yuta, nga kombinsido sa kon unsay giingon sa langit, ug buhi-an nila kana nga awtoridad diri. Ang pasabot nga ang atong kasingkasing kombinsido sa giingon sa langit mao ang pagtoo, og walay adunay pagtoo niadtong adlaw. Nagduhaduha sila ug puno sa pagka dili matinuohon, ug mao toy nakapaputol sa katungod sa langit niadto nga sitwasyon. Apan si Jesus adunay pagtoo ug nahibalo nga ang demonyo mopahawa gayud! Si Jesus mibarog sa pagdumala ug mipahawa ang demonyo. “Apan, Garry, ang rason nganong ang demonyo migawas sa dihang gibadlong na kini ni Jesus, tungod kay Siya si Jesus.” Mao

ba? Atong lantawon sa Markos 6:5 sa dihang si Jesus namuhat sa iyang kaugalingong lugar.

Si Jesus wala makahimo ug mga milagro didto, gawas lamang sa pagpandong sa Iyang mga kamot sa pipila ka mga tawo nga masakiton ug sa pag-ayo kanila.

Mouyon ka nga si Jesus adunay gahom sa pag-ayo, dili ba? Nan imong matubag kon nganong dili Niya mahimo ang tanan Niyang buot buhaton niini nga instorya. Ang panginahanglan anaa, apan adunay butang nga nakapababag Kaniya. Iya kanang gitubag sa bersekulo 6, “*Ug natingala Siya sa ilang pagkawalay pagtoo.*” Ang pagtoo (ang pakigsabot sa langit) naghatag sa langit ug legalidad dinhi sa yuta. Sama pananglitan, makita nimo kini nga prinsipyo kon giunsa nga ikaw naluwas ug midool kang Cristo.

‘Kay ang tawo magtuo diha sa iyang kasingkasing ngadto sa pagkamatarong ug siya magsugid pinaagi sa iyang baba ngadto sa iyang kaluwasan.’

—ROMA 10:10

Mitoo ka sa sulod sa imong kasing kasing (kon unsay gisulti sa langit), ug ikaw gimatarong na. Kini usa ka legal nga pagkasulti, nagapasabot kini nga ang tigdumala sa balaod nagpaila nga karon ang langit aduna nay legalidad dinhi sa yuta. Diha sa yanong pagsusi niini nga pamaagi sa prinsipyo, atong hinumduman nga si Adan gihatagan ug legal nga katungod ug pagbulot-an dinhi sa yuta, ug ang mga tawo anaa gihapon niana nga posisyon karon. Dili kini sa paglibog kanimo sa abilidad sa tawo diha sa espirituhanong pagdumala, nga iyang nawala ug na-ilog ni Satanas didto sa tanaman sa Eden. Ang Dios dili makasupak sa legal nga posisyon nga karon gikuptan sa tawo dinhi sa kalibutan. Mao nga tungod niini, ang Dios kinahanglan mangita’g lalaki ug babaye nga muoyon uban sa langit aron adunay legal nga pamaagi sa pagsulod ug pag-implementar niini dinhi sa kalibutan.

Diha sa Roma 10:10, imong mamatikdan nga adunay duha ka butang nga kinahanglang mapahiluna sa dili pa ang awtoridad ug gahum mahatag dinhi sa kalibutan. Ang una nga ako nang nahisgutan: Kinahanglan nga kita nakabig ug nagauyon diha sa atong kasingkasing kon unsay ang gisulti sa langit; kini gitawag ug pagtoo. Ikaduha,

kinahanglan natong masabtan nga kon pinaagi sa pagtoo lamang dili mapadayag ang langit dinhi sa yuta. Makapatingala no? Akong ipasabot. Pananglitan maghunahuna ka ug usa ka switch sa usa ka suga. Ang kuryente anaa na, apan kon kinahanglan nimo siyang pasigaon kinhanglan pod nimong pisliton ang switch sa suga. Sa dihang kita mitoo diha sa atong kasingkasing kon unsa ang gisulti sa langit, kini naghimo nga ang atong koneksyon sa langit legal na o pwede na. Apan kinahanglang ato gihapong buhaton ang atong awtoridad dinhi sa kalibutan. Sama sa akong gihimong ehemplo, kinahanglan atong pisliton ang switch. Ato kining gibuhay sa dihang atong gikompiyal ug namuhay ilalom sa pagbulot-an sa Gingharian.

Kabalo ko nga gibalikbalik na nako ang akong gisulti, kay ang pagkasabot sa balaod sa Gingharian **IMPORTANTE KAAYO** alang kanimo ingon nga adunay abilidad sa pagdawat kon unsa ang anaa sa langit para kanimo. Madawat nimo ang tanang butang nga gusto nimong madawat gikan sa langit pareha sa pamaagi nga ikaw naluwas—pinaagi sa pagtoo kon unsay gisulti sa langit diha sa imong kasingkasing ug unya imong gisulti ug nagbuhat unsa ang gisulti sa langit.

Ang Gingharian, sama sa gitudlo ug gidemonstrar ni Ginoong Jesus, talagsaon kaayo kini alang sa mga tinun-an ni Cristo. Gani daghang panahon, atong makita diha sa Iyang mga disipulo nga daw nalibog kon unsay ilang nakita. Sa miaging bersikulo nga atong gibasa, nagatoo ko nga ang mga disipulo nangahadlok sa pagpadayag sa demonyo ug nahimong nagduhaduha, nga maoy nakapawalay epekto sa ilang pagtuo. Sa akong hunahuna nga samtang midool sila aron sa pagpapahawa sa demonyo, siguro ang demonyo nagpa-ila pinaagi sa pagpatumba sa bata ug nagpakita ug dakong ilhanan kon kinsa siya. Siguro maoy hinungdan nga nakapahadlok kanila. Ako lang gibanabana dinhi nga posibli mao kana ang nahitabo, apan usa ka butang nga sigurado gayud ako nga adunay nahitabo nga nahimong hinungdan nga ang ilang kasingkasing walan na nag-uyon uban sa langit ug nahimong dili matinuohon.

Sa laing bahin, si Jesus kombinsido gayud kon unsay gisulti sa langit bahin sa maong sitwasyon ug misugo sa demonyo pagpahawa. Sama sa atong nakita, ang problema ngano nga ang demonyo wala mipahawa tungod kini sa dapit diin anaa kini nga mao ang kalibotan, dili sa dapit sa langitnon.

Kon magpili ko og bisan usa lang ka bersikulo nga mohulagway

sa buluhaton sa Gingharian dinhi sa kalibutan nga mas maayo kay sa uban, ang akong masulti mao ang Markos 11:22-24. Aron maplastar kini, kinahanglan natong moatras pila ka bersikulo, ug atong makita nga si Jesus namulong sa kahoy nga Hegera ug kini namatay. Human nga wala Siya makakita ug bunga sa kahoy. Gitunglo kini ni Ginoong Jesus. Ug mao nga pagkasunod adlaw samtang ang mga disipulo miagi sa maong kahoy pag-usab, ilang nakaplagaan nga kini namatay. Ug si Pedro natingala kaayo sa iyang nakita ug misinggit ngadto kang Jesus.

‘Ug si Jesus miingon kanila, “Pagbaton ug pagtuo ngadto sa Dios. Sa pagkatinuod sultihan ko kamo, nga si bisan kinsa nga moingon niining bukira, ‘Maalsa ka ug matambog ngadto sa dagat,’ ug dili magduhaduha sa sulod sa iyang kasingkasing, kondili motuo hinuon nga matuman gayod ang iyang gisulti, kini mahitabo gayod alang kaniya. Busa sultihan ko kamo nga bisan unsay inyong pangayoon pinaagi sa pag-ampo, tuohi nga nadawat na ninyo kini ug kamo makadawat niini.’

— MARKOS 11:22-24

Matikdi nga si Pedro natingala kaayo sa nahitabo. Ug sa unsang paagi kini nahitabo? Si Jesus namulong lang sa kahoy. Apan sa walay pagduhaduha ang kahoy mipatoo sa pulong nga gisulti ni Jesus ug ang kahoy nalaya. Si Jesus namulong dayon kang Pedro ug “kamatuoran,” bahin sa balaod sa Gingharian sa Dios. Ang gibuhat ni Jesus naghatag kanato ug dugang pagsabot kon giunsa sa Gingharian sa Dios sa pagpanglihok dinhi sa kalibutan. Sa makausa niini nga ehemplo atong makita ang managsamang balaod nga nagapanglihok sumala sa kon unsa ang atong gihisgutan; nga ang lalake o babaye dinhi sa kalibutan, nga kombinsido sa kon unsa ang gisulti sa langit (nga karon gipakamatarong) unya mamulong o mobuhi sa langitnong awtoridad. Hinoon, ang tawo niini nga istorya, ingon nga si Jesus, sa Iyang kaugalingon mismo, naghimo niini diha sa klaro kaayo sa Iyang pagpasabot ngadto sa Iyang mga tinun-an nga “ang matag-usa” makahimo usab sa Iyang nahimo.

Sigurado ko nga muoyon gayud ka nga kon ang mga tawo tinud-anay nga nahibalo niini, ug nakasabot sa balod nga gitudlo ni Jesus, kanila kini adunay kulba hinam nga panghitabo sa ilang kinabuhi. Akong nakita ang nahimo sa Gingharian sa Dios sa mga kinabuhi

sa akong pamilya, apan kini usab makapatingala nga makita ang Ginghamarian nakapausab pod sa ubang pamilya samtang amo usab silang gitudloan kon unsa ang among mga nakat-onan. Tugoti ko nga magpaambit sa nahitabo sa among simbahan nga kon asa ang iyang balaod napadayag. Daghang mga panahon, ang kahibalo sa Ginghamarian ug sa iyang pagpanglihok sama kini kalahi sa kamatayon ug kinabuhi. Kini nahitabo niini nga istorya.

Si Jenefer nga nagsugod sa pagsimba sa akong simbahan ug nakapaminaw bahin sa pagtoo ug sa Ginghamarian. Mahinamon kaayo siya nga gustong makahibalo sa iyang awtoridad ug mga katungod sa Ginghamarian samtang siya nagbuntis sa iyang ikaduhang anak, ug nagtinguha siya nga sa balay lang manganak. Mao nga nagsugod siya sa pagtoon kon unsa ang gisulti sa Pulong sa Dios bahin sa pagpanganak ug ang saad diha sa Ginghamarian nga maaply alang sa iyang anak. Kombinsido gayud siya nga aduna siyay himsog nga pagpanganak ug diha sa balay lang. Gitawagan niya ang mananabang,

**“BUSA SULTIHAN KO
KAMO, NGA BISAN UNSAY
INYONG PANGAYOON
PINAAGI SA PAG-AMPO,
TOOHI NGA INYO NA
KINING NADAWAT, UG
KAMO MAGADAWAT NIINI.”**

– MARCOS 11:24

ug nangutana pod siya sa usa sa mga babaye sa among simbahan, nga adunay kasinatin sa pagpanganak nga anaa lang sa balay, kon makatabang ba siya panahon sa iyang pagpanganak.

Sa pag-abot na sa panahon nga hapit na siyang manganak, wala siya gihapoy undang sa pagsimba kay gusto siya nga mahumol kanunay sa mga prinsipyo sa Ginghamarian. Kini nga mga konsepto bag-o pa kang Jenefer, ug nahigugma siya pag-ayo sa pagkat-on nga adunay tinuod nga katubagan diha sa Ginghamarian sa Dios. Apan intawon, niadtong panahuna, ang iyang bana kinahanglang motrabaho panahon sa Dominggo ug dili makahimo kanunay sa pagsimba uban kaniya. Unya, miabot na ang panahon nga ang bata matawo na. Ang mananabang ug ang tiggiya ilang gitawagan.

Mga alas 2:00 o alas 3:00 sa kaadlawon na kini. Sa dihang ang akong telepono nga anaa sa daplin sa akong katre mitingog. Ug diha

sa laing bahin, nadungog nako sa telepono nga ang mananabang ni Jenefer nalisang ug miingon nga “Pastor, palihog ampo, kay ang bata natawo nga patay na!” Ang maong balita nakapukaw kanako. Ang mananabang nagsugilon nga ang bata bag-o lang gidala sa ambulansya paingon sa hospital. Mao kana ang iyang gisulti dinhi kanako, gani, ang medical team nagdeklara na nga ang bata patay na pag-abot sa hospital.

Dihadiha si Drenda ug ako mibangon dayon unya nag-ilis ug sanina. Misugod ko sa pag-ampo diha sa Espiritu, naminaw kon unsay akong buhaton. Kabalo ko nga ang yawa boot nga magsulti ug dili maayo bahin sa among simbahan pinaagi niini nga hitabo. Makita nako nga mao gyud ni ang mahimong uluhan sa mga balita, “Ang bata namatay sa dihang ang kulto nga simbahan nag-ingon nga sa balay lang manganak.” Wala mi mohimo ug lakang sa kon asa kinahanglang matawo ang bata, sa balay ba o dili, apan kadaghanan sa mga babaye mipili nga sila diha lang balay manganak; mao na ang tinuod. Si Drenda ug ako nagpadayon sa pag-ampo diha sa Espiritu samtang nagpaingon mi sa hospital, nga dunay 20 minutos lang ang gilay-on sa dagan sa sakyanan. Sa diha na mi sa tunga-tunga niini sa dalan, nabati nako ug kalit ang Espiritu sa Dios nga mikonsad kanako, ug nakabalo ko nga ang bata mabuhi ra. Ug niana nga higayon usab ang akong asawa milingi nako ug miingon nga ang Dios misulti kaniya nga ang bata wala maunsa.

Kabalo ko kon unsay gisulti sa Dios dinhi kanako ug sa akong asawa, mao nga sa dihang naglakaw na ko paingon sa emergency room, naniid ko kon unsa ang akong makita. Unya didto sa ER akong nakita ang mga pito o walo ka mga nurses nga nag-alirong nga nagpaila nga murag normal lang ang tanan, naghilak ang bata nga ang iyang color pink. Akong gitun-an pag-ayo ang ilang mga nawong. Sa kasagaran nga hitabo sa dihang ang bata gunitan ug alsahon sa mga babaye, makita nimo ang mga pahiyom. Apan niini nga higayon wala. Hinoon, adunay makita nimo sa ilang mga hitsura nga daw nakurat. Nagkita kami sa babaye nga nagtawag kanamo. Miusab siya ug sulti nga ang bata gideklara nga patay na sa diha pa sa balay, nga mga 20 minutos pa ang gilay-on paingon sa hospital. Ug ang bata usab gideklar nga patay na sa dihang miabot sa hospital. Apan sa kalit lang, sa kon asa siya nahimutang, nimata kini. Dalaygon ang Dios! Si Drenda ug ako gusto

na gyud kaayong makakita sa bata nga buhi ug maayo ang kahimtang sama sa gisulti sa Balaang Espiritu nganhi kanamo.

Sa wala madugay, adunay laing ambulansya nga miabot nga maoy nagdala sa inahan sa bata, nga si Jennifer, pasulod sa kwarto nga paanakanan. Unya wala pod damha, nga ang inahan sa bata wala kabalo sa unsay nahitabo. Ang akong asawa nga si Drenda, miadto didto sa kwarto nga paanakanan aron susihon ang inahan sa bata. Samtang naglakaw si Drenda paingon sa kwarto ni Jennifer, nagpahulay pa diay siya, unya iyang gitawag ang inahan sa bata, “Jennifer, ang imong anak ok ra kaayo, ug matahum kaayo nga tan-awon.” Unya ang nurse nga nagtindog sunod ni Jennifer milukso ug misulti nga kalit lang kaayo. “Dili kana tinuod, ang bata gisulod na sa bag nga sudlanan sa mga patay!” Ang akong asawa mibadlong sa nurse sa iyang sayop pinaagi sa pinabundak nga pagkasulti. Ug miingon siya, karong adlaw, alang sa himaya sa Ginoo, ang batang babaye nga gihinganlan ug Haley, usa ka maanyag nga babaye nga walay deperensya ang utok o mga kadaot sa bisan asa nga bahin sa iyang lawas. Kini sumala sa pagsabot nga ang Gingharian sa Dios nagapanglihok sumala sa espirituhanong balaod, kay nakahibalo ko nga kini nga resulta dili sulagma. Ingon nga usa ka espirituhanong scientist (dili Christian Science, apan usa nga nagtoon kon giunsa sa Gingharian sa Dios pagpamuhat) gusto nakong makaplagan ang insakto kon unsa gayud ang nahitabo.

Nakahibalo ko nga si baby Hailey opisyal nga gideklarang “patay na sa dihang nagbiyahe pa paingon sa hospital” pinaagi sa mga tawo nga miadto sa ilang balay. Ug ako usab nahibalo nga gideklarar nga patay na ang bata pag-abot sa hospital. Mao nga unsa gayud diay ang nahitabo? Akong gi estoraya ang mananabang nga atoa didto, ug gihangyoko siya nga isaysay kanako kon unsa ang detalye sa mga panghitabo. Nangita ko ug mga timailhan, unya miingon siya nga ang tanan maayo sa dihang si Jennifer nanganak hangtod nga natawo ang bata. Apan wala na siyay mga ilhanan nga buhi pa siya ug nausab na ang iyang color. Ang mananabang naningkamot nga mabuhi ang bata apan wala siya makahimo niini. Unya ang mananabang mipadayon sa pagsulti nga adunay daghang mga paryenti ni Jennifer nga nataranta sa kahimtang. Apan si Jennifer kalma nga misulti kanila nga hilom mo, ug unya mibutang sa iyang mga tudlo diha sa nawong sa iyang bana, nga nag-ingon, ‘Bantayi ang imong mga pulong—kay kini nga bata mahimong maayo ang iyang kahimtang!’”

Akong gipahunong ang estorya sa mananabang niadtong higayuna ug akong giingnan nga pwede ba niya mausab ug sulti kon unsa ang giingon ni Jennifer ngadto sa iyang bana. Misulti siya sa samang mga pulong sa kon unsa ang iyang gisaysay, nga si Jennifer nagbutang sa iyang kamot sa nawong sa iyang bana ug miingon, Bantayi ang imong mga pulong—kay kini nga bata mahimong maayo ang iyang kahimtang! “Wow! Mao gayud diay to! Mao kadto ang takna, ang deklarasyon nga nakapaluwas sa kinabuhi ni Hailey. Akong gibati nga mora kog usa ka detective nga nakasulbad ug usa ka dakong problima! Hilabihan ang akong kahinam. Ingon lang niana ka sayon, apan lawom. Si Jennifer nag-aplikar lang sa espirituhanong balaod taliwala niadto nga sitwasyon, ug nakapaluwas kini sa kinabuhi sa iyang anak! Samtang namalandong ko ug unsay akong nakat-onan, aduna gyud diay kapuslanan.

Si Jennifer kabalo nga, tungod sa iskediyul sa trabaho sa iyang bana, ang iyang bana wala gyud mapundar ang pagtoo niini sama kaniya usab sulod sa daghang mga bulan. Si Jennifer usab nahibalo, nga ingon nga ang iyang bana mao ang ulo sa pamilya, ang iyang pag-uyon sa kahadlok tungod sa nahitabo sa pagpanganak niya maoy magselyo sa kahimtang sa bata. Mao nga ang una niyang tubag mao ang pagsulti sa iyang bana ug dili sa pagtugot niini nga mohimo ug pag-uyon nga patay na ang iyang anak. Hinoon si Jennifer kombinsido gayud nga ang bata mabuhi ug mahimong maayo ang kahimtang niini, ug kini iyang gideklarar uban sa kaisog ug pagtoo.

Sa dihang gipagawas na sa hospital si Jennifer, miadto siya sa mga tawo nga naassign sa ambulansya nga gisakyan sa iyang anak aron mangutana usab kanila kon unsay ilang gihimo ngadto sa iyang anak samtang kini anaa pa sa dalan paingon sa hospital niadtong gabhiuna. Mitan-aw sila kaniya nga adunay hadlok sa mga nawong.

“Wala oy,” usa sa ilaha misugot.

“Unsay buot nimo ipasabot nga wala?” Nangutana si Jennifer, “Inyo ba siyang gi-CPR?” “Wala,” sila miingon.

“Aduna ba moy gibuhay para sa bata?” “Wala,” misulti sila pag-usab.

Misulti sila kang Jennifer nga ang bata patay na, ug wala na silay paglaom nga buhion pa kini. Apan diha-diha, ang bata “nimata” sa dihang miabot na sila sa hospital! Mao nga, kadto nga ambulansiya

nakadawat ug ganti sa pagdayeg gikan sa hospital ug usa ka firehouse nga ganti alang sa pagresponde sa maong tuig, usa ka tinuig nga ganti basi sa nabuhatadtong panahona taliwala sa lisod nga sitwasyon. Apan sila miangkong nga wala silay gihimo.

Adunay bag-o lang nga nahitabo nga si Hailey ug ang mama nga si Jennifer uban namo kay adunay programa sa telebisyon, uban sa mga luha sa among mga mata, nagpasalamat mi pag-usab sa Gingharian sa Dios. Nagpasalamat kami sa kamatuoran nga adunay babaye nga anaa sa kahintang nga nakahibalo kon unsaon pagpamuhat ilalom sa espirituhanong awtoridad sa Gingharian.

Niini nga istorya nakita namo si Jennifer, nga kombinsido gayud kaayo nga kon unsa ang gisulti sa langit unya gibuhi-an ang awtoridad diha sa usa ka sitwasyon uban sa iyang kaugalingong mga pulong. Ang balaod mamuhat gayud!

Adunay laing pamilya sa among simbahan nga aduna usab kasinatian sa manag samang balaod sa Gingharian sa Dios. Adunay duha nato ka igsoon sa pagtoo nga babaye nag-uyon nga magdungan silang duha ug paniudto, nga medyo dili sayon tungod kay adunay mga 12 o 13 ka mga bata nga ilang giatiman sa ilang taliwala nga ilang mabiyaan. Hinoon, samtang sila maniudto na unta, ilang namatikdan nga si Joel, ang upat ka tuig nga bata, wala dihaadtong panahona. Ilang gitanao ang tibook nga panimalay ug wala gayud makita ang bata. Mao nga ilang gihunahuna nga basin nagtago lang, apan human sa ilang pagpangita nga wala makit-i ang bata. Dihadiha si Tina, ang inahan sa bata, adunay makalilisang nga hunahuna. Unsa kaha kon anaa to didto sa ligoanan o pool nga anaa sa luyo? Mao nga midagan dayon siya sa luyo nga pultahan uban sa iyang pag-umangkong, nga 13 pa ang edad nga si Courtney diha sa iyang kilid. Si Tina nagdalidali gayud uban sa kahadlok sa dihang ilang nakita si Joel diha sa tunga gayud sa ligoanan, nga wala na maglihok. Ug walay nakahibalo kon pila na siya ka oras nga anaa didto. Si Tina nga nahadlok midali pagtawag sa 911 ug paghuman siya miambak dayon sa ligoanan ug gikuha si Joel gikan niini. Wala na ang bata maginhawa, ug luspado na nga medyo lagom ug wala na maglihok ang iyang pag-umangkong nga 13 pa ang edad nga nagdako sa simbahan uban sa ministeryo sa mga bata, miingon sa iyang ante, “Dili, ante Tina, dili na kinahanglan motawag pata ug 911; aduna tay awtoridad niini. Kinahanglan ta mag-ampo.” Mao nga silang

duha misugod sa pag-ampo, apan wala gayud gihapoy nahitabo. Si Tina misulti napod ug usab, “Tawagi ang 911!” Si Courtney miingon sa iyang anti pag-usab, “Anti Tina, kinahanglan ta musulti ug kinabuhi para kaniya.” Mao nga si Courtney miingon, “Joel, sa ngalan ni Jesus, mata!” Dihadiha si Joel nasud-ipan, ug nagsuka ug tubig, ug nabalik ang kinabuhi, unya nahimong normal na nga may kinabuhi.

Sa dihang gihunahuna nako pagbalik kini nga istorya, kanunay kong matingala, wala matingala kay ang bata maayo na, apan natingala sa 13 anois ug sa iyang maayong panghunahuna niadtong higayuna. Sa usa ka hilabihan ka bug-at nga kahimtang labina og aduna nay namatay, nakahimo pa siya sa paghunahuna kon unsa ang kinahanglan nga buhaton nga wala gayuy kahadlok. Si Courtney nakapamatuod nga ang pagkabalo kon giunsa pagpanglihok sa Gingharian labaw pa kay sa nindot nga wali; kinabuhi o kamatayon kini!

Sa makausa, tan-awa kon giunsa sa balaod sa Gingharian pagpamuhat. Sa pagsugod si Courtney nagkinahanglan nga mag-ampo, ug kini ilang nahimo, apan walay nahitabo. Tungod kay sa dihang kita moampo wala nato gibuhian ang awtoridad ug gahum sa Dios. Apan kita niampo alang sa direksyon. Ug mao kana ang insakto nga ilang gikinahanglan niadtong higayuna. Imong mamatikdan nga niadtong higayuna sa istorya si Courtney diha diha miingon nga kinahanglang mosulti sila ug kinabuhi alang sa bata. Ug sa ila na kining gibuhat, nimata ang bata nga maayo na kaayo hangtod karong adlaw. Usbon ko, nakita nato ang kasingkasing nga kombinsido kaayo kon unsa ang gisulti sa langit, apan walay mahitabo hangtod nga ang awtoridad gibuhian dinhi sa kalibutan pinaagi sa mga babaye ug lalaki nga anaa sa pagtoo.

Tagaan pa mo nako ug usa pa ka istorya, usa ka hitabo nga diha gyud mismo sa among pamilya. Kay ang igsoon ni Drenda nga lalake midala sa iyang asawa nga si Candy sa hospital aron manganak sa ilang ika lima nga bata. Unya si Drenda ug ako mihapit sa hospital nianang buntag nga si Candy nagbati aron motan-aw sa bag-ong madugang napod sa among pamilya. Unya nagtoo mi nga ang pagpanganak nahuman na sa wala pa mi moadto didto. Apan among nasayran, tungod sa pipila ka mga adlaw nga nadugay diay, ug ang pagpanganak bag-o lang diay nahitabo. Samtang naglakaw mi paingon didto sa paanakanan, si baby Holland bag-o lang pod nadala didto sa butanganan sa mga bata nga

bag-o pang natawo. Sama sa imong makita, ang butanganan sa mga bata kini pulos mga samin nga bintana, aron pagtugot nga makita ang mga bag-ong natawo nga mga bata nga anaa sa sulod niini.

Ug samtang ilang gidala sa sulod ang gamay nga bata nga si Holland, diha-diha namatiknan nga murag luspada tan-awon ang bata. Hinoon ang tanan nga mga anak ni Johnny halos puti-on, mga bulagaw ug buhok; sa una, nakaingon ko nga ang pagkakulang sa ilang kulor normal na para sa iyang mga anak sukad sa ilang pagkatawo. Apan si Holland dili makita nga maayo tan-awon. Diha diha, ang mga doktor nagsugod ug dalidali ug dagan sa maong dapit. Ang mga nurse midali ug tabon sa kortina aron dili na ko makakita sa butanganan sa mga bata, kabalo ko nga timailhan kadto nga dili maayo ang kahimtang. Apan bisan tuod ang kortina gitabon, adunay gamay nga bahin nga ako gihapong makita kon unsa ang padayon nga nahitabo. Ang mga nurse misugod ug kuha'g mga gamit, ug ang doktor misugod ug CPR kang Holland. Miadto ko sa laing pultahan ug madungog na nako ang klarong mga sulti sa doktor kon unsay ilang gihisgutan. Ug samtang naminaw ko nila, nakurat kaayo ko sa dihang sila nagsulti nga ang batang lalake walay pinitik sa kasingkasing ug dili nila mahimo papitikon kini. Ug samtang nagpadayon ko sa pagpaminaw nila, akong madungog ang gamit sa pagmonitor sa kasing kasing nga mopitik pero tagsa nalang kaayo. Madungog nako ang pitik unya mga 15 hangtod 20 pa ka mga segundo ayha masundan, nga imong madungog ang sunod na usab nga pitik niini. Wala na kaayo magpitik ang iyang kasingkasing!

Ang doktor migawas sa kwarto ug miadto dayon kang Johnny nga amahan sa bata, “Ug miingon, Johnny, adunay dili maayo nga among nakita sa bata, pasayloa ko, apan amo pa kining gipaningkamotan.” Dili mi tugutan nga makasulod sa butanganan sa mga bata, mao nga si Drenda ug si Johnny mipandong sa ilang mga kamot diha lang sa pultahan sa butanganan sa mga bata. Ug nagsugod mi ug ampo uban sa pagdeklara nga si Holland mabuhi ug dili mamatay ug mabuhi nga himsog kaayo. Among gisugo nga kana nga kasingkasing mopitik gayud, sa ngalan ni Jesus.

Diha diha, ang doktor nga nakig-istorya ni Johnny migawas sa kwarto nga gisudlan sa mga bata nga nagdalidali pag-ayo. Nagdali siya nga miadto kanamo nga walay gisulting mga pulong. Unya mga pipila ka minutos, mibalik siya pag-usab uban sa usa ka nurse nga nagsunod

kaniya, nga nagsulti sa kusog nga tingog nga nag-inogn, “Doktor, dili namo na mahimo. Dili namo tugotan ang hospital sa paghimo niana. Dili ka nako tugutan nga makakuha ana nga dugo.” Wala manumbaling ang doktor sa nurse samtang mibalik siya sa sudlanan sa mga bata. Unya gikuha sa doktor ang usa ka libro, ug akong masulti nga siya seryusong nagtoon unsaon pagbuhat sa maong pamaagi. Nagtan-aw ko niini pinaagi sa gamay nga makita nga anaa sa kilid sa kortina samtang siya mitindog ug misugod sa pagbutang ug taas nga tubo diha sa bata. Ug akong namatikdan nga naghatag siya ug dugo sa bata.

Ug dihadiha. Akong nabati nga misugod na pagpitik ang kasingkasing sa bata. Ug nagkakusog kini ug nahimong sama na sa normal ang pagpitik niini sama sa mga bata nga bag-o pang natawo. Unya ang

HINUMDOMI NGA ANG MGA BALAOD SA GINGHARIAN KANUNAY KINING NAMUHAT SA TANANG PANAHON, ALANG SA MATAG-USA!

doktor migawas ug miingon, “Sa sulod adunay mga anghel; Ang Dios maoy mitabang kanako alang niining bata nga lalaki!” Among makita nga ang doktor nagkurog, Unya among nakaplagan nga dili diay unta to siya magtrabaho ug dili siya apil unta sa pagpa-anak ni Candy. Mihapit lang siya sa

hospital aron tan-awon ang laing pasyente niadtong higayuna samtang kini nahitabo. Akong masulti nga ang doktor natingala usab samtang iyang gisulti kanamo kay si Holland wala nay pinitik sa kasingkasing sulod sa 36 ka minutos!

Karon si Holland usa ka maanyag nga bata ug normal nga upat na katuig. Nagtoo ko nga kadto nahitabo tungod sa among nasabtan nga balaod sa Ginghamarian nga maoy nagdala sa tubag niadtong higayuna. Ako pang mahinumduman, samtang akong gipandong ang akong mga kamot niadtong pultahan sa sudlanan sa mga bata, nga naghunahuna sa akong kaugalingon nga dili mi maghimo ug lamay alang sa matahum namo nga pag-umangkon ni Drenda! Dili among panahon!

Samtang naglingkod mi ug namalandong kon giunsa sa Ginghamarian pagpamuhat diha sa mga istorya nga among gipaambit, gusto ko nga imong hinumduman nga ang balaod sa Ginghamarian mamuhat sa tanang panahon, alang ni bisan kinsa! Sama sa akong gisulti sa pagsugod niini nga libro nga ang naandan nga balaod dinhi sa kalibutan namuhat sa

samang resulta sa tanang panahon. Sila motagad gayud sa tanan ug motrabaho alang sa tanan nga maghatag ug panahon sa mga gustong makakat-on niini ug kon unsaon usab sa pag-aplikar niini. Ang elektrisidad nagapamuhat sa Amerika sama nga kini namuhat usab sa Africa; walay kalainan sa tanan. Sa dihang akong nakita ang Ginghamian sa Dios, kini usa ka Ginghamian nga han-ay kaayo bisan kon natago ang mga balaod niini. Kabalo ko nga akong nakaplagaan ang mga tubag niini sa akong mga problema. Akong nasuta nga wala gayud magdumili ang Dios kanako, nga dili ko Niya panalanginan o tabangan sa panahon sa akong pagkinahanglan. Wala gayud, Karon akong nasabtan nga ang Dios naghatag kanako sa tanan nga akong gikinahanglan sa kinabuhi pinaagi kang Cristo Jesus, diin pinaagi sa iyang mga pag-antus kini nagahatag kanako ug kahigayunan sa tanan kon unsa ang anaa sa langit. Karon akong nasabtan nga ang Ginghamian namuhat pinaagi sa kon unsa ang balaod nga Iyang gihan-ay nga kinahanglan nakong makat-onan ug maaply sa akong kinabuhi.

Mao nga nagsugod ko ug basa sa mga istorya sa Bibliya nga dunay lahi na nga panlantaw, nangita ko ug mga pamatood nga nagpakita niini sa lain pa nga mga balaod sa Ginghamian. Akoa nang gikomitar ang akong kaugalingon nga mahimong usa ka espirituhanong scientist aron makakat-on kon nganong nahitabo kini nga mga butang diha sa mga istorya sa Bibliya nga kasagaran akong nabasa. Kini nga basahon anaa makita sa 1 Juan nga murag kataw-anan ug lain paminawon sa daghang mga tawo. Nakabalo ko nga kadaghan na nato nabasa kini, apan atong basahon kini pag-usab tungod kay ibutyag niini ang kamatuoran nga tubag sa imong mga pangutana.

Mao kini ang pagsalig nga atong nabatunan sa dihang kita moduol sa Dios; nga kon mangayo kita bisag unsa sumala sa Iyang kabubut-on, siya maminaw gayud kanato. Ug kon kita nahibalo nga siya maminaw kanato (sama sa nahitabo namo)—bisan unsa ang atong panagayoon—kita NAHIBALO nga ato nang nabatunan ang atong gipangayo Kaniya.

—1 JUAN 5: 14-15

Nahigugma kaayo ko niini nga kasulatan tungod kay kini nagsulti bahin sa balaod, ug ang balaod naghatag kanato ug pagsalig sa pagkabot ug hustisya. Mao kini ang atong pagsalig—nga kon mangayo

kita bisan unsa sumala sa kabubut-on sa Dios (ang balaod, unsa ang giila nga matarung sa Dios) maminaw Siya kanato. Usbon ko, kini nga pagkasulti, “maminaw kanato” wala kini maghisgot sa Dios nga naminaw sa atong kusog kaayo nga mga pulong, bisan tuod Iyaha kining buhaton. Apan hinoon, naghigut kini sa Dios nga maoy nag-atiman sa sitwasyon. Kon imong hunahunaon ang usa ka maghuhukom nga nagdala sa kaso, magdumala sumala sa balaod, ug dili pibaagi sa mga pagbati (nga unta mao gayud na ang dapat mahitabo), nan imong masabtan ang mga kasulatan. Naminaw Siya kanato—Iyang gigunitan ang kaso o *nagbearing* sa kaso, ug tungod niana, makasalig kita nga atong madawat ang hustisya, kon unsay legal alang kanato.

Higala, akong nahunahunaan nga kinahanglan siguro kang muhunong sa’ kadali ug mobasa niana pag-usab, sa hinay. Kay kon ang imong nabasa usa ka tinuod, ug tinuod man gayud, nan ang imong kinabuhi mobuto sa kalipay! Ang mga tawo nga nag-ampo nga wala niini nga kahibalo walay gikuptan nga pasalig; sama lang sila sa nagyawyaw kon sila mag-ampo. Si Jesus ang nagsulti niini sa Mateo 6:7-13.

“Apan sa dihang mo-ampo kamo, ayaw pagsigi’g yawyaw sama sa mga pagano, kay naghunahuna sila nga sila paminawon tungod sa ilang daghang mga pulong.”

— MATEO 6:7

Ang pulong nga “nagyawyaw” nagpasabot nga nagsulti ug mga walay pulos ug makalibog nga mga pulong o tingog. Mao kini ang kasagaran sa mga tawo nga gihimo kon mag-ampo. Wala silay kahibalo sa ilang katungod bahin sa hustisya o bisan sa gihatag na sa Dios nga legal para kanila para sa Gingharian. Dili na kinahanglan nga ikaw magpakilooy pa ug maghilak bahin sa usa ka butang nga anaa na para kanimo!

Pananglitan usa ka opisyal nga polis nagtindog sa dalan unya misulti sa usa ka drayber sa sakyanan nga hunong, unya musugod siya ug hilak ug magpakilooy sa drayber sa sakyanan nga muhonong. “Palihog, drayber sa sakyanan, hunong, malooy ka nako. Palihog, intawon palihog, hunong.” Kana maoy pinakamakalooloy kaayo ug dakong insulto sa nasud sa Amerika ug sa legal nga systema niini. Pero dili dapat ingon niana, kay kon ang maong opisyal nga polis motindog

nga maisugon ug sa klaro iyang sultihan ang drayber sa sakyanan nga mohunong, kini muhunong basi sa balaod sa yuta ug sa iyang posisyon ingon nga usa ka opisyal nga nagrepresentar sa gobierno sa nasud.

Ang mga tawong nagpakilooy sa Dios walay kahibalo sa balaod sa yuta o sa ilang posisyon. Ang gibuhat sa usa ka opisyal nga polis nga nagpakiluoy sa drayber sa sakyanan usa ka dakong insulto ug nagpakita nga ang maong nasud walay han-ay nga balaod ug pagdumala. Ang tanan nga makita nimo niana nga klaseng nasud mo-ingon nga sila walay pamunuan. Sa dihang ang mga Cristohanon nagpadayon nga nagpakilooy nagpakita nga ang Gingharian sa Dios huyang ug walay kusog, ug naghatag ug walay katubagan sa mga gikinahanglan sa katawhan niini. Ug maghimo sa mga tawo nga magduhaduha na hinoon sa Dios o sa Iyang abilidad sa pagtabang kanila, nga unta sa kanunay, aduna man unta silay katungod sa kon unsa ang ilang pangayoon ngadto kaniya. Si Jesus naghatag kanato ug klarong tubag bahin sa mga walay klarong pagpakilooy nga mga pag-ampo— “HUNONGI NA KINI!”

‘Amahan namo nga anaa sa langit, balaanon unta ang imong ngalan. Moabot unta ang imong gingharian, matuman unta ang imong kabubut-on dinhi sa yuta maingon sa langit. Ihatag kanamo karon ang pagkaon namo sa matag adlaw ug pasayloa kami sa among mga utang sama nga gipasaylo usab namo ang mga nakautang kanamo, ug ayaw kami itugyan sa pagsulay kondili luwasa kami gikan sa daotan.’

—MATEO 6:7-13

Hinumdomi, nga si Jesus nagtudlo kanato niini nga bersikulo unsaon pag-ampo. Ang makasubo, daghang mga tawo nga anaa niini nga bersikulo gibutang sa plaque ug gubitay diha sa ilang panimalay apan wala nakasabot sa buot ipasabot niini nga mga bersekulo. Ang bersikulo nagpasabot sa “Pag-ampo sa Ginoo,” apan Siya nagtudlo niini sa Iyang mga tinun-an kon unsaon pag-ampo pinaagi niadto nga mga pulong. Wala siya nagtudlo nga mao ni ang literal nga klasi sa atong pag-ampo nga maoy atong ginabuhat sa atong mga pagsimba. Kadto nga mga pulong mga pulong paggiya, kon himuon mo, sa pamaagi sa pag-ampo makadawat ka og resulta, dili lang kay imong memoryahon.

“Moabot ang Imong Gingharian, ug ang imong kabubut-on matuman

dinhi sa yuta maingon man didto sa langit,” usa kini ka paggiya kon unsaon sa pag-ampo. Mag-ampo kita, aron pagdala sa kabubut-on sa Dios nga anaa didto sa langit ug nga kini moabot usab dinhi sa yuta tungod ug alang sa imong sitwasyon. Mao nga unsa may imong tubag? Tuohi kon unsay gisulti sa Dios nga imo, ug gamita ang imong awtoridad nga gikan sa langit aron pagdala sa langit dinhi sa yuta aron motagbo sa kon unsay imong gikinahanglan ug sa mga tawo nga nagapalibot usab kanimo.

Hunong sa kadali ug hunahunaa kini. Kon nakabalo ka nga sa walay pagduhaduha nga ang imong pag-ampo epektibo kaayo ug ang tibuok langit nagpaluyo niini, makapahimo naba na nimong masaligon kon moampo ka? OO!!! Pinaagi sa imong kahibalo sa legal ug insaktong katungod ingon nga legal kini sa langit, nga nakahibalo sa kon unsa ang imong libreng nadawat ug nakasabot sa insaktong pamaagi sa pagdawat, ug nalipay sa mga benepisyo niana nga mga balaod, makalakaw ka diha sa bag-ong dalan sa pamaagi. Unsay mahitabo sa kahadlok? Unsay mahitabo sa pagka walay kasiguruhan? Sa unsang paagi kini nga kahibalo sa pagpukaw sa imong pagsalig alang sa umaabot ug pagsalig bisan anaa taliwala sa mga bagyo? Mao kini ang nahitabo kanamo ni Drenda sa dihang kami nagsugod sa pagdiskubre niini. Nahingangha kami ksa kasagaran sa among mga nakita. Dili, tugoti ko sa pagusab sa akong gisulti. Natingala ug nahingangha kami sa kanunay! Ug dugang pa niana, natingala kami sa awtoridad nga gihatag sa Dios diha sa iglesia aron sa pagpamuhat pinaagi niana nga pang gobyerno dinhi sa kalibutan.

Tungod kay pinaagi ni Cristo Jesus ANG BALAOD sa Espiritu sa kinabuhi nagpagawas kanako gikan sa BALAOD sa sala ug kamatayon.

—ROMA 8:2

Sa pagkakaplag nga kita gawasnon na sa “balaod sa sala ug kamatayon” ug gihatagan sa Gingharian aron atong mabatunan ang “balaod sa espiritu sa kinabuhi” makapalipay gayud kaayo. Usbon ko, ang mas makalipay kanato mao nga kita nakakita nga ang balaod nagbunga ug pagkamatarung diha sa Gingharian sa matag kinabuhi.

Ang Gingharian nagtugot kanako nga mamaayo gikan sa balatian sa lawas, ug bisan pa sa pagbati paingon sa bag-ong paglaom ug

mahimong gawasnon gikan sa kanunay nga kabalaka. Kini nagtugot kanako sa pagkagawasnon gikan sa kakabus, nga naglisod sa pagbayad sa \$300 ka dolyar matag bulan nga renta tungod sa pagka hugno namo, ang karaang balay nga gitukod pa niadtong tuig 1800, nakatukod na kami ug kumpletong nabayran ang 7,700 piye-kwadrado nga balay nga gitukoran sa among 23 ka ektarya nga nindot kaayo nga yuta. Ug ang akong asawa misamot pa kagusto kaayo kanako! Nagmaneho na sa mga desenting mga sakayan nga dili na dali maguba bisan padaganon kada adlaw ug kini dili kabayran. Nakahimo na ug panghatag ug daghang mga kwarta alang sa Maayong Balita ug kini imposibling hunahunaon sulod lang sa mubong panahon nahitabo sa among kinabuhi, kay ang kahayag sa Gingharian mitukob sa kangitngit; Ug sama sa gisulti sa Dios diha sa Genesis samtang Iyang gitan-aw ang iyang nahuman nga trabaho, “Maayo kaayo kini!” Ug ako usab, mobarog diha sa katingala ug moingon usab, “Kini maayo ug maayo gayod kaayo.”

Si Drenda ug ako mahinamon nga kami makasulti kang bisan kinsa nga gustong maminaw bahin sa Gingharian ug mopamatuod usab ngadto kanila bahin sa istorya sa among kinabuhi. Ang mga tawo sa among simbahan nakadakop niini ug sila usab anaa sa managsamang resulta sama sa among nasinatian, ug usa niadto mao ang among babayeng anak nga 12 ka tuig ang edad. Nakita niya ang Dios nga nagapamuhat diay sa hilabihan gayud ug nakasaksi sa tanang panahon sa walay pagkasipyat sa mga balaod sa Dios nga namunga sa among kinabuhi. Kahibalo ko nga siya nagtan-aw ug nagkat-on bahin niini nga mga balaod, apan usa lamang kini ka istorya nga nagpakita kanako kon giunsa gayud niya sa pagkat-on niini

Usa ka adlaw niana miadto ko sa iyang kwarto aron ingnon siya nga “sigi anak maayong pagkatulog” ug usa ka butang nga pinasahi nga akong nakita. Kay diha sa bongbong sa iyang kwarto usa ka hulagway sa Pomeranian nga iro gibitay. Karon, sa mga ginikanan nga aduna nay kasinatian, ang mao nga litrato usa ka simbolo nga sila nangayo sa maong iro. Hinoon, midisyon ko nga dili lang sa mopalit adto nga iro kay dili ko gusto nga madugangan ang among iro sulod sa balay. Kay ang igsoon ni Kirsten nga si Polly aduna nay iyang iro sa balay, unya nag-uban silang duha sa kwarto, mao nga ang iro ni Polly kauban pod ni Kirsten sa kwarto kanunay.

Misulti ko ug pinahinay ngadto kang Kirsten kon unsa nindot ang

litrato sa iro diha sa iyang kwarto apan dili ko gusto nga adunay laing iro na pod sa balay. Kon gusto niyang magbuhi ug iro, kinahanglan siya maghatag ug daghang panahon sa pag-atiman sa iro sa iyang igsoon nga si Dachshund. Si Kirsten walay gisulti niadtong gabhiuna, iyang gidawat kon unsa ang akong gisulti. Ug nagtoo ko nga ang nahuman na kini, apan ang Pomeranian gihisgutan kapila ka higayon human ko makasukti kaniya sama sa, “Dili ba maayo nga adunay usa ka Pomeranian?” o “Di ba lami kaayo ang balhibo niini.” Unya syempre, Si Kirsten dali nga mipakita kanako sa hulagway nga iyang nakita sa online. Unya maoring ko og “dili lang sa.” Kay akoy anaay awtoridad sa akong balay, ug dili ko gustong aduna pay laing iro sa among balay.

Usbon ko nagtoo ko nga kadto humana hangtod nga usa ka adlaw niana human milabay ang usa ka bulan sa dihang miabot na mi sa balay gikan sa simbahan, Si Kirsten midool kanako nga adunay pahiyum sa iyang nawong ug miingon, “Pa, karong adlaw akong madawat ang Pomeranian nga itoy pinaagi sa pagtoo sama sa imong gitudlo.” Akong gipahinumdom siya sa akong gisulti mahitungod sa pagbuhi ug laing iro. Sa walay pagkausab sa iyang pahiyum, misulti siya, “Apan Pa, si Mama miingon nga ang Dios maka-usab sa kasing kasing sa hari.” Ug ang iyang pagkasulti sa akoa dili pinasuko. Siya miuyon lang sa iyang inahan ug nag-ampo nga ang Dios mag-usab sa akong kasingkasing. Nbutang ko sa alanganin. Karon ako nang nasayran nga ang iyang inahan ug siya nag-estoryahanay, ug ang iyang inahan nagdasig kaniya nga ang Dios makahimo sa pag-usab sa akong hunahuna.

Ug mao nga basi niadto nga pagdasig, iyang gibuhian ang iyang pagtoo niadtong adlaw diha sa simbahan, nagtanum ug nagsulti nga iyang madawat ang iro pinaagi sa pagtoo. Akong gilig-on ang akong baruganan ug gipabati ko niya ang akong gugma ug gisultihan siya pag-usab kon unsay ako nang giingon, “Dili lagi ta magkuha ug lain na pod nga iro sa atong balay.” Miingon ko nga pasayloa ko pero dili gyud na mahitabo. Murag wala lang niya gitagad ang akong gisulti, milakaw siya nga nagpahiyum. Usbon ko, nagtoo ko nga ang isyu nahuman na.

Siguro mga usa ka bulan ang milabay human niini, giimbitar ko sa usa ka gamay nga simbahan sa Mississippi. Usa kini ka gamay nga simbahan sa usa ka lugar nga gipalibutan ug mga patag nga kayutaan. Human sa unang gabii, ang pastor mipukaw kanako nga ang Ginoo nagsulti ngadto kaniya panahon sa serbisyo. Ug siya miingon, “Wala

ko kabalo kon nahibalo naka niini o wala pa, apan nagbuhi ko ug mga Pomeranian sa kilid nga bahin sa among balay, ug ang Ginoo miingon kanako nga hatagan ka ug usa niini nga mga itoy nga karon unom na kabulan ug pwede na ipanghatag.” Nagtindog ko didto nga ang akong baba abli ug walay gisulti. Ug wala ko naghatag ug higayon nga hisgutan ang maong iro, mao nga miingon ko, “sigi ako lang kang sultihan unya.” Wala koy ideya nga siya nagbuhi diay ug mga iro nga lainlain ug klase ug wala pod nako siya gisultihan sa tinguha ni Kirsten nga makabaton ug itoy sama sa iyang giingon.

Niadtong higayuna nausab ako ug misulti ko kang Drenda kon unsa ang hitabo ug nga dili ko gusto nga dad-on ang iro sa balay. Mitan-aw siya nako ug miingon, “imoha bang ilimod ang pagtoo sa imong anak?” Si Drenda pod dili na unta gusto nga anaa papoy laing iro sa balay, apan nahigugma siya ni Kirsten labaw pa sa dili na unta niya ganahan pa nga mga iro. Ug karon nga ang Dios nagdala na sa iro ingon nga resulta sa pagtoo ni Kirsten, unsaon pa nato sa pagbalibad niini ngadto kaniya? Mao nga gisultihan nako ang pastor nga dad-on namo ang iro.

Wala namo sultih si Kirsten apan among gisultihan ang iyang igsoon nga babaye nga dalaon ug siguro si Kirsten sa airport kon siya magsundo namo. Si Kirsten miabot sa airport, ug nanglakaw mi ug mihatag kaniya sa usa ka gamay nga bag nga among gipalit para sa iro. Sa dihang nakita ni Kirsten ang gamay nga Pomeranian, mihilak siya pag-ayo. Ang tanan naghunong. Ang matag usa ka tawo naghunong palibot namo ug mitan-aw sa nahitabo. Sa wa madugay, gitapokan kami sa mga tawo samtang si Kirsten naghilak nga naghawid sa itoy. Gisultihan ni Drenda ang matag-usa kon giunsa nga ang iro gihatag kanamo ug giunsa ni Kirsten pagsalig sa Dios alang niadtong iroa.

Ug didto akong naamguhan nga pwede diay ka maghimo ug revival sa airport bisan kon magdala lang ka ug gamay nga iro sa imong kamot. Ang mga tawo gustong makakita sa iro, ug ang mga tawo sa airport mihilak usab uban kang Kirsten, bisan ang TSA nga mga opisyal usab nanghilak. Ug niadtong higayuna, akong gibati ang sama sa usa ka makahadlok nga amahan. Sa dihang akong nakita ang kalipay nga nadala ngadto sa akong anak ang usa ka itoy nga iro ug kon giunsa sa Dios paghatag kadto nga iro resulta sa pagtoo sa akong anak. Nalibog ko nganong ako siyang gibabagan sa usa ka butang nga bililhon kaayo

para niya. Ang iro nahimong tinuod gayud nga kabahin sa among pamilya. Bisan tood siya usa ka lahi ug gamay nga butang lamang, siya kanunay magsunodsunod ni Kerstin bisan asa siya moadto adlaw man ug gabii.

Bisan tuod kini usa ka makatandog nga istorya, kinahanglan ko mangutana ug usa ka pangutana nga kinahanglang matubag ug mao kana ang tuyo niini nga libro. **Sa unsang paagi miabot ang iro?** Wala pay iro nga gihatag sa akoo sa mga miaging panahon. Ug giunsa sa insakto gayud nga iro nga maoy nahatag pinaagi sa pagtoo sa akong anak? Usa ba kini ka sulagma lamang? Dili, klaro nga dili. Tungod kay kini usa ka diritsong resulta sa Gingharian ug sa mga balaod nga nagpadagan niini nga maoy naghatag ug kinabuhi sa akong pamilya. Kini usab maghatag ug sama niini nga tubag sa tanang higayon niadtong matag usa nga adunay pagtoo ug nabuhi ilalom sa awtoridad sa Gingharian dinhi sa kalibutan. Atong ilhon nga gikan kini sa Gingharian sa Dios nga maoy naghatag niadto nga iro. Apan giunsa sa pagbuhat niini? Unsa ang mga balaod nga namuhat nga nagdala niini nga katumanan? Nanghinaot ako, samtang atong masubay kini nga libro, aduna kitay klarong mga tubag nga makatabang kanato sa pag-ila kon unsaon nato masinati ang kalipay diha sa Gingharian sa Dios. Human niining tanan, ikaw usa ka lumulopyo niana nga Gingharian uban sa legal nga katungod ug mga benepisyo niini! Apan, una sa tanan, hatagan ko ikaw ug lain pa nga ehemplo sa Gingharian gikan sa kinabuhi sa among pamilya.

KAPITULO 4

ANG HIGANTENG ISDA

Sa dihang ako ug si Drenda nakakat-on bahin sa Gingharian sa Dios ug sa awtoridad nga ania kanato samtang kita ania pa dinhi sa kalibutan, nakapahimo kini kanamo sa pagkahibalo nga nagdipende diay kanamo kon sa unsang paagi kami manginabuhi. Ang Gingharian sa Dios dako kaayo ug kahimoan sa tanang bahin sa among kinabuhi, apan anaa kanamo ang pagbuhi sa paghinabo nga among gikinahanglan o gitinguha sa among kinabuhi. Dili kini nga basta lang nahitabo sa among kinabuhi. Sama sa iro sa akong anak nga babaye, walay gamay ra kaayo o dili importante aron ipatuman ilalom pagdumala sa Gingharian sa Dios. Sa dihang nakaamgo kami niana, wala nay imposible o morag imposible para kanamo. Kasagaran sa akong kinabuhi, wala gyud ko kasabot nga ang Dios naghatag na diay kanato sa Gingharian, ang TIBOOK gayud nga Gingharian aron atong ikalipay. Mao nga lingaw nga makita ang kahimoan sa Gingharian sa tanang bahin sa among kinabuhi bisan sa gamay ug dili kaayo importante nga bahin niini. Ang ehemplo niini gihulagway sa umaabot nga istorya. Ako kining gitawag nga ang istorya sa dakong isda.

Ug kini nahitabo sa dihang ang akong pamilya nagbakasyon sa Alaska. Kay ang among pagkaadto didto mora kini'g usa ka damgo lamang alang kanako. Milupad kami paingon sa Anchorage ug nangabang ug usa ka RV sa tulo ka semana ug nagtuyok-tuyok kami palibot sa western coast. Nindot kaayo! Usa ka adlaw niana samtang kami nagbyahe palibot sa Kenai Peninsula, nakakita mi ug dako kaayong isda nga gibitay sa gawas sa usa ka barko nga nagpundo lang sa usa ka dapit. Ang kasagarang banka mao pay pag-abot; ug didto sa pantalan makita ang susamang isda nga gibitay. Kon tan-awon morag lapad nga isda pero dako lang kaayo. Wala pa ko nakakita niini nga

klasing isdaa niadtong panahona, mao nga wala ko kabalo unsa kini, apan dako kaayo. Nahingangha kami samtang among gilabyan ang matag kompanya sa maong sidaa, ang tanan nagbaligya niini nga klase sa isda nga gitawag og halibut. Unya sa kalit lang, ang akong asawa mitan-aw kanako ug miingon, “Gusto kong makakuha pod ug halibut nga isda, ug gusto nako nga makakuha pinaagi nianang usa sa mga kapitan nga anaa diha.” Iyang gitudlo ang timailhan sa barko nga gusto niyang gamiton nga adunay gidrawing nga halibut nga isda, nga aduna poy Cristohanong ilhanan sa isda.

Una sa tanan, nakuratan kaayo ko! Miingon ko sa iyaha nga, “gusto kang makakuha ug dako kaayo nga isda? Kay wala pa gud siya nakaagi ug pangisda sukad pa sa una. Apan namugos gyud siya, mao nga miadto mi sa opisina. Ug tungod kay ang tawo sa opisina nabusy pod tungod sa laing kostumer, nanan-aw lang sa mi sa palibot kadali, nagbasa sa mga gisulat didto nga mga tawo sa bulletin board. Unya nakita namo didto ang usa ka pahibalo bahin sa lumba nga gitawag og halibut derby sa umaabot, ug hapit na kini moabot. Tungod kay wala man mi kabalo kon unsa kadto, posible nga wala pod ka kabalo unsa kini, mao nga akong ipasabot kini. Kini nga lumba alang sa pagkuha sa pinaka dakong isda sa matag bulan nga giapilan sa mga kapitan sa mga banka ug ang pinaka dako sa tanan maoy modaog. Ug ang makadaog kuhaan ug litrato ug ibutang sa mantalaan ug adunay tseke isip premyo nga makuha. Mao nga si Drenda ug ako nag-estoryahanay nga moapil sa padula puslan man nga anaa nami didto. Aduna lamay gamay nga bayad ang pag-apil niini; Ug mao kadto nga miapil me.

Ang akong asawa nga si Drenda, nga may pagkahinhinon gamay midool nako ug miingon nga maningkamot ko nga modaog gayud sa padula aron kini nga kapitan sa barko niini nga negosyo maoy makakuha ug pasidungog batok sa tanang moapil tungod kay siya usa ka Cristohanon ug mahatag sa Dios ang tanang himaya niini. Mao nga sa dihang amoa nang panahon nga mopalista sa listahan, si Drenda maisugon nga misulti nga modaog ko sa padula sa pagkuha ug dakong isda aron mahimaya ang Dios ug ang negosyo sa among giabangan nga barko uban ang kapitan niini mailhan tungod kay sila usa ka Kristuhanon nga negosyante. Apan sa maong kapitan sa bangka, makahunahuna pod ka sa iyang gibati. Siyempre, nagtinguha ang tanan nga modaog sa maong Halibut Derby; sigurado ko nga ang among

kapitan nakadungog pod nga mao nay gusto pod sa kadaghanan nga miapil sa kompetisyon, kon dili man tanan, sa tanang mga turista nga nahimo nilang mga kostumer. Apan, dili ko sigurado kon pila sa mga tawo nga nahimo na niyang kostumer nga nagdeklara nga sila modaog alang sa himaya sa Dios.

Hinoon, wala kaayo siyay gisulti mahitungod sa komento ni Drenda bahin sa kompetisyon. Unya sa dihang nanglakaw na mi aron pagsugod ug pangisda, nakakuha dayon mi ug dakong isda, ug si Drenda nagsigig pangutana sa kapitan sa barko, nga mao usab ang tag-ya niini, kon unsa kadako ang isda nga makuha aron mahimong modaog sa kompetisyon. Ug siya miingon nga kinahanglang mas dako pa kini kay sa bag-o lang namong nakuha, hinungdan nga mao kanunay ang iyang pangutana mataghigayon nga siya makakuha ug isda. Mao nga sa dihang nakakuha na siya ug mga 40 ka libra o 18 kilo ang gibug-aton, ang kapitan miingon nga dili pa kaayo na dako. Sa dihang nakakuha napod siya ug 70 ka libra o mga 31 kilo ang gibug-aton, “dili pa gihapon na dako kaayo” matud sa kapitan. Bisan pa niana, ang matag-usa kabalo kon unsa ka lami kaunon ang dako nga isda, mao nga nagplano mi nga among dad-on pag-uli ang among mga nakuha. Pero ang gitugot lang nga madala tag-duha lang ka isda ang kada usa ka tawo, mao nga among gipabilin ang 70 ka libra o 31 ka kilo.

Ang maong adlaw nagpadayon paingon sa gabii, ug nagkangitngit na. Ang akong duha ka anak nga miuban namo, si Tom nga among laki, ug ang babaye nga mao si Polly, ug ako pod, tanan kami nakaabot na sa limitasyon nga pagpangisda. Kay si Amy ug si Tim, kinahanglang muoli ug sayo tungod kay sila moapil ug panagtigum mao nga sila wala na miuban namo. Ug ang kang Drenda syempre ang usa kabook pa nga 70 ka libra o mga 31 ka kilo, apan wala gyuy bisan usa sa among mga isda nga nakuha nga nakadaug sa kompetisyon. Apan si Drenda masaligon gihapon nga makakuha gyud siya ug mas dako pa. Samtang ang kagabhion hapit na, ang kapitan misulti na kanamo nga amoa nang hiposon ang among mga bingwit kay oras na nga kinahanglan nami modunggo balik sa pantalan. Apan si Drenda wala manumbaling sa gisulti sa kapitan nga mitabang na kanamo nga manghipos sa among mga bingwit ug uban pang gamit sa pagpamingwit. Nagpakilooy siya nga kon pwede hatagan pa siya ug mga pipila ka minuto na lang aron makuha niya ang dako nga isda nga maoy ilhon nga modaog sa

kompetisyon. Ang kapitan mihulat ug mga pipila ka minutos apan pagkahuman midool na gayod kaniya aron ingnon siya, “pasayloa ko, pero kinahanglan natang mobalik.”

Sa hapit na unta niya kuhaon ug hiposon ang bingwit ni Drenda, sa kalit lang naay mitukob sa bingwit ni Drenda nga miinat niini. Klaro nga kini usa ka dako nga isda kay nabawog man ang butanganan sa iyang bingwit ug ang pagbira misugod kakusog. Unya ang gibinat sa kapitan pataas ang butanganan sa bingwit aron pag-ila kon unsa ka dako ang mitukob nga isda ug siya miuyon nga dako gyud nga isda ang mitukob apan usa kini ka iho. Kay kuno iyang mailhan basi sa kon unsa ang lihok sa isda. Mao nga, medyo nadugay gyud si Drenda sa pagkuha sa isda paingon sa taas aron mahaw-as sa tubig. Nagkinahanglan sa tanan niyang kusog aron madala ang isda ug mahaw-as sa tubig gikan sa ilalom, nga anaa sa mga 300 ka piye ka kalalomon. Sa dihang ang isda anaa na sa ibabaw, ang tanan nakasaksi nga kini usa ka dako nga halibut nga isda, mas dako pa sa lawas ni Drenda.

Samtang among gibira ang isda paingon sa barko, ang kapitan miingon nga ang isda dako ra kaayo para sa kaw-it ug kini dili makarga nga buhi kay magsigi man ug lambalamba ang iyang ikog; ug tungod niana medyo maglisod kuno mi tungod sa iyang kadako. Pwedeamasakitan ang usa namo o madaot ang barko. Mao nga duna siyay espisyal nga pangdugsak nga gibuhar para ra gyud sa mga dagko na kaayo nga isda sama niini. Ang iyang pangdugsak adunay gamay nga sima nga muboto sa dihang kini pisliton kon matungod na sa ulo, ug kini molibkas nga makapatay sa isda. Samtang ang kapitan nagbira sa bingwit aron mapaduol ang ulo sa isda iya dayong gipatungod sa ulo ang iyang gamit nga pandugsak, apan ang isda milugnot, nga maoy hinungdan nga wala maigo.

Tungod sa tingog sa pandugsak, ang isda misalom uban sa tibook niyang kusog diritso pailalom pag-usab. Mipatiglom gyud kaayo ang isda hangtod sa mga 300 ka piye ang giladmon tungod sa iyang kahadlok sa pangdugsak. Medyo nahadlok mi nga basin dili makaya sa nylon ang pagpugong niini ug basin makabuhi na hinoon sa taga' samtang ang isda nasuko nga maoy hinungdan nga siya mipatiglom. Mao nga kinahanglan birahon ni Drenda ug usab ang isda. Naglisod na siya sa paghimo niini kay iyaha naman nga nahimo ni niadtong unang higayon aron masaka sa barko, mao nga ako siyang gigakos ug kaming

duha hinayhinay nga nagbira sa isda paibabaw pag-usab. Ug niini nga higayon ang kapitan nakahimo na sa pagkuha sa isda ug nasulod na gyud sa barko diin nahingangha ming tanan tungod sa kadako niini.

Among gidala ang dakong isda sa town square diin didto ang timbangan nga makahimo sa pagtimbang sa kadako niini. Ug ang isda mitimbang ug 133 ka libra o mga 60 kilos ug mas taas pa kini kang Drenda. Unya ang tawo nga nagtimbang niini miingon nga pwede nani ipaapil sa kompetisyon, mao nga ang dako nga isda naapil na sa kompetisyon; pero ang kompetisyon aduna pay duha ka semana nga nahibilin, mao nga wala pa mi kabalo kon modaog na ba mi o dili. Apan sa paglabay sa panahon, adunay tseke nga miabot nga gipangalan kang Drenda ug kauban ang kopya sa mantalaan nga anaa ang litrato ni Drenda. Mao nga kami nangurog sa kahinam.

Ang Ginghamian namuhat pag-usab! Ug sa makausa kinahanglan mangutana na pod ko, “Giunsa niya ang pagkuha niadto nga isda?” Sa akong pagkahibalo ang akong asawa nangisda sa kaduha ra sukad nga kami naminyo, ug dili siya kanbalo mangisda. Dili gihapon ko makatoo sa iyang tinguha nga siya maoy makakuha sa usa ka dakong isda aron mahimong mananaog sa kompetisyon. Hinoon aduna siyay mga rason; Nga siya maoy makakuha sa isda nga modaog sa kompetisyon! Ug nakahimo siya niini. Samtang among gihinabi ang kapitan didto sa Alaska, nakahimo kami sa pagpaambit kaniya bahin sa Ginghamian sa Dios ug kon giunsa namo pagkuha ang dakong isda. Bisan tuod dili pa opisyal nga mananaog sa dihang kami mibiya sa kapitan, ang kaadako sa isda moay nakakakuha sa iyang atensyon. Ug unya, mao pa gayud ang nahimong nakadaug human niadtong tanan.

Siguro ang mga tawo maghunahuna o magsulti nga ang pagkakuha ni Drenda ug dakong isda usa lamang ka sulagma, apan unsa kaha kon kaduha kini mahitabo? Mga lima ka tuig ang milabay, Si Drenda ug ako giimbitahan sa among amigong pastor aron mangisda ug salmon sa Alaska. Wala na mi makabalik sukad naidtong anaa mi didto panahon sa among pagrenta ug balay nga sakyanan o RV uban sa among mga anak ug gawas pa kanunay ko magbalibad kon adunay imbitasyon nga pabalikon unta didto. Sama sa gihapon pag-abot namo didto nagrenta mi ug sakyanan nga balay o RV ug nagplano nga mangisda ug salmon samtang ang among gisakyan nagpadayon sa pagdagan. Ug sa dihang nagsugod nami ug pangisda ug salmon, ang istorya sa nahitabo sa una

bahin sa pagkakuha ug dakong isda ni Drenda among nahisgutan. Apang ang among amigo wala papod diay nakaagi ug pagpangisda ug dagkong isda nga gitawag sa ilaha ug halibut. Mao nga miingon mi nga, “Sigi, moadto ta unya.” Mao nga nagdesisyon mi nga moadto sa parehong lugar ug mao gihapon nga kapitan among kuhaon kon anaa pa siya sa mao gihapon nga kompanya.

Samtang nagdagan na ang sakyanan paingon sa kon asa ang kapitan namo nahinagbo, among nakita nga wala na diay siya didto mao nga naghunahuna mi nga mangita nalang unta ug lain nga kapitan. Sa wala pa namo to himoa, among gihunahuna nga among susihon sa internet basin among makita pa ang iyang pangalan, kay dili na namo mahinumduman ang pangalan sa iyang barko ug ang pangalan sa kompanya niini. Human sa pagsusi, among nakita ang kopya sa mantalaan nga papel nga naghisgut sa pangalan ni Drenda mahitungod sa iyang nakuha nga isda, ug sa iyang litrato sa milabay nga lima ka tuig. Ug naghisgut kini sa barko ug sa kompanya niini, mao nga dali namong gitawagan sa telepono, ug nakahimo mi sa pagtawag kaniya, kay ang kompanya anaa pa diay pero namalhin lang ug laing lugar.

Mao nga samtang nanulod nami sa iyang opisina, ang babaye nga anaa sa lamesa, nga mao ang asawa sa kapitan nga tag-iya, mitanaw namo ug miingon, “Ang nakadaug sa pagkuha ug dakong isda!” Nalingaw mi ug istorya sa pipila ka minutos bahin sa pagkakuha ug dakong isda o halibot niadtong panahuna ug sa unsa usab ang nahitabo sulod sa lima ka tuig. Kini nahitabo panahon sa pagkunhod sa ilang ekonomiya ug ang mga negosyo dili na kaayo maayo. Ang asawa miingon nga ang mga tawo wala na kaayo magbyahe ug magasto sa ilang kwarta pinaagi sa pagpangisda sukad niadto. Ug tungod niadto ang iyang bana nadiskurahe kaayo. Amo siyang gisultihan pag-usab bahin sa Gingharian, ug siya miingon nga ang iyang bana dili interesado sa pag-alagad sa Dios.

Sa dihang padulong nami sa barko, ang bana, nakahinumdom usab kang Drenda ug sa dakong isda. Si Drenda midool kaniya ug nangutana kaniya, kumusta man ang pangisda nato karon, nakakuha lang mi ug gagmay kompara sa imong nakuha niadtong panahon sa kompetisyon. Pero miingon siya nga ang mga dagko nga isda wala na nagpuyo dinhi kay lawom ra kaayo ug mipadayon siya sa pagsulti nga ang rason ngano nga mibalhin siya sa iyang negosyo kay didto naman pod siya nangisda

ug sa lugar nga didto si Drenda nakakuha nga midaug sa kompetisyon, mas lawon to ug daghang mga iho. Kay ang mga iho mokaon man sa paon sa dili pa moabot sa lawom kaayo, ug makagasto siya ug dako sa paon lang ug daghang panahon mausik.

Mao nga nangutana mi kon unsa ka dako ang ilang nakuha karong bag-o lang, miingon siya nga wala ko kakita ug isda nga moabot ug 20 hangtod 30 ka libra o mga 9 o 13 ka kilo sa usa ka bulan. Mao nga si Drenda mitan-aw kaniya ug miingon, “Sagdi lang, kay karong adlaw makakuha ko ug dakong isda, mas dako pa sa imong nakita bag-o lang, aron makabalo ka nga ang Dios matinud-anon.” Apan mikatawa lang siya sa akong asawa. Sa tibook adlaw nakakuha mi ug tag 20 ka libra o 9 ka kilo lang sama sa gisulti sa kapitan, ug bisan pa niana sulod sa tibook adlaw ang kapitan nagbugalbugal ni Drenda bahin sa “dakong isda” nga iyang makuha. Apan nahitabo usab kini.

Sa kataposan sa maong adlaw, ang kapitan misulti na namo nga hipuson na ang mga bingwit, ug si Drenda wala lang manumbaling niini, nga nag-ingon kinahanglan pa ko ug usa o duha ka minuto aron makakuha ug dako nga isda. Sama sa gihapon ang kapitan mihulat ug mga usa ka minuto ug unya miingon kaniya nga kinahanglan na ta manglakaw, ug mao pod to nga panahon nga ang iyang bingwit gibira pailawom, ug aron dili motaas ang istorya, nakakuha siya ug 70 ka libra o 31 ka kilo ang gibug-aton. Ug ang kapitan nasurprisa pag-usab.

Nangadto mi sa usa ka restawran human sa among pagpangisda, ug nakig estorya sa laing kapitan nga nangisda pod didto nga mikaon usab sa restawran kauban namo. Sa dihang nadungog niya nga si Drenda nakakuha ug 70 ka libra o 31 ka kilo nga isda, dili siya makatoo niini. Mao nga nangutana siya, asa mo dapit nangisda, ug unsa ka layo kini? Kay gusto siyang makabalo asa mi nakakuha sa dako nga isda. Human nga kami mibiya sa restawran, miadto mi sa sakyanan ug nagkigkontrata kon unsaon nga ang isda nga among nakuha mapadala sa among balay.

Unya bag-o mi mibiya sa maong kapitan, aduna miy laing kahigayunan nga masultihan siya bahin sa Gingharian sa Dios. Gitan-aw nako ang kapitan ug giingnan siya, “Kinahanglan nga imong masayran kon giunsa sa akong asawa pagkuha adtong duha ka isda. Kay ang balaod sa Gingharian mamuhat usab bisan pa sa kwarta.” Ug niini nga higayon nakuha namo ang iyang pagtagad, ug siya medyo interesado na. Akong gibilin kaniya ang akong libro nga, *Fixing the Money Thing* ug unya mibiya nami.

Pinaagi ba sa swerte nga ang duha ka isda nakuha o resulta kini sa balaod sa Gingharian? Ikaw na ang magdesisyon niini. Apan si Drenda ug ako nakadisisyon na bahin niini sulod sa dugay na nga panahon. Gikan sa mga pagbyahe sa pagpangisda, paglingkawas sa utang, o sa akong kaayohan, ang among kasinatian sa Gingharian sa Dios kulba hinam ug makapausab sa kinabuhi. Ug ang uban nakasinati usab sama kanamo diha sa Gingharian. Ania kining sulat sa nakadungog sa istorya ni Drenda.

Kumusta Gary ug Drenda,

Naghunahuna ko nga human sa akong pagbasa sa libro ni Drenda nga maoy nakakuha sa ganti sa dakong isda nga gitawag ug halibut, ako usab, mopaambit sa istorya sa akong pagpangisda sama ninyo. Bag-o lang mi nagbakasyon uban sa akong pamilya didto sa Cocoa Beach sa Cape Canaveral, Florida. Ang akong bana nga si Robert, gusto gyud mouban sa pangisda nga didto sa lawon nga tubig ug naglaom nga makadala ug isda inig-uli balik didto sa Colorado. Amo nang giplano ang byahe sulod sa pipila ka bulan, mao nga sa dihang iya kong gisultihan nga gusto siya mangisda, nalipay ko ug miingon, “Sigi buhaton nato na! Ug motoo ta sa Dios nga makakuha ta ug daghan kaayo!” Unya nangutana ko ni Bob kon unsa nga klasing isda ang anaa sa Florida kon asa mi mangisda. Ingon siya nga dili ko katagna kay klase klase ang mga isda didto. Nagpili ko nga i-ampo ug tuohan ang usa ka dako nga red snapper.

Unya ang adlaw miabot na ug naghulat na lang mi sa mga pahibalo sa kapitan ug sa mga tripolante. Ug kanunay kong nagsulti nga makakuha gyud ko ug dako nga red snapper, mao nga ang akong kalipay midako sa dihang namulong na ang kapitan. Apan nalain ko sa dihang miingon ang kapitan nga ang isda nga dili namo makuha mao ang bass, flounder, ug red snapper! Aguy, naghunahuna dayon ko; unsa pa may pulos sa akong pagtoo?

Sagdi lang, dili nako palabyon kini nga oportunidad nga molihok ang akong pagtoo. Miingon ko, “Ginoo, nagtoo gyud ko nga mamakuha ko og dakong red snapper, ug mahitabo gyud na, makakuha gyud ko ug isa ana ug makadala sa uban pang mga isda sa balay!

Mao nga samtang anaa mi sa barko, akong gitan-aw ang akong anak nga babaye nga si Rachel nga adunay walo ka tuig ang edad, ug akong giingnan nga, “Rachel hinumdomi nga pwede kang moampo ug motoo sa Dios nga makakuha ka ug dakong isda karong adlaw. Motoo baka niini?” Mipahiyom siya ug miyango pamatood nga miuyon siya niini. Misulti ko sa samang mga pulong sa usa nako ka anak nga babaye nga si Jordan nga dunay 21 ang edad. Unya midalikyat siya nako ug tan-aw nga nakurat apan adunay pag-uyon usab. Ug mitan-aw pod ko ni Bob ug miingon, “Motoo ta nga makakuha ta ug dako!”

Mga pipila ka oras ang milabay wala pa gyuy mitukob sa among mga bingwit nga nagpondo. Unya sa kalit lang, ang kang Rachel nga bingwit adunay mitukob ug siya mahinamon kaayo. Mitawag siya sa iyang papa aron tabangan siya. Mga pila ka minutos ang milabay, nakakuha sila ug usa ka atlantic nga iho! Wow, si Rachel nakakuha sa kon unsa ang butang nga iyang gitooan! Mao nga amo siyang gitamod niini. Usa ka kuyaw nga sundalo! Akong nahinumduman nga nagsugod na ko kabalaka basi wala koy makubit, pero akong giundang ang paghunahuna ug nagsulti nga anaa gayud koy makuha nga akong isda. Milingkod ko ug nagpahulay ug nakadungog sa gisulti sa Dios nga nag-ingon, “Kon morelax lang ka akong dad-on ang isda diha nimo, ug imo kining makuha.” Tatal, dili man pod ko maayo nga mangingisda, mao nga dili ko makasalig sa akong kahibalo, mao nga milingkod ko ug miginhawa ug lawom uban sa pagsalig sa Dios ug naghulat. Unya mga 20 o 30 ka minuto, anaay mikubit sa akong bingwit; sa akong hunahuna basi nasangit lang, apan isda gyud diay.

Unya ang akong bana misugod na ug tudlo kon unsaon nako, unya ang kapitan miduol ug mitudlo usab kanako kon unsay buhaton. Miingon siya samtang nagbira ko sa akong bingwit uban sa dakong isda nga siguro basin usa na ka red snapper. Nasurpresa ko ngano nga nakabalo na siya bisan wala pa namo nakita sa naklaro ang isda! Tinuod gayud, samtang nagpadayon ko ug bira ang 20 ka libra o mga 9 ka kilo nga red snapper milutaw! Nagpasalamat kaayo ko sa Dios uban sa hilabihang kahinam ug kalipay. Kabalo ko nga nakalampos ko sa

pamaagi sa akong pagtoo. Akong mahinumduman ang pagsalig ni Drenda ug naghunahuna nga pwede diay pod ko mahimong anaay pagtoo nga sama niya. Akong gitipigan kadto nga pagtoo ug nagbunga kini.

Salamat sa inyong buluhaton ug sa pagsulat ug mga libro, sama sa *The Faith Hunt*. Ako mapasalamaton sa Dios ug sa inyong buluhaton nga nakatabang kanako sa pag-uswag nagdto sa mas dagko pa nga panalangin. Akong pangandoy sa umaabot uban sa dugang pang pagtoo ug kahinam. Kabalo ko kon unsa kini nga kasinatian nga nakaministeryo usab sa akong pamilya!

Sinsorong nagsulat,
S.T.

KAPITULO 5

KANG KINSA MAN TO NGA PAGPILI?

Sa mga istoryang nga atong nahisgutan, nakita nato ang Ginghamarian sa Dios nga namuhat gayud, dinhi sa kalibutan, sa iro, sa isda, sa kwarta nga nabayad sa balay ug mga utang, bisan pa sa sakyanan nga gikinahanglan sa among kinabuhi, pagluwas sa tulo ka mga bata ug daghan pa. Ang tanan niini nga istorya bunga sa Ginghamarian sa Dios, o siguro akong himoon nga mas personal, Ang Ginghamarian sa ATONG Dios! Kinahanglan dili ta matingala nga ang Iyang Ginghamarian dili gayud nato masukod.

Ang ikaduhang Pedro 1:3a miingon:

Ang Iyang diosnong gahum naghatag kanato sa tanan nga atong gikinahanglan sa kinabuhi ug pagkadiosnon.

Sa tanang istorya nga atong nakita, gusto kong mangutana ug usa ka importanting pangutana, “Kang kinsa man diay tong pagpili?” Ang buot nakong ipasabot mao kini: ang Dios ba sa kalit lang midisisyon sa pagdala niadtong iro kang Kirsten, o sa isda sa akong asawa, nga si Drenda? Kini ba mga panghitabo nga ang Dios sa Iyang pagbuot midisisyon pagbuhat niini alang kanamo? O adunay laing rason ngano nga nahitabo kini? Siguro sa akong hunahuna ang tubag makapakurat sa kadaghanan sa mga tawo. Kabalo ko kay hasta ako nakurat.

Aron matubag kana nga pangutana, atong lantawon pinaagi sa estorya sa Bibliya gikan sa Lucas 8.

Ug sa naglakaw si Jesus ang mga tawo midotdot libot kaniya. Ug ang babaye nga gitalinog-an sulod na sa napulog duha ka

tuig, pero wala gayuy nakaayo kaniya. Miduol siya sa Iyang luyo ug mihikap sa sidsid sa Iyang sapot, ug dihaduha miundang ang iyang dugo.

Jesus, ug sa dihang milimod na ang tanan, si Pedro miingon, “Magtutudlo, ang mga tawo daghan kaayo nga naglibot ug nagdotdot kanimo.” Apan si Jesus miingon, “adunay mihikap Kanako” Kay nakabalo ko nga adunay gahum nga migula gikan Kanako.”

Unya sa pagtan-aw sa babaye nga wala man diay siya malilong, siya miduol nga nagkurog ug mihapa diha sa Iyang tiilan. Ug gisulti niya sa atubangan sa tanang mga tawo ang hinungdan sa iyang paghikap nga siya naayo dihaduha.

Ug Siya miingon, “Babaye, ang imong pagtoo maoy nakapaayo kanimo. Lakaw uban sa kalinaw.”

—LUCAS 8:42-48

Ang Bibliya klaro kaayo nga si Jesus gipalibutan sa mga nagdotdot nga mga tawo sa matag kilid, ug bisan si Pedro natingala sa pangutana ni Jesus, “Kinsay naghikap kanako?” Ingon nga usa ka espirtual nga scientist, gusto kong mahibalo, kinahanglan kong mahibalo, ngano nga kini nga babaye naayo ug wala nay lain. Ngano nga ang dihog miawas man ngadto ra kaniya ug wala moawas sa matag-usa nga mihikap usab Kaniya niadtong panahona? Ang tubag anaa ra dinhi, apan sa dili pa nako tubagon kana nga pangutana, mangutana ta ug laing pangutana. Si Jesus ba adunay intention nga magministeryo kaniya? Iya bang gipandong ang Iyang mga kamot ngadto sa babaye? Ang tubag wala; gani, si Jesus wala kabalo nga siya anaa didto, kinahanglan mangutana pa Siya kon kinsay hinungdan sa paggawas sa dihog kay wala Siya nakakita kaniya. Mao nga kinsa man tong pagpili nga siya naayo adtong adlawa?

Mangutana ko sa laing paagi. Ang Dios ba nagpili nga maayo siya niadtong panahona o desisyon ba sa babaye nga modawat gikan sa Dios? Kini usa ka importanting pangutana sama sa daghang mga tawo nga “naghulat” sa Dios nga mohimo ug usa ka butang sa ilang kinabuhi. Nagtoo ko sa kamatuoran kay bisan si Jesus wala nakabalo nga ang babaye atoa didto ug kini nagpamatood nga kadto iyang desisyon sa pagdawat ug dili kang Jesus nga desisyon ang pag-ayo kaniya.

Karon, kini nag-abli sa usa ka talagsaong kapadayagan nga importante kaayo, ug mao kini—Ang Dios dili mopili sa iyang ayuhon ang bisan kinsa na lang. Siya naghatag na kanato ug tulay sa kaayuhan pinaagi sa atong legal nga baruganan diha sa Iyang Gingharian. Mao nga sa tinuod, kita ang mopili. Apan gusto kong mahibalo, giunsa niya paghikap sa gahum sa Dios? Giunsa niya pagdesisyon sa pagdawat niini? Si Jesus misulti kanato sa insakto gayud kon giunsa niya paghikap diha sa gahum ug awtoridad sa Gingharian. Si Jesus miingon, “Anak nga babaye, ang imong pagtoo maoy nakapaayo kanimo. Lakaw sa kalinaw.” Kini nga mga pulong nagsulti kanato sa daghang bahin nga atong kinahanglang mahibaw-an ang mga tubag sa atong mga pangutana sa kon ngano nga nadawat sa babaye ang iyang kaayuhan ug nganong walay lain nga nakadawat niadtong taknaa. Ingon nga usa ka espiritwal nga scientist, atong sugdan pagsuta sa estyorya ug tan-awon nato kon makakuha ba kita ug timaan sa kon ngano nga siya nakadawat ug kaayuhan.

Una sa tanan, si Jesus mitawag kaniya nga “Anak nga babaye,” nagpasabot nga siya kabahin sa nasud sa Israel. Kana nagpasabot nga siya adunay pakigsaad sa Dios. O kaha maingon ta, aduna siyay legalidad gikan sa langit ingon nga usa ka lumolupyong sa nasud sa Israel aron makadawat gikan sa Dios. Dili lang kini nga pamatood ang nahimong rason nga siya nakadawat kay ang uban usab nga anaa didto niadtong adlaw nga nagdudot kang Jesus adunay managsamang legalidad. Aduna gayud kiniy laing hinungdan kon ngano nga migawas ang gahum. Si Jesus sa makausa misulti kanato ug usa pa ka rason ngano nga siya nakadawat sa kaayuhan. Gani, si Jesus misulti nga mao kini ang insaktong hinungdan nga siya naayo. Siya miingon nga ang iyang pagtoo maoy nakapaayo kaniya.

Mao nga karon nahibalo na ta sa rason ngano nga siya nakadawat ug kaayuhan. Una, tungod kini sa iyang legal nga katungod nga modawat kay siya anak nga babaye ni Abraham; ug ang ikaduha, tungod sa iyang pagtoo nga nahimong agianan nga nagtugot nga ang gahum moabot sa iyang kaugalingon ngadto sa iyang lawas niadtong gayung orasa. Ingon nga siya usa ka anak nga babaye usab ni Abraham, kini nagpasabot nga siya mibarug ilalom sa langit pinasikad sa saad nga gipahiluna sa Dios tali kang Abraham, ug kini mahimong ikumpara sa usa ka kompanya sa kuryente nga dunay katungod sa kuryente ug ang mga linya niini

nakakonektar na sa imong panimalay. Apan wala na nagpasabot nga nisiga na ang imong bombilya. Kinahanglan imo gihapong pisliton ang switch niini aron ang suga mosiga. Mao nga karon kinahanglan atong makaplagaan asa ang switch o unsa kaha kini nga switch. Si Jesus mitawag niini nga pagtoo, apan unsa ang pagtoo ug unsaon nako ang pagpasiga niini? Kini usa ka importanting pangutana nga kinahanglan matubag.

Unsa Ang Pagtoo?

Ang pagtoo usa ka pulong nga sayun sayunon lang sa mga Kristuhanon. Ug kombinsido ko nga daghan, o kaha ang kadaghanan, wala kabalo kon unsa ang pagtoo, kon ngano nga gikinahanglan kaayo kini, kon unsaon paghibalo nga sila anaa sa pagtoo, ug kon unsaon pagpangita sa pagtoo. Kon ang pagtoo maoy nakaabli sa kaayuhan niini nga babaye, kinahanglang atong tan-awon sa klaro gayud unsa ang pagtoo! Atong makita ang pagpasabot sa pagtoo diha sa Roma 4:18-21. Ay, nakabalo ko kon unsa ang anaa sa imong hunahuna, “Dili, Gary. Hebreo 11:1 mao ang among pagpasabot sa pagtoo.”

Karon ang pagtoo mao ang kasiguruhan sa atong gilaoman ug pasalig sa pagka anaa sa mga butang nga wala pa nato makita.

—HEBREOHANON 11:1

Tinood kana, mao kana ang atong kasagaran nga tubag, apan kon imong tan-awon ang kasulatan, sa Hebreohanon 11:1 nagsulti kini kanato sa mga benepisyo sa atong pagtoo, dili sa kon unsa gayud ang pagtoo. Nagtoo ko nga ang atong kasulatan diha sa Roma maghatag kini kanato ug klaro kaayong hulagway kon unsa gayud ang pagtoo.

“Bisan wala na gayoy paglaom nga mahimong amahan, nagtuo gihapon si Abraham nga tumanon sa Dios ang Iyang gisaad kaniya nga siya mahimong amahan. Busa tungod sa iyang pagtuo, nahimo siyang amahan sa daghang mga nasod, sumala gayod sa giingon sa Dios kaniya. Sa dihang nagsaad ang Dios kang Abraham, mga 100 na ka tuig ang iyang edad, ug nasayod siya nga tigulang na siya ug imposible na nga makapaanak pa. Nasayod usab siya nga ang iyang asawa nga si Sara dili manganak tungod kay baog kini. Apan lig-on ang iyang pagtuo sa Dios. Wala gayod siya magduhaduha sa saad

sa Dios, hinuon mituo siya niini. Busa gilig-on siya diha sa iyang pagtuo, ug gidayeg niya ang Dios tungod kay misalig gayod siya nga makahimo ang Dios pagtuman sa iyang gisaad.

— ROMA 4:18-21

Atong sabton ang han-ay niini nga istorya. Si Abraham ug si Sara dili na magkaanak. Wala ko mag-ingon nga sila adunay problema sa pagbaton ug anak nga sila kinahanglan magsigi gayud ug sulay unta. Ang buot nakong ipasabot nga sila hapit na moabot ug 100 ang edad, ug milapas na sa edad sa pagbaton og anak. Ang ilang lawas dili na makabaton ug anak; kini imposible na! Apan ang Dios nagsaad kang Abraham ug anak bisan tuod sa natural imposible na gayud. Ang Bibliya miingon nga si Abraham milaom gayud nga ang Dios adunay gahum sa pagbuhat kon unsa ang Iyang gisulti, bisan sa natural nga kahimtang nga gisulti sa istorya nga tigulang na sila. Mao kini karon ang kahulogan sa pagtoo; “ang pagkakombinsido kaayo nga ang Dios adunay gahum nga makahimo sa pagbuhat kon unsa ang Iyang gisaad.” Akong isulti kini sa ingon ani nga paagi: **Adunay panagsabot uban sa langit**, dili lang sa hunahuna kondili kombinsido kaayo, ang atong kasingkasing napahiluna na ug wala gayuy pagduda sa kon unsay gisulti sa Dios, bisan pa sa natural nga kahimtang lahi ang imong makita nga sitwasyon.

**KARON ANG PAGTOO MAO
ANG KASIGURUHAN SA
ATONG GILAOMAN UG
PASALIG SA PAGKA ANAA
SA MGA BUTANG NGA
WALA PA NATO MAKITA.**

— HEBREOHANON 11:1

Ang Pagpasabot Namon kon Unsa ang Pagtoo:

Ang pagtoo mao ang pagkakombinsido kaayo sa kon unsa ang gisulti sa Dios! Ang atong kasingkasing ug hunahuna adunay paguyon uban sa langit, ug ang atong kasingkasing kombinsido kaayo, masaligon ug nagsalig.

Ngano Nga Ang Pagtoo Gikinahanglan?

Nganong dili na lang ayuhon sa Dios ang matag-usa nga anaa sa hospital kon gusto Niya? Nganong dili na lang niya onundang ang

mga gubat? Nganong dili na lang Siya magpadala ug mga anghel aron mowali sa Maayong Balita kanato? Sigurado ko nga ikaw nakadungog usab niini nga mga pangutana. Ang tubag kay dili Siya makahimo. Wala kini nagpasabot nga ang Dios walay kahimoan sa pagbuhat niini apan wala siyay katungod o awtoridad sa pagbuhat niini. “Gary, buot ba nimo ipasabot nga ang Dios dili makahimo sa kon unsay Iyang gusto?” Kabalo ko nga murag talagsa ra nimo madungog kini karon, apan lantawon nato ang Bibliya aron pangitaon ang atong tubag niana.

‘Tungod kay mao kini ang nahisulat sa Kasulatan:

“O Dios, unsa ba gayod ang tawo nga gihatagan mog pagtagad? Tawo lamang siya, nganong imo gayod siyang giatiman? Sa hamubo nga panahon gibuhath mo siya nga ubos sa mga anghel. Apan gipasidunggan mo siya nga sama sa hari. Ug gipasakop mo kaniya ang tanan.”

Ang gi-ingon sa Kasulatan nga maapil sa tawo ang tanan nagkahulogan nga moabot ang adlaw nga wala gayoy dili maapil sa tawo. Apan sa pagkakaran nasayod kita nga dili pa kontrolado sa tawo ang tanang mga butang. ‘

—HEBROHANON 2:6-8

Atong makita sa kasulatan nga ang Dios naghatag sa tawo ug kompletong legal nga katungod ibabaw sa tibuok kalibutan sa dihang gibutang siya dinhi. Walay usa nga dili ilalom sa iyang pagbulot-an. Siya mao ang gihatagan ug pagdumala niini uban sa tinood nga katungod ug awtoridad. Ang iyang abilidad sa pagdumala uban sa awtoridad nga gipaluyuhan sa gobierno nga maoy nagpadala kaniya. Nagpasabot nga siya magdumala uban sa gipahamtang nga awtoridad gikan sa Ginghamarian sa Dios. Iyang gidala ang korona niana nga gobierno, nga nagrepresentar sa himaya sa Dios, ang dihog, ug ang posisyon sa dungog nga iyang gisul-ob.

Aron pagkuha sa nindot nga hulagway kon asa kini nahisama, hunahunaa ang natural nga hari. Bisan tood siya natural nga tawo ug nagdala ug dili tinuod nga gahum sa iyang natural nga pagkatawo, siya nagsul-ob ug korona sa pagpaila nga siya mitindog sa pagrepresentar dili lang kay sa iyang kaugalingon apan sa tibuok nga ginghamarian ug panggobierno. Ang iyang mga pulong nagdala ug awtoridad tungod kay

silangipaluyuhan sa tanang gahum ug sa natural nga mga katigayunan sa governo ug gingharian nga siya nagrepresentar niini.

Kon maghunahuna ka ug usa ka polis nga nagmando sa trapiko, iyang pahunongon ang dako kaayo nga traktor o dakong trak uban sa usa ka sugo, “Hunong sa ngalan sa balaod.” Tinuod, ang trak mas dako pa kay kaniya, ug ang tawo, sa iyang kaugalingon, lupigon sa dakong trak, pero ang trak mohunong. Wala kini mihunong tungod sa tawo kondili tungod sa iyang nakitang uniporme nga gisul-ob sa tawo, nga kini nagrepresentar sa gobyerno, kon unsa ang gisul-ob sa tawo. Niini nga bahin ang governo mas dako pa sa tawo nga nagsul-ob ug uniporme. Kay ang trak drayber wala man mahadlok sa tawo kondili nahadlok sa governo nga girepresentahan sa tawo, nga maoy hinungdan nga ang trak mihunong. Sama ra usab katinuod ana dinhi sa kalibutan. Si Adan maoy nagdumala sa tanan nga binuhat nga ania dinhi sa kalibutan. Ang gahum sa Dios ug pagbulot-an, nga nagrepresentar sa korona sa himaya ug dungog, naghatag sa tawo ug kasiguruhan nga ang iyang mga pulong magdumala nga daw sama sa Gingharian sa Dios.

Mao nga importante kaayo nga atong hinumdoman nga sa dihang nawala ang abilidad ni Adan sa pagdumala sa kalibutan tungod sa iyang pagbudhi batok sa gobyerno sa Dios, nawala ang iyang korona. Ang kalibutan nahimong namantsahan ug nausab. Ang kamatayon misulod sa kalibutan, ug karon si Satanas aduna nay legal nga awtoridad ug influwensya sa kalihokan sa tawo. Apan kinahanglan nimo masabtan nga ang tawo gihapon maoy legal nga tigdumala dinhi sa kalibutan, ingon nga ang Dios maoy nagbutang niya dinhi, apan wala na siyay awtoridad sa pagdumala sa espirituhanon sama sa una nga anaa unta siya niini. Bisan pa sa iyang sitwasyon sa pagkahagbong, hinoon, siya gihapon ang tigdumala sa kalibutan. Tinuod kana, apan wala na siyay korona sa governo sa Dios nga unta magpaluyo kaniya. Wala na siyay awtoridad sa pagdumala uban sa gahum sa Dios ug himaya; nawala kaniya ang iyang posisyon sa dungog. Apan siya lang gihapon ang legal nga pultahan paingon sa kalibutan, Ug mao kini ang hinungdan ngano nga ang Dios mogamit ug mga puno sa Espiritu nga mga tawo aron maoy magdala sa Iyang kabubut-on ngadto sa kinabuhi sa mga tawo. Sa samang paagi, si Satanas naggamit og mga tawong dinihugan sa demonyo aron sa pagdala’g kausaban sa kalibotan pinaagi sa iyang plano ngadto sa tawo. Kini nga prinsipyo sa pagdumala sa tawo sa

kalibotan mahinungdanon kaayo aron imong masabtan ang balaod sa Gingharian, og kon masabtan mo na, mao pod kini ang motubag sa mga pangutana nga imong atubangon sa umaabot kon nganong adunay mga butang nga gakahitabo, o kon nganong adunay nahitabo og walay nahitabo sa espiritwal.

Siguro moingon ka, “Apan nagtoo man gud ko nga ang Dios mao ang tag-iya sa kalibutan ug sa tanan nga anaa niini?” Tinuod kana, Siya gayud. Mao nga naglaom ko nga kini nga ehemplo nga akong ihatag makatabang kanimo aron ikaw makasabot kon unsa ang buot

**MAO KANA ANG HINUNG DAN
NGA MOGAMIT ANG DIOS
UG PUNO SA ESPITRITU
NGA MGA TAWO ARON
MAOY MAGDALA SA IYANG
KABOBOT-ON ALANG SA
KINABUHI SA MGA TAWO.**

nako isulti. Kon magparenta ko ug akong balay unya ikaw ang magpuyo niini, bisan tuod legal nga tag-iya ko sa balay, akong gibaliwala na ang legal nako nga katungod nga dili na mo hapit pa ug mosulod sa balay sa tanang panahon sa akong gusto. Tungod kay aduna nay mga dokumento sa kasabutan nga kasagaran sa mga nagrenta nagsulti kon kanus-a lang ang mga tag-iya pwede makasulod

sa balay. Kon panaglitan, adunay ayuhon o emergency— ug adunay pagpahibalo. Kay kon musulay ko ug sulod nga wala sa gikasabutan sa dokumento, kini makonsederar nga paglapas ug paguba sa kasabutan ngano nga ako misulod nga walay panaghid, bisan tuod ako ang tag-iya sa balay. Kon akong supakon ang balaod sa gikasabutan sa pagrenta, pwede kong legal nga pugsong papahawaon sa akong balay kay wala ko managhid nga misulod bisan pa’g ako ang tag-iya niini. Kini nagpasabot ngano nga si Satanas kinahanglan nga moagi pa ni Adan aron makakuha ug kahigayunan dinhi sa kalibutan. Si Adan lamang ang adunay susi! Si Satanas kinahanglang moagi sa pultahan ug kini mao si Adan dili ba? Kon misulay si Satanas sa pagsulod nga walay pananghid kang Adan, mahimo siyang legal nga mapahawa.

‘Unya gidala siya ni Satanas ngadto sa hataas nga lugar, ug sa usa lang ka pagpamilok gipakita niya kang Jesus ang tanang gingharian sa tibuok kalibotan. Unya miingon siya kang Jesus, “Thatag ko kanimo ang tanang gahom ug bahandi niining kalibotan, tungod

kay kining tanan gihatag kanako ug mahimo ko kining ihatag kang bisan kinsa nga gusto kong hatagan. Imo na unya kining tanan kon mosimba ka kanako.'

— LUCAS 4:5-7

Imong makita niini nga bersekulo nga si Satanas nag-angkon nga ang awtoridad ug mga bahandi sa mga gingharian sa tawo gihatag ngadto kaniya. Kinsa may naghtag sa awtoridad? Kadtong anaa niini, Si Adan! Mao kana ang hinungdan nga ang Dios dili makahimo sa panghilabot sa kalihukan sa tawo kon dili moagi sa legal nga paagi. Kay kon kini Iyang buhaton, si Satanas moingon nga sayop kana. Ang Dios kinahanglan nga moagi sa mao gihapon nga pultahan nga gigamit ni Satanas sa pagdala sa iyang pang governo ug awtoridad nga iyang gibuhat karon sa kalibutan, ug kana mao ang tawo. Apan aduna bay tawo nga angayan sudlan sa Dios ingon nga pultahan?

*'Unya, miingon ang Ginoo kang Abram, "Biyai ang imong nasod, ang imong mga kaparyentehan, ug ang panimalay sa imong amahan, ug adto sa dapit nga ipakita ko kanimo. Himuon ko ang imong mga kaliwat nga usa ka bantogan nga nasod. Panalanginan ko ikaw ug mahimong bantogan ang imong ngalan. Pinaagi kanimo, daghan ang makadawat sa panalangin. Panalanginan ko ang nagapanalangin kanimo. Apan tunglohon ko ang nagatunglo kanimo. **Pinaagi kanimo, panalanginan ko ang tanang katawhan sa kalibotan.**"'*

— GENESIS 12:1-3

Si Abraham gitawag nga amahan sa atong pagtoo tungod kay siya ang usa sa tawo nga miabli sa pultahan sa kalibutan ngadto sa Dios aron ang tanang kanasuran sa kalibutan mapanalanginan. Hinoon, sa dihang kini nga bersekulo nagsulti sa mga kanasuran nga mahimong mapanalanginan, kini naghigut mahitungod kang Cristo Jesus, nga sa ulahi mahimong dalan sa pang governo sa Dios nga, sa makausa pa, adunay legal nga agianan sa kalibutan pinaagi sa pagtoo ni Abraham. Kay ang pagtoo ni Abraham nag-abli sa legal nga pultahan sa langit, nga giablihan na sa Dios kanunay pinaagi sa paghimo ug legal nga kasabutan o pakigsaad uban ni Abraham ug sa iyang binhi o mga manununod.

Tugoti ako sa pagusab sa akong gisulti sa laing paagi. Ang gobyerno sa langit makahimo lang sa pagbaton og katungod dinhi sa kalibutan pinaagi sa usa ka lalake ug usa ka babaye nga anaa dinhi tungod kay

“KINI ANG HINUNG DAN, ANG PAGTOO MOABOT GIKAN SA PAGPAMINAW SA MENSAHE, UG ANG MENSAHE MABATI-AN PINAAGI SA PULONG MAHITUNGOD KANG KRISTO.”

— ROMA 10:17

sila adunay legal nga katungdanan dinhi sa kalibutan. Ang legalidad mahimo lang kining makompleto kon ang usa ka lalake ug usa ka babaye kombinsido gayud sa ilang kasingkasing kon unsa ang gisulti sa Dios (pagtuo).

Ang paagi sa paghulagway niini mao nga ang langit makahimo lang sa legal nga pagusab sa usa ka lalaki o usa ka babaye sa dapit sa kalibutan nagtinguha ug mipili sila nga mopailalom sa pagbulot-an ug

awtoridad sa Dios. Kini mao usab ang samang prinsipyo nga gigamit ni Satanas aron makakuha ug katungod sa kalibutan, gigamit niya si Adan aron makabuhat niini. Iyang gikombense si Adan nga ang Dios dili masaligan ug kini naghimo sa kasingkasing ni Adan nga wala na makig-uyon sa Dios. Ang resulta, si Adan mipili nga tuohna si Satanas ug gisalikway ang awtoridad sa Dios.

Managsama kini nga prinsipyo nga ang Dios karon mogamit sa pagdala sa Iyang pang gobyerno ug awtoridad balik sa kalibutan pinaagi ni Abraham. Si Abraham mitoo sa Dios ug ang iyang pag-uyon gikonsederar sa Dios nga pagkamatarung, kini nagpasabot nga ang gikinahanglang legal nga panag-uyon anaa na didto. Kini nga panag-uyon gikan sa duha ka parti, sa Dios ug kang Abraham, nga nagtugot sa Dios pagbutang ug legal nga kontrata (ang gikasabutan) nga mapahiluna ug magsiguro sa langit nga aduna nay pagtugot dinhi sa kalibutan, APAN kinahanglan atong masabtan nga kini nga panag-uyon naka apiktang lang kang Abraham ug sa iyang mga manununod. Ang timailhan niini nga panag-uyon gihatag sa tanang manununod ni Abraham, nga mao ang pagka tinuli. Kay ang pagtuli mao ang pagputol sa panit sa kinatawo sa lalake. Aron sa dihang ang lalake mutanom sa iyang binhi sa babaye, ang iyang binhi moagi sa tinuli nga kinatawo, nga nagdeklara ngadto kang Satanas ug sa amahan ug

inahan sa maong bata nga kining bataa mobarug didto sa langit ingon nga usa ka manununod uban sa legal nga kasabutan nga ang Dios ug si Abraham maoy nagpahiluna niini.

Sa atong nabasahan sa nanlabay, hinuon, ang matag-usa ka lalaki ug babaye, bisan tuod aduna nay legal nga kasabutan nga alang lang kanila, nagkinahanglan nga ilaha gihapong tumanon ang legal nga kasabutan sa ilang kaugalingong kasingkasing nga nakombinse gayud sa kon unsay gisulti sa Dios aron maglipay sila sa ilang personal nga mga benepisyo niadto nga kasabutan nga nabuhat tali sa Dios ug ni Abraham. Sa ato pa, ang pakigsaad maoy nagpadagan sa kuryente sa ilang balay, apan kinahanglan gihapon nilang pisiton ang switch pinaagi sa pagtuo ug pagtuman sa Pulong sa Dios sa ilang personal nga kinabuhi.

Ok, karon nahibalo na ta kon unsa diay ang pagtoo ug ngano nga ang pagtuo legal nga gikinahanglan. Importanti kaayo nga makahibalo kita kon unsaon pagbaton sa pagtoo ug unsaon pagkabalo nga kita anaa sa pagtoo.

Unsaon Nga Kita Makabaton Ug Pagtoo?

Ania ang timailhan: Dili ka makaampo aron makabaton og pagtoo. Natingala ka? Mao gyud ang akong gihunahuna.

‘Busa ang pagtuo naggikan sa pagpamati sa mensahe ug ang nabati naggikan sa pulong ni Cristo.’

— ROMA 10:17

Sa unsung paagi moabot ang pagtuo sa pagpaminaw sa Pulong sa Dios? Mao raba gyud na ang tanan nga anaa niini? Unsa man ang proseso niini? Ang pagpaminaw lang ba sa Pulong maoy gikinahanglan aron ang pagtuo molungtad sa espiritu sa tawo? Aron sa pagsabot kon giunsa pag-abot sa pagtoo ug unsa ang gisulti sa Roma 10:17 nga gihisgutan, atoa usab tan-awon ang Marcos kapitulo 4. Kon imong ilabay na ang imong Bibliya sa hangin, hinaot nga mutugpa unta kini nga maabli ang Marcos kapitulo 4; mao na ka importante kaayo! Si Jesus miingon sa Marcos 4:13 nga kon ikaw wala nakasabot kon unsa ang Iyang pagtudlo niini nga kapitulo, dili ka makahimo sa pagsabot sa laing sumbingay sa Bibliya. Akong masulti nga ingon ana kaimportante kini!

Ngano nga kini nga kapitulo importante kaayo? Tungod kay kini nagsulti kanato kon unsaon sa langit pagkonekta dinhi sa kalibutan, unsaon nga makakuha kini ug legalidad, ug asa usab kini mahitabo. Wala nay laing importanting bahin sa imong kinabuhi gawas sa paghibalo kon unsa ang buot ipasabot niini nga kapitulo. “Giunsa man sa Gingharian sa Dios pagpamuhat?” siguro nangutana ka. Nan basaha ang kapitulo 4! Kay niini nga kapitulo, si Jesus naghigot ug tulo ka pasumbingay bahin sa kon unsaon pagpamunga sa pagtoo diha sa tawhanong espiritu, nga imo nang nahibaw-an karon, nga mao ang gikinahanglan sa langit aron legal nga makasulod sa kalibutan.

Ang tulo ka mga istorya niini nga kapitulo mao ang pasumbingay sa magpupugas, ang pasumbingay sa tawo nga nagsabod sa iyang mga binhi, ug ang istorya sa liso sa mustasa.

Atong sugdan sa pagtan-aw sa ikaduhang istorya nga gisulti ni Jesus sa Marcos 4, ang istorya sa tawong nagsabod ug mga binhi.

‘Unya mipadayon si Jesus pagsulti, “Ang paghari sa Dios sama niini: May tawo nga nagsabod ug binhi sa iyang uma. Adlaw-adlaw nagpadayon siya sa iyang buluhaton. Miturok ug mitubo ang mga binhi sa paagi nga wala niya hisabti. Ang yuta, pinaagi sa kinaiya niini, nagpatubo ug nagpabunga sa mga tanom: maoy mouna ang linghod nga punoan, unya mosunod ang iyang uhay ug unya ang bus-ok nga mga lugas. Ug inigkabinog na, galabon kini kay ting-ani na man.”’

—MARCOS 4:26-29

Bag-o ta molukso niini nga bahin, ato unang ipasabot ang mga pulong nga gigamit. Unsa man ang binhi nga gihisgutan ni Jesus, ug unsa man ang yuta? Si Jesus nagpasabot niadtong mga pulonga sa pagpadayon niini nga istorya sa magpupugas sa mao gihapon nga kapitulo. Ang binhi mao ang Pulong sa Dios, ug ang yuta mao ang kasingkasing o ang espiritu sa tawo. Mao nga niini nga sumbingay, ginamit ang pagpasabot ni Jesus pinaagi sa duha ka mga pulong, atong masulti nga ang tawo nagsabod ug mga Pulong sa Dios diha sa iyang kaugalingon kasingkasing. Dayon sa iyang kaugalingon ang yuta o ang kasingkasing sa maong tawo namunga og pagtoo (pagpakig-uyon sa langit) dinhi sa yuta.

Sa dili pa ko moadto sa unahan, importante nga imong

mahinumduman kon unsa ang atong pagpasabot sa pagtoo: ang kasingkasing sa usa ka lalaki ug usa ka babaye nga siguradong nakombinse kon unsa ang gisulti sa langit. Kini nga kasulatan nagsulti nga bisan tuod ang tawo wala nahibalo kon giunsa pagpamuhat sa proseso niini, ang Pulong nga natanum sa iyang kasingkasing nagsugod ug tubo ug nagbunga ug kasabutan sa iyang kaugalingon lamang. Ug kini nahitabo bisan siya natulog o nagmata; wala kini nagsapayan, ang proseso nagpadayon. Samtang gitipigan niya ang Pulong sa iyang kasingkasing, sa hinay hinay ang iyang kasingkasing miuyon sa kon unsa ang gisulti sa langit, ug ang pagtoo nahimong bunga niini.

Ang atong basihanan nga kasulatan diha sa Marcos kapitulo kwatro nagsulti kanato nga ang kasingkasing namungga ug kasabutan o pagpakig-uyon pinaagi sa usa ka proseso. Ang istorya nagsulti kanato nga sa sinugdan sa dihang ang atong kasingkasing nagadawat sa Pulong, ang pagtoo magsugod sa pagkahulma niini. Ug si Jesus nagkompara niini sa pagsugod ug turok. Ug ang pagturok mipadayon ug nagpadayon sa pagtubo ug nahimong usa ka punoan. Unya ang sunod nga nahitabo, ang ulo niini magsugod ug porma diha sa lawas sa punoan, apan bisan pa sa ulahing kahintang niini wala pay bunga, walay pagpakig-uyon, ug walay kausaban diha sa natural nga sitwasyon. Ug unya si Jesus miingon nga ang proseso nagpadayon samtang ang ulo karon mihamtong na aron mobunga ug mga hamtong nga bunga. Sa dihang ang proseso moabot na niana nga bahin, ug ang gulang na mga bunga anaa na sa iyang ulo, ang pagpakig-uyon anaa na, ug ang pagtoo usab anaa na, nga magtugot sa usa ka lalaki ug usa ka babaye sa pag-ani didto sa dapit yuta kon unsa ang gipugas sa langit sa kasingkasing sa tawo.

Karon hatagan nato kini ug dakong pagtagad. Atong sublion unsa ba gayud ang tinood nga nahitabo. Ang langit nagtanum ug Pulong sa Dios dinhi sa kalibutan diha sa kasingkasing sa usa ka lalake ug babaye sa kong asa ang kasabutang gikinahanglan. Ug niana nga panahon, ang kasingkasing sa tawo wala pa nakahimo ug kasabutan tali sa langit, apan ang proseso nagsugod na sa pagpahiluna sa kasingkasing aron maoy mogiya sa kasingkasing, sa iyang kaugalingon lang, ngadto sa kasabutan kon unsa ang natanum. Si Jesus nagamit ug usa ka dakong ilustrasyon aron Iyang ipakita kanato ang proseso. Aron ikompara kini nga proseso sa usa ka mag-uuma nga nagtanum ug binhi ug kon giunsa

sa tanum pagkahamtong, Si Jesus naghatag kanato ug hulagway kon unsay itsura sa pagtoo, diha sa natural nga paagi, sa dihang ang liso sa ulo niini hamtong na, mahimo na kining **SAMA** sa liso nga natanum sa yuta. Akong isulti pag-usab:

Sa dihang ang liso nga anaa sa ulo sa tanum mOhamtong na, mahimo na kining—SAMA—sa liso nga natanum diha sa yuta.

Pagtanum ug mais ug sa dihang mahamtong na ang liso mahisama sa binhi nga imong gitanum. Managsama sila, pareha ra kon tan-awon, ug pareha ra ug lami. Dili nimo masulti ang kalahian tali sa ilang duha; pareho ra sila kon tan-awon. Tugoti ko nga ipasabot kon unsay buot ipasabot ni Jesus sa pagsulti niya nga, sa dihang kita makadungog sa Pulong (Roma 10:17), kita nagsabwag ug mga pulong sa Dios diha sa atong espirituhanong pagkatawo, sa atong kasingkasing. Kon atong tipigan kana nga Pulong diha sa atong kasingkasing, kini muhamtong; ug kon kini mohamtong na, ang kahimtang sa atong kasingkasing (ang dapit sa kalibutan) muhaom sa kon unsay gisulti sa langit. Kon atong ibutang kini sa laing mga paagi, atong masulti nga samtang ikaw nagpugas ug pakigsaad gikan sa langit diha sa imong kasingkasing, kini hinayhinay nga magbunga ug pagsalig sa kon unsa ang gisulti sa Dios bahin niini. Ang mahitabo, ang imong kasingkasing tibook na gayud nga nakombinse kon unsay gisulti sa langit, ug ang panagsabot anaa na niini. Sama pananglitan, kon nag-atubang ka ug sakit, ang panghitabo sa imong lawas mosulti kanimo nga ikaw nagkasakit. Apan sa dihang imong ipugas ang Pulong sa Dios nga ang Dios nag-ingon nga ang Dios nagbayad na sa bili alang sa imong kaayuhan pinaagi sa kon unsa ang Gihimo ni Jesus, ang imong kasingkasing hinayhinay nga makombinse sa kon unsay Iyang gisulti bahin niini. Ug sa dihang kana nga pulong muhamtong na diha sa imong kasingkasing, ang pagsalig nga ikaw naayo na mamahimong mahitabo kon unsa ang **imong** gituohan ug isulti. Dili lang ingon nga sayon ra kaayo nimo nga muhisgut dayon kon unsa ang gisulti sa langit. Ang imong kasingkasing karon hugot na nga nakombinse niini. Sa dihang ikaw mosulti, “Ako naayo na,” dili kini usa ka pormula nga imong nakuha; hinoon, kini mao ang imong gituohan ug nahibaw-an nga usa ka kamatuoran. Kay kon unsay gisulti sa langit karon nahimo na kining imong kaugalingong pagsabot sa kamatuoran.

Mao kini ang hinungdan nga ang Hebrohanon 11:1 miingon;

Karon ang pagtoo mao ang pasalig sa atong gilauman ug pagkasigurado sa mga butang nga wala pa nato makita.

Kini mao ang usa ka dili matungkad nga kasiguruhan kon unsay gisulti sa langit sa dihang ang pagtoo anaa na niini, apan aduna pay laing ang ang sa proses.

Kinahanglan na karon ibutang sa tawo ang iyang galab aron sa pag-ani, aron sa pagdala niini sa iyang dapit nga kalibotan, kon unsay sigurado sa iyang kasingkasing.

*‘Ug inig kabinog na, **iyang galabon kini kay ting-ani na man.**’*

—MARCOS 4:29

Tan-awa nga bisan pa ang kasingkasing anaa na sa pag-uyon sa langit, ug ang pagka tinood sa langit nahimo nang kamatuoran sa usa ka lalaki ug usa ka babaye, wala pay tinuod nga kausaban nga nahitabo sa lawasnong bahin. Tungod kay ang tawo mao man ang adunay natural nga katungod sa iyang lugar dinhi sa yuta, siya ang gikinahanglang mobuhi sa pagbulot-an nga gikan sa langit dinhi sa yuta. Kay ang Dios dili makahimo kon wala ang lalaki ug babaye. Ug kini akong mapakita kanimo sa usa ka ilado kaayo nga kasulatan nga atong gihisgutan bag-o pa lang.

*Kay ang tawo magatoo diha sa iyang kasing kasing aron **mamatarung siya**, ug siya **magasugid** pinaagi sa iyang baba aron siya maluwas.*

—ROMA 10:10

Sa dihang ang kasing kasing mitoo sa Pulong, magbunga kini ug pagtoo, ug siya gimatarung na. Ang pagmatarung usa ka legal nga terminolohiya sa administrasyon sa balaod. Mao nga kon ang kasingkasing sa tawo nakig-uyon na sa langit, ug ang iyang kasingkasing kombinsido na gayud sa kon unsay gisulti sa langit, siya gimatarung na. Apan kon ang pagmatarung lang ang saligan dili kini makapagawas sa gahum sa Dios. Sama sa balay nga aduna nay kuryente nga gikan sa kompanya nga nagkonektar niini, aduna pay usa ka lakang nga dapat buhaton—mao ang pagpislit sa switch niini aron mogawas ang kuryente, ug ang kahayag moabot. Ngano? Tungod kay kon unsa

ang gihisgutan sa Roma 10:10, aduna pay laing ang-ang human ang pagmatarong.

Ang lalaki ug babaye nga nagbarug taliwala sa langit ug yuta nga gimatarung na, kinahanglang mokompisal o mobuhat sumala sa gikauyonan aron mapagawas ang gahum ug dihog sa Dios dinhi sa kalibutan. Palihog balikbalika ug basa ang kasulatan hangtod nga ikaw makasabot gayud sa kon unsay buot nakong ipasabot. Kay diha nimo makita kon giunsa niini pagpamuhat! Mao kini ang paagi kon giunsa sa langit pagkuha ug legalidad dinhi sa yuta. Ug aron ang atong mga lihok ug mga pulong maoy mga switch nga makapagawas sa gahum sa langit. Palihog tan-awa pag-ayo kini pag-usab hangtod sa ikaduhang bahin niini nga bersikulo. Kita ang mopagawas sa awtoridad sa langit dinhi sa kalibutan.

Ang konsepto nga ang langit naghulat sa lalaki ug babaye aron, una sa tanan maghatag ug legalidad, ug ang ikaduha, katungod sa iyang nasakupan dinhi sa yuta, nga kini makita pinaagi sa kon unsa ang gitudlo ni Jesus diha sa Mateo 16 ug Mateo 18

Sultihan ko kamo sa tinood, nga kon unsa ang inyong gapuson dinhi sa yuta kini mahimong ginapos usab didto sa langit, ug unsa gani ang inyong buhi-an dinhi sa yuta, mahimong buhi-an usab didto sa langit.

—MATEO 18:18

Si Jesus nagsulti dinhi nga Siya maghatag ug susi (Awtoridad) sa iglesia gikan sa Gingharian sa langit alang dinhi sa yuta. Siya miingon nga bisan unsay inyong bugkuson dinhi sa yuta suportahan kini sa langit, ug bisan unsay inyong buhi-an sa kalibutan suportahan usab sa langit. Hunahunaa ang usa ka opisyal sa polis, aduna siyay awtoridad, apan ang governo maoy adunay gahum. Ang opisyal nga polis naghawid sa susi o sa awtoridad sa gobyerno, sa dihang kini iyang gipanumpaang ingon nga alagad niana nga gobyerno. Unsay gisulti niya, ang gobyerno mopaluyo. Hinumdumi, ang usa ka lalaki ra ug babaye maoy adunay legal nga pagbulot-an sa iyang dapit dinhi sa yuta, mao nga tungod niana ang usa ka lalaki ug babaye ra gayud ang makahatag sa langit ug legal nga pagbulot-an dinhi sa yuta.

Aduna pay laing importanti kaayo nga punto nga kinahanglang

imong makat-unan bahin sa pagtoo. Akong buhaton nga pamatuod ang Markos kapitulo 4 pag-usab sa hinanali.

'Angyuta, pinaagi sa kinaiya niini, nagpatubo ug nagpabunga sa mga tanom: maoy mouna ang linghod nga punoan, unya mosunod ang iyang uhay ug unya ang bus-ok nga mga lugas.'

—MARCOS 4:28

Hinumdumi, Si Jesus nagpasabot sa yuta nga iyang gihisgutan sa samingay nga mao ang kasingkasing sa tawo, o espiritu sa tawo, sama sa akong gihisgutan ganina. Matikdi kon asa ang pagtoo mamunga; dili ba kini makapsurprisa nimo? Dili kana produkto sa langit, sumala sa gituohan sa daghang mga tawo, apan kini nahimong bunga dinhi sa yuta ug kini maoy produkto sa imong kasingkasing. Dili kini angayan nga i-ampo o pangayoon sa Dios.

Ang pagtoo dili gikinahanglan sa langit. Dili kita kinahanglan ug kasabutan didto sa langit. Dili, kay kini gikinahanglan lang dinhi sa yuta ug kini mahitabo lang diha sa kasingkasing sa usa ka lalaki ug babaye dinhi sa yuta. Sumala sa sumbingay nga gitudlo sa Marcos 4, adunay usa lamang ka paagi sa pagbaton sa pagtoo, pinaagi sa pagbutang sa Pulong sa Dios diha sa imong kasingkasing ug tugotan ang proseso sa kasabutan o pagpakig-uyon nga maoy mopahiluna niini. Mao

nga kon gikinahanglan nako ang pagtoo, unsa may akong buhaton? Akong isabwag ang Pulong sa Dios diha sa akong kasingkasing unya pasagdahan nga motubo hangtod nga ang pagtoo maanaa niini. Mao lang kana ang pamaagi nga kining pagtoo moabot kanimo.

Bag-o nako biyaan ang Marcos 4, Gusto nakong hisgutan ang galab nga gihisgutan dinhi.

**MAO KINI ANG PAAGI KON
GIUNSA PAGKBATON UG
LEGALIDAD SA LANGIT DINHI
SA YUTA, ANG KASINGKASING
MAOY NAKAPASUMPAY
SA LANGIT DINHI SA YUTA
UG UNYA ANG ATONG MGA
PULONG UG MGA BINUHATAN
MAOY SWITCH NGA
MAKAPASIGA SA GAHUM NGA
GIKAN SA LANGIT.**

*Ug inigkabinog na, **iyang galabon kini** kay ting-ani na man.*

— MARCOS 4:29

Nagatoo ko nga kadaghanan sa iglesia sa kalibutan dili kabalo mogamit sa ilang galab, kini nagpasabot nga wala sila natudloan kon unsaon pagpangani ingon nga gikinahanglan kini. Ang iglesia kasagaran gitudloan kon unsaon sa paghatag apan wala tudlo-i kon unsaon pag-ani sa binhi nga ilang gipugas. Si Jesus detalyado kaayo niini nga bersikulo, nga kon ang pag-ani sa atong pagtoo anaa na, KITA kinahanglang ibutang nato ang galab. Kay bisan tuod nakahimo na ta sa pagpugas sa mga binhi sa atong pagtoo, hangtod nga makahibalo ta mokuha ug mogamit sa atong galab, walay mahimong ani. Sa prankang pagka istorya, wala koy nahibaw-an bahin niini hangtod nga ang Dios nagsugod ug tudlo kanako bahin sa Gingharian kon giunsa niini pagpadagan. Hatagan ko kamo ug dyutay nga mga ehemplo aron inyong mahulagway kini.

Giimbitar ko nga magwali sa simbahan sa Atlanta. Kini usa ka simba sa merkules sa gabii ug ang simbahan dili kaayo dako, pero ok ra kaayo para sa akoo. Kay nahigugma kong mutodlo sa mga tawo bahin sa Gingharian. Samtang miabot na ko sa simbahan, talagsaon kaayo ang akong nakita kay gisirado man ang pultahan ug walay usa nga anaa didto. Mga pulo pa ka minuto bag-o magsugod ang simba. Nadungog nako ang kusug kaayo nga tingog sa sakyanan sa akong luyo; murag ang tingog wala nay tambutso. Unya samtang akong gitaw-aw kini, akong nakita ang karaang sakyanan, usa ka guba na nga sakyanan nga giguyod paingon sa luyo nga parkingan sa simbahan. Wala koy nahibaw-an bahin niadto; Paghuma niini, kay anaa naman ko sa dapit sa Atlanta, samtang naghulat ko, usa ka tawo miabot nga naglakaw gikan sa luyo sa simbahan ug nagpaila sa iyang kaugalingon nga siya mao ang pastor. Unya miingon siya nga pasayloa ko nga naulahi ko, pero ang karaan nga sakyanan dili na moandar. Unya iya kong giingnan nga kinahanglang pa niyang ipabor sa medyo pabahada aron ang sakyanan makaandar, kay ang starter niini wala na mogana. Unya miingon siya nga adunay daghang panahon nga dili na gayud moandar, ug mao nga kinahanglan siya molakaw ug mga lima ka milya paingon sa simbahan.

Samtang nagpadayon siya sa pag estorya bahin sa iyang simbahan, misulti siya nako nga bisan tuod siya ang pastor sa simbahan, pero ang

pinaka trabaho sa simbahan mao ang pagpakaon sa mga tawo nga anaa sa tunga tunga sa syudad. Nagpakaon sila ug mga subra 10,000 ka kaonan matagbulan niadtong dapita. Samtang ang pastor nagsulti pa, medyo nalain ko. Kay aniyay tawo sa Dios nagpakaon ug 10,000 ka tawo kada bulan, unya wala siyay maayong sakyanan? Siya lang ang hulagway sa Dios nga makita niadtong mga tawo nga iyang gipakaon. Kon nakakita man sila niya nga naghimo niadto, nga maglakaw paingon sa simbahan sa lima ka milya ilalom sa kainit sa adlaw, unsay paglaom nga anaa kanila nga ang Dios makatabang kanila? Mahimo ko nag sulbaron. Aduna man koy sayanan nga 20,000 ka milyahi pa lang ang gidagan ug ihatag ko ni niya. Akong gisulti kaniya ang akong plano aron akong ipadala sa akong tawo ang sakyanan paingon sa Atlanta. Siya, sa tinuod nakuratan, unya akong gigahin kadto nga gabii sa pagtudlo kaniya ug sa iyang gamay nga simbahan bahin sa pamaagi sa Gingharian sa Dios ug sa kon unsa kini mamauhat sa panalopianong bahin.

Sa dihang miuli na ko sa balay, akong gipahiluna ang sakyanan nga madala paingon sa Atlanta. Sa dihang ang akong tawo miadto na sa balay aron kuhaon ang sakyanan, kabalo ko nga naghimo ko ug espirtual nga transaksyon sa langit. Nahibalo ko nga sa dihang akong buhian ang sakyanan diha sa Gingharian sa Dios, makahimo ko sa pagtoo sa Dios alang sa laing sakyanan kon akong gikinahanglan usab. Dili ko usa ka tawo nga hilig ug sakyanan. Ang uban siguro hilig kaayo apan ako dili. Ang usa ka sakyanan usa lang kini ka galamiton alang kanako, apan syempre gusto pod ko ug maayo nga sakyanan, apan gamiton ko lang kini hangtud kinahanglan nang pulihan.

Sa dihang ang akong tauhan miabot na sa akong balay, migawas dayon ko ug miadto sa akong garahe, ug akong gitapi-on ang akong mga kamot sa sakyanan ug miingon, “Amahan, akong ihatag kini nga sakyanan alang sa imong buluhaton. Unya samtang akong ihatag kini nga sakyanan, makadawat ko ug laing sakyanan...” Medyo alanganin pa ko, kay kabalo ko kon unsa ka detalyado ang Gingharian sa Dios, ug kabalo pod ko nga kon pulong lang nga “sakyanan” dili mahitabo. Ako usab nahibalo nga kinahanglan detalyehon ko aron ako ug si Drenda mamahimong magkauyon bahin sa detalye kon unsay among dawaton. Samtang nagtindog ko sa ilang taliwala nga nagsulti, ako usab nakaamgo nga wala pa koy nahunahunaan kon unsang klase nga sakyanan ang akong gusto. Mao nga misugod ko ug usab, “Ginoo,

karon akong ihatag kini nga sakyanan diha sa imong buluhaton, ug kabalo ko nga makadawat ko ug mas maayo pa nga sakyanan samtang ako magpugas, apan mobalik ra ko nimo bahin sa akong gusto ug sa modelo niini kon akoa nang makita kini.” Mao ra to; ug ang sakyanan nawala na. Wala pa koy sakyanan nga anaa sa akong hunahuna nga akong masulti nga, “Oo, mao KANA ang gusto ko nga sakyanan.”

Mga pipila ka bulan ang milabay. Syempre, si Drenda miuyon uban nako nga ihatag namo ang sakyanan, ug sama nako, wala pa pod siyay ideya kon unsa nga klasing sakyanan ang iyang gusto. Sulod sa duha ka bulan sigi mi ug hisgut ug mga sakyanan, ug sa katapusan siya miingon, “Kabalo ka, hunahuna nako malingaw ta kon anaa tay sakyanan nga matikyuptikyup ang atop.” Akoa siyang gisultihan nga miuyon ko nimo, ug miingon ko nga murag makalingaw na paminawon, pero unsa man nga klase? Mao gihapon, wala mi kabalo kon unsang klasing sakyanan nga ang atop matikyuptikyup nga anaa. Apan usa niana ka adlaw samtang nag drive mi paingon nga maniudto, ang akong asawa kalit lang miingon, “Oy tuara!” “Mao ba to?” miingon ko. “O mao to,” siya miingon samtang nagtudlo siya sa sakyanan sa parkingan sa restaurant nga among gikan-an mao nga miduol mi. “Mao ba na?” miingon ko, “kana nga sakayan, mao ang sakyanan nga akong gusto!” Mao nga ako nang nakita ang insaktong gatikyuptikyup ug atop nga sakyanan sa parkingan. “Sigi atong adtoon ug tan-awon kon unsa kini,” miingon ko. Mao nga mipaingon mi paadto sa sakyanan ug among gitan-aw kini. Ah, mao diay nga ganahan ta ani. Kay usa man diay ni ka BMW 645Ci, usa ka nindot nga gatikyuptikyup ug atop nga sakyanan, ug usa sa mga mahalon nga sakyanan. Sa tinuod lang, sa dihang nakita nako kadtong klase nga sakyanan, ang naa sa akong hunahuna, “Sige, Ginoo, ipakita kanamo unsay among buhaton.” Kabalo ko nga dili moubos ang presyo niadto sa \$115,000 alang sa bag-ong BMW, apan kabalo pod ko nga ang Dios makahimo ug mga katingalahang butang. Si Drenda ug ako wala mosulti kang bisan kinsa bahin sa sakyanan o naghisgot kang bisan kinsa nga nangita mi ug sakyanan.

Mga duha ka semana ang milabay, ang igsoong lalaki ni Drenda mitawag kanamo ug miingon, “Nakita nako ang gustong sakyanan ni Drenda!” “Unsay boot nimo ipasabot nga nakita nimo ang gustong sakyanan ni Drenda?” miingon ko sa ihaya. Ug ang igsoon ni Drenda miingon, “Nakita nako ang sakyanan nga ibaligya, unya sa kalit lang,

akong gibati nga unta kini mao ang sakyanan ni Drenda; ug mao unta na ang gusto nako isulti sa imo.” “Unsang klasi nga sakyanan ang imong nakita?” nangutana ko. “Usa kini ka BMW 645Ci, ug gayud ni, buot nako ipasabot nga mao gyud ni. Dili pa kaayo daan, gamay pa ang milya nga nadagan niini, ug wala pay mga garas. Maayo pa gyud kaayo. Gawas pa niana, kaila ka sa tawong nagbaligya niini” siya miingon. “Mao ba?” “Oo kaila ka,” misulti siya, “kinahanglan nimo siyang tawagan bahin niini.” Sa dihang gisultihan ko niya sa sakyanan ug sa modelo niini, mao kadto ang insakto nga sakyanan nga gihisgutan namo ni Drenda tung miagi lang nga mga semana, ako nahibalo nga ang Dios adunay buhaton.

Akong gitawagan ang tawo nga tag-iya sa sakyanan. Tinuod nakaila ko sa iyaha, ug nakahisgut mi kadali bahin sa sakyanan, ug misulti siya nako unsa ka maayo ang sakyanan samtang anaa kini kaniya. Ug unya miingon siya niini nga pulong nganhi kanako. “Kabalo ka, sukad nga naghisgut ta niini nga sakyanan diha sa telepono, akong gibati nga kini nga sakyanan angayan gyud para kang Drenda.” Wala pa gani nako nasulti sa iyaha nga nangita mi ug sakyanan para kang Drenda. Ang tawo mipadayon ug miingon, “Sultihan ta ka kon unsay akong buhaton, ako kining ibaligya sa imo sa kantidad nga \$28,000 na lang.” Ang akong dalonggan daw dili makatoo kon unsay akong nadungog. Kay ang sakyanan mahalon man kaayo labaw pa sa presyo nga iyang gisulti. Sa dihang akong gisultihan si Drenda bahin niini, siya naghinamhinam, sa pagingon nga barato ra kini. Among gibayran dayon ang maong sakyanan ug kini anaa pa sa among balay hangtod karon. Kini mudagan pa ug maayo pang tan-awon. Wala pay garas, ug gigamit namo kini nga sakyanan sa daghang higayon nga gitikyup ang atop. Ang esteryo maayo pa, ug maayo ang imong bation bisan gikapoy ka kon mosakay ka niini.

Ang among paborito nga byahe mao ang pagmaneho sa gatikyuptikyup nga sakyanan diha sa mga bukid sa Colorado uban sa among mga gamit sa pang camping nga anaa sa among sakyanan. Ang among anak nga babaye uban namo niadto nga byahe, ug akong mahinumduman ang akong pagmaneho sa Kansas sa I-70 panahon sa gabii nga gitikyup ang atop sa sakyanan. Si Kirsten naghigda sa likod samtang nagmaneho ko sa sakyanan. Ang mga bitoon nagsidlak nga hayag kaayo ibabaw sa among mga ulo, ug ang dalan bakante kaayo

gawas lang sa talagsa nga moagi nga mga duha lang ka sakyanan. Kini maoy usa ka hingpit nga gabii kay ang hangin nindot kaayo ug nakaingon ko nga ang tanan maayo gyud kaayo dinhi sa kalibutan. Naggahin pami ug laing duha ka semana nga nagdrive diha sa mga kabatoan nga dapit, ug akong nakaplagan kon unsa ka maayo kaayo ang sakyanan mopahiluna sa among pagdagan. Usa lamang ka pulong nga akong masulti niini—Talagsaon gayud!

Apan mao kini ang dakung pangutana, giunsa man nianing sakyanana pag-abot sa amo? Ngano kini ang sakyanan nga giingon ni Drenda nga, “Mao na gyud to!”? Kabalo ko nga ang Gingharian sa Dios maoy nagdala niadtong sakyanana diha sa among kinabuhi. Kabalo ko nga sa dihang akong gitatum kadto nga sakyanan sa usa ka pastor, akong gibutang ang espirituhanong balaod sa pagpahiluna niini. Akong mahinumduman nga nag-ingon ko nga makadawat ko ug balik ug sakyanan, dili na SUV, dili na jeep, usa ka sakyanan. Akong mahinumduman nga nag-ingon ko kanang nindot kaayo. Apan si Drenda ug ako kinahanglan nga kuhaon na ang among galab. Ang sakyanan dili mopakita hangtod nga kami misulti nga, “Mao na gyud to!” Bisan tuod naa ko sa pagtoo sa dihang among gihatag kadto nga sakyanan, wala pa namo gikuha ang among galab hangtod nga si Drenda miingon, “Mao na gyud to.”

Adunay lain na usab nga panghitabo nga nagdala niini nga prinsipyo sa mas dako nga paagi. Sa imong nahibaw-an, ganahan kaayo ko mangayam. Kay nagpuyo ko sa usa ka lugar nga maayong pangayamanan nga nasud, ug gipanalanginan pod ko ug usa ka yuta nga maayong pangayaman. Diha sa akong 60 ka acres o 24 ka ektarya, adunay koy mga 19 ka acres o pito ug tunga ka ektarya nga adunay lig-ong kakahuyan ug mga 10 ka acres o 4 ka ektarya nga katubigan. Mangayam ko ug binaw ug squirrel nga malampuson kaayo matag tuig. Aduna kanunay mga pato ug gansa nga maglupadlupad niini sa palibot, apan sa usa ka rason, wala gyud ko naghunahuna nga manguha nila. Ug kausa o kaduha sa matag tuig ang akong mga anak nga lalaki ug ako mangadto sa katubigan ug luksoan namo ang pipila ka mga gansa nga pinakalit. Pero wala gyud mi sa tinood nangayam ug mga pato.

Hinoon, mga pila ka tuig ang milabay, samtang nagtan-aw ko sa daghan kaayong mga pato nga naglupad paingon sa katubigan,

naghunahuna ko nga mosulay ug pangayam ug mga pato. Wow, kini makapahinam kaayo! Ug ako nahigot na niini, labi na sa panahon nga akong makita ang pagkahulog sa mga pato nga gipusil. Akong nakaplagnan nga kinahanglan kong magtinood ug praktis sa pagpamusil ug pato. Nakakuha ko ug gamay lang ug gisulod nako sa akong sudlanan ug akong nakaplagnan nga maayo sab diay kining kaunon. Akong nabantayan nga ang mga pato usahay layo sa among gipwestuhan nga dili maabot sa akong pusil nga shotgun, nga maoy akong gituohan nga hinungdan nganong daghang higayon nga wala ko nakaigo nila. Akong gigamit ang akong naandan nga shotgun ug mao kini kanunay usab ang akong gigamit sa pagpangayam ug mga Rabbit ug mga binaw, usa ka Remington nga modelo 11-87. Ayaw ko saypa ug hunahuna, giganahan kaayo ko adtong pusila, ug usa kini ka maayo nga pusil. Pero nakadungog ko nga dunay bag-ong modelo sa mga pusil nga gihimo para lang sa pagpangayam ug mga pato. Naka camouflage kini aron dili makita ug aduna kiniy tulo'g tunga pulgada nga butangan sa bala, nga akong gihunahuna makatabang niadtong layo nga pusilonon nga nakapa-usik nako sa mga bala. Mao nga nagplano ko nga motan-aw niini sa dili pa ang panahon sa tingpato.

Unya, ang panahon sa tingpato milabay na, ug kini Enero na, ug samtang ako naglakaw sa Cabela's ug naghunahuna nga moadto sa baligya-anan ug shotgun aron pagtan-aw kon unsa man tong klase sa shotgun nga ilang giingon. Ug samtang naglakaw ko didto sa baligya-anan ug shotgun, akong nakita nga ang tibook lugar pulos mga shotgun nga para sa pagpangayam ug pato. Akong gitan-aw ang pipila kanila ug naghunahuna nga mopalit sa usa nga akong nagustuhan. Apan kini \$2,000 ka dolyares ug ang tingpato mga usa na lang ka bula. "Maghulat na lang ko," namalandong ko sa akong kaugalingon. Apan adunay koy gihimo nga lahi samtang ako mobiya na. Wala ko kabalo kon unsa ang akong gihimo sa dihang gibuhar ko kadto. Ako tong gibuhar nga wala maghunahuna. Akong gitudlo ang shotgun nga akong nagustohan ug misultig kusog. "Gusto ko ana nga pusil sa ngalan ni Jesus." Usbon ko, wala kaayo to nako hunahunaa, naghimo lang ko ug usa ka deklarasyon nga ako makaangkon adto nga pusil. Ug ang akong kasing kasing adunay klarong hulagway sa pusil alang sa pato nga akong giganahan.

Giimbitar ko sa pagwali mga duha na ka semana ang milabay sa usa ka tigum sa mga negosyante, ug adunay talagsaon nga nahitabo didto

nga nakakuha sa akong pagtagad. Human sa akong pagsulti, ang tagiya sa kompanya milakaw ug miingon nga gusto siyang magkuha ug usa ka gasa sa pag-ila ug pagpasalamat kanako sa akong pag-acto. Ug miingon siya, “Kabalo mi nga ikaw ganahan nga mangayam, mao nga

**...ANG DIOS NAGTINGUHA
NGA IYANG IPAKITA SA AKO
NGA SIYA NAGMAHAL KANAKO.
IYANG GIPAKITA KANAKO NGA
SIYA NAHIGUGMA KANAKO
SA DIHANG IYANG GIPADALA
SI HESUS ALANG KANAKO
UG GIHATAG KANAKO ANG
GINGHARIAN.**

mipalit mi niini nga shotgun.” Nakuratan ko sa dihang gipalitan ko nila ug usa ka bagong Benelli nga shotgun, kini usa ka semi automatic nga pusil para sa pato, ang insaktong pusil nga akong nakita didto sa tindahan, kadtong akong gitudlo! Nakita banimo kini? Giunsa niadto nga pusil pagpakita? Nanghatag ko ug daghang mga pusil sa daghang mga katuigan apan wala mikuha sa galab. Sa laing

pagkasulti, akong gitanum kadto nga mga pusil pinaagi sa pagtoo ug pagkamanggihatagon apan wala gyud mikuha sa galab. Wala gyud ko moingon, “Ginoo, mao na kana! Mao na kana ang akong gusto.” Apan sa panahon nga kini ako nang gihimo, ang pag-ani mipakita!

Akong gipaambit sa akong amigo nga ministro usab sama kanako ang istorya sa pusil nga shotgun. Ug miingon siya, “Tinood, ang Dios mohimo niana usahay. Siya magpanalangin nimo sa gamay pero espisyal nga panalangin aron pagsulti kanimo nga Siya nahigugma nimo.” Samtang akong gihunahuna ang iyang gisulti, nakahunahuna ko nga, “Dili, dili na insakto. Tinood, ang Dios nahigugma kanako, apan dili siya mosurpresa kanako uban sa gamay lamang nga regalo.” Ang iro, ang dakong isda, ang binaw nga miabot sa insaktong paagi, ang mga sakyanan, ang tanan nga miabot dili tungod kay ang Dios gusto mopakita kanako nga siya nahigugma kanako. Gipakita Niya kanako nga Siya nahigugma kanako sa dihang Iyang gipadala si Jesus alang kanako ug mihatag kanako sa Iyang Gingharian!

Gusto kong mosulti pa kanimo ug usa pa ka estorya bahin sa pag-ani. Sama sa ako nang nasulti kanimo, dili kaayo ko hilig ug mga sakyanan. Amo silang gigamit hangtod nga sila kinahanglan nang

ilisan. Pareha sa among walo na ka tuig nga Honda Pilot. Ganahan mi sa sakyanan, kini gamit pa kaayo, maayo pa mudagan, murag bag-o pa tan-awon, mao nga amo kining gitipigan. Apan naghunahuna mi nga mopalit ug mas dako pa nga SUV aron makakarga pa ug daghan nga pasahero ug mga bisita. Bag-o lang, nagrenta mi ug Cadillac Escalade sa usa namo ka okasyon nga among gidumalahan sa Now Center, unya ako ug si Drenda mao ang nagdrive niini. Giganahn mi niini. Ganahan mi kay medyo puti ang kolor, ug giganahan mi sa mubo nga bersyon nga among gi drayban kay sa taas nga bersyon nga miabot nga Escalade. Miingon me, “Mao ni ang atong gikinahanglan, usa ka Cadillac Escalade, medyo puti ug anaa pay mubo nga bersyon. Kinahanglan ta mopalit ug usa nga sama niini.” Apan tungod kay ang kinabuhi daghang trabaho mao nga wala miy panahon sa pagtan-aw ug pagkonsederar sa pagpalit ug usa niini.

Mga usa ka bulan ang milabay, bag-o lang ko nakalakaw sa among atubangan nga pultahan aron sa pagkuha sa matag buntag nga basahong pamantalaan sa among atubangan, unya ang akong cellpon mitingog. Ug ang tawo miingon, “Pastor, gusto kong mopalit para sa imo ug usa ka Cadillac Escalade; unsay kolor ang gusto nimo?” Ug misulti ko niya agig tubag, miingon ko, “Wow, kana usa ka talagsaon. Si Drenda ug ako gusto ug medyo puti ang kolor.” “Ok,” Miingon siya, “Mangita ko ug tan-awon kon unsay akong makita.” Tungod sa akong kalipay, nalimot ko sa pagsulti kaniya nga gusto namo ang mubo nga bersyon. Apan ang iyang tuyo nga mangita ug usa nga usa pa ka tuig o duha ug nindot pa ug gamay pa ang milyahi niini.

Unya, wala na mi makadungog niini nga tawo mga usa na kabulan ang milabay hangtod nga siya mitawag na pod ug miingon, “Naa na koy Escalade nga para sa inyo; mao nga magkita ta aning orasa, aning dapita, ug inyo na nga makuha ang sakyanan ug madala sa balay.” Mao nga nakigkita mi kaniya ug anaa na kaniya ang medyo puti nga Escalade diha sa mubo nga bersyon. Kini usa ka nindot kaayo! “Pasayloa ko nga medyo nadugay ko ug tawag sa inyo.” miingon siya. “Misulay ko ug pangita ug medyo taas nga bersyon, pero dako kaayo ang demand niini mao nga walay bakante. Ang akoa ra gyud nga nakita mao ning medyo mubo nga bersyon. Nangandoy ko nga unta maayo lang gihapon ni sa inyo.” Ok lang ba? Kana maoy among gusto ug insakto sumala sa among gisulti!

Usbon ko, nagutana ko sa pangutana nga: Giunsa pagpakita sa insakto nga Escalade nga among gusto? Hinoon, una sa tanan, naghatag ko ug walo ka mga sakyanan gawas pa sa sakyanan nga akong gihatag sa pastor nga akong gihisgutan bag-o lang. Pero wala gyud ko mag-ingon nga, “Mao na kana!” bahin sa sakyanan kanhi hangtod nga si Drenda mihimo niini alang sa BMW. Karon, sa maka-usa pa, si Drenda ug ako kinahanglan mohimo ug usa ka panag-uyon ug musulti ug kusog, “Mao na kana!” Akong gisulti kini sa daghang mga katuigan nga ang simbahan nakahimo ug dagkong mga trabaho sa pagtudlo bahin sa paghatag apan dili maayo nga trabaho sa pagtudlo sa mga tawo kon unsaon pag-ani. Mao nga makasulti ka ba kon unsa ang galab gikan sa nagpadayon nga istorya? Nangandoy ko nga unta klaro na kini! Nagtanum ko sa daghang mga sakyanan diha sa pagtoo aron dunay mobalik, apan si Drenda ug ako wala pa miabot sa panag-uyon alang sa bag-ong sakyanan. Usbon ko, among gi drayban ang among mga sakyanan sa kadali lang. Apan sa panahon nga kami miingon, “Mao na kana!” Kini mipakita. Nga ang galab mao ang among mga pulong!

Ang imong isulti makaluwas o molaglag sa kinabuhi, busa kinahanglan nga dawaton mo ang sangpotanan sa imong gipanulti.

—MGA PANULTIHON 18:21

Adunay toy usa ka panahon nga ang iglesia nagtudlo kanunay bahin sa atong pagkumpisal. Adunakoy nahimamat nga mga tawo, ug ikaw usab siguro, nga usahay mosulti ug usa ka butang unya ilang tabunan ang ilang baba og moingon, “Kinahanglan kong bantayan ang akon gikompisal.” Maayo man kana, ug ako muoyon nga kini makatabang aron sa pagtipig sa Pulong diha sa imong kasingkasing. Apan, ang pagbantay sa kon unsa ang imong pagkompisal walay kalabutan sa galab. Unsa? Ingon ka nga ang galab mao ang imong mga pulong. Tinuod, nagsulti ko niini, apan ang pagbansay sa pamaagi sa pagsulti sa insaktong mga butang dili mao ang susi.

*Sultihan ko kamo sa tinuod, kon usa kaninyo **mosulti** niini nga bukid, “Lakaw, ambak sa imong kaugalingon didto sa dagat,” ug dili magduhaduha sulod sa iyang kasingkasing apan **motoo** nga unsay **iyang isulti** mahitabo, kini mahitabo alang kaniya.*

— MARCOS 11:23

Usbon ko, ang galab sa Marcos kapitulo 4 mao ang imong pulong! Sa panahon nga si Marcos naghigut ug galab sa kapitulo 4, naghigut kini sa proseso sa pagtoo kon unsaon pag-angkon niini. Nag-ingon kini nga kon ang binhi magulang na, imoha na siyang galabon tungod kay ang tig-ani miabot na. Ang ting-ani miabot na tungod kay anaa kana sa pagtoo, nga nag-uyon sa langit uban sa imong kasingkasing. Ang bersikulo 11 sa Marcos nagdala usab sa mao ra gihapong prinsipyo. Ang imong kasingkasing nagtoo sa Pulong, unya ikaw mosulti ug buhian ang pagbulot-an sa langit. Pero timan-i kon unsay gisulti, “*motoo nga kon unsay iyang gisulti mahitabo.*” Ang pagsulay sa pagtoo anaa sa kon motoo ka sa kon unsay imong gisulti. Kay ang pagsulti o pagkompisal sa Pulong sa Dios dili kini pagtoo kon mao lang kana ang anaa. Gawas kon ang imong kasingkasing anaa na sa pag-uyon uban sa langit, bisan pa og magkompisal ka hangtud molagom na ang imong nawong, wala gayuy mahitabo. Ato bang susihon ang atong pagkumpisal o ang atong kasingkasing?

Ang maayong tawo magdala ug maayong butang gikan sa mga maayo nga gitipigan niya sa iyang kasingkasing, ug ang dautang tawo magdala ug dautang butang gikan sa mga dautan nga iyang gitipigan sa iyang kasingkasing. Kay unsay nag-awas sa iyang kasingkasing ang baba mosulti.

—LUCAS 6:45

Labaw sa tanan, bantayi ang imong kasingkasing, kay kini mao ang tinubdan sa kinabuhi. Isalikway ang kahugawan gikan sa imong baba; bantayi nga ang mga dautang mga pulong mahilayo sa imong mga ngabil.

—PANULTIHON 4:23-24

Klaro nga atong makita nga unsa gani ang atong ipamulong nagagikan sa atong kasingkasing ug unsa ang gituohan niini. Pinaagi sa pagsunod sa proseso sa Marcos kapitulo 4, nakabalo na kita kon unsaon pag-usab sa gituohan sa atong kasingkasing ug dalhon kini nga mahan-ay uban sa langit ug sa pagtoo. Unya sa dihang kita kombinsido na kaayo, atong kuhaon ang galab uban sa atong mga pulong ug lihok na dayon. Nakuha nimo? Maayo, sigi magpadayon na ta.

Samtang magpadayon ta sa atong paghisgut sa pagtoo, gusto kong maghimo ug pangutana nga kinahanglan imong tubagon.

Unsaon Nako Pagkahibalo kon Ako Anaa ba sa Pagtoo?

Kini usa ka dakong pangutana ug usa kini nga **kinahanglan** mong mahibaw-an kay imposible ang pag-ampo sa pag-ampo sa pagtoo kon una sa tanan wala kay pagtoo. Adunay daghang paagi sa pag-ila kon anaa kaba sa pagtoo o wala. Adunay daghang ilhanan nga kinahanglan nga imong mahibaw-an ug imong sutaon. Makahimo ka ug daghang dili maayo nga mga desisyon tungod sa kahadlok sa dihang ikaw wala sa pagtoo. Ang mga desisyon binasi sa kahadlok mopugong kanimo uban sa mga tunglo sa yuta ug mahimo kining hinungdan nga dili mo matuman ang plano sa Dios kanimo. Unsa gyud diay ang ebidensya nga ikaw anaa sa pagtoo? Ang unang timailhan sayon kaayo, pwede nimong mabalikan kon unsa ang atong pagpasabot sa pagtoo ug sa pagsabot nga kon ikaw tinood gayud nga nakombensi diha sa imong kasingkasing nga kini mao ang tinuod nga susi niini. Apan adunay daghang panahon nga kita maghunahuna nga nakombensi na ta apan pag-uyon lang diha sa atong hunahuna uban sa Pulong apan dili sa atong kasingkasing. Kinahanglan imo makita ang kalahian niini. Kay kon ikaw nakombinsi na gayud pag-ayo kini anaa, labaw sa tanan, pag-uyon sa hunahuna sa kon unsa ang gisulti sa Pulong ug usab nahibalo nga siya sigurado, usa ka pagsali nga modala ug kalinaw ug pagdahum.

Karon ang pagtoo mao ang pasalig sa atong gilauman ug pagkasisgurado sa mga butang nga wala pa nato makita.

— HEBREOHANON 11:1

Kon aduna kay ebidensya nga anaa ka niini nga butang, gikinahanglan pa ba nimo nga makasiguro ka nga anaa ka niana? Dili na gayud. Usbon ko, nga kon anaa ka na sa pagtoo, adunay kahibalo, kalinaw, ug pasalig nga aduna ka nay Pulong sa Dios nga nadawat, bisan tuod wala pa nimo kini makita. Daghang mga tawo nga nagsulti niini: “Kabalo ko, nga kabalo ko, nga kabalo ko nga anaa na kini kanako.” Kini nga kahibalo nagagikan sa sulod ug dili sa mga panghitabo nga gisulti kanimo. Kini mao ang imong tawhanong espiritu o imong kasingkasing. Ang kahadlok nawala na, wala na ang pagduhaduha nga pagbati sa kabalaka nga naghasol sa imong hunahuna; kay kabalo ka nga nahuman o natuman na.

Ang laing bahin nga ikaw anaa na sa pagtoo mao ang kalipay ug

pagdahum. Ang imong tubag anaa dinhi. Anaa na ikaw niini! Ang pagtoo labaw pa sa pagbati o pagsalig, bisan tuod anaa ka niana. Kinahanglan kabalo ka modepensa sa imong espirituhanong posisyon. Sa dihang mosulti ko niana, hunahunaa ang usa ka korte ug daw ikaw usa ka abugado nga nag-imbistigar sa usa ka saksi. Nganong nagtoo ka sa imong gituohan bahin sa imong sitwasyon? Unsaon nimo pagdepensa ang imong posisyon? Adunay lamay usa ka tubag niini, ang Pulong sa Dios.

Pananglitan, kon adunay mianha sa imong balay unya miingon, “Brod, pahawa sa akong balay,” moingon ka ba nga, “Oy, pasayloa ko: hatagi sa ko ug usa ka adlaw, ug mamahawa dayon me?” Dili oy, dili gyud ka moingon niana; Siguro mokatawa ka. Pero unya kon ang usa ka tawo moingon, “Dili, kay ako kining balaya; pahawa diri o kon dili ka mopahawa ako kang kasuhan sa korte,” sigurado ang imong tubag, “sige malipay ko kon magkita ta sa korte!” Unya sa panahon na sa paghusay, kalma ka kaayong mopakita sa maghuhukom sa imong mga gihimo. Unya ang maghuhukom iyang tan-awon kini ug arestohon ang tao tungod sa pagpang haras ug pabayron sa tanang bayronon sa korte. Ug ang imong kompanyansa na establisar dili tungod sa imong gibati kondili sa balaod ug sa mga pamatuod nga ikaw mao ang tag-iya sa balay.

Kon maghisgut ta bahin sa pagtoo, akong nakaplagan nga daghang mga panahon nga adunay mga tawo nga wala nakasabot kon unsa gayud ang pagtoo ug sayon ra kaayo silang malibog pinaagi sa pagbutang sa ilang pagsalig diha sa mga buhat imbis unta diha sa ilang pinaka tinobdan sa ilang pagtoo, nga mao ang Pulong sa Dios uban sa tinud-anay nga gahum sa gingharian sa Dios, nga gikan sa kasingkasing nga siya masalingong nakombinsi gayud. Sama pananglitan, kon nagtanum ka ug kwarta sa Gingharian sa Dios, unya mangutana ko sa imo, nganong nagtoo ka nga makadawat ka ug balos sa imong gihatag, ang imong tubag mao gyud kini, “Tungod kay niadtong higayuna

KARON ANG PAGTOO MAO ANG PASALIG SA ATONG GILAUMAN UG PAGKASIGURADO SA MGA BUTANG NGA WALA PA NATO MAKITA.

— HEBREOHANON 11:1

naghatag ko ug kwarta.” Kana nga pagkasulti nagtan-aw lamang sa imong gibuhay, ang pormula, ug wala naghawid sa kasiguraduhan. Kay ang imong kasiguruhan nagagikan lamang kini sa Pulong sa Dios.

Dili na nako maihap ang gidaghanon sa mga tawo nga akong naampoan bahin niana ug sa dihang pangutan-on nako nganong nagtoo sila nga makadawat samtang akong ampoan ang uban igo lang motan-aw kanako ug walay ikatubag. Sa dihang akong pangutan-on nga nangita ko sa ilang pagtoo, ang ilang pakig-uyon sa langit, gusto kong makadungog sa ilaha nga moingon, “Kabalo ko nga makadawat ko tungod kay ang Dios nagsaad kanako, mao nga maako gyud kini.” May timailhan nga kon dili sila makahatag ug bersekulo, wala sila naka angkla ug wala silay giya asa paingon ang barko.

Hinumdomi, ang pagtoo mopakita lang sa dihang imong mahibaw-an ang kabubut-on sa Dios. Ngano man? Tungod kay ang pagtoo mapadayag lang sa dihang ang imong kasingkasing anaa na sa pakig-uyon sa kabubut-on sa Dios. Nagtoo ko nga daghang mga tawo naghunahuna nga sila anaa sa pagtoo apan sa tinuod wala pa gayud. Usbon ko, ang ilang mga hunahuna posibli nga nag-uyon nga ang Pulong sa Dios tinood ug maayo, apan ang pagtoo moabot lamang kon ang ilang kasingkasing kominsido na gyud kaayo. Kadaghanan, ang ilang mga hunahuna miuyon sa Pulong sa Dios, apan ang ilang kasingkasing wala pa napahiluna.

Aduna koy maayong ilustrasyon kon unsa ang akong boot ipasabot, nga mopakita daghan ang nahunahuna nga anaa na sila sa pagtoo apan wala diay. Unsa kaha kon akong isulti sa imo nga akong nakaplagan nga ang langit dili blue ang kolor, sama sa giingon sa mga tawo, apan ang kolor nga ilang giingon nga blue kini diay yellow? Sa laing pagkasulti, gitudloan ta nga kon unsa ang atong gitudlo dili tinood sa tibook natong kinabuhi bahin sa mga kolor ug kadtong blue nga gitudlo dili blue, yellow diay. Unsa may imong buhaton? Imo ba ning dawaton nga nakuratan ka unya imong kuhaon ang imong cellphone unya imong tawagan ang imong maistra ug magbiaybiay kanila nga moingon nga gilibog ninyo ang akong kinabuhi, nga nagtudlo sa tanang kolor pero dili diay mao? Sa akong hunahuna murag dili. Wala kay bati-on nga kahadlok o drama. Imong hunahunaon nga usa lang ko ka buangbuang nga tawo, unya imong papason ang komento ingon nga usa ka walay katarungan, ug mopadayon sa imong ginahimo. Ngano man? Tungod kay ikaw kombensido gayud nga ang blue usa gyud ka blue!

Karon, akong ikumpara ang akong ehemplo sa atong paghisgut sa pagtoo. Unsa man kon ikaw nakumbinsi pag-ayo kon unsay gisulti sa Dios bahin sa kaayuhan, unya ang Doktor moingon sa imo nga mamatay ka tungod sa imong kanser? Tan-awon ba nimo ang doktor ug maghunahuna nga nabuang siya tungod kay nakabalo ka nga dili kini tinuod nga mahitabo. Ngano man? Tungod kay kombensi kaayo ka sa gihatag nga kaayuhan nga gibayran ni Ginoong Jesus. Nakita ba nimo kini? Hinoon daghang mga tawo mag-ampo. Apan sa dihang sila gi-examin na, akong nakita nga ang ilang pag-ampo sa pagtoo dili pag-ampo sa pagtoo apan sa paglaom, nga uban kanila dili sigurado sa resulta. Higala, mao nga kinahanglang atong lig-onon ang atong kaugalingon uban sa Pulong sa Dios. Kinahanglang mahibalo kita kon unsa ang kabubut-on sa Dios aron kita mahimong masaligon gayud sa kon unsa ang iyang gisulti, aron atong isalikway ang dili niya kabubut-on. Hatagan ko kamo ug ehemplo sa akong kaugalingon mismo nga nagtug-an kon unsa ka importante nga makakaon ta sa kon unsa ang gisulti sa Dios sa atong kinabuhi.

Naay higayon nga gikapoy kaayo ko, ingon nga perting bisiha nako sa mga milabay nga mga semana ingon nga usa ka tag-iya ug negosyo (kini sa wala pa ko nagpastor ug usa ka simbahan.) Ang akong panahon puno kaayo sa mga tawag ug pagpamaligya, ug labaw sa tanan diha sa panginahanglan sa kwarta ug unsaon usab nga modako ang kita. Miadto ko sa akong dentista para sa naandang pakonsulta. Ang tanan normal hangtud nga ang doktor naginjection sa ako ug Novocaine. Samtang iyang gitusok na ang dagom, adunay usa ka kalit nako nga pag-igking, unya dihadhiha ang akong bag-ang naminhod dayon, nga unta hinayhinay lang dapat. Natingala kaayo ko ug nangutana ko sa dentist kon unsay nahitabo. Unya miingon siya, “Ah, siguro akong natuslokan ang ugat.” Unya ako dayon siyang gipangutana, “Normal ba na Doc?” Unya miingon siya niini nga mga pulong, “Hinoon, kini maayo raman dayon.” Unsa? Tinuod ba ang nadungog nako sa iyaha? “Miingon ko, Doktor, unsay buot nimo ipasabot nga maayo ra man dayon?” Miingon siya, “kasagaran mga 80 porsento hangtod 85 sa panahon, kini kompletong maayo na ug walay permanenting negatibong epekto niini.”

Unsa? Unya dihadhiha ang kahadlok miabot kanako. Karon unsa naman? Maayo pa ba kaha ni? Ang akong hunahuna nagsugod kaputos

sa kabalaka uban sa kahadlok nga pagbati. Human sa akong pag-adto sa doktor nagpabiling binhod pa gihapon kaayo ang akong nawong, dili pareha sa normal nga pag-adto sa doktor nga hinayhinay mawala dayon ang kabinhod niini. Mopaadtoay pa podko sa akong kliyente kay anaa pod mi meting ug mga usa ka oras pa ang byahe gikan sa klinika sa akong dentista nga akong gipakonsultahan. Mao nga anaa koy daghang

NIANA NGA PUNTO, KABALO KO NGA ANG AKOA LANG PAGLAOM MAO ANG PULONG SA DIOS.

oras sa pag hunahuna ngano man nga nahitabo to. Apan sa dalan palang paingon sa akong adtoan, anaa ko sa pag-agulo, dili sa laing sakit, pero sa kakulang sa kalinaw ug sa kahadlok nga nagtuyok-tuyok sa akong hunahuna.

Unya sa dalan paingon na sa akong pagpauli gikan sa akong miting, mihapit ko sa balay sa akong amigo. Pero ang akong nawong binhod pa gihapon, ug nangita ko ug kasiguruhan gikan sa laing tawo nga kining butanga maayo ra. Bantayi ang akong sayop, kay wala ko mitan-aw sa Pulong sa Dios didto hinoon ko sa tawong dili pa kaayo lig-on diha sa Ginoo mokuha ug kasiguruhan. Akong gisultihan kini nga tawo kon unsay nahitabo ug naghulat ko sa iyang tubag. “Unta moingon siya nga, dili man na dako kaayo nga problima Garry, mamaayo ra ka dayon ana!” Pero ang akong nadungog lahi. Siya miingon, “Hala! Naa koy amigo pareha ana ang nahitabo, ang iyang nawong wala na gyud naayo; ug ang iyang nawong naparalisar hangtod karon.” Dili ko makatoo sa kon unsay akong nadungog! Ang ako karong hunahuna anaa sa hilabihang kahadlok. Nagpakaarong ingnon ko nga ok lang gihapon ug nagpasalamat sa iyang panahon nga gihatag. Tungod sa kabalaka, miadto ko sa laing balay sa akong amigo ug nangutana sa pareha nga pangutana bahin sa akong kahimtang. Ug nadungog nako ang parehong tubag, “Hala,” sila miingon usab, “naa koy amigo nga mao pod sa nahitabo nimo ug ang iyang nawong wala na gyud maayo; ug ang iyang nawong naparalisar hangtod karong adlaw.”

Human niini nga mga pagbisita, nahuno’ na gyud ko. Kabalo ko nga ang Dios moayo (apan sa akong hunahuna), apan dili nako mapahawa ang kahadlok. Ang akong kasingkasing wala nakombinse. Niana nga gabii, anaa ko sa hilabihang agulo sa kasakit! Ang akong hunahuna puno na sa kahadlok, ug ang akong nawong nga binhod

lang gihapon sukad pa sa didto sa opisina sa dentista. Samtang naningkamot ko nga makatulog, misugod ko ug kabati'g sakit sa ilalom sa akong too nga dalonggan. Mao na ba ni? Ang akong papa nakigbisog sa pagkaparalisar tungod sa ugat sa nawong (Bell's palsy) mga duha na katuig, ug misulti siya nako nga nagsugod lang kini ug sakit ilalom sa iyang toong dalonggan. Ang pagkaparalisar sa ugat nahitabo sa dihang ang ugat nga nagkontrolar sa mga ugat sa nawong, nga nagpaingon sa mga gagmay'ng buho sa bukog nga anaa sa ilalom sa dalonggan, nahimong naipit sa usa ka impeksyon o paghubag.

Samtang naghigda ko nga naningkamot nga makatulog, ang tanan nga akong madungog gikan sa akong hunahuna, "Maparalisar ka pareho sa imong papa." Sa dihang mibangon ko ug sayo sa buntag, aduna na koy hingpit nga pagkaparalisar sa nawong! Kay karon, dili lang kay ang akong panga ang nagbinhod, ang akong nawong na tanan bisan sa too nga bahin nagbinhod na usab, ug dili na nako masirado ang akong mata ug baba. Wala na koy bili.

Miadto ko sa usa ka lokal nga doktor aron makomperma ang akong pag duda. Human sa pagsusi niini, mitan-aw siya nako ug miingon, ikaw adunay hingpit na nga pagkaparalisar sa imong nawong. Unya miingon ko, unsa may sunod nga mahitabo niini?" Miingon siya, Hinoon sa 80 hangtod 85 porsento niini nga mga kaso, mangaayo man nga dili na permaniting maparalitiko." Misulti ba siya sa kon unsa ang akong ginahunahuna nga iyang isulti?"

Niadto nga bahin, kabalo ko nga anaa ko dakung problema. Kabalo ko nga ang dautan dili muhonong didto, ug dili ko gustong makakita kon unsay mahitabo pa sa sunod. Aduna na koy nahibaw-an bahin espirituhanong pakigbugno nga sa akong pagkaamgo, ako paingon na sa dili maayong direksyon. Hinumdumi, mga pila pa ka tuig usa ko pa kini nasabtan kon usa kini. Apan igo ang pagkasayud nga nakaamgo ko ako ning bugnoon pinaagi sa espiritwal kon buot kining mabuntog. Ako usab nakabalo nga usa kini ka paagi sa demonyo aron paggapos kanako sa dihang gikapoy ako ug wala magdahum ug mga kagubot.

Niadto nga punto, nahibalo ko nga ang akong pinakapaglaom mao ang Pulong sa Dios. Sa akong kaugalingon wala koy abilidad sa pagpahunong sa kahadlok nga nagdaghan sa akong hunahuna. Mao nga nagsulat ko diha sa 3x5 nga sulatanan ug mga bersekulo sa kaayuhan ug gibutang nako kini sa tanang bahin sa akong balay. Naghinolsol ko

diha sa Ginoo ug nagsugod sa proseso sa pagdevelop sa akong pagtoo diha sa akong kasingkasing. Kabalo ko nga magsugod ko ug tanum sa pulong sa Dios diha sa akong kasingkasing aron maamuma ang akong pagtoo, aron ako makahimo sa pagpamalandong sa Pulong sa Dios sa tibook nga adlaw.

Sa sinugdan walay nausab. Ang akong nawong nagpabilin nga naminhod, ug kanunay kong nakigbugno sa espiritu sa kahadlok. Human sa mga usa ka semana, nga wala gihapoy nausab sa akong nawong, nahitabo na! Sama sa proseso sa atong bersikulo sa Marcos 4:26 nga nagtudlo, samtang ako nagpugas sa Pulong diha sa akong kasingkasing, ang pagtoo misugod sa pagkaporma, una ang pagturok, unya ang lawas niini, ang ulo niini, ug sunod ang liso sa iyang ulo niini.

Pinaagi niining kinatibuk-ang proseso, wala pay panag-uyon ug wala pay pagtoo nga nahitabo. Hinoon, bisan wala pa koy nakita nga kausaban o kahibalo niini nga proseso nga namuhat, sumala sa atong bersekulo diha sa Marcos 4, ang mga butang nagakausab. Ang kausaban nga gihisgutan dili diha sa makita sa natural nga paagi, apan ang kausaban anaa nagakahitabo sa atong kasingkasing. Kon mogunit kita sa Pulong sa Dios, ang Pulong mismo maoy maghinay-hinay ug usab sa sistema sa pagtoo sa atong kasingkasing gikan sa pagkadili matinuohon ngadto sa pagpakig-uyon uban sa langit ug sa tanan nga anaa niini. Busa niini nga kahimtang, akong gikuotan ang Pulong, kay nahibalo ko nga mao lamang kini ang akong tubag.

Sa kalit lang, usa ka adlaw niana, samtang naglakaw ko sa akong balay uban sa mga nasulat nga mga bersikulo sa 3x5 nga sulatanan nga akong gipapilit sa mga bungbong sa akong balay, akong nakita ang usa ka bersikulo nga kadaghan na nako nakita, apan niini nga higayon sa dihang ako kining gitan-aw, BAM! Diha diha, ang dihog miabot kanako, ang kahadlok mikalagiw, ug NAKABALO ko nga naayo na ako. Tinood, ang akong nawong naminhod pa gihapon,. Walay nausab, pero nahibalo ko nga ako giayo na. Human sa mga pipila ka oras, ang akong nawong kumpleto na nga normal, ug ang tanang mga paminhod nawala na usab kini. Dalaygon ang Dios! Ang Pulong namuhat!

Bisan tuod akong gitugutan ang akong kinabuhing espirtual nga naluya tungod sa pagsalikway ug sa pagkabisi, akong naamguhan ang akong sayop ug dihadiha naghinolsol dayon ko gikan sa akong kabuang. Kini nahitabo sa dihang nagsugod pa ako ug toon kon

unsaon pagpanglihok sa pagtoo. Ug wala koy daghang kasinatian niini nga bahin. Akong gitan-aw ug balik kon unsa ang akong mga nabuhat, nangutana sa mga tawo bahin sa akong umaabot kon anaa ko sa mga pagsulay imbis unta mopadayon nga tul-id sa Pulong sa Dios nga morag sama sa nabuang. Sa dihang akong nasabtan kon unsa ang mga nahitabo, ako mibalik sa Pulong sa Dios uban sa pagsalig. Kasagaran, daghang mga tawo dili sila nagasalig sa proseso tungod kay wala gayud sila natudloan bahin sa pagtoo ug giunsa niini pag-abot. Tungod kay wala sila kabalo sa proseso, sa dihang anaa sila ilalom sa kalisod, ilang talikdan ang Pulong, kay naghunahuna sila nga kini wala namuhat kanila.

Sabta ang Sumbalik nga Atake sa Yawa

Si Christine miabot sa among simbahan nga wala kaayoy kahibalo bahin sa Dios. Natawo siya pag-usab sa usa sa among serbisyo sa buntag ug ang iyang kinabuhi nausab gayud pag-ayo. Diha sa among simbahan adunay pagpasabot bahin sa Gingharian sa Dios nga pagtoon. Usa sa mga bahin niini nagtudlo ug naghisgut mi bahin sa legal nga katungod sa pagdawat ug kaayuhan. Si Christin adunay problema sa iyang pagdungog sulod na sa daghang mga tuig. Gani tungod ana, aduna siyay hearing aid sulod sa 40 ka tuig ug nawala na ang 50% sa iyang pandungog. Ang iyang mama bungol usab, ug ang iya usab nga igsoon nag-antus usab sa pareha nga sitwasyon nga nawala ang pagdungog. Sa dihang nadungog kini ni Christine, ingon nga magtotoo, nga siya aduna diay legal nga katungod aron mamaayo, siya naghinamhinam gayud!

Diha sa akong klasi, ang akong asawa mipandong sa iyang kamot ngadto kaniya ug nag-ampo nga ang iyang pandungog maabli, ug dihadiha dayon, nakadungog na siya. Si Christine nagsugod ug tiyabaw ug mihilak ug nagdayeg sa Dios. Sa dihang ang akong asawa, nga si Drenda, ug Christine miabot ug nagsulti kanako sa maayong balita, akong gibati nga pahimangnoan siya sa sumbalik sa yawa. Akong giingnan si Drenda nga sultihan siya nga kon ang sintomas musugod ug balik ngadto kaniya kinahanglan iyang sultihan ang yawa nga mopahawa. Pagkasunod buntag ang pagsulay miabot gyud. Ang iyang pandungog mihinay na pod nga dili na kaayo siya makadungog. Iyang gibuhat ang among gisulti kaniya, “DILI! Satanas, dili ko modawat

niini. Maayo na ako ug giayo na, sa ngalan ni Jesus!” Dihadiha ang iyang dalunggan naabli ug nagpabiling abli hangtod karon.

Hinumdomi nga si satanas musumbalik ug atake ug musulay sa pagkuha ug usab sa iyang teritoryo. Ayaw tuguti siya nga mohimo niini. Barug diha sa Pulong sa Ginoo!

Niini nga kapitulo, naghatag ko ug panahon sa paghatag ug yanong pagpasabot kon unsa ang pagtoo, giunsa kini pagpamuhat, unsaon pagkahibalo kon anaa ka ba sa pagtoo, ug asa makakuha ug pagtoo. Aron ang Ginghamlan sa Dios makapamuhat sa imong kinabuhi, kinahanglan nga makabalo ikaw niini. Hinumdumi, si Jesus misulti sa babaye, “Ang imong pagtoo maoy nakapaayo kanimo.” Ug mao nga kini maana usab kanimo: ang imong pagtoo, nga ang imong kasingkasing nga kombinsido na kaayo sa kon unsay gisulti sa langit, ug gikuptan ang galab ug kini mahimong imong tubag sa lainlaing problema o panginahanglan nga imong atubangon sa kinabuhi.

KAPITULO 6

ANG PANALANGIN SA GINOO

Naglingkod ko sa usa ka restawran uban sa akong asawa ug sa among inimitar nga magwawali. Mga alas 10:00 na kadto sa gabii, ug bag-o lang mi nahuman sa usa ka nindot kaayo nga serbisyo ana nga gabii. Unya ang waiter midool kanamo aron kuhaon ang among mga gisulat nga mga order. Ang among inimitar nga magwawali misugod ug sulti sa waiter unsa ka nindot kaayo ang among nahuman nga serbisyo nga nahitabo sa among simbahan. Unya siya miingon, “Gusto kaba nga mangayam?” Unya ang waiter miingon nga gusto pod siyang mangayam. Ang akong inimitar nga magwawali kanunay gayud malipay bahin sa istorya sa akong pagpangayam, ug gani tungod ana, akoa siyang gitagaan nianang gabhiuna sa akong libro nga *Faith Hunt* aron madala sa ilang balay alang sa iyang amiga. Anaa na sa ako kamot ang libro nga andam nang ipadala kaniya nga anaa sa salog.

Ang waiter nagpadayon sa pagsulti usab sa iyang pagpangayam apan wala pa gyud daw siya makakuha ug binaw. Ako ug ang akong inimitar nga magwawali misugod sa pagpasabot kaniya bahin sa Ginghamarian sa Dios kon giunsa niini pagpamuhat ug pwede siyang magdahum sa iyang binaw kon panahon nga siya mangayam na. Wala siyay kahibalo kon kinsa kami. Pero nahinumdoman nako ang libro nga akong gikuptan mao nga akoa kining gihanyag nga ihatag sa iyaha. Ug akong giingnan ang akong inimitar nga magwawali nga magkuha na lang ko ug laing kopya ug siya miuyon niini. Ug unya ang waiter nagpasalamat kanako ug misaad nga iyang tan-awon ang libro, pero sa

akong hunahuna mao na to ang ulahing higayon nga makadungog ko niya, apan dili diay.

Unya human sa usa ka tuig ang milabay, ang mao gihapon nga magwawali miabot sa among simbahan ug nag-ingon nga giganahan siyaadtong restawran nga among gikan-an sa una ug nangutana nga pwede pa ba ming mangadto didto. Mao nga miadto na pod mi. Sa dihang nanglingkod na mi, nasurpresa mi nga ang parehong waiter namo sa miaging tuig maoy miatiman na pod namo. Sa dihang mipaingon na siya namo, mitan-aw siya kanamo ug miingon, “Oy, dili ba kamo man tong nianhi atong miaging tuig, ug naghigut ta sa pagpangayam ug binaw?” Miingon mi nga, “Oo, nakahinumdom mi.” Miingon siya, “Akong gibasa ang libro nga imong gihatag kanako, ug akong gibuhat kon unsay gisulti didto. Nakakuha ko ug duha ka binaw niadtong miaging tuig ug nagdahum ko nga makakuha napod ko ug isa karon nga tuig.” Nalipay kaayo mi nga nakadungog sa iyang estorya pero wala nami nasurpresa. Kay ang Gingharian sa Dios mamuhat man sa tanang panahon!

Naghimo ko ug meting sa mga 25 ka mga pastor, nga nagpasabot bahin sa Gingharian sa Dios kon giunsa kini pagpamuhat. Usa kini kaayo kanindot nga meting. Sa dihang hapit na ko mobiya sa lugar nga among gitiguman ug ang akong tauhan nanghipos na, usa sa mga pastor mibalik. Unya siya ug ang iyang asawa midool sa akong asawa ug naghangyo kon pwede ba silang makig-estorya kanamo. Unya ang pastor misugod sa pag-estorya kanamo nga ang ilang balay imbarguhonon na sa katapusan sa semana gawas kon sila makabayad sa kantidad nga \$6,900 ka dolyares. Iyang gipasabot nga wala siyay laing kwarta gawas sa \$100 ka dolyares nga iyang gigunitan na sa iyang kamot. “Mao nalang gyud ni ang anaa kanako,” miingon siya, “apan buot nako nga itanum kini sama sa imong gitudlo kanamo karong gabhiuna, ug gusto namo nga kamong duha sa imong asawa muoyon uban namo sa kwarta nga among gikinahanglan niini nga semana.” Mao nga among gihiusa pagkoptanay ang among mga kamot ug nag-ampo ug nagpasalamat sa Dios bahin sa kwarta nga ilang gikinahanglan.

Mga usa ka bulan ang milabay, akong nakita ang maong pastor sa lain na pod nga panagtigum, unya midool siya kanako nga malipayon na kaayo. Miingon siya, “Anaa koy isulti sa imo kon unsay nahitabo, wala nako ni gisulti sa imoha kadtong nagka-istorya ta sa una, kay

ang akong asawa ug ako aduna mi gamay nga silk screen T-shirt nga negosyo nga among gihimo diha lang sa among garahe. Wala kaayo mi naghimo ug daghan niini, pero usahay anaay talagsa nga mag-order gihapon sa amoa. Apan niadtong adlaw human sa atong pag-ampo, nakadawat mi ug daghang mga order nga miabot sa kantidad nga \$8,900 ka dolyares. Kinahanglan motrabaho mi sa hilabihan niini nga semana, apan niadtong bernes, anaa na miy \$6,900 ka dolyares nga among gikinahanglang ibayad sa among balay. Salamat kaayo!” Anaa ko niadto sa usa ka konperensya sa mga pastor didto sa North Carolina nga dunay mitambong nga mga 500 ka mga pastor. Wala ko nagwali kay mitambong lang man ko. Adunay usa ka tawo nga midool kanako ug nag-ingon nga kinahanglan kaayo kong makig-istorya kanimo, “Usa siya ka pastor gikan sa Germany, ug siya miingon nga aduna siyay isulti kanako nga makahinam kaayo.

Ang iyang anak nga mag-ulitawhay na, nakakuha ug usa sa akong mga CD. Ug diha human sa ilang pagpaminaw niini, midisisyon siya nga makadawat ug usa ka playstation 3 pinaagi sa pagtoo tungod kay wala pa man siyay kwarta nga ikapalit niini, nagsalig ko nga ang matag-usa nakaila kon unsa nang Play Station 3, apan kon wala mo nakaila niini, kini mao ang usa ka computer nga dula. Ug ang pastor misulti kanako nga usa ka adlaw niana ang iyang anak miadto sa iyang opisina ug naghangyo kaniya kon muoyon ba siya uban kaniya bahin sa Play Station 3. Ang batan-on nagpasabot niini ngadto sa iyang amahan nga adunay siyay nakat-onan sa akong gitudlo nga nadungog niya sa akong mga CD ug gustong magtanum ug usa ka binhi ug mag-ampo uban sa iyang papa bahin niini. Mao nga ang pastor nagsulti nga wala kaayo ni niya hatagi ug dakong pagtagad, apan ingon nga pastor sa usa ka simbahan, gidawat niya ang usa ka binhi gikan sa iyang anak, usa ka salapianong hatag para sa simbahan. Siya ug ang iyang anak nga lalake nag-ampo ug nag-uyon nga madawat niya ang Play Station 3, ug ilang gituohan nga kini tubangon gayod sa Dios.

Pagka sunod nga adlaw, adunay usa ka tawo nga membro sa ilang simbahan mitawag sa ilang pastor ug nangutana kon pwede ba nga ang iyang anak masuholan ug pila ka kantidad aron motabang sa iyahang proyekto kay kinahanglan siya nga adunay motabang kaniya. Ang iyang anak nga lalake nalipay kaayo ug bisan pa niini nakatigum siya ug gamay nga kwarta sa duha ka adlaw nga trabaho nga igong ikapalit sa iyang Play Station 3.

Nakakuha kini sa pagtagad sa iyang anak nga lalake, ug milabay ang mga duha ka semana, ang pastor miingon nga ang iyang anak miadto na usab sa iyang opisina ug naghangyo kaniya nga kung pwede iyang na pod uyonan siya alang sa usa pa ka laing butang. Ug ang pastor miingon kanako, “Sigi muoyon ko sa imo,” apan nasurpresa siya gamay kay ang gipangayo sa iyang anak nga tagaan unta siya sa Dios ug dagko nga mga bukton. Ang pastor misulti kanako nga wala siya kabalo kon unsaon niya pagsulti sa insakto ngadto sa iyang anak. Pero, iyang gisultihan ang iyang anak nga buhaton niya ang iyang bahin sa gipangayo nga modako ang iyang mga bukton ug mouyon kaniya kon iyang nasabtan kini. Unya ang iyang anak miuyon. Mao nga sa makausa ang iyang anak mitanum na pod para sa pagdako sa iyang mga bukton, ug nag-uyon sila sa mga pag-ampo bahin niini.

Pagkasunod nga adlaw, usa ka sakyanan ang miabot parkinganan sa pastor. Kini usa ka pamilya sa simbahan, sa dihang giadto sa pastor aron estoryahon sila, sila miingon nga ilang limpyuhan ang ilang garahe ug aduna silay usa ka set nga barbell nga ilang gihunahuna gusto nila nga ang anak sa pastor maoy makaangkon unta niini. Kay kon dili basin ang pastor nahibalo kinsa diha sa simbahan nga gusto niini. Ug ang pastor nag-ingon nga walay nakabalo sa tinguha sa ilang anak nga makabaton ug dagko nga mga bukton nga kagabii lang nila giampo. Ang pastor miingon nako nga sila nakuratan kaayo! Miuli siya sa ilang balay ug miingon sa iyang anak nga lalake, “Anak asa man tong mga CD?”

Kini nga mga istorya kumon na kaayo. Ako na ning nadungog sa daghang higayon, apan gusto nako nga kini mahimong kumon usab sa inyong kinabuhi. Hinoon ato nang na establisar ug nahisgutan ang daghang mga yawi kon giunsa sa balaod sa gingharian sa Dios pagpamuhat, ug uban usab sa kon giunsa pag-uyon sa pagtoo nga gikinahanglan sa langit aron kita makakuha ug legalidad unsaon pagsakop dinhi sa kalibutan. Karon, mopaingon kita sa pagpalawon ug gamay sa klaro gayud ko giunsa niini nga mga balaod sa Gingharian sa pagtabang sa atong panginahanglan diha sa salapianong bahin.

Ang panalangin sa Ginoo makadato, ug wala Siya nagdugang ug kagul-anan niini.

—PANULTIHON 10:22

Sa una nakong pagkakita niini nga bersikulo, akong gihunahuna, “Siguro, wala kini nagpasabot sa unsay aktual nga gisulti niini, dili ba?” Apan akong nakaplagan nga insakto gayud ang sa kon unsay gisulti niini! Aron atong masabtan kon unsay gipasabot niini nga bersekulo, kinahanglan atong lantawon kini sa sinugdanan, sa dihang ang tawo gihimo.

Giingon hinuon sa usa ka bahin sa Kasulatan: “O Dios, unsa ba ang tawo nga gitagad mo man siya? Unsa ba gayod ang tawo nga nag-amoma ka man kaniya? Gibuhat mo siya sa makadiyot nga ubos lamang ug diyutay sa mga anghel; gihatagan mo siyang himaya ug dungog nga angay lamang sa hari, ug gihimo mo siyang magbubuot sa tanang butang.” Giingon sa Kasulatan nga gihimo sa Dios ang tawo nga magbubuot sa tanang butang busa naglakip kini sa tanan. Apan karon wala nato makita nga ang tawo maoy nagbuot sa tanang mga butang. ‘

— MGA HEBREOHANON 2:6-8

Ato nang nabasa kini nga kasulatan, apan kini usa ka kritikal nga bahin sa atong paghisgut karon. Ug sa atong pagsubay niini pag-usab, sa dihang ang tawo gibuhhat, ang tanan dinhi sa yuta nailalom sa iyang pagdumala. Wala gayuy usa ka butang nga wala nailalom sa iyang pagdumala. Iyang gidumalahan ang kalibutan gikan sa gihatag nga awtoridad ug gisul-ob ang korona sa panggoberno nga iyang gi representaran. Siya gisininaan uban sa dihog ug gitahog sa lugar nga iyang gisakupan sa pagbulot-an. Si Satanas, nga nagrebelde sa Dios, nahagbong na sa kalibutan sa wala pa si Adan nagpakita. Si Satanas nagbiaybiay sa iyang kaugalingon ingon nga siya gidumalahan na sa tawo nga nagsul-ob sa korona sa pagbulot-an nga gikan sa Dios. Karon si Satanas kinahanglang mosabmitar niining pisikal nga binuhhat, gibuhhat diha sa lawasnon nga bahin ingon nga mas huyang kay kaniya. Bisan pa diha sa espirituhanong bahin, ang matag pulong nga gisulti ni Adan adunay samang awtoridad ingon nga sama ra nga ang Dios maoy nagsulti niini. Si Adan, ang anak sa Dios, nagdumala sa kalibutan gikan sa talagsaong

**“ANG PANALANGIN SA
GINOO MAKADATO, UG
WALA SIYA NAGDUGANG
UG KAGUL-ANAN NIINI.”**

— PANULTIHON 10:22

posisyon sa pagbulot-an ug kahalangdon.

Mao nga hilabihang sukua ni Satanas niini nga tawo ug naibog kaayo sa iyang awtoridad nga naangkon dinhi ibabaw sa kalibutan. Ug wala siyay laing solusyon kon dili ang pag-ilog sa korona nga anaa niini, ug ang posisyon nga gihatag sa tawo, nga mawala gikan kaniya. Aduna lamay usa ka gamay nga problima. Si Satanas walay gahum sa pagkuha sa maong korona gikan kang Adan; ang iyaha lamang paglaom aron makuha niya ang korona niini mao ang paglingla kang Adan sa paghukas niini. Pinaagi sa pagkombinse ni Eva nga ang Dios dili kasaligan nga kono ang kinabuhi aduna pay daghang butang kay sa gitanyag sa Dios, si Adan ug si Eba kinahanglan mopili kon kinsa ang ilang tuohan ug mao kini ang hinungdan nga sila nakahimo ug pagsupak batok sa Dios. Sa katapusan si Adan ug si Eba nawad-an sa ilang legal nga posisyon sa pagbulot-an diha sa Gingharian sa Dios, ug si Satanas nahimong dios niining kalibutana, sumala sa atong makita sa gisulti ni Pablo diha sa 2 Corinto.

Ang dios niining kalibutana nagbuta sa mga hunahuna sa mga dili magtotoo, aron sila dili makakita sa kahayag sa maayong balita sa himaya ni Cristo, nga mao ang dagway sa Dios.

— 2 CORINTO 4:4

Sa wala pa misupak si Adan, siya naglipay sa mga benepisyo ingon nga anak. Ang tanan nga gipanag-iya sa Dios iyaha usab alang sa iyang kalipay, ug wala siyay nahibaw-an nga adlaw nga siya adunay panginahanglan og kahadlok bisan usa ka adlaw sa iyang kinabuhi. Ang tanan nga iyang gikinahanglan aron mabuhi dinhi sa yuta anaa na sa wala pa siya gibuhat.

Kon atong tan-awon pag-usab sa ika unom ka adlaw diha sa libro sa Genesis, atong makaplagaan nga ang tawo gibuhat sa katapusan sa ika-unom ka adlaw, ang katapusang plano nga gibuhat sa Dios aron iyang ipahiluna. Ang iyang destinasyon mao nga pag-abot sa ika pito ka adlaw, nga mao ang adlaw nga gideklarar nga adlaw sa pagpahulay. Wala nagpasabot nga ang Dios gikapoy kon dili kay nahuman na Niya ug ang tanan nakompleto na. Hunahunaa daw sa kadali kon unsa ang nakompleto na sa Dios ug ang Iyang mahimayaong plano nga para sa tawo. Subo man palandongon, gihatag ni Adan kining tanan, ug diha sa proseso niini, nawad-an siya sa iyang legal nga katungod diha sa Gingharian.

Sa dihang ang Dios midool kaniya human sa iyang desisyon nga pagsupak, ang Dios miingon kang Adan:

*Matinunglo ang yuta tungod kanimo; pinaagi sa hilabihang paghago magakaon ka sa tanang panahon sa imong kinabuhi. Kini magpaturok ug mga sampinit ug mga kadyapa alang kanimo, ug magakaon ka sa mga tanum sa kapatagan. Pinaagi sa **singot sa imong nawong** magakaon ka sa imong mga pagkaon hangtod nga ikaw mubalik sa abog, ingon nga ikaw gibuhat gikan niini; kay gikan ka sa abog ug sa abog usab ikaw mopauli.*

—GENESIS 3:17B-19

Ang unang butang nga gusto nakong makita nimo nga ang Dios wala mitunglo sa kalibutan, si Adan maoy hinungdan niini. Si Adan maoy adunay kumpletong pagbulot-an bahin niini, siya maoy tigatiman niini, si Adan maoy adunay kompleto ug tinuod nga pagdumala sa kalibutan, nakahimo ug pagsupak batok sa panggoberno sa Dios ug mipapahawa sa Dios. Ug kadto nga desisyon adunay hilabihang epekto sa pagsangasanga niini dili lang sa kang Adan kondili sa tibook kalibutan ug sa tanang lalake ug babaye nga magpuyo sa kalibutan niadtong adlaw hangtod karon. Bisan tuod nagpabilin siya sa iyang gisakopan sa kalibutan nga gihatag sa Dios kaniya, iya na karong nakaplagan sa iyang kaugalingon nga siya wala nay gahum sa pagdumala ilalom sa korona ug panggoberno nga unta iyang girepresentaran kanhi nga mao untay nagpaluyo sa iyang pagdumala. Ingon nga nahilayo na sa nindot nga kinabuhi, karon ang kamatayon, nga wala gihunahuna ni Adan, mao nay mipuli. Apan ang Dios mikompronta kang Adan sa kon unsay iyang gihimo og nakigsulti gihapon kaniya, una sa tanan, pinaagi sa iyang sala, nawad-an na siya ug legal nga baruganan sa panggobyerno sa Dios. Ug tungod kay si Adan mao man ang representante sa gobyerno sa Dios dinhi sa kalibutan, ang langit nawad-an sa iyang legal nga representante pinaagi sa naangkon niini nga gisakupan dinhi sa kalibutan. Ikaduha, ang kalibutan naapektuhan mismo ug dili na makahimo sa paghatag ug panalangin sama sa una sa wala pa si Adan nakasala didto sa tanaman sa Eden. Karon ang paghago ug pagpasingot ni Adan tungod sa pagsupak gikinahanglan na aron ang yuta maghatag ug abot sa iyang gikinahanglan aron siya mabuhi. Ang mga tunok ug mga sagbot mao nay nanubo sa yuta mao nga ang kinabuhi lisod na; ug ang pagpaningkamot kabahin na usab sa kinabuhi.

Gitawag nako kini nga lisod nga dalan sa kinabuhi ug ang kanunay nga hunahuna sa paglahutay, nga natabonan sa aso sa kahadlok ug kamatayon, nga naghatag kabug-at sa matag tawo nga miabot human kang Adan, ang sistema sa pagkatinunglo sa yuta. Kining atong gidakam ug ang paagi sa paglahutay mao nay atong namat-an ug nahibaw-an pag-ayo. Ug si David nagtawag niini nga naglakaw sa walog sa landong sa kamatayon diha sa Salmo 23.

Oo, bisan ako nagalakaw latas sa walog sa kamatayon, ako walay kahadlok sa bisan unsang dautan, kay ikaw nga-uban kanako.

—SALMO 23:4A

Nahimo kini nga dapit diin ang kahadlok sa kamatayon mikuyanap sa kahanginan. Apan aduna pay laing dili maayo nga epekto. Ang tawo nawad-an na ug relasyon ngadto sa Dios, ug tungod niini, wala na siya kaila sa iyang kaugalingon—nawad-an siya sa iyang panlantaw sa katuyoan nganong siya gibuhay, bisan pa sa iyang bulohaton. Sa dihang gihimo ang tawo gitagaan siya ug katuyoan, usa ka bulohaton. Gipili siya sa pagdumala sa yuta alang sa Dios. Sa ato pa, aduna siyay bulohaton ug katuyoan nga gibutang sa Dios sa iyang kinabuhi. Apan karon ang hunahuna sa tawo anaa na lang sa paglahutay. Ang paglahutay mao na lamay iyang katuyoan ug ang nahimong bag-ong bulohaton alang sa paglahutay.

Karon, ang matagdesisyon nga pagahimoon sa tawo ginasala na pinaagi sa pagkatinunglo sa paglahutay, mao nga sila mangita o magtago na ug mga makaon. Wala nay kalinaw, kada adlaw puno na sa

SA SISTEMA SA PAGKATINUNGLO SA YUTA SA PAGLAHUTAY, ANG TANANG TAWO GIKAPOY NA SA PAGPANINGKAMOT.

kahago pinaagi sa pagpaningkamot ug sa pagpatulo ug singot. Ang usa ka paagi aron makalingkawas gikan sa kinabuhing tinunglo, ang gitawag nga “paglumba sa mga ilaga,” mao ang pagbaton og igong tinagong probisyon aron makapahulay kita. Mao kini ang damgo sa matag lalake ug babaye human sa pagkahagbong

sa tawo. Mao na kini ang numero uno nga tinguha sa tawo, aron maundang ang pagpakiglumbaanay sa kinabuhi. Ug karon ang swerting nakaangkon ug sobrang panalangin sa kinabuhi ilaha nang tagoan

uban sa pag-amping ug pagprotektar niini. Ilaa kining gitagoan kay nahadlok nga basin mahutdan, kay kon dili, mapugos sila o mahimo silang ulipon sa malisod nga paghago og pagpasingot na pod.

Mao nga ang tumong ug damgo karon sa mga tawo mao lamang kon unsaon sa paglahutay, sama sa akong ginaingon, mangita ug igong panalangin aron dili na siya mag-apas nga daw sama sa usa ka ulipon nga nagkinahanglan usab ug pahulay. Gusto kong makasiguro nga aduna na kamoy klarong pagsabot niini nga kamatuoran; Ang sistema sa pagkatinunglo sa yuta sa paglahutay, ang tanan gikapoy na sa pagpaningkamot.

Nakahinumdom ko nga adunay usa ka buntag nga naglingkod ko uban sa usa ka pastor. Iya kong gisultihan nga gihigugma kaayo niya ang buluhaton ug sa matag buntag musayo siya ug mata hangtod nga iyang nahinumduman ang iyang kahimtang sa salapianaong bahin, ang utang, ug ang pagkakulang sa kwarta. Miingon siya nga ang kahimtang sa iyang salapianong bahin daw sama sa usa ka basa nga habol nga gustong mopatay sa iyang kinabuhi ug mokawat sa tanang kalipay sa iyang buluhaton. Dili lang kay siya ra ang pastor nga nag-atubang sa sama niini nga sitwasyon. Morag mao na kini ang kinabuhi sa kadaghanang pamilya samtang sila nagkinabuhi ilalom sa utang, nga halos dili mag-abot ang ilang sweldo.

Ug ang matag-usa nangita ug dalan sa kasulbaran, pero ang dalan aron ikaw makagawas niini mao ang bahandi, ang pagbaton ug naghinubra niini. Sa ilalom sa sistema sa pagkatinunglo sa yuta, ang kahimtang sa tawo gisukod na sa kon unsa ang anaa nga kabtangan og sa kwarta nga iyang ginadawat. Una, ang tawo misulay sa pagtabon sa iyang pagkahubo, ang pagkawala sa iyang tinuod nga katuyoan nganong siya gibuhay, ug midawat na hinoon sa limbong. Karon gusto niyang ilisan ang dihog sa Dios, nga unta nagtabon kaniya nga adunay himaya ug bahandi. Ikaduha, gusto usab niyang pulihan ang gikoronahan niyang posisyon sa kadunungan, diin siya nahimong tigdumala sa Gingharian sa Dios, sa garbo sa kinabuhi og pagdumala sa mga tawo. Ang tawo natutok na lang sa usa ka tinguha—ang pagpangita o paghawid og mga bahandi. Ang iyang pagkatawo gisuko na lang sa kon unsa kadaghan ang iyang bahandi og unsa siya kagamhanan ibabaw sa uabng tawo. Ang estado og posisyon sa komunidad nahimo importanta kaayo aron mabayaw ang pagbati sa napukan nga tawo.

Hunahunaa kini, unsa may unang pangutana sa tawo nga iya usab ipangutana sa ubang tawo? “Unsa may imong panginabuhi?” Ngano man? Ingon ana ba gayud ta ka interesado niini? Dili kaayo oy, apan ang atong pangutana nagapahiluna sa atong lebel sa pagrespeto diha sa usa ka tawo. Sa laing pagkasulti, nangutana ta sa atong kaugalingon, “Kinsa man ning laing tawo? Unsa nga kahimtang ang iyang gikoptan dinhi sa kalibutan? Unsa ka dako ang respeto nga akong ihatag ngadto kaniya?” Karon, mga babaye, panlantaw lang ni sa usa ka lalaki. Nakaamgo lang ko nga kamo nga mga babaye lahi ug panlataw kon hisgotan ang pagkatawo sa usa ka tawo.

Karon ang epekto sa tunglo dinhi sa kalibutan nagapamuhat gihapon! Gisala sa mga tawo ang ilang mga desisyon pinaagi sa pagpangita o pagtago ug kwarta nga panlantaw. Ang mga tawo nagapaningkamot na nga sila makakuha ug maayo nga trabaho nga wala nay paghunahuna bahin sa ilang katuyoan ngano nga sila gibuhat. Ang matag-usa gusto nang mahimong sikat. Ngano man? Tungod kini sa kahimtang (kon kinsa ka) ug sa bahandi.

Adunay usa ka survey nga gihimo sa liboan ka mga estudyante bahin sa unsa nga trabaho ang ilang gustong kuhaon kon sila managko na. Mga 65 porsyento sa ilaha miingon nga gusto silang mahimong usa ka ilado nga tawo. Ilado? Niadtong ako kining gisusi, ang pagka-ilado dili usa ka trabaho.

Adunay laing pagtoon nga nakakaplag nga 30 porsyento sa mga magbubuhat galagot sila sa ilang trabaho, ug aduna usab laing 40 porsyento nga wala ganahi sa ilang mga trabaho. Mao nga anaa sa 70 porsyento sa mga nagtrabaho sa Amerika nga wala ganahi sa kon unsa ang ilang ginabuhat! Unya nganong anaa man na sila diha? Tungod kay sila mga ulipon aron lang mabuhi, nagkalisod sa paghago ug pagpatulo sa singot aron lang makalahutay. Ang katuyoan ug ang tinguha sa pagpamuhat dili na maoy hinungdan nga sila nagtrabaho, kon dili ang pagbayad na lang sa ilang mga bayronon. Ang pagka-ulipon sa panginahanglan aron mangita ug kwarta wala na naghatag ug luna aron makapili pa sila ug trabaho. Siya nga makabayad ug daghang kwarta mao ang modaog sa tanang panahon. Ug kini gitawag nga lumba sa mga ilaga! Mao kini ang atong gipuy-an nga yuta. Ihulagway daw diha sa imong hunahuna ang usa ka gamay nga ilaga nga midagan ug kusog

kaayo kutob sa iyang mahimo, didto sa ligid nga iyang dulaanan. Mangatawa ta ug maghunahuna nga, “oy ka cute.” Apan sa tinuod nga kalibutan, dili kana cute, dili gyud. Ang mga tawo nangamatay niana nga ligid nga gatuyok-tuyok ug wala gayud nakaabot sa ilang gilaoman nga adtoan.

Ug ayaw ninyo ipahiluna ang inyong kasingkasing sa mga pagakan-on ug inyong paga-imnon, ug ayaw kamo pagkabalaka niini. Kay ang pagano sa kalibutan nagapangita niining tanan, ug ang inyong Amahan nahibalo nga kamo nagkinahanglan niini. Apan pangitaa ang Iyang Gingharian, ug unya kining mga butanga igadugang ra kaninyo.

— LUCAS 12:29-31

Ang pagpaningkamot uban sa mapait nga paghago pinaagi sa pagpatulo ug singot maoy usa ka paagi nga atong nahibaw-an. Kon moigon ko nimo nga kinahanglan ka makalingkawas gikan sa utang, ang boot kong ipasabot nga kinahanglang makalinkawas na ka GIKAN sa utang, sulod sa dose ka bulan o ang imong tibook pamilya ibalhin na didto sa North Pole hangtod sa kahangturan (Nagagamit ko ug medyo lawon nga ehemplo aron makahimo ug usa ka punto), unsa may imong buhaton? Ako kang sultihan kon unsay imong buhaton. Imoha dayon sugdan paghimo ang usa ka plano ang pagpasingot ug modagan ug kusog. Ug moingon ka, “Hinoon makahimo pod ko ug mga part time nga mga trabaho. Ang akong asawa pwede pod makahimo ug daghang mga part time nga trabaho, ug ang among mga anak makatabang usab kanamo.” Tan-awa, mao lang na ang sistema nga imong nahibaw-an, ang pagpaningkamot uban sa paghago ug sistema sa pagpatulo ug singot. Hatagan ko ikaw ug laing hulagway niini nga sistema.

Pananglitan nagdagan-dagan ko diha sa inyong kalye, unya nakakita ko ug usa ka bag nga papel diha sa pikas daplin sa inyong dalan nga adunay sulod nga napulo ka milyong dolyares. Kini makalipay kaayo, apan kabalo ko nga kinahanglan ako kining ipahibalo. Kay ako nakaila man nimo, midagan ko paingon sa imong panimalay ug mangutana nga pwede ba nako magamit ang imong telepono. Unya akong tawagan ang departamento sa police samtang ikaw nagtindog nga naminaw. Unya ako silang gisultihan unsa ang nahitabo ug unsa ang akong nakit-an. Human sa gamay nga kahilom samtang ilang gisusi ang ilang

mga record, sila miingon kanako nga wala silay nadawat nga report mahitungod niana nga kwarta nga nawala nga tungod niana pwede nako kining tagoan. (Wala ko naghunahuna nga kana mao ang ilang isulti, pero kini mamuhat para sa akong ilustrasyon.) Sa dihang sila misulti niini kanako, milukso ko ug misingit sa kalipay. Ug ako usab misulti kanimo kon unsa ang ilang gisulti, ug pirti nakong lipaya.

Mipahiyom ka samtang ako naglipay ug nagpasabot niining tanan kanimo. Apan unsa may imong hunahuna nga imong buhaton diha sa imong lamesa sa maong gabii samtang ikaw nagsumbong niini ngadto sa imong asawa? Mopahiyom lang? Morag dili siguro ingon ana. Ikaw moingon, “DILI NA...!” Imong gisumpayan kini, di ba? Giunsa nimo pagkahibalo ang pulong nga, “PATAS” nga mao ang insakto nga tubag? Ako kang sultihan ngano, tungod kay niini nga paagi ka gipatubo. Mao kana ang sistema nga imong nadak-an. Hilabihang paghago uban sa pagpatulo ug singot.

Diha sa akong ehemplo, akong nakaplakan ang kwarta nga walay paghago nga gihimo, ug kana sistema sa paglimbong. Dili kana patas. Dili kana patas tungod kay wala ko naghago niana nga kwarta; Ako lang kining nakit-an. Uban sa pag-ila nga siguro wala ka niana nga swerte, unya ikaw malumos sa hilabihang pagselos ug kasuko, kay ang imong mga adlaw puno man gihapon sa paghago nga napugos pag-ayo sa pagtrabaho aron lang makalahutay.

Kon atong ikompara, pananglitan usa ka adlaw miadto ko sa usa ka simbahan nga ang tanang nakong sanina mga gisi-on ug hugaw kaayo, unya mitindog ko ug misulti sa mga tawo, “Nagmalampuson kaayo mi, motoo kaha sila! Ako ug si Drenda nagtrabaho halos 22 ka oras kada adlaw sulod sa napulo ka tuig, ug sa katapusan nakabayad mi sa among mga utang sa among balay.” Siguro ang mga tawo sa lugar nga gitiguman maghugyaw sa pagsinggit ug mga pagpasalamat. Ngano man? Tungod kay adunay usa ka tawo nga nakapadasig kanila nga nakahimo paghatag ug pamatood giunsa paglingkawas sa kalisod aron makaingon sila nga aduna pa diay pamaagi, nga makagawas sa pagkaginapos! Sila moingon, siguro kita makagawas usab sa atong kahimtang nga kanunay nagkagot sa atong mga ngipon, murag gitook, mobayad sa bili, aron makalingkawas. Apan ngano nga wala man mopakpak ang tanan sa dihang nakakita ko ug kwarta sa dalan? Ug ngano nga sayon ra kaayo nimo ang pag-ingon nga dili na patas? Tungod ingon ana ka

maghunahuna og mao pod ang imong gidamgo. Ang pagkahimong patas mao ang pagpaningkamot og pagpatulo sa singot nga sistema nga atong nahikat-onan. Ang salapi nga walay paghago dili patas.

Pero ang pag-ikyas sa sakit nga mga pag-antus ug sa pagpaagas sa singot kini mao ang damgo sa matag-usa. Ug ang pagkahimong adunahan, ug ang pagka milyonaryo maoy kasagarang gihunahuna ug tinguha sa daghang mga tawo. Ang usa ka milyon nga dolyares, dili kini maka dani kaniadto, apan kon usa lang kini ka numero, naghisgot gihapon kini ug bahandi. Ang bahandi nag-awhag sa posibilidad nga makahatag ug kagawasan ug padayon kining mibarog nga kaatbang sa matag adlaw nga pagpuga sa kinabuhi sa daghang mga tawo. Ug ang matag-usa gikapoy na sa paggukod niini, ug nangandoy nga ang pagkaadunay usa ka milyon nga dolyares makapahunong kanila sa paggukod sa adlaw adlaw nga kalisod nga unta sa katapusan aduna nay kagawasan ug makahimo na sa kon unsay gusto nilang buhaton. Pamalandungi daw na nga bahin; Unsa may hagit sa mga lottery? KAGAWASAN! Kagawasan aron makapili na sa paghimo ug desisyon nga dili na magbalik balik lang sa pagbayad kanunay sa mga bayronon o pagpangita'g kinabuhi.

Ang programa sa telebisyon, *Who wants to be a Millionaire?*, sikat kaayo. Kini makadani gayud tungod kay ang matag-usa nangandoy ug kagawasan. Samtang sila nagtan-aw sa programa, ang ilang pagbati naapil gayud, ug nagsuporta sa pagpalakpak sa magdudula nga unta makadaug gayud.

Atong usabon gamay ang topiko, ang pagkawit sa simpleng pagpasabot mao usab ang paghinabo nga walay paghago. Diha sa mahugaw nga pang hunahuna, kini usab naghanyag ug kagawasan gikan sa sistema sa pagkatinunglo sa yuta. Atong uyonan nga ang matag-usa gusto usab nga makahunong na sa paggukod sa kalisod! Apan aduna bay paagi unsaon kini? Ang mga hiwi nga pamaagi sa pagpangwarta gustong madato dayon. Kada adlaw makadawat ko ug mga napulo ka emsil sa mga tawo gikan sa gawas sa among nasud nga naghisgot sa ilang mga mapait nga estorya sa kinabuhi kon giunsa nila pagpanonod sa 20 milyunes ka dolyar ug nagkinahanglan daw sila ug tawo nga makatabang nila unsaon nga mahimong matagoan ang kwarta sa dili kuyaw nga lugar. Nag-awhag sila sa katunga nga bahin niini kon mubulontaryo ko sa pagdawat sa ilang kwarta ug sa pagtago usab niini.

Apan, gusto sila nga makuha ang akong email address unya giawhag ko nila nga mobayad lang ug gamay nga kantidad sa pagproseso ug pagpadala niini, ug bisan pa ang insurance kono niini, bisan unsa paman ang ilang tawag sa tanang mga bayrunon kini nagpasabot nga mangayo sila ug kwarta aron daw mapagawas ang kwarta nga ilang napanunod. Tinuod kaha ni? Mura na ba gyud ko ug buangbuang kon tan-awon?

Aduna koy usa ka kleyente nga mitawag kanako, ug gusto siyang magpatambag sa iyang planong investment. Unya ako siyang gipangutana sa akong mga kasagarang mga pangutana, ug akong nadiskobrehan nga aduna siyay mga lima ka milyong dolyar nga gustong niyang ibutang sa investment. Miingon siya nga wala siyay kwarta adto nga higayon, apan kono kini gikan sa iyang napanonod. Unya ako siyang gipangutana kon unsa kadali sa iyang panghunahuna nga kini mahan-ay, ug siya miingon nga mga duha ka semana pa. Mao ako siyang gi tawagan pagkahuman sa duha ka semana, ug miingon na pod siya nga murag ma dugaydugay pa ug gamay. Kay aduna siyay kalisod kon unsaon sa pagpagawas niini gikan sa bangko sa Europa nga maoy nagunit niini. Unya, nakapakuha kini sa akong pagtagad, mao nga misugod ko sa pagpangutana kaniya. Ang istorya nga kono siya dunay uyoan nga namatay sa France. Ug kini nga uyoan nagbilin daw diha niya ug lima ka milyon ka dolyar. Apan, adunay mga \$50,000 ka dolyares nga bayronon sa tax ingon nga kini mao ang gitakda sa manonod nga kinahanglan mabayaran bag-o ipahibalo ngadto kaniya. Ug miingon siya nga gipaningkamutan niya nga makuha ang kwarta mao nga mi-aplay siya ug usa ka loan ug ang iyang balay maoy gigarantiya niini.

Nangutana ko sa iya kon aduna ba siyay abugado para niini, ug miingon siya nga, “Oo, ang abugado nga nagtawag nako kini gikan pa sa France nga mao ang nagagunit niini.” “Mao ba, sa ato pa wala kay abugado nga gikan sa Amerika nga maoy magtrabaho niini?” Miingon siya. “Wala, aduna ko apan mao tong nagtawag nako nga taga France.” Ug nagpadayon siya sa pagpasabot kanako nga tungod daw kay aduna siyay lisod nga panahon sa pagtigum ug \$50,000 ka dolyares, ang abugado nga gikan sa France miingon nga bayaran lang sa niya ang katunga niini, ug bayaran nalang dayon niya ang katunga pod niini kon ang kwarta anaa na sa iyang mga kamot. Unya miingon ko sa

iyaha, “Ayaw, usa kini ka ilad!” Bisan tuod wala siya nakadungog nga kono anaa siyay uyuan sa una, nagtoo siya nga kini tinuod. Unya ako siyang gitawagan pag-usab mga duha ka semana ang milabay, ug unya miingon siya nga hapit na niya matigum tanan ang kwarta aron iyang tawagan ang bangko. Sa makausa ako siyang gisultihan, “anaa na sa ilaha ang lima ka milyon nga dolyares. Kon gusto sila ug tax nga kwarta ibayad sa ilaha, sayon ra kaayo sa ilaha ang pagsulat sa imoha sa email ug ipadala dayon ang porma aron imong permahan ug ibalik pagpadala kanila nga nagtugot nga sila mokuha ug \$50,000 ka dolyares kay anaa naman kaha sa ilaha ang kwarta.” Pero dili siya motoo nako ug siya nakombensi nga sila daw nagsulti gyud sa tinuod.

Niini lang usab nga milabay nga domingo sa simbahan, aduna koy pareha niini nga kaso. Usa ka batan-on midool kanako ug nangayo sa usa ka tambag bahin sa kwarta usab nga iya daw makuha gikan gihapon sa gawas sa nasud ingon nga napanonod. Wala na nako siya gipahaman sa iyang isulti. Miingon dayon ko sa iyaha, “kabalo na ko niana, gusto nila nga magpadala ka ug kwarta pambayad aron mapagawas ang kwarta, tama?” “Oo, tinuod na, giunsa nimo pagkabalo?” gisultihan nako siya sa samang hitabo ug akong giingnan siya nga kini usa ka ilad. Bisan tuod wala siya kaila sa usa ka tawo nga kuno namatay, ug wala siyay abugado dinhi sa Amerika, nakigbisog gihapon siya bahin niini kay tinood daw ang kwarta. Ngano man nga kining mga tawhana nahagbong man niini? Tungod kay gusto silang makabaton ug kagawasan! Dili nila kini mabuhian, tungod kay diha sa ilang mga hunahuna, bisan pa ug usa sa binilyon nga kahigayunan nga mahimong tinood, giusto nila kini.

Hatagan ko pa kamo ug laing ehemplo niini. Ang kompanya namo ni Drenda nga nagserbisyo sa salapianaong bahin ug kini nagapamuhat sa tibuok Amerika. Usa kini ka dako nga negosyo! Ang mga oportunidad sa akong kompaya usa ka tinood; Aduna koy mga tawo aron mokita mi ug ginatos ka libo nga dolyares matag tuig. Apan adunay daghang mga pagtudlo nga imong makat-onan sa among negosyo. Kay naggunit kami ug kwarta sa mga tawo. Adunay mga balaod nga kinahanglang imong mahibaw-an ug mga pamaagi sa plano nga imong makat-onan. Naghimo ko ug mga pagpahibalo niini diha sa Radyo sa Columbos, Ohio, ug sa mga lugar nga adunay mga estasyon sa radyo sa mga Cristohanon nga unta ilaha kining maabli pag-usab, ug

nangita ko ug mga tawo nga posibli mahimong kasaligan niini. Adunay mga 50 kabook ang miabot. Imbis akoang interbyuhon unta dayon, nagdisisyon ko nga bansayon dayon sila didto sa tapad nga hotel aron makatabang sila sa sunod nga mga moaplay, ug ang mao nga tigum naghatag ug dako nga posibilidad sa among kompanya nga mokita pa gayud, kon unsaon namo nga dili lang magtudlo, kon unsaon nga mokita pa ug daghan nga kwarta apan kami nagtudlo niini pinaagi sa Cristohanong pamaagi kon unsaon kini pagpadagan. Kami usab nagtudlo kon giunsa sa kumpanya pagpadagan bahin sa mga pamaagi niini, sa mga salapianong bahin usab kon unsaon, mga pagbansay, ug unsaon nga makakuha ka ug lisensiya ingon nga usa ka gikinahanglan alang sa usa ka estayon sa radyo. Ug kahibalo ko pinaagi sa daghan nang mga kasinatian nga posibli daghan sa akong mga kandidato nga miaplay nga posibleng dili mopadayon kon makita na nila kon unsa ka daghang trabaho usa ka mokita ug \$200,000 ka dolyares kada tuig.

Human sa meting, samtang naglakaw ko paubos sa hagdanan sa maong hotel akong nakita nga napuno sa mga 1,000 kabook tawo ang ballroom sa maong hotel. Ang tanan miabot nga dunay parehong

**KON DILI MAHAN-AY ANG
SALAPIANONG BAHIN, IKAW
MAILALOM SA SISTEMA SA
PAGKATINUNGLO SA YUTA NGA
ADUNAY MENTALIDAD NGA
IGO LANG MAKALAHUTAY SA
NAHIBILIN MONG KINABUHI**

mga tuyo. Kay ang usa ka iladong kompanya multi-level marketing maghatag ug usa ka presentasyon kon kinsa kadtong gustong moapil sa ilang kompanya. Pero nganong daghang mga tawo nga anaa didto kumpara sa 50 ka tawo didto sa kwarto? Usa ka simpli nga tubag, tungod sa kwarta! Apan dili mao kini ang tinuod nga ginasulti sa maong

kompanya, apan ang panghunahuna sa tawo mao kini, “Kon dili ko angkunon kini nga oportunidad, tan-awa ra god ang mga tawo diri, basi akong masipyat ko kining usa ka talagsaong oportunidad!” Ayaw ko ninyo saypa og sabot. Daghan kong mga higala nga namilyonaryo pinaagi niini nga klasing kompanyaha, og daghang mga Multi-level-marketing karon. Apan ang ako ginahisgutan ang hunahuna sa mga

bagito pa niini nga negosyo. Ang pagbaligya ug kwarta dako nga negosyo niining sistema sa pagkatinunglo sa yuta nga igo lang makalahutay.

Kon muhonong ka sa kadali ug mangutana sa imong kaugalingon unsa ka maghunahuna ug kwarta, sa pagbaton niini o pagprotekta sa kon unsa ang anaa na nimo, mahingangha ka. Ako kining isulti pag-usab aron makuha nimo ang punto niini: Ang usag-usa gusto nga moundang na sa pag gukod, ug gikapoy na sa kinabuhi nga aron makalahutay lamang! Ang mga tentasyon sa kataposan sa semana mao ang pag-undang na, ang tentasyon sa pagbakasyon mao ang paghunong na. Ang tentasyon sa pagretire mao ang unta makapahulay na gikan sa pagtrabaho ug sa paghimo sa imong gusto. Palihog ayaw ko ninyo saypa ug hunahuna. Kay kasagaran sa mga tawo wala nagtanaw nga maglingkod nalang unya walay buhaton. Ug wala ko mag-ingon nga mao na ang kabubot-on sa Dios alang kanimo. Dili, kay kita gibuhat aron mahimong aktibo diha sa atong mga buluhaton, ang atong pinasahi nga katuyoan nganong kita gibuhat. Apan subo pamalandungon, kadaghanan sa mga tawo karon busy ra kaayo sa ilang mga gina-apas ug gipasagdan nalang ang ilang mga damgo mga pila na ka tuig ang nanglabay.

Nakasiguro kong nakadungog ka na nga adunay migsulti niini, o kaha basin ikaw maoy nagsulti niini sa imong kaugalingon: “Kinahanglan motrabaho gyud ko karong adlaw.” Hinoon, basin siguro imoha na kinig nakita, nga usahay anaay mga tawo nga nagtrabaho pero ang ilang pagbati dili maayo sa “dihang” moadto na sila sa ilang trabahoan. Apan, pwede silang molambo sa ilang trabaho kon gustohon nila ug moadto sa trabahoan uban sa kadasig ug kahinam sa ilang ginahimo. Apan kasagaran, dili kana mao ang kadaghanan nga kinabuhi sa mga tawo nga nagtrabaho. Hinoon, moingon sila,” Kinahanglan motrabaho ko karon.” Aron naa koy kita, laing adlaw na pod sa opisina, padayon gihapong maningkamot nga makalahutay samtang kaya pa. Ang kadaghanan nagsugod sa kinabuhi uban ang kalipay. Ang trabaho nga ilang gihimo temporaryo lamang aron anaa silay magamit aron ibayad sa ilang mga bayronon, hangtod nga sila makaangkon sa kon unsay ilang ginapaabot. Apan ang kinabuhi nga ilang gipaabot sama lamang gihapon sa usa ka ngi-ob nga dapit, ug unya pag-abot na nila sa mga edad nga kwarenta, sila makaamgo nga wala nay dalan pa nga makagawas sila. Ug kini ginatawag ug krisis sa tunga-tunga sa kinabuhi

(mid-life crisis), ug diha niana ilang masabtan nga sila naulipon na diay niini sama nga nalit-agan.

Igsoon dili kini mao ang kinabuhi nga gibuhat sa Dios alang kanato. Kabalo kana niini. Pero ang paglingkawas niining makalooloy nga klasing kinabuhi dili mahitabo hangtod nga dili ka mahibalong muhan-ay sa salapianong bahin ug kini kanunay na namong gitudlo ni Drenda sulod na sa daghang mga katuigan, ug dili usab nimo makaplagan ang katuyoan sa Dios sa imong kinabuhi. Ang talagsaong katuyoan sa Dios sa imong kinabuhi. Kondili nimo ihan-ay ang bahin sa kwarta, ikaw usab mailalom sa sistema sa pagkatinunglo sa yuta nga adunay mentalidad nga igo lang makalahutay sa nahibilin mong kinabuhi.

Kon dili nimo ihan-ay ang salapianon butang, dili nimo makaplagan ang katuyoan nganong ikaw gibuhat!

Aron sa pagkomapara, atong hisgutan kon sa unsa ang hitsura sa imong kinabuhi. Atong hatagan ug pagtagad kon unsay imong ganahan. Siguro moingon ka sa dula nga golf, nakadungog baka nga adunay nagingon, “Ay na lang, kinahanglan na pod ko magdula og golf karong adlaw”? O siguro kaha makadungog ka nga dunay usa nga moingon, “O kinabuhi, bernes napod sa gabii; Dili ko ganahan ug bernes sa gabii. Unta lunes na karon sa buntag, aron mobalik napod ko ug trabaho.” O siguro ang imong hilig mao ang pagpangisda. Makadungog kaha ko nimo nga moingon ka, “Kapuya ani uy, kinahanglan ko mangisda karong adlaw”? Dili gayud, nagduhaduha ko kon makaingon ba kaha ka ana nga hilig man nimo ang pagpangisda. Unsa man ang mahitabo kon ana ka nianang imong hilig ug kalipay sa kon unsa may imong ginahimo, makahimo ka pagtrabaho nga matitud-anon gayud uban sa kalipay kay imong nakaplagan nimo ang imong kalipay sa kon asa ang imong gusto, dili sa paningkamot nga bahin sa imong kinabuhi? Unsa kaha kon aduna kay kwarta nga gikinahanglan aron maatiman ang imong pamilya ug magpuyo sa kinabuhing gawasnon sa kapaitan sa salapianong bahin? Aduna bay dalan nga makahimo ikaw niana? Si Drenda ug ako nakakita nga aduna kini!

‘Ang panalangin sa Ginoo makapadato, ug siya wala magdugang ug kasubo niini.’

— PANULTIHON 10:22

Atong pamalandongan pag-ayo kini nga kasulatan. Sa Hebreohanon kini nagpasabot bahin sa bahandi nga walay gidugang nga paghago niini. Nakita ba nimo kini? Ang Gingharian sa Dios naghatag ug dalan aron ikaw makalingkawas gikan sa makasubong paghago ug sa sistema nga magpasingot usa nga gibilin ni Adan nganhi kanato. Mao ba gyud kaha ni ang buot ipasabot sa maong bersikulo? Muoyon ka kon mao kana ang gipasabot niini, nan imong nabasahan ang pinaka nindot balita nga imong nadungog sulod sa taas na nga panahon. Tinuod gayud! Mao kini ang hinungdan nga sa Isaias 62, kon hisgutan pagpanagna ni Jesus og kon unsay Iyang buhaton sa Iyang ministryo:

Ang Espiritu sa Halangdong Dios ania kanako, tungod kay ang Ginoo nagdihog kanako aron pagsangyaw sa maayong balita ngadto sa mga kabus.

—ISAIAS 61:1

Unsa man ang maayong balita alang sa usa ka tawo nga napriso sa panghunahuna nga makalahutay lang sa klasing kinabuhi tungod sa gitunglong sistema sa kalibutan? Kagawasan diha sa salapianong bahin, di ba! Tin-aw kaayo nga nagsulti si Jesus niini nga ang Gingharian sa Dios makatagbo gawas sa limitasyon sa gitunglo nga sistema niini nga nagaapas sa mapait nga paghago uban sa pagpatulo sa singot. Kinahanglang atong atubangon kini. Makadagan lang ka kutob sa imong mahimo, ug ang uban, bisan ila nang gihimo ang tanan nakulangan gihapon sila. Nagdagan ako kutob sa akong makay sulod sa siyam katuig uban sa akong asawa nga si Drenda pero anaa lang gihapon mi sa grabeng utang. Ang dili na maihap namo nga mga kleyente nga among nakita sulod na sa 27 ka tuig sila usab nag-apas sa pagdagan sumala sa ilang makaya. Apan, bisan pa sa ilang paningkamot, sila nagapos gihapon sa pagkaulipon sa utang. Silang tanan mitawag kanamo tungod kay anaa sila sa makahadlok nga sitwasyon nga daw wala na silay paglaom diha sa salapianong bahin. Ang ilang mga damgo nga mahimong gawasnon diha sa salapianong bahin murag lisod kaayong kab-oton, ug ang ilang panglantaw napulihan na sa makalahutay lang unta. Ubani ako sa pagsusi sa pulong paghinabo sa makdyot lang.

Ang Paghinabo (Provision) usa ka katambayayong sa Panan-awon (Pro-vision).

Kon walay paghinabo walay pana-awon tungod kay walay

paghinabo, ang pag-angkon ug paghinabo, mahimo og maoy imong panan-awon. Usbon ko, mao kini ang kasagarang kinabuhi sa tawo—ang kinabuhing walay panan-awon. Usa kini ka pag-ulipon sa pinaka malinglahong pamaagi.

KAPITULO 7

ANG PULTAHAN

Ato daw balikan kadali kon unsa ang atong nakat-onan bahin sa Gingharian sa Dios. Una, atong nakat-onan nga ang tawo gibutang sa kalibutan sa usa ka posisyon nga siya maoy magdumala niini. Ato kining nakita diha sa Hebrohanon 2:7-8 nga walay bisan unsa dinhi sa kalibutan nga wala mailalom kaniya. Ug tungod niini, atong nakita nga ang tawo mao ang susi o pultahan sa kalibutan. Si Satanas nakabalo niini, mao nga iyang gipuntarya si Adan ug Eba sa iyang plano aron makakuha ug pagbulot-an dinhi ibabaw sa kalibutan. Sa dihang si Adan ug Eva misunod sa iyang plano aron matintal, nakasala sila ug naputol ang panggobierno sa Dios diha sa legal nga pagbulot-an sa ilang kinabuhi. Ang Espiritu sa Dios, nga maoy nagtabon kanila sukad nga sila gibuhat, karon nawala na kanila. Nahimo na silang hubo dili lang sa panlawas bisan pa usab diha sa espirituhanong bahin. Akong mahunahunaan ang ilang pagkakurat nga ilang nakita sa dihang ang Espiritu sa Dios mipahawa na palayo kanila. Ang Bibliya misulti nga dihadhiha sila nagtahi ug mga dahon aron tabunan ang ilang kaugalingon kay sila naulaw sa ilang pagkahubo.

Ug bisan tuod ang tawo aduna gihapoy posisyon sa pagdumala sa kalibutan ingon nga gihatag kini sa Dios ngadto kaniya sa dihang gibuhat ang tanang binuhat, nawala ang iyang awtoridad ug gahum diha sa espirituhanong bahin sa pagdumala sa kalibutan. Tungod kay iyang gipili ang pagsupak sa Dios ug mipili sa pagtoo ug niuyon uban kang Satanas imbis diha unta sa Dios, ang tawo nahimong nailalom sa awtoridad sa yawa, ug tungod niini, nabutang sa samang hukom nga gipatuman kang Satanas (Lucifer) sa dihang siya gihagbong gikan sa langit. Kini nga pagsilot usa ka dapit nga gitawag ug imperno, dapit

sa pagsakit ug sa walay katapusan gipapahawa gikan sa presensya sa Dios. Kinahanglan nga imong masabtan nga ang imperno wala buhata alang sa tawo o gihunahuna nga apilon ang tawo. Wala gayud kini sa katuyoan sa Dios nga adunay tawo nga moadto didto.

“Ug unya moingon siya sa mga anaa sa iyang wala, “Pahawa kamo kanako, kamong mga tinunglo, ngadto sa walay katapusang kalayo nga giandam alang sa yawa ug sa iyang mga anghel.”

— MATEO 25:41

Aron makuha ang tawo niana nga kahimtang, ang Dios kinahanglang iyang iplatar pag-usab ang iyang pagbulot-an sa panggobyerno sa kalibutan. Kinahanglang mangita siya ug paagi nga makuha ang awtoridad nga gikuha sa yawa. Ug aduna lamay usa ka paagi nga kinahanglang mahitabo. Ang matag-usa ka tawo nga ania sa kalibutan karon, ingon nga mga kaliwat ni Adan, namantsahan na sa sala ug dili na makahimo sa pagdala sa Espiritu sa Dios ug sa Iyang awtoridad. Apan ang Dios adunay plano aron madaug kini nga problima. Ang plano nga nagkinahanglan ug matarong nga pamaagi, Ang Iyang balaod, kinahanglang maestablisar ug masulat diha sa kalibutan aron ang tawo nga nagpuyo niini mamahimong hukman nga inosente pinaagi sa samang balaod, ug kini mamahimong posibli. Aron diha unya ang tawo mamahimong legal na nga mobolontaryo sa pagbarug sa dapit ni Adan, nga modala sa gikinahanglang bayad sa silot alang sa iyang kaugalingon.

Apan adunay tinood nga isyu niini nga bahin ingon nga tawo maoy mohimo niini nga plano sa pagsakripisyo, kinahanglang dili siya kaliwat ni Adan, kay kana nga kaliwatan na mantsahan na man ug naputol na diha sa presensya sa Dios. Unsaon man ang planong pagluwas nga mahimong posible? Aron kini mamahimong posibli, kini nag-awhag sa Dios sa pagbutang ug tawo dinhi sa kalibutan nga dili kaliwat ni Adan nga andam magsakripisyo sa iyang kaugalingon puli sa tawo. Apan ang kalibutan gihatag na ngadto sa mga kaliwatan ni Adan, ilalom nianang legal nga sitwasyon, kini usab mamahimong illegal. Aduna lamay usa ka paagi aron mabalik kini, usa ra gyud ka paagi. Ang tawo kinahanglan matawo dinhi, apan dili kaliwat ni Adan.

Sa una natong tan-aw, ikaw mouyon nga kini mahitabo, usbon ko,

kini imposible. Apan sa tinuod lang, adunay usa lamang ka paagi. Ang Dios makahimo pagbutang ug binhi sa lalake diha sa usa ka babaye dinhi sa kalibutan kon wala Siyay makitang tawo nga motoo Kaniya nga makahimo niana, nga maghatag Kaniya ug legal nga katungod sa pagbuhat niini. Hinumdomi, ang tawo maoy naghawid sa yawi dinhi sa kalibutan. Unya si Satanas migamit sa samang yawi aron makakuha ug managsamang pagbulot-an sa kalibutan ug mikawat niini gikan sa espirituhanong awtoridad ug pagbulot-an nga anaa kang Adan. Ang plano sa Dios aron mamuhat ug magpamatuod sa legalidad dinhi sa kalibutan batok kang Satanas, nga posibleng moingon nga dili sayop kana, ang Dios kinahanglang mangita ug lalaki ug babaye nga mosalig Kaniya alang sa usa ka bata nga matawo nga imposible sa kinatibuk-an nga sila mahimong makaanak. Apan gikinahanglan silang motoo sa Dios nga mohimo niini nga imposibleng butang.

Ang pagkatawo niadto nga bata nahilambigit usab sa iyang pagkatawo ang saad diha sa iyang destinasyon, nga pinaagi sa iyang kaliwatan ang tanang nasud sa kalibutan mapanalanginan, nga pinaagi sa iyang mga kaliwatan ang Dios aduna nay legalidad ug katungod sa pagdala ni Jesus sa kalibutan. Kon adunay magtiayon nga motoo, ang Dios makahimo niana, magbuntis sa usa ka bata diha sa patay na nga sabakan, ug magatoo nga pinaagi nianang bataa ang matag nasud mapanalanginan ug pinaagi sa iyang pagkatawo maghatag pa kini ug daghang mga kaliwatan nga unya mamahimong sama sa mga balas sa baybayon, unya ang Dios aduna na unyay legalidad sumala sa Iyang gikinahanglan nga mabutang sa dapit ang Iyang binhi ngadto kang Maria, ang inahan ni Jesus. Apan makakita kaha ang Dios niana nga tawo? Ang iyang pangalan mao si Abraham ang amahan sa atong pagtoo.

Kay siya milaom bisan ug wala nay paglaom, mituo nga siya mahimong amahan sa daghang mga nasod, sumala sa gisulti kaniya, “Sama niana kadaghan ang imong kaliwatan.” Wala siya maluya sa iyang pagtuo bisan sa iyang pagpamalandong mahitungod sa iyang lawas, nga daw patay na kay siya mga usa ka gatos na ka tuig o sa iyang pagpamalandong mahitungod sa pagkadili na manganak ni Sara. Apan siya wala magduhaduha sa saad sa Dios, kondili naligon pinaagi sa pagtuo, samtang naghimaya siya sa Dios, masaligon sa hingpit nga ang Dios makatuman gayod sa Iyang saad.

— ROMA 4:18-21

Si Abraham ug si Sara mitoo sa Dios ug nanganak sila kang Isaac nga tigulang na kaayo ug dili na gani angayan nga aduna pay anak. Tungod kay si Abraham mitoo man sa Dios, ang saad moabot lamang pinaagi sa pultahan nga giablihan ni Abraham. Si Jesus mianhi pinaagi sa linya ni Abraham. Ako ning klarong pag-ayo. Aron madala sa Dios si Jesus dinhi sa kalibutan, kinahanglang moagi siya sa kaliwatan ni Abraham. Kinahanglan gayud! Ang pag-anhi nga pinaagi kang Abraham mao lamang ang legal nga paagi. Mao nga pinaagi niini kon imong lantawon ang unang kapitulo sa Mateo, imong makita ang makapool nga listahan sa mga kaliwat ug kaliwatan. Kini nga kapitulo ang unang kapitulo sa usa ka rason. Mao ang pag-establisar sa pamatood dinhi sa kalibutan nga si Jesus usa ka kaliwat ni Abraham, unya si Satanas moangkon nga ang pagkatawo ug ang kinabuhi ni Jesus usa ka limbong ug dili siya angayan nga mobayad sa atong mga sala.

Kon mahinumduman nimo, ang Israel adunay daghang mga balaod nga nagdili nga sila mangasawa gawas sa ilang kaliwat. Ang pagpangasawa gawas sa ilang kaliwat silotan pinaagi sa kamatayon.

SILA KARON NAGLAKAW IBABAW SA TUNGLO SA KAPAITAN SA PAGHAGO UG PAGPATULO SA SINGOT ARON LANG MAKALAHUTAY.

Karon nasayud ka nganong kana nga balaod kinahanglang magpabilin nga putli ug nganong ilaha kanang gibantayan nga hugot gayud. Oo, makita nimo nga adunay pagtugot sa mga babaye nga naminyo sa usa ka Israelita, sama kang Rahab, nga

nagpuyo sa syudad sa Jerico nga maoy mitabang sa mga espiya nga gipadala aron pagsusi sa yuta. Oo, nasulat siya sa unang kapitulo sa Mateo nga siya naminyo sa usa ka Israelita. Apan kinahanglang imong masabtan nga sa kultura sa mga Hudyo ang lalaki maoy nagdala sa kaliwatan.

Moambak kita kadali sa usa ka gitawag ug agianan sa usa ka koneho. Adunay daghang mga paghisgut mahitungod sa kon unsa na kadugay ang tawo dinhi sa kalibutan. Aduna bay dalan aron makabalo kita sa tubag niini? Oo! Makasiguro ko nimo niining usa ka kamatuoran. Kana nga listahan sa libro sa Mateo kinahanglan nga insakto og tama. Kinahanglan wala gayuy usa nga mawala kay kon anaa, ikaw ug ako dili makahimo sa pagmaya' sa kaluwasan nga atong nadawat.

Si Satanas mobabag ug moingon nga dili ka na' mahimo. Kana listahan kinahanglan nga insakto gayud! Mao nga basi niana, imong mahulagway kon unsa na kagugay ang tawo anaa niniing kalibotana. Kana usa lamang ka hunahuna nako nga akong maitsa dinhi.

*‘Ug akong buhaton gikan kanimo ang usa ka dako nga nasod, ug ikaw panalanginan nako ug himoong bantogan ang imong ngalan, aron ikaw mahimo nga usa ka panalangin. Panalanginan nako ang nagpanalangin kanimo ug ang nagtunglo kanimo tunglohon usab nako ug **pinaagi kanimo panalanginan ang tanang kabanayan sa yuta.**’*

GENESIS 12:2-3

Sa dihang imong lantawon kini nga bersekulo, kini nga pultahan dinhi sa kalibutan nga gi-establisar ni Abraham mao ang legal nga pultahan nga maoy mahimong agianan sa ulahi nga si Jesu Cristo maglakaw niini ug magpanalangin sa tanang mga tawo sa kalibutan. Bisan tuod si Abraham ug ang iyang kaliwatan naghatag sa Dios ug legalidad sa katungod nga gikinahanglan aron pagdala sa gahum ug inpluwensiya sa Iyang panggoberno nga maoy magdumala na usab dinhi sa kalibutan, ang tawo napriso pa gihapon ilalom sa kabug-at sa sala ug sa espirituhanong kamatayon hangtod nga ang Dios makadala ni Jesus dinhi sa kalibutan, nga maoy mobayad sa sala ni Adan. Apan sa estriktong paagi mahitungod sa paghinabo, atong makaplagan nga si Abraham ug ang iyang kaliwatan, kadtong nagdala sa ilhanan sa pagkatinuli, miuswag. Sila na karon naglakaw ibabaw sa tunglo sa mapait nga paghago ug sa pagpatulo ug singot aron lang makalahutay.

Si Abraham nahimong datu kaayo sa kabayupan ug sa salapi ug bulawan.

GENESIS 13:2

Atong makita niini nga basahon ang usa ka dakong kausaban nga gidala niini nga kasabutan bahin sa mga panalangin. Nakita ba nimo ang kalahian sa mga butang bahin sa kon unay gisulti sa Dios ngadto kang Abraham kompara sa kon unsay iyang gisulti kang Adan sa Genesis 3:17? Hinumdomi, human nga si Adan nakasala, ang Dios misulti ngadto kaniya nga karon pinaagi sa imong paghago ug pagpatulo sa singot ikaw makakaon. Apan karon sa kabahin ni

Abraham, atong makita ang kalahian. Ang Dios miingon, “Himuon ko ikaw!” Wala kini nagsulti nga si Abraham gipasagdan nalang sa iyang kaugalingong paningkamot sa pagdumala nga magpatulo ug singot sa hilabihang paghago. Kini nagsulti nga ang Dios nakig-uban na niini. Ang Dios miingon, “Hinupon ko ikaw!” Mao nga imo bang nakita nga si Abraham naglisod gihapon sa kinabuhi human niini? Wala na!

Si Abraham adunahan! Ug ang iyang mga anak usab. Si Abraham nagkinabuhi sa kinabuhing gawasnon na sa tunglo sa kalibutan. Adunay siyay naghinubra! Wala magdugay nga namatikdan ang kalahian. Kay kini nga kalahian nagpadayon hangtod sa iyang mga kaliwatan. Gani, adunay ginagmay nga kaliwatan human kang Abraham, sama sa iyang apo nga si Jacob nagtrabaho alang kang Laban, ang ugangan ni Jacob. Si Laban nakakita sa panalangin nga anaa kang Jacob ug misulay sa paglimbong kaniya diha sa iyang kauswagan. Apan ang Dios misumbalik sa iyang plano nga kawaton ang panalangin diha sa iyang kaugalingong kadaot ug gipanalanginan si Jacob uban sa dakong

**“ANG DIOS MAG-ABLI SA
KALANGITAN, ANG IYANG
SUDLANAN SA KADAGAYA,
ARON MAGPADALA
KANIMO UG ULAN DIHA
SA IMONG YUTA SA
MGA PANAHON NIINI UG
PANALANGINAN ANG
TANAN NGA GIBUHAT SA
IMONG MGA KAMOT.”**

— Deuteronomio 28:8a

panalangin. Unsay buot nakong ipasabot niini, nga bisan pa’g ang mga tawo gustong babagan ang mga panalangin, dili sila makahimo niini. Basta ang mga manununod magpabilin nga matinud-anon sa ilang pakigsaad ug pagsimba sa Dios, ang Dios maghimo kanila nga mauswagon. Hunahunaa daw ang buot nako ipasabot sa akong gisulti! Nakadawat ko ug tanang klaseklasing mga sulat gikan sa lainlaing mga tawo nga misulti kanako nga naghisgot ko ug subra na kaayo bahin sa kwarta. Miingon sila nako nga ang kauswagan dili kaboboton sa Dios. Ilang gipasabot nga kita kinahanglang moantus sa kinabuhi

kay kini usa sa dakong bili sa pag-alagad sa Dios. Dili ko maka-uyon bisan gamay sa kon unsay ilang gisulti. Si Jesus wala magsulti nga ang atong kauswagan mamahimong hinungdan aron moantus ta sa

mga paglutos sumala sa Marcos 10:30. Bisan pa niana daghang mga Cristohanon nga nag-ingon nga ang Dios usa ka istriktong amo ug kinahanglan nga kita moantus sa kinabuhi aron makalahutay, ug modawat nga sila anaa sa kapit-os sa kinabuhi, ug mag-antus sa sakit ug mga balatian. Dili kana tinuod, mao kana ang tunglo sa yuta ug dili kana ang panalangin! Ang Dios gusto nga mapundar ang imong salapianong bahin.

Ang Dios gusto nga Maestblisar ka!

Kon ang imong salapianaong bahin dili mapahiluna ug maistablisar, mapugos ka sa pagpanigkamot aron lang makalahutay sa tibook nimong kinabuhi, dili ka makahimo sa imong espirituhanong buluhaton, ug mamahimo kang magkinabuhi diha sa pagkaulipo. Tan-awa daw kon unsay gisulti sa Dios sa mga kaliwatan ni Abraham sa Deuteronomio 28:8-13.

“Panalanginan sa Ginoo nga inyong Dios ang tanan ninyong pagabuhaton ug pun-on niya sa mga abot ang inyong mga bodega. Panalanginan niya kamo sa yuta nga ihatag niya kaninyo. Sumala sa gisaad kaninyo sa nga inyong Dios, himuon niya kamo nga iyang pinili nga katawhan, kon tumanon ninyo ang iyang mga sugo ug magkinabuhi subay sa iyang mga pamaagi. Unya ang tanang katawhan sa kalibotan makahibalo nga gipili kamo sa, ug mahadlok sila kaninyo. Panalanginan gayod kamo sa didto sa yuta nga iyang gisaad sa inyong mga katigulangan nga ihatag kaninyo. Padaghanon niya ang inyong mga anak, ang inyong mga kahayopan, ug ang inyong mga abot.

Padad-an kamo sa ug ulan sa hustong panahon gikan sa tipiganan sa iyang bahandi sa langit, ug panalanginan niya ang tanan ninyong pagabuhaton. Magpahulam kamo sa daghang mga nasod, apan kamo dili manghulam. Himuon kamo sa nga pangulo sa mga nasod, ug dili sumusunod lang. Oo, kanunay kamong magmauswagon ug magmalampuson kon tumanon ug sundon ninyo pag-ayo ang mga sugo sa nga inyong Dios nga ginahatag ko kaninyo karong adlaw.”

Matikdi nga diha niining bag-ong yuta nga gisaad wala pa sila naestablisar bisan tuod anaa kanila ang saad. Apan si Moises nagsulti ngadto kanila nga ang Dios maoy mag-establisar kanila! Aron sa

pagsabot kon unsa kaha kini gipakasama ug unsa usab ang gustong isulti sa Dios ngadto kanila, hunahunaa daw ang usa ka kahoy nga durian. Sa dihang kini usa pa ka linghod nga kahoy, dili pa kini lig-on. Bisan kinsa pwedeng mukoha niini kon kanus-a ug asa NILA gusto itanum. Apan kon ang kahoy nga durian mutubo ug muhamtong na, wala nay makapabalhin pa niana nga kahoy. Kay kini na-establisar na.

*Ang Dios magpadala ug panalangin diha sa inyong kamalig ug sa tanan nga gibuhar sa inyong kamot. Ang Ginoo nga inyong Dios magpanalangin kaninyo sa yuta nga Iyang gihatag kaninyo. **Ang Ginoo mag-establisar kaninyo....***

— DEUTRONOMIO 28:8-9

Mao nga unsa may imong pagtan-aw sa usa ka tawo nga naestablisar na diha sa salapianong bahin? Ang Dios nagsulti kanato ug insakto gayud dinhi sa bersikulo 12b:

Magpahulam kamo sa daghang mga nasud apan dili kamo manghulam kang bisan kinsa. Ang Ginoo maghimo kaninyo nga ulo ug dili ikog.

Ang Dios nagsulti nga Iya silang panalanginan pag-ayo aron sila mamahimong magpahulam, ug dili gayud manghulam pag-usab. Sila mamahimong ulo ug dili ikog. Kay ang ikog walay ikasulti sa bisan asa sila moadto; kini mosunod lamang kon asa moadto ang ulo.

Ang adunahan maoy magdumala sa pobre, ug ang naghulam ulipon sa nagpahulam.

— PANULTIHON 22:7

Wala pa maestablisar ang naghulam. Sila anaa sa kalooy sa nagpahulam, nagtrabaho ingon nga ulipon nga walay kagawasan. Apan ang Dios nag-ingon, “DILI! Ako kamong i-establisar! Walay si bisan kinsa nga magsulti diha kaninyo sa pagpahawa sa inyong panimalay tungod kay kini mabayran gayud ninyo.” Walay makakuha sa imong sakyanan, tungod kay kini mabayran gayud nimo. Ang imong kusina mapuno sa mga pagkaon, ug maglakaw ka sa yuta nga imong pinalit, nga nagatuman sa gipabuhar sa Dios diha sa insaktong kalinaw sa salapianong bahin. Maestablisar gayud ka!”

Ang Dios gusto nga ikaw mouswag!

KAPITULO 8

ANG GAHUM SA PAKIGSAAD

Ang imong mabasa karon usa ka gamhanang prinsipyo sa Ginghamarian, mao nga angayan gayud kini sa titulo niini nga libro. Amo kining nakaplagan diha sa istorya sa kinabuhi ni Jose, ang usa sa mga bantugang apo ni Abraham. Aron paghatag kanimo ug pagpasabot niini, si Jose gikalagutan sa iyang mga igsoon, ug gusto nila nga mawala siya sa ilang pamilya. Gani, gusto nila siyang patyon, apan usa sa iyang mga igsoon wala misugot nga kini ilang buhaton; Ug mao nga, ila nalang siyang gibaligya sa mga nagabyahe nga mga negosyante nga maoy nagdala kaniya paingon sa Ehipto diin didto gibaligya siya kang Potiphar, usa ka kapitan sa mga gwardya sa Paraon.

'Gidala si Jose sa mga Ismaelita ngadto sa Ehipto ug gipalit siya ni Potifar, usa ka opisyal sa Paraon ug kapitan sa mga guwardiya sa palasyo. Apan ang Ginoo nag-uban kang Jose ug nagmauswagon siya. Didto siya magpuyo sa balay sa iyang agalon nga Ehiptohanon.

Nakita ni Potifar nga nag-uban kang Jose ang ug tungod niini nagmalampuson gayod si Jose sa tanan niyang gibuhay. Gikahimutan ni Potifar si Jose ug ang iyang pag-alagad kaniya busa gihimo niyang piniyalan si Jose sa iyang balay ug sa tanan niyang kabtangan. Sukad niadto, gipanalanginan sa ang panimalay ni Potifar tungod kang Jose.

Gipanalanginan sa ang tanan nga diha sa iyang balay ug sa iyang kaumahan. Gipiyal ni Potifar kang Jose ang tanan ug wala

na siyay laing hunahunaon gawas sa iyang pagkaon. Si Jose maayog barog ug guwapo nga pagkatawo. Wala madugay, ang asawa ni Potifar giabot ug kaibog kang Jose ug miingon siya, “Magdulog kita.”

— GENESIS 39:1-7

Hatagi ug pagtagad ang bersekulo 2a, “*Apan ang Ginoo nag-uban kang Jose ug nagmauswagon siya.*” Unsa ang buot ipasabot niini? Nga ang Dios ba wala diay sa matag-usa? Diha sa konteksto sa atong nahisgutan sa mga miaging kapitulo bahin sa mga kaliwatan, ang tubag dili. Hinumdumi, ang pagtoo ni Abraham ug ang pagsunod sa kasabutan maoy naghatag ug legal nga dalan kang Abraham ug sa iyang mga sumusunod—lamang. Mao nga kon maghisgut kita bahin sa Dios alang sa matag-usa, dili kini makapalibog nga ang Dios nahigugma sa matag-usa; Nahigugma Siya. Apan niadtong mga walay legal nga baruganan diha sa Dios, ang Iyang kamot nabugkusan.

Hinumdomi ninyo nga niadtong panahuna kamo walay kalabutan diha ni Cristo, nahigawas kamo diha sa katilingban sa Israel, ug mga dumoloong sa pakigsaad sa Dios, ug dinhi sa kalibutan kamo mga walay paglaom ug usab mga walay Dios. Apan karon, pinaagi kang Cristo Jesus, kamo nga kaniadto nahilayo, karon nahidool na pinaagi sa dugo ni Cristo Jesus.

— EFESO 2:12-13

Matikdi nga ang kasulatan naghisgut niadtong walay kasabutan, nagpasabot nga ang Dios ug ang Iyang gahum legal nga naputol sa usa ka tawo. Ngano man? Tungod kay ang Dios walay katungod o legalidad diha sa kalibutan kon walay legal nga kasabutan, usa ka pakigsaad nga napahiluna, diha sa babaye ug lalaki dinhi sa kalibutan. Kini nga bersekulo klarong nagpamatood niini sa dihang nagsulti nga sa walay kasabutan, ang mga tawo walay paglaom ug walay Dios dinhi sa kalibutan. Hinumdumi nga sa dihang si Jesus nagbutang ug bag-ong kasabutan nga nahan-ay dinhi kanato, kita karon mga membro na diha sa balay sa Dios ug mga lumulupyo na sa Iyang mahimayaong Gingharian (Efeso 2:19). Mao nga karon, tan-awon nato pag-usab ang atong bersekulo diha sa Genesis 39, aron makasabot na ta sa pulong nga “*ang Ginoo nag-uban kang Jose*” nagpasabot nga adunay legalidad, ang Dios adunay legal nga impluwensya diha sa kinabuhi ni Jose pinaagi sa

pakigsaad, nga anaa sa iyang apohan nga si Abraham, nga napahiluna na. Kini nga legal nga kasabutan, maoy nagtugot sa impluwensya ug panalangin sa Dios, nga moabot sa kalibutan ibabaw sa grabing paghago ug pagpatulo sa singot ingon nga sistema sa kalibutan. Mao nga legal para sa Dios ang pagpanalangin kang Jose.

Hinumdomi unsay gisulti sa Dios ngadto kang Abraham, “*Himoon ko ikaw.*” Tungod kay ang Dios nag-uban man kang Jose, nagtabang sa iyang kinabuhi, ug siya nagmalampuson sa tanang butang nga iyang pagahimoon sa hilabihan gayud, nga maoy hinungdan nga ang iyang yutanon nga agalon, nga si Potiphar, nakakita sa dakong kalahian sa abilidad ni Jose kumpara sa laing mga kalalakin-an nga iyang nakita. Akong isulti dinhi nga kon mouswag nga gani kita uban sa tabang sa Dios, ang mga tawo nga nagpuyo dinhi sa kalibutan nga gitunglo sila makamatikod gayud sa atong kalahian! Si Potiphar hilabihan kaayong pagkatingala nga tungod niana iyang gibutang si Jose nga mahimong magdumala sa tanan niyang katigayunan.

Adunay daghang mga prinsipyo sa Gingharian nga gipakita niini nga bahin sa kasulatan, apan ang yawi sa mga yawi gipakita dinhi. Ug ako kining gitawag nga “Ang Gahum sa Pakigsaad,” o pwede nimo matawag kini nga “Ang Prinsipyo ni Potiphar.” Nga makita sa Genesis 39:4-5.

‘Sukad niadto, gipanalanginan sa Ginoo ang panimalay ni Potifar tungod kang Jose. Gipanalanginan sa ang tanan nga diha sa iyang balay ug sa iyang kaumahan. Gikahimut-an ni Potifar si Jose ug ang iyang pag-alagad kaniya busa gihimo niyang piniyalan si Jose sa iyang balay ug sa tanan niyang kabtangan.’

**ANG DIOS WALAY
LEGALIDAD O KATUNGOD
DINHI SA KALIBUTAN
KON WALAY LEGAL
NGA KASABUTAN, USA
KA PAKIGSAAD NGA
GIPAHILUNA, UBAN
SA USA KA LALAKE
UG BABAYE DINHI SA
KALIBUTAN.**

Gusto nako nga makita nimo ang klarong hulagway kon unsa ang nahitabo dinhi. Sa una nga mga adlaw ni Jose dili pa siya ang sinaligan ug sa pagkasunod siya na. Ang Bibliya naghatag ug pagtagad sa panahon sa dihang miabot na ang kausaban. Ang panalangin sa Ginoo sa tanan nga anaa ni Potiphar, nahitabo sa tanan nga anaa kaniya! Pero wala siya nakaila sa Dios ni Jose ug dili usab siya kabahin sa nasud sa Israel. Mao nga giunsa man pagkahitabo ug unsay buot ipasabot niini? Ania ang tubag. Sa dihang si Potiphar nagtugyan sa tanan niyang katigayunan ilalom sa pagdumala ni Jose, sa walay pagkahibalo niini, ang iyang katigayunan nailalom sa pakigsaad nga anaa kang Jose gikan sa Dios.

Ang tanang kabtangan, katigayunan ug mga gipanag-iyahan ni Potiphar nausab nga gingharian!!

Di ba, ang mga kabtangan ni Potiphar legal nga nagapos sa sistema sa tunglo sa kalibutan hangtud nga kini napailalom sa pagdumala ni Jose.

**KINI GITAWAG UG ADLAW
SA IGPAPAHULAY, USA KA
HULAGWAY SA USA KA
ADLAW DIIN ANG TAWO DILI
NA MANINGKAMOT UBAN SA
KAUGALINGONG PAGHAGO
UG PAGPATULO SA SINGOT
ARON LANG MAKALAHUTAY
SA KINABUHI.**

Sa dihang gihatag ni Potiphar ang pagdumala ilalom sa pagbulot-an ni Jose, wala siya kabalo nga iyaha usab gipahiluna ang tanan ilalom sa pagbulot-an sa panalangin sa Dios. Ang Bibliya nagpadayon sa pagsulti nga uban sa pagdumala ni Jose, si Potiphar wala nay pagtagad o kabalaka sa tanang butang gawas lamang sa iyang pagkaon. Wala na siyay kabalaka! Uban sa pagka wala nay kabalaka, si Potiphar naghunahuna na lamang sa iyang trabaho ug katuyoan ingon nga

usa ka kapitan sa mga gwardya sa Ehipto. Adunay daghan dinhi nga imong makita, apan unsa ang kasinatian ni Potiphar, nga wala niya mahibal-i, kini gitawag diha sa Hebrohanon 4 ug adlaw sa igpapahulay, ug tinood kini, anaa kini sa mga magtotoo sa Bag-ong Tugon. Kon imong tun-an ang igpapahulay, imong makita nga ang Dios wala nagatugot nga ang mga Israelitas magtrabaho sa bisan unsa nianang adlaw. Walay hilabihang paghago ug pagpasingot nga mahitabo. Ang

pagpahulay, dapat, mahitabo kini sa ikapitong adlaw sa semana, ug kini nagpasabot sa ikapitong adlaw sa kabuhatan. Imong mahinumduman nga sa ikapitong adlaw sa kabuhatan mao ang pagdeklarar sa Dios nga adlaw sa pagpahulay. Wala kini nagpasabot nga ang Dios gikapoy, apan hinoon tungod kay Siya nahuman na. Ang tanan kumpleto na. Ang ikapito nga adlaw mao ang adlaw nga orihinal nga gi mugna sa Dios nga ang tawo magkinabuhi, usa ka adlaw nga walay kabalaka, kay ang tanan nga gikinahanglan sa tawo gipahiluna na. Apan kinahanglan nga kita mahibalo nga nawala ni Adan kining tanan sa dihang siya misupak batok sa Dios. Pinaagi sa pagpakigbatok sa Dios, si Adan miputol sa abilidad sa Dios nga magtagbo sa iyang panginahanglan, hinoon, iyang giwala ang kahigayunan nga gihatag sa Dios kaniya nga gitagbo naman unta ang tanan niyang panginahanglanon. Karon si Adan mapugos na sa iyang kaugalingon sa pagpaningkamot aron matagbo ang iyang panginahanglan, magtrabaho sa tanan niyang panahon uban sa hilabihang paghago ug pagpatulo sa singot aron lamang mabuhi.

Apan ang Dios wala mibiya sa tawo nga walay paglaom. Iyang gihatag sa tawo ang hulagway sa pagpahulay nga, usa ka adlaw, Iyang ipasig-uli. Kini gitawag nga adlaw sa igpapahulay, hulagway sa usa ka adlaw nga ang tawo dili na maningkamot pag-ayo uban sa hilabihang paghago ug pagpatulo sa singot aron lang makalahutay sa kinabuhi. Sa dihang si Potiphar nakakonektar niana nga panalangin sa Dios nga gidala ni Jose pinaagi sa kasabutan, siya nakakonektar sa abilidad sa Dios aron matagbo ang tanan pinaagi kang Jose aron siya makakaplag ug pahulay. Ang tanan giatiman, wala na siyay mga kabalak-an pa.

Mao nga iyang gihatag ang tanan ilalom sa pagdumala ni Jose; ug si Jose na maoy nag-atiman niini, ug wala na siyay gikabalak-an pa nga bisan unsang butang sa iyang kaugalingon, gawas lamang sa pagkaon nga iyang ginakaon.

— GENESIS 39:6

Aron pagsabot sa kahulogan sa adlaw sa igpapahulay ug unsa usab ang gipakita sa Dios niini diha sa tawo, kinahanglan mangutana ka ug usa ka simpleng pangutana. Unsaon nga mahimong posibli ang adlaw sa igpapahulay? Ang pasabot nako, ilalom sa gitunglo nga sistema sa yuta, ang tawo kada adlaw naga-apas aron lang makalahutay ug mabuhi. Kon kana tinood, unsaon man sa tawo nga dili na magtrabaho pa sa

adlaw sa igpapahulay? Unsaon nga matagbo ang iyang gikinahanglan niana nga adlaw kon dili siya motrabaho sa adlaw sa igpapahulay? Usa kana ka maayong pangutana ug kinahanglan nga hatagan kini ug tubag, ug ang tubag niini atong makaplagaan sa kinatibuk-ang pagpa-ila bahin sa “ang panalangin sa Ginoo” nga gilaktan ni Jose.

Naghunahuna ko nga ang usa ka dakong ilustrasyon niini nga prinsipyo atong makita diha sa Leviticus kapitulo 25 sa dihang ang Dios nagpasabot sa nasud sa Israel sa gitawag ug tuig sa kagawasan. Aron paghatag niini kanimo ug gamay nga istorya, ang tuig sa kagawasan mahitabo kada 50 ka tuig, ug kini adunay dakong kalambigitan sa akong kinabuhi nga dili ko na hisgotan diri. Hinoon ang kabahin nga gusto nakong imong masabtan nga sila dili na pwede pang magtanum niana nga tuig. Gani, dili sila pweding magtanum sa ilang mga pananum sa ika 49 ka tuig tungod kay kini usa naman ka tuig sa igpapahulay. Mao nga gusto nako nga imong maklaro ang hulagway ug unsa ang nahitabo; Ang Israel giingnan nga dili na sila magtanum sa ika 49 ug ika 50 ka tuig. Ug sila magpaabot hangtod mahuman na ang ika 51 ka tuig, kay sa dihang magtanum sila, ang tanum kinahanglang mogulang man usa' nila kini ma-ani. Mao nga kini nagpasabot, nga adunay tulo ka tuig nga wala silay ani. Kon moingon ko sa imoha nga wala kay makuhang sweldo sulod sa tulo ka tuig, siguro murag mabalaka gyud ka. Hinoon, ang Israel nabalaka gayud, kay diha sa natural, dili kini posibli, apan ang Dios nagpaila kanila ug usa ka butang nga pinasahi.

“Ug kon daw ugaling moingon kamo, ‘Unsa may among kan-on sa ikapitong tuig kon dili kami magpugas o mag-ani sa among abot?’ Panalanginan ko kamo sa ikaunom nga tuig aron nga mohatag kini ug abot nga paigo nga kan-on ninyo sulod sa tulo ka tuig. Inigpugas ninyo sa ikawalong tuig, daan gihapon nga abot ang inyong kan-on bisan pa gani sa ikasiyam nga tuig nga mao nay inyong ipangani.’

—LEVITICUS 25:20-22

Ang adlaw sa igpapahulay mahimong posibli tungod kay ang Dios nagpanalangin sa ikaunom nga adlaw uban sa dobling abot, o subra pa. Himoa nga kana unta nga pagkasulti magtuyoktuyok kadali sa imong hunahuna. Dili ba mao man kana ang gihunahuna sa matag lalaki ug babaye, nga adunay naghingapin? Sa dihang ang Dios naghatag sa tawo ug dobling bahin sa ikaunom ka adlaw, Siya nagpahinumdom sa tawo

nga siya mao ang magtagbo sa ilang gikinahanglan, ug Siya kanunay nga mohatag ug subra pa. Ato ning tinud-on, ang naghingapin naghatag kini ug kagawasan gikan sa lumba sa kalisod. Kini magdala kanato gikan sa pagkaulipon ngadto sa adunay pagpili. Ang pinaka importante, kini maghatag kanato ug kagawasan sa pagpangita sa kauswagan nga gitinguha ug katuyoan. Mao kini ang gikalipayan ni Potiphar. Wala nay kabalaka, ang matag gikinahanglan gitagbo na, ang usa ka butang na lang nga gikinahanglan niyang tutukan mao ang iyang katuyoan. Usbon ko, ang among gisulti ni Drenda ug ako, “Hangtod nga mahanay nimo ang imong salapianong bahin, dili gayud nimo makit-an ang imong katuyoan sa kinabuhi.” Apan adunay dakong balita! Ang adlaw sa igpapahulay anaa pa gihapon hangtod karon, ug kini naghanyag ug usa ka lugar nga ang atong gikinahanglan matagbo ug kita muoswag dili kay aron mabuhi lamang.

‘Busa dunay adlaw sa pahulay alang sa katawhan sa Dios. Kay bisag kinsa nga makadawat sa kapahulayan nga gisaad sa Dios, mopahulay siya sa iyang mga buhat (ang hilabihang paghago ug sa sistema nga kinahanglang magpatulo gayud ug singot aron mabuhi) sama nga mipahulay ang Dios.’

—MGA HEBREOHANON 4:9-10

Kay ang Gingharian sa Dios mas labaw pa sa kalibutanong balaod ug hilabihang paghago ug sa pagpatulo sa singot alang ni Potiphar, ug kini mamuhat nga sama lamang diha kanimo. Samtang kita makahibalo sa pagkonektar sa Gingharian sa Dios, molambo kita ug makakaplag sa atong katuyoan diha sa Dios. Ang kinabuhi mamahimong nindot, puno sa kadasig, ug kalipay, mao nay tinood!

Ang panalangin sa Ginoo nagdala ug bahandi, ug wala kini nagdala ug kagubot.

— PANULTIHOM 10:22

Ang panalangin sa Ginoo nagdala ug mga bahandi, ug ang Dios wala magdugang ug lisod nga trabaho niini!!! Pwede tang mabuhi ibabaw sa malisod nga paghago ug sa sistema sa pagpatulo ug singot sumala sa Genesis 3:17. Nagkinabuhi ko niana nga daang sistema sa paglahutay sulod sa daghang mga tuig hangtod nga ako nakakat-on kon giunsa sa Gingharian sa Dios pagpamuhat. Ug ikaw

pwedeng makakat-on usab niana. Ang Dios uban kanimo! Pwede Siyang makatabang kanimo! Pwede kang muoswag. Akong usbon; Kinahanglan ka mouswag. Ang mga Potiphar sa kalibutan, kadtong mga wala makaila sa Dios ug nagayukbo ilalom sa tunglo ug mga walay paglaom, nagkayod ug trabaho, naningkamot nga makalahutay, sila

**HUNONG NA SA
PAGPAHIMUTANG SA
IMONG KAUGALINGON SA
TANANG PAGDUHADUHA
UG PAGKAWALAY PAGTOO
SA PALIBOT NIMO. USBA
ANG IMONG PAKIGSAAD
UG PAGLIPAY DIHA SA
GINGHARIAN SA DIOS!**

nagtan-aw. Wala sila mahingangha sa imong relihiyon, sa imong mga building sa simbahan, o diha sa imong mga bersekulo tungod kay sila nakakita nga ang imong mga panginahanglanon kagahapon wala may mga tubag. Dili nimo madahum nga ang mga tawo maminaw kanimo sa dihang imo silang sultihan kon unsa kadako ang Dios sa dihang ikaw nagpuyo gihapon sa kinabuhi nga naglisod kaayo sa salapianong bahin ug anaay mga kulang ug nagalahutay lang usab sama kanila. Dili kini

dapat, kinahanglang imong ipakita kon unsa ang Gingharian sa Dios karon sama sa panahon sa nahitabo ni Jose. Dili buot nga mosakit ug tawo, apan ang mga nga nagtan-aw dili mo mailad. Nangita sila ug tinuod nga tubag.

Wala koy tingog sa pag-impluwensiya sulod sa daghang tuig. Walay naghangyo kanako aron maana sa programa sa Telebisyon; Wala ko magdala ug simbahan nga adunay mga linibong membro. Ngano man? Tungod kay wala koy ikasulti, walay mga solusyon, walay mga tubag, walay ebedinsya nga ang Dios buhi dinhi kanako. Nagapanghulam ko ug kwarta gikan sa akong pamilya aron lang mabuhi. Ang akong sakyanan mga dauton, ang akong balay gubaon na, ug bisan pa ang akong kinabuhi usab nagkalisod gayud. Nganong dunay usa nga motoo ug maminaw kanako nga dako ang akong Dios? Tinood anaa ko sa dalan paingon sa langit, ug ang langit maoy usa ka pinakadakong butang kanako, apan ang mga tawo dili maminaw kon unsa nindot sa langit hangtod nga ikaw makapakita kon unsa ang langit samtang ikaw ania pa dinhi sa kalibutan. Paminaw, ang tanan nga akong gisulti nga

kon ang Dios usa ka Dios ug ang Iyang mga pulong tinood, nan kini mamuhat gayud. Ang atong kinabuhi kinahanglang magpakita nga lahi gayud ug aduna gyud kiniy kalahian! Kinahanglang atong kaboton kini nga henerasyon uban sa kamatuoran sa Ginghamarian. Kay ang mga Potiphar nagtan-aw.

Nganong giulohan ko kinin nga libro nga *Ang Gahum sa Pakigsaad*? Tungod kay si Potiphar nakakonektar diha sa Ginghamarian sa Dios ug nakaambit sa kapahulayan sa igpapahulay nga ang pagpasingot ug ang hilabihang paghago dili mao ang paagi sa kinabuhi, nga walay kahadlok ug ang kalinaw maoy mopatigbabaw. Kini mahitabo lamang kon ang paglahutay mapulihan sa katuyoan ug tinguha, unya ang kapobrehon lamuyon sa mga panalangin. Giunsa niya kini pagbuhat? Iyang gidala ang iyang mga problema ug kabalaka ilalom sa pagbulot-an sa Ginghamarian sa Dios. Sa yanong pagkaistorya, wala siya makamatikod niini kon unsa ang iyang gihimo, iyang gipahiluna ang iyang kaugalingon diha sa Dios. Miabot siya sa pakig-uyon ug nagpailalom sa pagbulot-an sa Ginghamarian sa Dios. Si Potiphar nagmaalamon kay iyang gibutang ang iyang buluhaton ilalom sa pagdumala ni Jose tungod kay nakita niya ang mga solusyon. Pwede pod na nimo mabuhat; Mao kana ang gibuhat namo ni Drenda, mao nga ang binaw mipakita, ang kwarta mipakita, ang mga sakyanan ug ang balay nga among gikinahanglan mipakita usab. Mao nga hatagan ko ikaw ug usa ka sugyot. Kon gusto nimo nga malipay sa tanan nga gihatag sa Dios alang kanimo, usaba ang imong pakigsaad. Hunong na sa pagpahiluna sa imong kaugalingon diha sa pagduhaduha ug pagkawalay pagtoo nga nagpalibot kanimo. Usaba ang imong pakigsaad ug paglipay diha sa Ginghamarian sa Dios!

KAPITULO 9

PAKAONA SILA!

Sa una namo nga pagkita ni Don, miabot siya sa akong opisina nga nadiskurahe kaayo ug gapos pa gyud sa utang. Mura'g walay maayo sa iyang kinabuhi niadtong panahuna. Sa dihang milingkod ko ug nakig-estorya kaniya, akong nakaplagnan nga mura'g mga tulo o upat na ka bulan nga wala na siya kabayad sa renta ug naglisod usab ug bayad sa mga bayrunon nila. Aduna pa gayuy problema sa pamilya—tungod kay ang iyang asawa napuno na sa ilang kahimtang nga kulang sa salapianong bahin ug nagsugod nang kawal ang iyang respeto kang Don kay dili man niya matagbo ang iyang panginahanglan uban sa ilang lima ka anak. Ug mao gani usab nga si Don nawad-an na pod ug respito sa iyang kaugalingon. Ug daghan kaayo siya'g mga pangutana.

Ang iyang trabaho mao ang pagmaligya ug Health insurance sa tibook Ohio, apan ang kakulang sa iyang kalampusan dali nga midala kaniya sa pagka-unlod ngadto sa dili maayong dalan sa salapianong bahin.

Apan bisan pa man sa tanang dili maayong butang nga nahitabo kang Don, nakita nako ang maayo diha kaniya. Siya andam nga mokaton ug andam motrabaho. Kana nga makusganon nga kombinasyon maoy naka pa intriga kanako nga ako siyang kuhaon nga trabahanti ug tagaan ko siya'g panahon alang sa kauswagan sa iyang kaugmaon. Sa katapusan, nahimo kining usa ka pagpamuhunan nga nagbayad ug dakong ginansiya alang kanamong duha.

Ang akong bag-o pa nga kompanya nakadaug ug usa ka byahe paingon sa Hawaii gikan sa usa sa among mga tigbaligya, ug gibati nako nga kini usa ka dakong pribilehiyo nga ipaambit kang Don ang bahin sa Gingharian sa Dios. Bisn tuod si Don usa na ka Cristohanon,

wala siyay samang pagsabot sama kanako. Ug bisan tuod daghan nang panahon nga ako naningkamot sa daghang higayon sa pagpaambit sa mga prinsipyo sa Dios, mura'g wala kaayo siya mitoo sa kon unsay akong gisulti.

Mao nga kanunay kong nangita ug higayon aron akong makuha ang pagtagad ni Don aron makatabang niya nga makaamgo nga siya usab, mamahimong molampos pinaagi sa pagkat-on kon unsa ang Gingharian sa Dios mamuhat. Apan bisan pa man niana, si Don hilabihan ang pagkadiskurahe nga naglisod siya sa pagtoo sa iyang kaugalingon ug sa pagtoo nga ang kausaban posibling mahitabo. Kabalo ko nga ang Hawaii nga byahe mao na ang akong higayon.

Mga semana bag-o mi mobiya nagestoryahanay mi kon unsay among tan-awon ug buhaton didto. Usa ka espesyal nga tinghuha ang miabot sa pagtagad ni Don nga milabaw sa ubang butang. Gusto niya nga makakuha ug usa ka Blue marlin sa usa ka nindot nga dagat sa Pacific Ocean. "Ang Hawaii maoy usa ka Blue Marlin kapital sa tibook kalibutan," ingon si Don kanako nga mahinamon kaayo. "Gusto gyud nako nga makakuha ug blue marlin kay mao na ang akong damgo." Sa usa ka higayon niana nga semana, akong nakita ang kalipay sa mga mata ni Don, usa ka butang nga nakapalipay sa iyaha, ug kabalo ko nga ang iyang pangandoy maoy moabli sa pultahan sa usa ka makagagahum nga leksyon sa iyang kinabuhi.

"Don," miingon ko, kabalo ba ka nga posibli ang makabalo, dili kay maghandom lang, apan *makabalo* nga ikaw makakuha ug usa ka blue marlin sa Hawaii pinaagi sa pagkonektar sa Gingharian sa Dios? Nalibog siya pero murag na intriga, si Don gustong mahibalo pa ug daghan, ug mipadayon ko uban sa akong pagpasabot bahin sa Gingharian sa Dios. Ug akong gikuha kini sa Marcos 11:24, nga nag-ingon, "*Busa sultihan ko kamo, nga bisan unsa ang imong pangayoon pinaagi sa pag-ampo, tuhi nga madawat ninyo kini, ug kini ma imo gayud.*" Alang kang Don, kini daw usa ka sobra ra ka maayo aron toohan. Naghatag pa ko ug dugang panahon aron tabangan siya nga makasabot pa gayud bahin sa Gingharian ug unsaon nga mabuhian ang iyang pagtoo. Ug mao kadto nga sa wala pa mi manlakaw paingon sa among byahe, siya ug ang iyang asawa mipugas sama sa kon unsay gibuhay namo sa akong asawa para sa among binaw, ug nag-ampo sa panag-uyon, ug nagtoo nga sila makadawat sa ilang blue marlin.

Sa wala madugay, si Don nagbuhat sa tanang butang nga iyang nahibaw-ang buhaton aron paghimo sa iyang bahin sa pag-ani. Naghimo siya ug mga pagsusi sa mga bakanting mga sakayan ug sa mga prisyo usab niini, ug sa katapusan nakakuha sa usa ka kapitan nga sa iyang pagbati maayo kaayo. Ug mao nga mahinamon usab kami nga moadto sa usa ka blue nga tubig sa dagat sa Hawaii. Unya miabot mi nga sayo pa, ug samtang nanakay nami sa sakayan, uban sa pagtahud misulti mi sa kapitan sa sakayan nga karong adlaw makakuha gayud mi ug blue marlin. Samtang nagdahum usab siya kanamo nga makaangkon ug malampusong adlaw sa pagpanagat sa laing dula sa pagpangisda, ang

SULTIHAN KO KAMO, NGA BISAN UNSA ANG INYONG PANGAYOON PINAAGI SA PAG-AMPO, TUOHI NGA IMO NA KINING NADAWAT, UG KINI MA IMO GAYUD.

— MARCOS 11:24

kapitan nagsulti kanamo nga ang higayon mura'g dili pabor nganhi kanamo nga makakuha ug blue marlin nianang adlaw. Kay diha sa duha ka sakayan nga ginarentahan kada adlaw sa mga duha na ka bulan ang milabay, ang iyang mga tauhan nakadala lang ug usa ra ka blue marlin, tungod kay dili paman panahon sa ting blue marlin, kay ang blue marlin dili magpundo lang nga isda sa usa ka lugar kini mag balhin balhin sa ubang dapit usab. Midumili mi nga madiskurahe, pero amoa siyang girespituhan, apan misulti gihapon mi nga makakuha gyud mi ug isa niini niadtong adlaw ug unya nagpadayon mi sa pag-andam sa among mga gamit. Human sa unom ka oras nga paglutaw-lutaw namo sa tubig, wala gayuy bisan usa nga mikubit, unya medyo nabalaka na ko ug gamay nga ang pagkawala pay kuha basin makapaluya kini sa pagtoo ni Don. Tungod sa akong pagtagad misulti ko ug usa ka pangutana ngadto kaniya. “Don,” Nagsinggit ko diha sa akong gitindugan nga tulay sa sakayan ibabaw kaniya, “Mangutana ko nimo ug usa ka pangutana. Kanus-a man nimo nadawat ang blue marlin, sa dihang kini mopakita na o kadtong nag-ampo paka?” Diha sa pagkamasaligon gayud, Si Don lig-ong mitubag, “Gary, yano lang kana. Nadawat na nako kini sa dihang ako nag-ampo pa niini.” Mahinamon ko ug masaligon kaayo sa dihang akong nadungog ang iyang tubag. Diha nako nasabtan nga si Don nagdawat diay sa akong

mga paggiya nga siryuso gayud ug determinado siya nga makakuha gayud ug isda nga blue marlin. Mga minutos ang milabay, ang bingwit ni Don misugod ug tingog samtang kini nabawog palalom ug ang mga tauhan misinggit, “Ang isda mitukob na!”

“Ayaw kaayo ug pugsa pagbira,” maoy pahimangno sa kapitan. “Kay usa kana ka dako nga isda, pero dili na blue marlin nga isda. Kay ang blue marlin nga isda magpa ibabaw man dayon na nga isda, ug mag-ambak ambak dayon diha sa hangin, pero kini nga isda nagpundo hinoon sa lalom.” Ang mga milabay nga mga minutos makapaluya samtang si Don nagpadayon sa pagpakigbisog sa isda nga unta kini magpaibabaw aron makita niya diha sa duol. Ingon nga si Don medyo gikapoy na pero ang isda misurender ra gyud sa iyang pakigbugno.

**SAMA NGA ANG HANGIN
DILI MAKITA PERO ADUNAY
MAKITA NGA EPEKTO
DIHA SA NATURAL NGA
KABUHATAN, MAO USAB NA
ANG GINGHARIAN SA DIOS
USA KA TINUOD GAYUD UG
KINI ADUNAY EPEKTO DIHA
SA NATURAL USAB NGA
KABUHATAN.**

Si Don ug ako wala na nasurprisa samtang siya nagbira sa dako ug nindot kaayo nga blue marlin, apan ang usag-usa nga anaa sa sakayan natingala.

Ang hulagway ni Don ug ang iyang isda nagpabilin diha sa akong opisina hangtod karong adlawa ingon nga usa ka testimonyo alang sa uban ug aron kini kanunay magpahinumdom kanako sa pagkatinood sa Ginghamarian sa Dios. Diha sa gawas, usa lamang kini ka isda. Apan diha kang Don, ang blue marlin nga isda dako kaayo ug kahimoan alang sa umaabot pa.

Kon ang Ginghamarian namuhat para sa blue marlin, kini siguradong mamuhat pa gayud sa tanang bahin sa iyang kinabuhi. Kay alang kang Don kini sinugdanan pa lang sa pagka-amgo niya sa kahimoan sa Ginghamarian sa Dios nga mahitabo sa iyang kinabuhi. Mobalik ta ug gamay sa mga libo na ka tuig ug magtoon kita sa kinabuhi ni Nicodemos, nga nagutana kang Jesus bahin sa Ginghamarian sa Dios. Sa kapitulo 3 sa libro ni Juan ug nagsulat kini sa tubag sa Ginoo, “*Ang hangin mohuyop sa bisan asa niya gusto, madungog nimo ang iyang tingog, pero dili nimo masulti kon diin man kini gikan o asa kini padulong. Mao usab kini sa*

matag-usa nga natawo diha sa Espiritu” (v.8). Kadtong nindot kaayo nga adlaw sa among pagsakay ni Don sa usa ka sakayan maoy nahimong maayong ehemplo bahin sa Ginghamarian sa bisan unsang panahon.

Mao nga si Don o ako sa among pagkakita sa Ginghamarian sa Dios, sigurado gayud kami nga among mabati ug makita ang mga epekto niini ingon nga ang usa ka dakong blue marlin miabot niadtong adlaw. Sama nga ang hangin dili makita apan adunay makita nga pamatood dinhi sa natural. Pinaagi sa pagkahibalo sa mga balaod nga nagdumala sa Ginghamarian sa Dios, kini adunay epekto sa atong mga kinabuhi ug kang Don niadtong adlaw.

Ok, ania ang pangutana. GSa unsang paagi nagpakita ang blue marlin? Adunay tubag niana nga pangutana. Dili lang nimo maingon nga ang Dios maoy namuhat niadto. Dili, kinahanglang atong mahibaw-an kon giunsa nato pagkahibalo nga kini nagpakita. Gikinahanglan nimo kining mahibaw-an tungod kay basin adunay adlaw nga magkinahanglan pod ka ug blue marlin o usa ka sakyanan ug mga pagkaon. Ang kamatuoran sa mao nga estorya dili na kini bahin sa pagpangisda ug sa akong estorya sa pagpangayam ug binaw. Ang estorya naghatag kini ug pagtulon-an bahin sa Ginghamarian sa Dios kon giunsa niini pagpamuhat. Adunay rason ngano nga ang blue marlin mipakita! Si Jesus naggahin ug daghang panahon sa pagtudlo sa Iyang mga tinun-an bahin sa kon giunsa pagpamuhat sa Ginghamarian sa Dios, apan dili lang sa pagsulti lamang niini. Iyang gipakita kini.

Palihog hatagi kini ug dakong pagtagad. Ang Ginghamarian dili mamuhat sama sa unsa ang ania dinhi sa kalibutan ingon nga ikaw nagtubo dinhi. Dili gayud na nimo makuha ang kinatibuk-an niini diha sa imong hunahuna lamang. Kay kini mamuhat pinaagi sa mga balaod, lahi sa balaod nga atong naandan dinhi sa kalibutan. Pero makakat-on gihapon ta niana nga mga balaod. Si Jesus migahin ug daghang mga panahon niini aron ipasundayag ug itudlo kini nga balaod sa Ginghamarian sa bisan asa Siya moadto. Usa sa akong paborito nga istorya diin si Jesus nagpaila sa nahitabo sa Ginghamarian makita sa Marcos 6. Kini usa ka ilado kaayo nga istorya sa pagpakaon ni Jesus ug 5,000 ka libo ka mga tawo pinaagi lang sa 5 ka tinapay ug duha ka isda. Bisan tuod ang istorya ako nang nadungog sa daghang panahon samtang ako nagtubo diha sa simbahan, apan walay usa nga misulti kanako giunsa paghimo ni Jesus kadto nga milagro.

‘Ug sa pagkahapon na kaayo, miduol kaniya ang iyang mga tinun-an ug miingon, “Awaaw kining dapita ug karon hapon na kaayo. Palakta na sila ngadto sa silingang mga dapit ug kabalangayan aron makapamalit sila ug makaon.”

Apan siya mitubag kanila, “Kamoy maghatag kanila ug makaon.”

Ug sila miingon kaniya, “Mangadto ba kami sa pagpalit ug balig duha ka gatos ka denario nga pan, ug among ipakaon kanila?”

Ug siya miingon kanila, “Pila ba ka buok ang inyong pan? Adtoa ug susiha ninyo.”

Ug sa nasayran na nila, sila miingon, “Lima, ug duha ka buok isda.”

Unya gisugo niya silang tanan sa pagpanglingkod nga magpundokpundok diha sa lunhawng mga balili. Sa tinag-100 ug tinag-50 sila nagpundokpundok ug nanglingkod. Ug sa nagkupot siya sa lima ka pan ug duha ka isda, miyihat siya sa langit ug nagpasalamat. Ug gipikaspikas niya ang mga pan ug gihatag ngadto sa iyang mga tinun-an aron idulot ngadto sa katawhan ug iyang gibahinbahin ang duha ka isda alang kanilang tanan. Ug nangaon silang tanan ug nangabusog. Ug ilang nahipos ang napulo ug duha ka bukag nga puno sa mga tipik sa pan ug sa isda. Ang mga nangaon sa pan mga lima ka libo ka lalaki.

— MARCOS 6:35-44

“Jesus, aduna kitay problima. Ang mga tawo gigutom na ug gawas kon sila mamiya na karon, dili sila makahimo sa pag-abot sa ilang mga panimalay kay gabii na; ug kami nabalaka kanila.” Unya unsa may gisulti ni Jesus ngadto kanila? “Uy, hala ka, bitaw no. Nalimot ko ug bantay sa oras; ato nang tapuson ang atong panagtigom karon dayon.” Apan wala Siya miingon niana, hinoon miingon Siya, “Kamo ang magpakaon kanila.” Unsa? Ang Bibliya naglista nag adunay 5,000 ka mga lalake nga atoa didto, apan kon iapil pa ug ihap ang mga babaye ug mga bata sigurado moabot gyud sila ug mga 20,000 ka mga tawo didto. Ang pagpakaon ana nga kadaghan sa mga tawo, bisan pa tuod anaa na kay pagkaon didto, usa ka dako nga trabaho, usa ka imposibli nga trabaho. Sigurado ko nga ang mga disipulo dili makatoo sa kon unsa ang gisulti ni Jesus. Ang ilang tubag sa tubag ni Jesus naghatag

ug klarong pagtulon-an sa kon unsa ang hunahuna sa mga tawo dinhi sa kalibutan. “Apan, Jesus, molabat ug walo ka bulan nga sweldo ang atong gikinahanglan. Mogasto kita ug sama niana ka dako para sa tinapay? Manglakaw paba ta unya atoang gastuhon ang kana kadako sa kwarta sa pan lamang?” Una sa tanan, bantayi kon unsa kadali nga ilang gibali dayon ang ilang problema sa pagka walay tubag dinhi sa kalibutan nga gitunglo nga sistema sa ekonomiya, grabing paghago, ug pagpatulo sa singot, mga walo ka bulan.

Usa ka adlaw niana samtang nag-ampo ko ang Dios misulti kanako nga ako adunay kalibutanong hunahuna. Nalibog ko; Unsa ang buot ipasabot niana? Aduna ba koy problema sa kaulag? Wala man, apan Iyang ginapasabot nga akong pamaagi sa panghunahuna ug sa unsang paagi ako nalimitahan tungod sa tinunglo nga sistema sa yuta nga panghunahuna nagpakita sa akong kaugmaon binasi sa akong kahimoan. Nagahimo kita niini, sama kon nagkinahanglan ta ug bag-ong balay, kita motan-aw dayon kon pila ang magasto, unya ato dayong kwentahon kon makakaya ba kita niana. Giunsa man nato na pagkwenta? Pinaagi sa paagi sa tinunglo nga sistema sa kalibutan kon unsay atong makayang buhaton. Atong lantawon, nagkwenta ko ug tag \$15 ka dolyar kada oras unya 40 ka oras kada semana suma total... “Wow, morag walay paagi nga makahimo ko sa pagpatukod niini nga balay.” Mao nga imo kining gikalimtan kay imposible man. Kon atong sukdon ang matag usa ka paagi sa kon usa ang makaya natong buhaton, DILI GAYUD kita makakontar sa pamaagi sa Ginghamarian sa Dios kay ang Dios wala man mamuhat sa ingon ana nga pamaagi. Ang Dios nagsulti kanako nga kon gusto nako nga mahilambigit sa Ginghamarian, kinahanglan kong musugod sa paghunahuna sa pang Ginghamarian nga pamaagi—ang tanan posibli!

Mao kini ang panghunahuna sa mga disipulo sa dihang sila miingon, “Mokabat kana ug walo ka bulan nga sweldo.” Sa ato pa, ang ilang buot ipasabot nga imposible kaayo nga ilang makapakaon ang mga tawo.

Akong ilustrar ang kahimtang sa mga tinun-an sa dihang miingon si Jesus, “Kamo ang mopakaon kanila.” Hunahunaa ang inyong pastor, unya miabot ka sa mga lisod nga panahon ug miabit ka ug kapakyasan tungod sa imong mga utang. Ikaw wala nakabayad sa bayronon sulod na sa tulo ka bulan ug hapit na imbarguhon ang

imong balay. Mao nga midool ka nako ug nangayo nga kon pwede tabangan ka sa simbahan aron mahaw-as sa mga bayronon. Unya sa hinay nga pagkasulti miingon ko sa imo, “Duna koy mas maayo pa nga pamaagi. Nganong dili nimo bayaran, aron wala na kay bayronon?” Mora siguro’g tan-awon ko nimo uban sa sulti nga, “Wala siguro ni siya nakasabot sa akong gisulti.” “Dili Pastor, morag sayop ang imong pagsabot sa akong gisulti. Wala lagi mi kwarta; mao nga mianhi mi sa imo. Nagkinahanglan mi sa tabang sa simbahan aron mahaw-as mi sa among bayronon.” Unya sa makausa usab, gitan-aw ko ikaw nga kalma lang kaayo ug miingon, “Dili, nakasabot ko sa imong gisulti, ug naghatag ko ug dako nga solusyon. Ikaw ang magbayad sa balay, ug wala na kay bayronon.” Sama siguto sa pinball nga makina nga nagatingog sama sa hilak, ikaw siguro maghunahuna nga ako medyo nalisoan na. Siguro, daw ingon usab niana ang gibati sa mga disipulo. “Jesus, morag dili ka man seryoso sa pagpakaon niining mga 20,000 ka mga tawo? Dili pod na posibli. Wala tay kwarta aron mabuhat kana. Ug kon maghimo ta ug plano, manarbaho ug mangita ug kwarta, maghimo og komite nga kabalo maghimo og tinapay, unya sa panahon nga kami mobalik na uban sa tinapay, ang matag-usa patay na. Bisan kon anaa nami kwarta, wala na may panahon nga amoa pa na nga mahimo.” Usahay mao kini ang atong tubag sa mga imposibling mga butang diha sa natural nga sitwasyon kon atong makita nga wala nay paagi pa nga masulbad ang gikinahanglan. Kon wala tay ikahatag, ang atong panan-awon mamatay.

Wala biya-i ni Jesus ang Iyang mga disipulo niadtong bahina nga walay tubag, ug wala pod Siya misulti sa mga disipulo nga kamoy mopakaon niini kon walay pamaagi sa pagbuhat niini. Siya gusto lang magpakita ngadto kanila sa laing sistema—nga mao ang pagpamuhat sa Gingharian. Uban sa “Unsa may anaa kanimo? Lakaw ug susiha kini.” Si Jesus miingon. Unya ang mga disipulo nahibalik ug miingon nga, “Nakita namo nga dunay lima ka tinapay ug duha ka isda.” Sa dihang ang lima ka isda ug duha ka tinapay nakita na, Si Jesus miingon sa Iyang mga tinun-an nga dad-a kini nganhi kanako. Iyang gikuha ang tinapay ug isda ug iyaha kining gipanalanginan ug gihatag ug balik ngadto sa Iyang mga tinun-an. Diha sa natural nga mga mata, walay nausab, pero diha sa espirituhanong bahin, adunay usa ka butang nga importante kaayo nga nahitabo. Usa ka butang nga maoy mahimong

yawi sa atong pagsabot bahin sa Ginghamarian. Si Jesus nagsugo nga ipanghatag ang tinapay ug isda, ug nagtan-aw sila nga natingala samtang ang tinapay ug isda midaghan atubangan sa ilang mga mata ug napakaon ang 20,000 ka mga tawo hangtod nga dili na nila mahurot ang mga salin niini. Unsa ang nahitabo? Ug giunsa kini pagkahitabo?

Aron sa pagsusi niini, kinahanglan atong balikan pagtan-aw ug seryoso natong obserbahan ang mga detalye niini nga mga panghitabo. Ang pulong “panalanginan” kini nagpasabot nga gilain o gibalaan. Mao nga atong masulti nga sa dihang misulti si Jesus diha sa pagkaon ug mi panalangin niini, ang pan ug ang isda gibalaan o gilain kini gikan sa usa ka ginghamarian ngadto sa lain. Dinhi sa kalibutan, ang pagpakaon sa 20,000 ka tawo uban sa lima ka tinapay ug duha ka isda dili posibli. Apan uban sa Ginghamarian sa Dios, ang tanang butang posibli. Gani, ang estorya wala lang nahunong dinhi. Sa wala pa sila mahuman, ang mga disipulo nakatigum ug dose pa ka bukag nga salin sa ilang gipangkaon. Kay ang lima ka tinapay ug duha ka isda nga morag dili paigo, sa pagbusog sa 20,000 ka mga tawo unya nakatigum pa ug subra sa ko unsa ang anaa sa sinugdan hangtod sa pagkahuman? Mao kana ang pamaagi sa Ginghamarian, nga magsubra pa!

Ingon nga usa ka espirituhanong scientist, sa dihang akong gitan-aw pag-ayo ang istorya, nakita nako ang managsamang pamaagi kon giunsa sa paghatag kanako sa Dios sa binaw. Kay sa akong pagka mangangayam ug binaw, ang Dios nagtudlo kanako nga una kinahanglan kong adunay igahin sa pagtanum diha sa Ginghamarian sa Dios sa kon unsay akong gikinahanglan. Mao usab kini ang gibuhat sa batang lalake diha sa iyang isda ug tinapay. Iya kining gibutang diha ilalom sa pagbulot-an sa Ginghamarian sa Dios, ug kini midaghan, aron makakaon ang 20,000 ka mga tawo nga adunay salin nga 12 ka bukag. Matikdi nga ang tinapay midaghan pod nga tinapay, ug ang isda midaghan pod nga isda. Mao kini ang nahitabo. Makatanum ko ug isda diha sa ginghamarian ug modaghan usab nga isda, apan unsa man kon nagkinahanglan ko ug isda unya wala koy isda nga ikatanum? Ang

**ANG DIOS NAGTUDLO
KANAKO NGA
MAGTANUM UNA DIHA
SA GINGHARIAN SA
DIOS UG KABAHIN SA
KON UNSAY AKONG
GIKINAHANGLAN.**

tubag—kwarta! Hinumdomi, ang kwarta mao ang sistema nga imong ikabaylo aron makuha ang imong gusto. Ikaw ug ako “naghingalan” ug kwarta kada adlaw. Atong gihinganlan kini ug gatas, balay, pan, ug bisan unsang atong gikinahanglan kada adlaw. Ang kwarta nahimong bisan unsa sa atong gikinahanglan. Mao nga sa panahon nga kita magpugas, atong mahinganlan kini sa kwarta. Imbis moadto ka sa tindahan aron mopalit ug isda aron makatanum ug isda, ato kining mahinganlan sa kwarta. Mao usab kini ang mahitabo sa imong paghatag, apan dili sa imong ikapulo, ingon nga ang Dios naghatag na niini ug pangalan. Atong makita kini sa parehong balaod sa pagpadaghan nga namuhat diha sa Lucas 5.

‘Usa ka adlaw niana, nagtindog si Jesus sa daplin sa Lanaw sa Genesaret samtang ang mga tawo nagpunsisok kaniya aron pagpamati sa pulong sa Dios. Didto sa daplin sa lanaw nakita niya ang duha ka sakayan nga gibiyaaan sa mga mangingisda kay nangwaswas man sila sa ilang mga pukot. Misakay si Jesus sa usa niining sakayan nga iya ni Simon ug gihangyo niya si Simon sa pagtulod niini ug diyutay ngadto sa tubig. Unya milingkod si Jesus sa sakayan ug gitudloan niya ang mga tawo. Sa nakahuman na siya sa pagpanudlo, giingnan niya si Simon, “Palawod kamo ug itaktak ang inyong mga pukot aron makakuha kamo.”

Si Simon mitubag, “Magtutudlo, tibuok gabii kaming nangisda ug wala gayod kami nakuha apan kay sugo man nimo, akong itaktak ang mga pukot.” Ilang gitaktak ang mga pukot ug daghan gayod kaayong isda ang ilang nakuha ug tungod niini ang ilang mga pukot hapit na magisi. Busa gikamay nila ang ilang mga kauban didto sa laing sakayan aron moduol ug motabang kanila. Nanuol ang ilang mga kauban ug ilang gipuno pag-ayo sa isda ang duha ka sakayan ug tungod niini hapit na sila malunod. ‘

—LUCAS 5:1-7

Ingon nga usa ka espirtual nga scientist, atong tan-awon pag-ayo ang maong estorya. Giunsa man sa pagpakita adtong mga isdaa? Imo ba kining nakita? Si Jesus naglakaw diha sa baybayon ug nakakita ug usa ka sakayan nga gusto Niyang gamiton aron sa pagwali sa daghang mga tawo. Nangutana siya ni Pedro, ang tag-iya sa sakayan, kon makagamit

ba siya ug si Pedro miingon, “Sigi.” Kay humana man pod sila ug gamit niini, nanagat naman pod sila tibook gabii ug wala gayuy nakuha. Pero human nga gigamit ni Jesus ang sakayan, misulti Siya kang Pedro sa pagbalik ug pangisda didto sa lawod aron makakuha. Sigurado ko nga ang sugo ni Jesus nakapakurat gayud ni Pedro, mao nga siya mitubag, “Jesus, tibook gabii kami nga nangisda ug wala gayuy nakuha.” Si Pedro usa ka hanas nga mangingisda, ug nakahibalo siya kon unsaon pagpangisda. Basi sa iyang kasinatian, ang mga isda wala didto. Mao nga sa natural wala nay rason pa nga mobalik sila’g pangisda. Ila na ganing ghipos ang ilang mga gamit ug bag-o lang nahuman bisan ang paghinlo usab sa mga pukot.

Dili ko motoo nga mabuhat to ni Pedro kon wala pa siya nakadungog sa mga usa ka oras nga wali gikan ni Jesus nga maoy nakapatandog kaniya nga wala pa sukad nahitabo sa iyang kinabuhi sa unang mga panahon. Mao nga siya miingon, “Apan tungod kay Ikaw man ang misulti, itaktak nako ang akong mga pukot.” Ug si Pedro mibalik nga adunay hilabihan ka daghang kuha nga maoy hinungdan nga hapit na mangisi ang iyang mga pukot ug ang iyang sakayan hapit na usab malunod. Ug gidali niya pagtawag ang iyang mga kauban nga anaa pa usab sa daplin, ug sila mitabang ug ang ilang mga pukot hapit usab magisi ug hapit na usab malunod ang ilang mga sakayan. Ug ang Bibliya nagsulti kon unsa ang gibati ni Pedro; nga siya natingala kaayo!

Giunsa man ni pagkahitabo? Aduna bay mga timailhan? Pwede ba natong mahibaw-an? Diha sa gamay nga kasayuran, kini mao ang gahum diha sa prinsipyo sa pakigsaad nga atong gihisgutan bag-o lang. Sa dihang si Pedro mitugot ni Jesus sa pagpagamit sa iyang sakayan sa pagpanagat, ang gingharian miusab sa iyang sakayan ug sa negosyo. Ang negosyo nga natawo ilalom sa gitunglo nga pagdumala ug miabot nga nailalom na sa pagdumala sa Gingharian sa Dios. Kay ang pagkasakop ilalom sa pagdumala sa Gingharian sa Dios, ang Dios adunay legalidad nga mohatag ug mga pulong sa kaalam ug naghatag ni Jesus ug insaktong dapit sa mga isda; “Palawod kamo.”

Mao nga atong himayhimayon kini nga hitabo. Si Jesus mihulam sa sakayan sa pangpangisda ni Pedro nga bag-o lang nakaabot gikan sa tibook gabii nga panagat pero walay kuha. Ug niini nga bahin ang sakayan miabot ilalom sa pagbulot-an sa Gingharian sa Dios. Unya si Jesus nga karon adunay kahibalo kon asa ang insaktong dapit sa mga

isda pinaagi sa Balaang Espiritu. Siya mitudlo ni Pedro gamit ang iyang sakayan sa insaktong lokasyon. Unya ang sakayan ni Pedro napuno ug mga isda, ug ang iyang mga kauban usab napuno ang ilang sakayan ug daghang kuha nga mga isda. Mao nga giunsa man ang mga isda pagkakuha? Diha sa simpleng pagkasulti, pinaagi sa diritsong sugo nga gikan sa langit. Atong atubagon kana, ang matag-usa makakuha ug isda kon siya kahibalo kon asa siya mopahiluna. Hunahunaa daw kon unsa ang among gisulti. Ang Dios nakahibalo sa tanan; Siya makatabang kanimo ug mosulti kanimo kon unsay angayan nimong buhaton.

Sa dihang si Drenda ug ako nalugmok pag-ayo ug nagsugod sa pagkat-on sa Gingharian, ang Dios usa ka gabii niana naghatag kanako ug usa ka damgo nga magsugod daw ko ug usa ka negosyo nga wala ko mahibalo-i kon unsaon pagsugod. Ug kana nga negosyo nagpadayon sulod na sa 28 ka tuig, ug mikita ug gatusan ka libo nga dolyares ingon nga limpyong kita kada tuig. Ug diha nianang 28 ka tuig, nagtugot kini kanako nga mutanum ug minilyon diha sa buluhaton ug sa pagtabang sa mga tawo. Sa unsang paagi? Nakadungog ko gikan sa langit, ug ikaw usab pwede niini! Hatagan ko ikaw ug usa ka ehemplo.

Mga lima na ka tuig ang milabay naghimo ko ug usa ka lima ka gabii nga kompiyansya bahin sa Gingharian sa Dios. Unya human sa ikaduhang gabii sa kompiyansya, usa ka tawo nga ang pangalan Chris midool kanako ug naghangyo nga ampoan ko siya. Nangutana ko kon unsay iyang gikinahanglan nga ipaampo. Unya iya kong giestoryahan sa iyang sa kinabuhi. Anaa siya sa usa ka negosyo uban sa usa ka tawo nga mikawat sa kwarta sa negosyo, nga maoy hinungdan nga kini nalugi. Anaa na siya sa iyang ikaupat nga kaminyoon, ug dili kini maayo, ug mga 40 pa ang iyang edad. Miingon siya kanako nga hilabihan niyang guola nga tungod niana mikuha siya ug usa ka pistola nga puno sa bala ug nagpadagan sa iyang sakyanan ug mihunong sa usa ka siradong gasolinahan uban sa tinguha nga patyon niya ang iyang kaugalingon.

Ug kini mga alas 3:00 na sa kaadlawon, ug unya samtang naglingkod siya uban sa pistola nga puno sa bala, ang iyang cellphone mitingog. Unya nailhan dayon niya ang numero niini. Kini mao ang iyang miaging kapuyo, unya dili siya gusto nga makig-estorya ngadto kaniya mao nga wala niya kini ginatubag, apan mibalikbalik kini ug tawag sa makadaghan. Mga ka 11 ka kabalik, si Chris midisisyon nga tubagon nalang. Ug ang unang pulong nga migawas sa baba gikan sa

iyang kanhing kapuyo mao ni, “Asa man ka karon, ug unsa may imong ginabuhat?” Sa dihang si Chris misulti kaniya, ang iyang kanhing kapuyo miingon, “Ayaw pagpalayo; moanha ko karon dayon!” Sa wala damha, ang iyang kanhing kapuyo bag-o lang mitugyan sa iyang kinabuhi diha sa Dios ug gusto nga mopaambit niini ngadto kang Chris. Katingalahan, kay iyang gibati nga kinahanglan niya dayong kab-oton si Chris sa mga alas 3:00 na sa kaadlawon, ug sa dihang si Chris wala mitubag siya nagsigi’g sulay ug tawag.

Sa dihang mipakita na ang kanhing partner ni Chris, iyang gigiyahan si Chris diha sa Ginoo, ug ang kinabuhi ni Chris grabing pagkausab. Ug ang tanang butang nagsugod nga maayo na. Unya nakakita siya ug maayo nga simbahan, ang iyang kaminyoon nagsugod ug kamaayo usab, Ug ang tanan medyo nagkamaayo gawas lang sa iyang kita sa negosyo. Si Chris walay trabaho, ug mao kana ang iyang gipangayo nga akong i-ampo ngadto kaniya. Pinaagi sa kompiyansya, akong gitudlo ang insakto gayud kon unsa ang akong gisulti kanimo pinaagi niini nga libro, kon giunsa sa Gingharian paghimo ug mga katingalahang mga butang labaw pa sa atong mga abilidad.

Nahunahuna si Chris kon unsaon sa Balaang Espiritu paggiya kanamo ug sa pagtabang usab kanamo uban sa direksyon ug mga pamaagi, ug sa kalit lang siya adunay nakita nga pamaagi. Wala na siyay lain pang mga pamaagi sa salapianong bahin. Apan kahibalo diay siya mohimo ug cheesecake. Ug ang iyang pinaka espesyal nga cake mao ang paghimo ug usa ka health-based cheesecake, nga iyang nahibal-an nga usa sa pinakalami nga iyang nahimo. Ug gani, nailhan siya sa tanan niyang mga amigo nga nagahimo ug lami kaayo nga cheesecake. Ug kanunay usab siya nga nagaadto sa mga mga tindahan nga namaligya ug pang health food, ug misulay sa pagtilaw sa ilang mga cake nga baligya ug nakita niya nga kulang ug timpla ang tanan. Si Chris wala nay laing kapili-an, ug iyang gibati nga mao na kini ang paagi nga para kaniya, ang pagpamaligya ug mga cheesecake. Sigurado gayud siya nga kon makadala siya sa iyang cheesecake didto sa maong tindahan unya matilawan nila kini, ganahan gayud silang ibaligya kini. Sigurado siya nga daghan gyud kini ug halin kay sa ilaha. Ug mao gyud to ang iyang gibuhat. Nagluto siya ug cheesecake ug iyang gidala kini sa tindahan nga wala nagpahibalo kanila. Uban sa talagsaon ug insaktong panahon, naatol pod nga ang ilang labaw o CEO sa kinatibuk-an nilang mga

tindahan sa health food mibisita sa maong dapit ug insakto gayud nga miabot si Chris. Unya ang CEO miuyon nga tilawan ang iyang cheesecake aron makahibalo siya kon unsa ang lami niini.

Ug niana usab nga gabii si Chris mibalik pag-usab human sa panagtigum aron makigsulti na usab nganhi kanako. Misulti na siya kon unsa ang iyang nahimo unya naghangyo nako ug usab nga magpaampo siya mahitungod sa kontrata uban sa mao nga tindahan sa Health food. Unya, sa pagka sunod nga adlaw si Chris anaa na usab didto, ug hilabihan kaayo niyang lipaya! Unya miingon siya nako nga ang CEO dili lang gusto nga maghimo siya ug cheesecake nga para lang sa usa nila ka tindahan kondili sa tanan nilang mga tindahan sa bisan asa nga dapit. Unya nangutana pa gyud ang CEO kon unsa pa may iyang pwedeng lutoon. Unya si Chris nakuratan kaayo! Katingalahan pod kay ang CEO miabot sa katapusang gabii sa among panagtigum, ug sa katapusan na nga bahin siya miadto sa atubangan ug mihatag sa iyang kasingkasing diha sa Ginoo ug nabawtismuhan sa Balaang Espiritu. Nakadawat ko ug sulat gikan kaniya human sa duha ka semana nga nagsulti nga gusto siyang mutanom ug usab sa Gingharian sa Dios. Ug iyang gihatag ang ikanapulo nga porsento sa iyang mga kita sa iyang kompanya alang sa among buluhaton. Ang pagtoo kinabuhi na karon. Talagsaon kaayo! Ang Dios pwede magbuhat ug pamaagi ug himoong usa ka dakong butang gikan sa wala’.

KAPITULO 10

TIGUMON, DILI PABULAON!

Nakakita kaba ug usa ka kabayo nga gikan sa layong gidaganan panahon sa ting init? Sila napuno sa singgot; usa ka klasing singgot nga nagbula ang imong makita sa kabayo. Unya imong masulti nga sila hilabihan gayud ang hago pagtrabaho. Kanunay kining ipangutana kanako, “Gary, buot ba nimo ipasabot nga dili na ko mo trabaho?” Dili, wala ko mag-ingon nga mao nay gisulti sa Pulong sa Dios. Apan adunay dakong kalahian sa kon unsa ka nga nagtrabaho. Sama pananglitan, sa estorya nga atong nabasa mahitungod kang Pedro ug sa iyang mga kauban nga nakakuha ug daghang mga isda diha sa ilang duha ka sakayan nga gani hapit na hinoon maunlod. Sila naghago sa tibook nga gabii ug wala gayuy kuha. Ug unya si Jesus miabot ug misulti kanila pinaagi sa pulong sa kahibalo kon asa nila makuha nga dapit ang daghang mga isda. Unya niadto nga mga punto, sila usab naghago pero lahi na nga klasing paghago. Sila naghago na aron madala ang mga isda nga sigurado. Apan nangisda ba sila?

Kabalo ko nga nagdula ko ug mga pulong dinhi. Migamit ta ug daghang mga pulong bahin sa pagpanagat. Usa ka babaye nanagat ingon nga usa ka kahigayunan lang. Usa ka tawo nagkoot sa iyang balsa, daw nangisda para sa iyang mga yawi. Atong ginagamit ang pulong nga pangisda sa dihang kita mag paila ug usa ka butang. Nangisda ba gyud si Pedro? Sa dihang ako milakaw aron mangayam, nasulti na nako nimo nga nakuha nako ang akong binaw sulod lang sa 40 minutos. Nangayam ba ko? Sa laing pagkasulti kon nakabalo ka kon asa ang mga isda, nangisda ba god ka? Kon nakahibalo ko nga makuha nako ang akong binaw, pangayam bana? Ako kining ginasulti aron makuha nimo ang kalahian niini. Tinood, ako naghago, pero wala ko naghago sa tibook gabii nga walay kuha. Una sa tanan, dili tungod lang kay

gikinahanglan nako sa akong kinabuhi, Naghimo ko sa paghago diha sa Gingharian ingon nga ako anaa sa trabaho ug sa katuyoan sa akong Amahan.

Ang Akong tawag Niini Pagtigum!

Sa dihang si Pedro midool ni Jesus aron mangutana kaniya kon unsaon nila pagbayad sa ilang mga buhis sumala sa Mateo 17:27b, Si Jesus misulti niining mga mosunod:

“Busa lakaw ngadto sa lanaw ug pamasol. Biraha ang unang isda nga mokubit ug sa baba niini imong makita ang usa ka salapi nga igong ibayad sa imo ug sa akong buhis alang sa Templo. Kuhaa kini ug bayri ang atong buhis”

Matikdi si Jesus nga wala mag-ingon nga, “Okey, Pedro, aduna kitay buhis nga bayran. Ingon ani na lang, adto didto sa syudad sulod sa mga tulo ka bulan, pangita’g trabaho, pagtigum ug kwarta, ug apas na lang ka sa atong grupo human ka makabayad sa imong buhis.” Wala uy, si Jesus wala misulti niana. Ngano? Kay kon mao pa si Pedro kinahanglan mobiya sa iyang katuyoan unya magsugod sa pagpangita ug kwarta ug mahibalik siya sa kalibutan nga gitunglo ang sistema sa paghunahuna. Apan, si Jesus mipadayag hinoon nganhi kanato kon giunsa sa pagpamuhat sa Gingharian sa Dios ug kon unsaon nato sa pagtrabaho samtang ania pa kita sa kalibutan. Ang tubag nga gpangita ni Pedro mao pod ang imo. Si Jesus misulti lang ni Pedro kon asa ang tubag sa ilang panginahanglan, ang pamaagi nga kinahanglan niyang buhaton aron sa pag-ani niini, ug mao gayud ang iyang gipangita. Ug ang tanang gihimo ni Pedro mao ang pag-adto ug pagtigum niini.

Samtang atong gitan-aw si Jesus uban sa iyang mga tinun-an, sila kasagaran mahingangha ug nakuratan sa dihang namuhat na ang Gingharian. Kadtong namatay ang kahoy nga gitunglo ni Jesus pinaagi sa iyang mga pulong diha sa Marcos kapitulo 11, Ang Bibliya nagsulti nga si Pedro natingala kaayo. Sa dihang si Lazaru migawas gikan sa lubnganan nga nalubong na sulod sa upat ka adlaw, sila natingala usab. Sa dihang si Pedro, si Santiago ug si Juan nakakuha adtong daghang mga isda, sila usab natingala kaayo. Ako usab ug si Drenda natingala usab, uban sa among mga baba nga ga-nganga, nga nag-ingon, “ Nakakita ka adto?” sa makanunayon sulod sa daghang mga katuigan samtang kami nag padayon sa pagkat-on ug dugang pa gayud bahin sa kong gi-unsang pagpamuhat sa

Gingharian. Samtang atong hisgutan ang bahin sa panagtigum uban sa tabang sa Balaang Espiritu, Gusto nakong estoryahan ka bahin sa Mateo kapitulo 6. Ang akong Bibliya adunay puli nga titulo ibabaw niini nga kasulatan, nga nag-ingon, “Ayaw kamo Kabalaka!” Gusto kaayo ko niana.

“Dili mahimo nga ang usa ka tawo magpaulipon sa duha ka agalon kay mahitabo gayod nga iyang dumtan ang usa ug ang usa iyang higugmaon o unongan niya ang usa ug ang usa iyang tamayon. Dili kamo makapaulipon sa Dios ug sa salapi.”

Tungod niini sultihan ko kamo: ayaw kabalaka unsay inyong kanon ug imnon aron kamo mabuhi o sa inyong ibisti. Dili ba mas bililhon pa man ang kinabuhi kay sa pagkaon ug ang lawas kay sa bisti? Tan-awa ang mga langgam: wala sila magpugas ug mag-ani aron ilang tigumon sa kamalig. Apan giatiman sila sa inyong Amahan nga atua sa langit! Dili ba mas bililhon pa man kamo kay sa mga langgam? Kinsa man kaninyo ang makadugang sa gitag-on sa inyong kinabuhi pinaagi sa pagkabalaka?

“Ug nganong mabalaka man kamo sa inyong ibisti? Tan-awa giunsa pagtubo sa mga bulak sa kaumahan. Wala sila maghago aron makabisti. Apan sultihan ko kamo nga bisan gani si Solomon nga dato kaayo walay sapot nga sama katahom sa usa niining mga bulaka. Kon gibistihan sa Dios ang mga balili nga buhi karon apan sa sunod adlaw sunogon ra, kamo pa kahay dili bistihan? Pagkagamay ninyog pagtuo!

“Busa ayaw kamo kabalaka kon asa kamog kan-on o imnon o ibisti. (Kining mga butanga maoy gitinguha kanunay sa mga dili magtutuo.) Ang inyong Amahan nga atua sa langit nasayod nga nagkinahanglan kamo niining mga butanga. Apan labaw sa tanan, paharia ninyo ang Dios ug pagkinabuhi kamo uyon sa iyang kabubut-on ug ang ubang mga butang ihatag ra niya kaninyo. Busa ayaw kabalak-i ang mosunod nga adlaw kay may kaugalingon kining suliran. Ayaw na pun-i ang suliran sa matag adlaw.”

— MATEO 6:24-34

Si Jesus miingon, dili kamo makaalagad ug duha ka agalon. Naghunahuna ka nga makahimo ka, pero dili ka makahimo niini. Imong higugmaon ang usa ug ang usa ra gayod. Akong masulti sa imo kon asa sa usa niini. Kini mao ang usa nga makatagbo sa imong mga panginahanglan. Sa dihang ang Dios namulong kanako bahin sa daang balay sa uma nga

wala gayud ko manumbaliung sa paghatag ug panahon aron makakat-on kon giunsa sa Iyang Gingharian ang pagpamuhat niini, Siya nag-ingon nga dili Siya ang akong giila nga agalon. Wala kaniya ang akong tibook nga pagsalig nga akong gialagaran ug gisaligan. Uy, gasimba man ko, manggihatagon ko, nahigugma ko sa Dios, ug nakahibalo nga moadto ko sa langit. Pero wala gyud ko naghatag ug panahon aron makakat-on gikan sa Dios sa pamaagi sa salapianong bahin ug giunsa pagpamuhat sa Iyang Gingharian.

Kay kon asa gani ang imong bahandi, atoa usab didto ang imong kasingkasing.

—LUCAS 12:34

Basaha daw sa hinayhinay, “*Kay kon asa gani ang imong bahandi, atoa usab didto ang imong kasingkasing.*” Daghan ang gusto nga balihon kana ug moingon, “Kon asa gani ang imong kasingkasing. Atoa usab didto ang imong bahandi.” Apan dili kana ang kon unsay gisulti, ug dili kana mao ang pagpamuhat niini. Kay ang mga tawo unya maghunahuna nga sila mahigugma sa Dios sa Dominggo sa buntag ug unya mao kana kon asa ang ilang bahandi. SAYOP! Ang sistema nga imong gisaligan nga makatagbo sa imong panginahanglanon mao kana kon asa ang imong bahandi.

Si Jesus miingon nga bali ang atong pagsabot niining tanan!

Ang Dios gusto nga Siya mao ang una sa atong mga kinabuhi, dili ang kwarta. Kon kwarta ang atong bahandi, mao na ang atong unahon, nga nagkinahanglan sa atong panahon, atong mga prayoridad ug paghigugma. Mao kana ang hinungdan nga si Pedro dili kinahanglan nga mobiya sa iyang buluhaton aron molakaw ug mangita’g kwarta sa dihang ang ilang bayronon sa buhis hapit na moabot. Mao kini ang hinungdan ngano nga ang Dios gusto nga bansayon kita sa pagtigum dili sa pagpabulabula lamang. Si Jesus gikinahanglang motudlo kanato sa pamaagi sa Gingharian, kon unsaon nato pagsalig sa Dios alang sa atong katubagan, aron sa ingon niini kini maghatag kanato ug kagawasan sa atong kasingkasing sa paghigugma sa Dios sa tibook gayud nga kasingkasing! Si Jesus miingon, “*Dili ba ang kinabuhi labaw pa man sa pagkaon, ug ang lawas labaw pa ug bili kay sa bisti?*” Siya nagsulti nga ang kinabuhi dili mahitungod sa pagbaton ug mga butang. Kay ang katuyoan sa kinabuhi mao nga kadtong mga butanga moalagad kanimo ug sa imong buluhaton dinhi sa kalibutan.

Apan unsa man ang atong makita? Kadaghanan sa mga tawo walay hunong ang pag-apas sa pag-alagad niadtong mga butanga. Ang mga tawo naningkamot sa pagbayad sa ilang mga prenda, sa pagbayad sa bayronon sa sakyanan, sa pagbayad sa mga bayronon sa suga, tubig, telepono ug uban pa. Si Jesus miingon dili na mao ang kinabuhi! Karon, ayaw ko ug ko balosi sa pag-ingon, “Di ba, ingon si Jesus, ang pagbaton og mga kabtangan dili maayo.” Wala uy, wala siya moingon ana.

Ingon Siya sa ika 33 nga bersekulo sa Mateo 6 nga kon unahon nimo pagpangita ang Gingharian sa Dios ug ang Iyang pagkamatarung, ang tanan niining mga butanga igadugang ra sa imong kinabuhi. Kini nagpasabot nga wala nato gipangita ang problema; kon dili ang kasingkasing. Kon ang Dios dili gusto nga kita maanaa niana nga mga butanga, giingnan na unta kita ni Jesus. Hinoon, Siya miingon nga kining mga butanga nga gitinguha sa kalibutan igadugang ra sa atong kinabuhi kon kita magkinabuhi sumala sa pamaagi sa Dios.

Sa laing pagkasulti, ang kinabuhi dili pag-alagad sa mga butang, apan ang makasubo, ang kadaghanan sa mga tawo nahimo nga sama na niana. Wala silay kapilian; sila naulipon na niana nga sistema. Imposibli ang pag-alagad sa duha ka agalon, ug ang pag-alagad sa mga butang dili kini kinabuhi. Si Jesus mipadayon sa pagpasabot nga aduna pay laing pamaagi, usa ka dapit sa salapianong kalinaw ug paghinabo maoy maghatag kanimo ug kagawasan sa kinabuhi. Ug kini gitawag ug Gingharian.

Si Jesus naghatag ug duha ka ehemplo kon sa unsa gipakasama ang Gingharian diha sa Iyang pagtudlo sa Mateo 6. Siya miingon, “*Tan-awa ang mga langgam sa kahanginan; wala sila magtanum ug mag-ani o nagtigum sa mga kamalig, apan sila gipakaon sa inyong langitnong Amahan*” (v.26).

Ang mga langgam walay kaumahan sa mga ulod!

Wala sila nagool para sa ilang kaugalingon sa pagtagbo sa adlaw-adlaw nilang gikinahanglan. Wala gayud, ang Amahan nagpakaon kanila. Ila lamang gitigum kon unsa ilang gikinahanglan kada adlaw. Nakita ba

**KON ANG KWARTA
MAO ANG IMONG
BAHANDI, MAO GAYUD
NA ANG MAUNA NGA,
NAGKINAHANGLAN
SA ATONG PANAHOON,
ATONG PRAYORIDAD,
UG PAGTAGAD.**

nimo kana? Wala sila magpasingot sa hilabihan nga paghago alang sa ilang kinabuhi. Nagtigum ra gyud sila!

Ang Mga Bulak Wala Maghago o Nagkalinyas!

“Unya nganong mabalaka man mo sa inyong isanina? Tan-awa kon giunsa sa mga kabulakan ang pagtubo diha sa kaumahan. Wala sila maghago o nagkalinyas. Apan sultihan ko kamo nga bisan pa gani si Solomon sa tanan niyang katahum wala gani nakabisti ug sama kanila.”(v.28)

Ang mga bulak wala nagsanina sa ilang kaugalingon uban sa hilabihang paghago ug pagpatulo sa singot aron kini mahitabo kanila. Wala, ang Amahan misanina kanila. Ug si Jesus mipadayon sa unahan ug misulti kanimo ug kanako sa atong tubag. Aduna pay laing paagi aron mabuhi, ang paagi sa Gingharian! Si Jesus miingon, *“Unaha ninyo pagpangita ang Iyang Gingharian ug ang Iyang pagkamatarung, ug ang tanan niini nga mga butang igahatag ra kaninyo,”* (v. 33). Unsa man ang ipasabot sa “pagpangita sa Gingharian sa Dios?” Ang buot ipasabot niini nga hibalo-a kon sa unsang paagi kini nagapamuhat! Tun-i ang mga balaod nga maoy nagdumala niini. Kat-oni kon giunsa pagpamuhat ang sistema sa Dios!

Kon ako kang pakanaugon gikan sa usa ka eroplano didto sa usa ka nasud nga wala pa nimo naadtoan sa una, ang una nimong trabahoon mao ang pagkat-on kon unsa pamaagi sa ilang gingharian; giunsa nila pagkaon, giunsa nila pagpamalit ug pagpamaligya, ug ang pagtoon sa mga balaod nga maoy nagdumala sa yuta. Sama ra usab niini ang Gingharian sa Dios, kinahanglan makakat-on ka kon giunsa sa Gingharian sa Dios pagpamuhat aron ikaw malipay sa mga benepisyo nga ikaw kabahin na niini. Nasayud ko niini sa ako mismong kasinatian nga akong nalimtan kon giunsa niini sa pagpamuhat. Ang imong tubag sayon ra kaayo. Kinahanglan ka ug pinansyal nga kabag-ohan. Sa sa ka rebosluyon, ang mga tawo nagsupak batok sa napundar na nga governo ug nagbutang ug bag-ong governo niini. Kinahanglan usab nga sama niana ang imong buhaton. Kinahanglang imong ilabay kadtong daan nga governo sa kalibutan nga adunay tinunglo nga sistema uban sa tanang kulang niini ug uban sa pagkadismaya usab ug maglipay diha sa bag-ong paagi sa pag kinabuhi—ang pagkinabuhi ilalom sa Gingharian sa Dios, uban sa bag-ong mga balaod, nga walay kulang, ug adunay hilabihan nga kalipay.

KAPITULO 11

ANG PAGLUPAD MAS SAYON PA KAY SA PAGLAKAW!

Kon imong balikan ang nangaging panahon ug gusto ka nga moadto sa New York paingon sa San Francisco, kinahanglan nga magsakay ka ug barko. Kay ang byahe didto sa Panama Canal nga karon abli na sa una moabot ug usa ka tuig ang byahe palibot sa South America. Apan karong bag-o lang, sa dihang ang Oregon Trail napahinula na, imoha na lang nang byahion sulod sa upat ka oras. Giunsa? Pinaagi sa pagkonektar sa bag-ong balaod, ang balaod sa pag pag-alsa sa hangin (*law of lift*). Kini nga balaod sa pag-alsa kanunay na ning anaa dinhi—ug ang mga langgam maoy nagagamit niini kada adlaw—apan ang mga tawo wala nakasabot niini. Sama sa natural nga balaod sa paglupad, kasagaran sa mga Cristohanon wala nakahibalo niini nga balaod sa Gingharian.

Nakakita ka na ba ug usa ka Monarch nga alibangbang? Dinhi man gud sa Ohio, panahon sa tinghulog sa mga dahon, makita nimo ang mga ginatus ka mga Monarch nga alibangbang nga manlupad paingon sa habagatan (south) panahon sa tingtugnaw. Sila mobyahe paingon sa Mexico, usa ka byahe nga mga 2,000 ka milya o mga 3,218 ka kilometro ang gilay-on. Apan mao kini ang makuha natong pagtulon-an. Wala pa sila naka adto didto sa una! Giunsa nila pagkahibalo kon unsaon pag-adto ug kanus-a man moadto didto? Kon ang Dios naghimo ug pamaagi nga ang mga Monarch nga alibangbang nakalahutay, Siya usab adunay pamaagi para kanimo. Giunsa man sa mga alibangbang paghimo niini?

Ang terminolohiya gitawag ug pagkabalhin sa dagway (Metamorphosis). Ang tinubdan nga pulong niini mao ang pulong nga “morph” nga nagpasabot sa pagka-usab. Kadaghanan sa mga tawo nahibalo nga ang Monarch wala magsugod nga nahimo dayong alibangbang. Apan hinoon, nagsugod sila una sa pagka ulod. Diha sa ilang pagka ulod, nagpuyo sila sa usa ka dahon sa tanum unya magtubo hangtod nga modako na, unya, sa dihang sila maandam na alang sa dakong kausaban. Human sa ilang pagtubo sa insaktong gidak-on, maghimo sila ug ilang sudlanan, usa ka klasing taklob nga ang ulod matabunan sa iyang kaugalingon sulod sa 7 hangtod sa 15 ka adlaw. Unya human niini, ang alibangbang mogimaw sa iyang gisudlan ug molihon na kini sa lahi nga pamaagi dili sama sa ulod pa siya. Unya mabuhi siya ug mulahutay diha sa bag-ong bahin sa iyang kinabuhi. Molupad kini! Imbis limitado lang sa usa ka sudlanan nga giputos sa dahon, karon makalupad na siya sa kon asa siya paingon nga gusto niya. Unya usa na kini ka nindot kaayo nga talan-awon uban sa grasya ug katahum niini nga dili matupngan sa ubang kabuhatan.

Ang usa sa makapahingangha nga bahin nga mahitabo mao ang iyang abilidad sa paglupad palayo gikan sa kasamok. Tan-awa, ang Monarch dili mabuhi sa hilabihang katugnaw panahon sa winter nga normal lang sa amihanan (northern) nga panahon. Pero sila mamatay niana. Apan ang Dios nangita ug pamaagi alang niini nga binuhat aron makabiya sa mao nga kalisod, pinaagi sa paglupad ug mga 2,000 ka milya o mga 3,218 ka kilometro paingon sa usa ka dapit nga wala pa sila naka adto sukad. Giunsa nila pagkahibalo sa agianan paingon didto? Giunsa nila kini paghimo? Ang pagkausab o Metamorphosis. Ug ang Bibliya usab nagasulti nga pinaagi sa sama nga hitabo makahimo ka sa paglupad ibabaw sa imong mga problema, bisan pa sa mga sitwasyon nga wala ka nahibalo kon unsay imong buhaton. Sama sa ulod nga nahimong alibangbang.

Si Steve, ang akong amigo, usa ka gabii samtang nagdrive siya sa iyang sakyanan pauli sa ilang balay nakabangga siya ug usa ka binaw. Naguba kaayo ang iyang sakyanan. Unya intawon, ang ilang van, nga mao na lang ang iyang nabilin nga sakyanan, mibuto usab ang makina human sa usa ka semana. Unya ang insurance ni Steve naghatag kaniya ug duha ka semana sa pagpagamit sa laing sakyanan nga walay bayad, pero ang van nila wala diay na kuhaan ug insurance aron unta maoy

makatabang sa pagpuli niini. Si Steve ug si Karen wala mahibalo kon unsay angay nila nga buhaton. Ang negosyo ni Steve nagkinahanglan nga aduna gyud siyay sakyanan kay anaa man siya sa pagpamaligya ug nagdrive siya kada gabii sumala sa mga tawag niini.

Dugay na silang nakahibalo sa pagtulon-an sa Gingharian ug nasayod sila nga ang Dios maoy ilang tubag. Ug niadtong higayuna, wala gayud silay kwarta nga gigunitan aron ikapalit puli sa ilang sakyanan. Mao nga kahibalo sila nga ang Dios lamang ug ang Gingharian mao ang ilang paglaom. Ang duha ka semanang libre sa abang nagkadool na nga mahuman ug wala pa gihapoy tubag alang kanila. Katingalahan kaayo, kay sa gabii nga si Steve iuli na niya ang sakyanan sa paabanganan, nakadawat siya ug usa ka tawag sa usa ka tawo nga adunay sakyanan nga gusto niyang ihatag, ug unya kay nahibalo man siya nga si Steve nagsimba sa among simbahan nga nagkinahanglan ug sakyanan. Mao nga si Steve dali nga mipasabot sa iyang sitwasyon ug miingon nga malipay siya nga mukuha sa sakyanan para sa iyang kaugalingon ug sa iyang pamilya. Usa kana ka maayong butang, pero kay si Steve aduna may unom ka mga anak, ug ang usa ka gamay nga sakyanan dili makapasulod kanilang tanan. Pero bisan pa man niana, kini nga sakyanan nga gihanyag nakapadasig na kini kanila.

Sa pagkasunod nga domingo, sila miabot ug anaa sa atubangan nanglingkod ug naghangyo kanako nga sila ampoan para sa ilang sunod nga sakyanan. Si Karen miingon, “Pastor, nagtoo mi nga makadawat mi ug usa ka Honda Odyssey nga van, pinaagi sa pagtoo, ug gusto mi nga ikaw mo uyon kanamo niini samtang kami motanum ug binhi para niini.” Unya miingon ko, “Sigi uyon kaayo ko.” Unya nag-ampo me. Dili na nako mahinumdoman kon mga pila ba to ka semana ang milabay, siguro mga tulo o upat, hangtod nga nakahapit mi sa ilang balay. Sa dihang nakahapit na mi sa ilang balay, miadto dayon mi sa ilang kusina, ug didto sa pultahan sa ilang refrigerator ang litrato sa usa ka Honda nga Odyssey. Si Karen miingon nga kada adlaw sa dihang iyang ablihan ang pultahan sa refrigerator, iyang ipandong ang iyang kamot sa litrato ug nagpasalamat sa Dios alang sa mao nga van.

Human sa mga usa ka semana, ang akong sekretarya mitawag kanako ug miingon, “Pastor, aduna tay makahinam nga tawag nga miabot karong adlaw. Usa ka tawo nga gusto nga ihatag ang iyang van sa simbahan.” Karon, walay nakahibalo kon giunsa ni Karen

ug ni Steve pagpadayag ang ilang pagtoo alang sa bag-ong van sa unsa ang klase niini nga ilang gusto. Mao nga miingon ko sa akong sekretarya, “Unsa man nga klasing van kono?” Siya miingon, “Usa kini ka Honda Odyssey.” “Unsa man ang sitwasyon niini?” ang akong sekretarya miingon, “ang tawo nga mitawag nag-ingon nga anaa pa kini sa maayong kondisyon ug wala pa kiniy mga garas ug midagan pa lang ug 70,000 ka milya o 112,654 ka kilometro. Unya miingon ko sa akong sekretarya nga, kabalo na ko kon asa na nga van paadto. Akong gisultihan si Drenda bahin niini ug naghangyo kaniya nga iyang tawagan si Karen. Sa dihang gitawagan na ni Drenda si Karen, iyang gipangutana kon kumusta na sila ug wala ba silay nakita nga kalihukan sa ilang gikinahanglan bahin sa sakyanan. Ang unang mga pulong ni Karen mao, “siguro dool nalang sa usa ka adlaw morag mahitabo na!” Si Drenda miingon, “Bitaw morag dool na ka sa kon unsa ang imong gihunahuna. Anhi diri ug kuhaa na.”

Ganahan kaayo ko ug mga istorya nga sama niana, Ikaw mao ba usab? Unya ang istorya nagpadayon samtang si Steve ug si Karen

nakabaton ug dakong pagsalig diha sa Gingharaian nga mutagbo gayud kini.

Unya sulod niadtong mga panahuna, Si Steve ug si Karen gusto nga makabalay. Kay nag-abang man lang sila sulod na sa mga pila ka tuig, ug ilang gibati nga panahon na nga sila makabaton ug balay; unya usbon ko, wala silay igong kwarta aron ibayad sa pasiunang bayad. Miadto na sila sa dili na maihap nga mga bangko aron sa pagpangutana bahin sa pagpalit ug yuta, ug kini

**DAGHANG MGA PANAHO,
ATONG GILIMITAHAN ANG
ATONG KAUGALINGON PINAAGI
SA PAGTIMBANG SA ATONG
UMAABOT SA KON UNSA ANG
ATONG GIHUNAHUNA NGA
POSIBLE. PERO DIHA SA DIOS,
ANG TANANG BUTANG POSIBLI
KON ATO LAMANG TUGUTAN ANG
PULONG SA DIOS NGA MOUSAB
SA ATONG PANGHUNAHUNA.**

pareho ra ang gikinahanglan, 50% porsyento ang kinahanglan nga imong unang ibayad. Ug niini nga punto sa bag-o pa nilang kinabuhi ingon nga pamilya, wala sila niana nga kadaghan sa kwarta sa ilang

mga kamot aron makakuha. Si Karen nadiskurahe na ug nangutana kanako bahin niini. Unya nag-uyon kami nga ang Dios maghimo ug dalan bahin niini. Mao nga sila nagsugod ug pangitag laing yuta ug mga balay.

Unya usa sa mga propidad nga nakakuha sa ilang pagtagad nga ilang nakita. Usa ka dapit nga maoy gusto nilang tukuran sa ilang balay, ug kini mopresyo lamang ug \$55,000 ka dolyares sa gidak-on nga 55 ka acres o mga 22.258 ka ektarya. Usbon ko, wala silay pagpasiuna nga bayad. Hinoon, nakadungog ko ug usa ka gamay nga bangko, apan wala kini sa among lugar, mobyahe pa ka ug mga duha ka oras paingon didto, nga modawat ug pakigsabot ingon nga kabahin sa kon unsaon nga mabayran lang ang yuta. Kini talagsaon kaayo alang sa usa ka yuta nga wala pay nagtukod ug balay. Unya ako silang gisultihan bahin niini, ug unya nakig sabot sila ug panahon aron makig-estorya sa bangko. Ang yuta mobili lang ug mga \$100,000 ka dolyares, ug ang bangko miingon nga wala sila magkinahanglan ug kwarta nga bayad pasiuna. Mao nga gipalit nila ang yuta nga walay bayad nga gihatag pasiuna ug mitukod sa ilang nindot nga balay didto sa nindot kaayo nga lugar. Kini nahitabo sa walay kwarta nga gipasiuna ug bayad. Si Steve ug si Karen mipadayon sa pag-uswag hangtod karong adlaw, sama ni Drenda ug kanako, mibuhat lang kami sa mga butang sama sa pamaagi sa Gingharian.

Aduna koy daghang mga estorya sama niana sa akong simbahan, ug ako usab nagdahum nga aduna usab ikaw sama nga klase nga estorya sa imong kinabuhi. Ang Dios makahimo ug mga katingalahan ug usahay mga talagsaong butang aron pagtagbo sa atong mga gikinahanglan. Daghang mga panahon, atong gilimitahan ang atong kaugalingon pinaagi sa pagtimbang sa atong umaabot sa kon unsa ang atong gihunahuna nga posible. Apan diha sa Dios, ang tanang butang posible kon ato lang tugutan ang Pulong sa Dios nga mousab sa pamaagi sa atong panghunahuna.

Ayaw kamo pagpahiuyon sa pamaagi sa kalibutan, kondili usba hinoon ninyo ang inyong kaugalingon pinaagi sa pagbag-o sa inyong paghunahuna, unya masuta ninyo kon unsa ang maayo ug hinagpunon ug hingpit nga kabubut-on sa Dios sa inyong kinabuhi.

—ROMA 12:2

Ingon nga usa ka magtotoo dili ta dapat makig-uyon sa pamaagi sa kalibutan. Si Pablo nagpasabot niini sa gitunglo nga kalibutan ug sa sistema sa kinabuhi, ug labaw sa tanan, kon unsaon nato sa paghunahuna. Nakahimo na ba ka ug usa ka sanina o naghimo ug usa ka butang nga gidrawing una' diha sa usa ka blue print? Kon nakahimo na ka ug wala ka ganahi, unsa may imong buhaton sa sunod kon imoha napod ning buhaton ug usab gikan sa mao gihapon nga sumbanan? Makakuha ka ug mao gihapon nga resulta. Mao nga si Pablo nagsulti nga kinahanglan mausab kita pinaagi sa pag-usab sa atong mga hunahuna; Kinahanglang usabon nato ang sumbanan sa atong kinabuhi nga naandan. Kinahanglan tang maghunahuna ug mas pinasahi kay sa kon unsa ang hunahuna sa kalibutan.

Ang pulong nga “nausab” pareho lamang sa kon unsa ang atong gihisgutan bag-o lang, “morph” ug kini nagpasabot sa kausaban. Nagkinahanglan ta ug kausaban! Kinahanglan ta maghunahuna sama sa Dios. Kinahanglan ta maghunahuna ug pang Gingharian nga mga hunahuna. Imbis nga maghunahuna gikan sa panglantaw nga ngil-ad, nagapos, paingon sa kamatayon nga sa panahon sa tingtugnaw, ulod, kinahanglan tang mosalig sa Dios pinaagi sa bag-ong pamaagi sa pagkinabuhi. Mao lamang kana ang paagi nga gikinahanglan aron makalupad ibabaw sa mga problema ug masangkap kon unsaon pagkahibalo kon unsa ang hinangpunon ug maayo nga kabobot-on sa Dios sa atong matag sitwasyon. Kay kon dili nato dawaton kana nga klasing kausaban sa panghunahuna, ang atong naandan ug karaan nga panghunahuna kanunay nga moingon, “Dili, dili ug dili ko makahimo niana. WALA, wala nako tuod makita kon unsaon nga kana mahitabo.”

Kay kinsa man ang naghunahuna nga ang usa ka ngil-ad nga ulod mamahimong makalupad uban sa grasya ug kaanindot? Kon atong basihan ang usa lamang ka ulod ug maghunahuna sa 2,000 ka milya o 3,218 ka kilometro nga kinahanglan iyang byahe-on, maglingolingo gyud ka sa imong ulo ug moingon, “IMPOSIBLE!” Apan diha sa Gingharian sa Dios, ang tanang butang posible. Tan-awa ko ninyo. Sa dihang ang akong programa sa telebisyon miabot, nagsugod kini nga gitawag ko nila ug usa ka experto sa salapianong bahin. Usahay makahinumdon ko sa akong ulod nga mga panahon ug makaingon, “Katingalahan gayud!”

Maghisgut ta ug paglupad, usa ka higayon niana si Drenda ug

ako nagsugod sa pagkat-on kon giunsa sa Gingharian pagpamuhat. Nagdesisyon ko nga gusto ko ug eroplano. Nahimo na kong piloto sa nagedad pa ko ug 19 ug kanunay na mangabang ug mga eroplano, pero wala pa gyud koy akoa nga eroplano bisan usa. Hinoon kahibalo na ka kon ngano; Wala koy igong kwarta aron moplait ug usa. Mao nga usa ka adlaw niana nagdesisyon ko nga kini daw binuang; Ug nag-ingon, ang usa ka eroplano gamay ra na diha sa Gingharian sa Dios. Nganong akoa mang limitahan ang Gingharian sa kon unsa ang akong gihunahuna nga posible para kanako? Mao nga nagsulat ko diha sa usa ka tseke, gisulat diha sa usa ka memo nga bahin, “Ang alang sa akong eroplano” (ug akong gilista ang detalye niini). Akong gipatong ang akong mga kamot niini ug gipadala ang maong tseke, uban sa pagtoo nga madawat nako ang eroplano sa dihang ako miampo niini, sumala sa Marcos 11:24.

“Busa sultihan ko kamo, nga kon unsa ang inyong pangayoon pinaagi sa pag-ampo, ug nagtoo nga imoha kining madawat, kini mama imo gayud.”

Wala abti’g usa ka bulan miadto ko sa akong doktor para sa akong regular nga check-up. Natingala kaayo ko, ug wala pod nako damha, ang doktor miingon, “Aduna ba kay nahibaw-an nga gustong mopalit ug eroplano?” Nagtoo ko nga morag kumidya lang. Pero miingon ko, “Unsang klasing eroplano?” Natingala ug naghinamhinam ko nganong insakto man sa eroplano nga akong gitooan nga akong giampo. Mao nga nangutana ko niya asa man nako ni makita, ug misulti siya nga anaa lang sa atong airport nga duol ra sa akong balay. Gusto ko nga akong ipasabot, ang akong balay nahimutang dool lang sa airport sa among lugar. Ang matag eroplano nga molupad moagi gayud tungod sa among panimalay. Makita namo ang matag usa ka eroplano nga maglupad ang moabot ug ang mogawas kada adlaw ug gani ang pultahan nga atubangan sa among balay mga usa ka milya o 1.6 ka kilometro lang ang gilay-on atbang kaayo sa tugpahanan mao nga gusto gyud ko nga unta aduna koy eroplano!

Mao nga gitawgan dayon nako ang akong amigo nga nagpiloto sa tibook niyang kinabuhi ug usa usab ka magtutudlo kon unsaon pagpalupad ug eroplano aron ubanan ko pagtan-aw sa eroplano. Samtang among gitan-aw ang eroplano, nahibalo na ko nga mao na

ni ang akong eroplano; maayo kaayo! Mao gyud, kon unsay akong gusto. Apan aduna lang koy usa ka problima, hinoon pareha ra kini nga problema nga akong giatubang sa daghang mga katuigan kon unsaon nako pagkatag-iya ug usa ka eroplano—kay wala koy kwarta para niini. Dako nga problima diba? Apan niini nga higayon dili ko padaug sa kahadlok. Kabalo ko nga mao ni ang akong eroplano; Wala lang ko kabalo kon kanus-a ipadala ang kwarta gikan sa Dios.

Mga duha ka bulan, ako ug si Drenda nangita ug kabalhinan sa

**ANG AKONG KINABUHI, NGA
KANUNAY LANG NGA ANAA
SA IGO LANG MAKALAHUTAY
UG KAHADLOK, KARON
NAUSAB NA PINAAGI SA
GINGHARIAN SA DIOS.
PINAAGI SA PAGKONEKTA SA
IYANG MGA BALAOD, AKONG
NAKAPLAGAN ANG KINABUHI
NGA WALAY LIMITASYON SA
MGA POSIBILIDAD.**

amoang opisina sa kumpanya. Kabalo mi kon asa ang lugar nga gusto namong balhinan, apan walay nagbaligya ug pwesto sa mao nga lugar; mao nga nagsugod mi ug pangita sa laing dapit usab. Nakakita mi ug mga building nga hapit na unta namo paliton, pero nabati namo ang pagbadlong diha sa espiritu nga kinahanglang magpadayon pa mi sa unahan didto sa uban pa niini. Kanunay na mi nakaadto sa lugar ug kabalo mi nga ang opisina anaa ra gyud didto nga dapit mabalhin, mao nga milaom mi

nga makakita ug bakante nga lugar. Samtang nag-ampo mi sa mao nga desisyon, usa ka adlaw niana ang akong papa mitawag kanako ug misulti niini nga mga pulong, “Kabalo ko, nga makaingon gyud ka nga kini gikan sa Dios, kay ang imong mama ug ako nagestoryahanay na, ug gusto namo nga ihatag sa imo ang building namo para sa imong opisina.” Ug ang ilang building insakto gayud sa among gitinguha aron balhinan sa among opisina. Nakuratan kaayo ko!

Aron masabtan kon unsa ang nahitabo kinahanglan ikaw makabalo nga ang akong amahan dili pa magtotoo niadtong higayuna. Grabe siya ka mayubiton sa bisan unsang panahon basta maghisgut na gani ka ug Dios. Gani, tungod sa dili maayong panghitabo nga naglikay na ko maghisgot bahin sa Dios. Mao nga nag-ampo ko nga unta ang

Dios magpadala ug laing tawo aron muwali bahin kang Krsito diha sa iyang kinabuhi. Kay kabalo ko nga dili nako siya makab-ot; kay dili siya maminaw nako. Apan ang akong amahan naluwas sa pagedad na niya ug mga 80. Katingalanahn kaayo kay naluwas siya samtang nagtan-aw sa among programa sa telebisyon kay nakita niya ang mga katingalahang mga hitabo nga gipanghimo sa Dios. Nakahatag pa siya ug tulo ka tuig ug tunga sa iyang kinabuhi ingon nga nausab na nga tawo ug anaa siya sa simbahan kanunay matag semana. Usa ka adlaw niana samtang ang iglesia human na sa simba ug mopauliay na mi, milakaw ko sa agianan. Ug nakita nako akong papa nga nakig-estorya sa usa ka tawo nga nakaila niya sulod sa usa ka tuig, usa ka membro sa simbahan. Samtang naglakaw ko paingon sa ilaha, akong nadungog kining tawhana nga nangutana sa akong amahan ngano man nga misugod na siya ug simba sa simbahan. Ug ang akong papa miingon nga nakakita siya ug daghang mga butang nga dili niya matungkad. Dalaygon ang Dios! Mao kana dapat nga mahitabo.

Pero kinahanglan tang mobalik ngadto sa usa ka tawag sa telepono bahin sa mao nga building, sa wala pa maluwas ang akong amahan. Si Drenda ug ako nakuratan kaayo nga iyang gihatag sa amoa kadto nga building. Kabalo mi nga kadto iya gyud sa Dios. Tinuod na; ug misulti mi sa among amahan sa dihang siya nagtawag nga, “Tinood kana, Dad insakto ka; kini iya sa Dios!”

Ang building nagkinahanglan pa ug dakong trabaho nga mahitabo aron mamahimo kini muhaom sa mga trabaho namo diha sa among opisina. Disyembre kadto sa dihang ang akong amahan mihatag sa mao nga building, ug kinahanglan nga muhulat pa ko sa ting pamulak aron masugdan ang pagtrabaho. Ang building gisirado panahon sa tingtugnaw nga walay pwedeng mogamit niini, ug ang akong amahan nag-ingon nga iyang gisirado ang tubig niini. Mao to ang mga butang nga nahitabo panahon sa tingtugnaw nga bulan hangtod nga milabay na ang mga usa ka semana nga mitan-aw ko sa maong eroplano. Ang akong igsoon nga lalaki mitawag kanako nga kinahanglan ko moadto sa akong building kay anaay tubig nga miagas didto sa kalsada. Ang panahon nagkaigang na ug ang akong amahan nasayop diay; kay ang tubig wala man niya nasirado panahon sa tingtugnaw. Mao nga miadto dayon ko sa maong building, ug didto sa ibabaw nga kwarto nga adunay ligoanan nag-agas diay ang tubig sulod na sa daghang

mga adlaw o semana. Mao nga ang tanang mga bongbong didto sa ubos nangahagbong..

Kabalo ko nga diha sa pagtan-aw niini mura'g dili maayo nga istorya, pero adunay wala nimo nahibaloan, ug ang akong igsoong lalaki wala pod kahibalo, nga ako nagperma na ug kasulatan nga ang tanang karaan na nga mga bongbong kuhaon sa tibook building, ug ang tanang anaa sa gawas sa mga kilid kinahanglan kuhaon usab, aron ang kumpletong pag-usab sa building mamahimong masugdan na sa mga musunod nga semana. Mao nga kadtong naguba sa tubig dili problima kay sila panguhaon man usab. Pero dakpa kon unsay nahitabo—ang akong kompanya sa insurance misulat alang kanako ug usa ka tseke bayad sa mga nangaguba niini, ug insakto gayud ang kantidad para sa akong eroplano!

Ako banang nakita? Akong nadawat ang akong eroplano ug ang akong building, ang tanan walay utang ug ang normal nga kinabuhi kon unsaon nako pagpadayon kini nahitabo ug kini drama lang ba? Oo, kaniadto! Karon sa dihang gipalupad na nako ang maong eroplano, ug sa dihang anaa nako ibabaw sa mga yutang tinamnan, napahinumdoman ako nga ang pag palupad sa maong eroplano sama sa Ginghamarian sa Dios. Ang tanang operasyon ug mga balaod nagtugot kanato sa pagpuyo sa kinabuhing anaa na sa lahi nga paagi sa pagkinabuhi. Sama sa ulod ug sa alibangbang, kadto nga ulod dili gayud makahimo ug dagan nga makaabot siya ug Mexico. Ang akong kinabuhi, nga nahimong nagapos sa paglahutay ug kahadlok, ug nga karon nausab na pinaagi sa Ginghamarian sa Dios. Pinaagi sa pagkakonekta sa mga balaod niini, nakahimo ko pagkakaplag sa kinabuhing walay limitasyon sa mga posibilidad.

Samtang akong tapuson kini nga libro, gusto ko nga magbilin alang kanimo ug usa ka bersekulo. Ug sigurado ko nga usa kini sa imong nadungog na sa daghang panahon sa imong kinabuhi. Pero akong gihunahuna nga kini modala kanimo diha sa tibook nga kahulogan sa imong kinabuhi karon.

*Duol kamo kanako, kamong tanan nga gikapuyan ug gibug-
atan, ug hatagan ko kamo ug kapahulayan. Isangon ang akong
yugo diha kaninyo ug pagtoon niini gikan kanako, kay ako malomo
ug mapaubsanon diha sa kasingkasing, ug makakaplag kamo ug*

kapahulayan diha sa inyong kalag. Kay ang Akong yugo sayon lamang ug gaan ang Akong mga palas-anon.

— MATEO 11:28-30

Si Jesus mianhi aron sa pagkuha sa atong yugo, ang hilabihang paghago ug sa singot sa kalibutan tungod sa gitunglo nga sistema, gikan kanato. Kita karon ang mokuha sa iyang yugo (nga nahuman na) aron makakaplag ta ug kapahulayan (ang ikapitong adlaw, ang tinuod nga Ipapahulay) alang sa atong mga kalag.

Makahimo ka sa pagsinati sa mga katingalahang mga butang diha sa imong kinabuhi sa dihang imong buhaton kon unsa ang gihimo ni Potiphar, nga naglihok sa kinabuhi pinaagi sa Gingharian. Paghimo ug usa ka desisyon karon nga mamahimong haom ang imong kaugalingon sumala sa mga balaod diha sa Gingharian sa Dios ug sugdi paglipay ang gahum sa pakigsaad. Sugdi na ang imong pinansyal nga kausaban karon, ilabay ang daang pamaagi sa pagkinabuhi, ang daang panggoberno, ang kalisod sa kalibutan tungod sa sistema sa pagkatinunglo sa kapobrehon, kasakitan, ug sa pagka walay paglaom. Biyai ang imong daang pamaagi sa pagka ulod ug sugod sa paglupad ginamit ang balaod sa Gingharian nga gihatag na ni Jesus kanimo. Kay usa man ka kalumulopyo niana nga Gingharian.

Aduna na kay legal nga katungod niini!

Kon nakita nimo kini nga libro nga maayo, ug determinado ka nga mahimong tinun-an sa Gingharian, gusto nako nga mo direktso ka sa GaryKeese.com. Didto makakaplag ka sa library sa mga impormasyon nga makatabang kanimo ug makatudlo kanimo diha sa Gingharian. Ako usab magdasig kanimo nga mahimong usa ka Team Revolution Partner diin aron ikaw adunay koneksyon sa mga espisyal nga mga tigum ug sa mga pagbansaybansay nga mga sesyon.

Ang kadaugan diha sa salapianong bahin nagkinahanglan kini ug duha ka kahibalo, ang espiritual ug ang yutan-on, ang naandan nga kahibalo. Alang sa kasayuran kon unsaon nga makalingkawas sa mga utang, ang pagka gawasnon sa utang nga pamaagi nga ihatag kanimo gikan sa akong kompanya. Forward Finaciak Group, pagtawag niini sa 1-800-815-0818.

Ang pagprotektar sa imong gihagoan pag-ayo nga kwarta kini usab importante sama sa kon giunsa nimo kini pagkakuha, labaw sa tanan niining mga panahon sa pinasiyal nga kalisod. Ang akong kompanya nakasentro sa pagtabang sa mga tawo nga mubutang sa dili kuyaw nga paagi. Mga kapin usa ka gatos ka milyones nga dolyares nga gipuhunan alang sa akong mga kliyente, ug wala gayuy nawad-an kanila sulod na sa kapin 15 ka tuig nga kalisod sa pinasiyal nga bahin nga nahitabo sa among nasud. Usbon ko, ang pagtawag libre kini ug ang pag tambag usab libre pod. Tawag lang alang sa dugang impormasyon sa 1-800-815-0818.

Si Drenda ug ako andam sa pagtabang sa matag-usa ug sa mga pamilya aron mamahimong modaug sila sa kinabuhi. Ug mao kana ang hinungdan nga si Drenda naghimo ug iyang kaugalingong programa sa telebisyon, nga gitawag ug *Drenda*. Kini usa ka programa nga ang tumong mao ang paghatag ug kinabuhi sa pamilya ug pagdasig sa mga kababayan-an sa tanang edad. Palihog adto sa Drenda.com alang sa dugang nga kasayuran bahin niini.

Sa katapusan, Si Drenda ug ako nag-awhag kanimo nga ikonsiderar ang pagsuporta sa mga kaiglesyahan ug mga pastor usab sa tibook kalibutan. Ang among H-3 nga proyekto sa gawas usa kini ka kinasingkasing nga pagtabang sa mga tawo diha sa praktikal nga bahin sa kinabuhi. Ang H-3 naghatag ug linibo ka mga materyales alang sa pagtudlo para sa mga pastor sa tibook kalibutan kada tuig. Kami usab nagtabang sa pagpakaon sa mga gigutom, nagsuporta sa mga magbubuhar nga nagtumbok sa pagpahunong sa pagkuha ug mga babaye aron ibaligya ug himoon nga bayranan nga mga babaye sa daghang mga kanasuran. Nagsuporta pod kami sa mga na-ilong mga bata, paghatag ug suporta sa mga pastor sa daghang mga nasud, ug nagmintinar sa balay nga alang sa mga kababayan-an dinhi sa Ohio usab. Ang among tumong mao ang pagtabang sa mga tawo sa tibook kalibutan aron makakat-on bahin sa Gingharian sa Dios ug aron makakat-on usab sa kagawasan ug pagkakontento sa kinabuhi nga ang Dios gusto nga kita maanaa tanan niini.

Daghan kaayong salamat sa pagtugot kanako nga mapaambit diha kanimo kining talagsaong istorya sa among kinabuhi. Busa karon, lakaw ug paghimo ug katingalahan usab nga istorya sa imong kinabuhi, uban sa Gingharian sa Dios.





Adto sa FLNFree.com
aron sa pagdownload
sa libreng pagpanudlo
nga gihuban sa imong
lingguwahaer

Gusto pa nimo og mga LIBRENG pagpanudlo nga gihubad sa imong lingguwah?
Adtoa ang **FLNFree.com**

IMONG PINANSYAL NGA KAUSABAN Ang Gahum sa Pakigsaad

Basaha kini nga basahon ko ikaw...

GIKAPOY NA SA IMONG KAHIMTANG SA PINANSYAL

BUOT KA NANG MAKALINGKAWAS SA UTANG

WALA MASAYUD KON ASA MAGSUGOD

WALA NAY PAGLAOM

Si Gary Keesee miagi sa samang kahimtang. Sa siyam nga mga katuigan, ang iyang kinabuhi anaa sa hilabihan nga kalisud tungod sa iyang pagkapurdoy. Ang nagpautang nanawag na, mga buhis nga wala mabayri, mga paghukom, ug ang kaulaw maoy normal niyang kinabuhi. Apan usa ka adlaw nausab king tanan sa dihang ang Dios nakigpamulong kang Gary bahin sa iyang pinansyal ug gihatag kaniya ang sikreto hinungdan nga nausab ang iyang kinabuhi sa hilabihan! Nabayaran niya ang tanang utang, nakasugod siya ug dagkong mga kompanya, ug nagpaambit sa mga yawi nga nakausab sa iyang kinabuhi pinaagi sa pagpasundayag sa telebisyon. Ang *Fixing the Money Thing*, nga nagpasundayag sa tubuok kalibotan a matag adlaw. Si Gary nagpaambit niini nga mga concepto sa ginatos na ka pagpanudlo. Mioyun siya nga adunay daghang mga prinsipyo nga kabahin sa pagpanginabuhing malampuson. Apan kon usa lang niini ang iyang ipaambit, mao kini ang iyang itudlo. Si Gary nangimbita kanimo sa pag-apil sa kausaban ug magdala ug pinasahi nga pagbag-o sa imong pinansyal pinaa sa *Ang Gahum sa Pakigsaad*.



Si Gary Keesee manunulat, mamumulong, negosyanti, eksperto sa butang pinansyal, ug usa ka pastor nga adunay kasingkasing sa pagtabang sa mga tawo nga magmalampuson sa kinabuhi, labi na sa pagtuo, pamilya, ug pinansyal. Si Gary ug ang iyang asawa nga si Drenda, nakatukod ug daghang mga malampusong negosyo, ug maoy nagtukod sa Faith Life Now, nga nagpasundayag ug duha ka programa sa telebisyon—*Fixing the Money Thing* ug *Drenda*, mga kompiresya nga gihimo sa tibuok kalibutan, ug mga praktikal nga kakuhaan. Ang mga Keesee nagpastor sa Faith Life Church duol sa Columbus, Ohio.

P. O. Box 779, New ALBANY, OH 43054
1.888.391.LIFE | garykeesee.com

